





Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAOL 1.7.402







Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.402





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.402





Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAOL 1.7.402









1. 7. 402












109

XXV  
GRAT.  
Ven.


17402

17402





G E S T A  
FRANCISCO  
MAUROCENI





**G E S T A**  
**FRANCISCI**  
**MAUROCENI**

MAURORCEM  
FRANCISCI  
GESTA





FRANCISCI  
MAUROCENI  
PELOPONNESIACI,  
Venetiarum  
PRINCIPIS  
GESTA.

SCRIPTORE  
*JOANNE GRATIANO BERGOMENSI, D.*



PATAVII,  
M. DC. XCVIII.  
Ex Typographia Seminarii.  
SUPERIORUM PERMISSU.



FRANCISCI  
MAUROROCENI  
TELOPONNESTICI  
Venerabilium  
PRINCIPIS  
CAROLI

SECRETORUM  
Johannes Baptista Broussier D.



LIBRARY

M. DE. ROYAL

IN THE UNIVERSITY OF TORONTO

1875

111  
*ILLUSTRISSIMO, ATQ; EXCELLENTISSIMO D.*

JOANNI  
DELPHINO  
Senatori Amplissimo

Joannes Gratianus F.

**O***Pera pretium duxi, Amplissime Senator ;  
in ipso epistolæ limine veniam deprecari ,  
quòd , nec dignitate tua, nec imbecillitate  
mea satis æstimata , difficillimum historiae genus his  
præsertim temporibus recolere , tibi que potissimum sa-  
crare, ausus fuerim . Quomodò enim id possum intre-  
pidus*

\*

3



pidus emittere, subiturus mentis tuae iudicium? aut unde spes notam temeritatis effugiendi, dum tantum iudicem non sortitus sum, sed elegi? Verum quia creberrima benevolentia tua erga me, ac majores meos experimenta scribenti mihi fiduciam benignitatis, clementiaeque saepius fecerunt, tandem, quamvis imperaret silentium verecundia, eò addictissimi animi studio perductus sum, ut nomini tuo exaratum opus, quale quale illud sit, nuncuparem. Impleverim ne hoc consilio observantia munus, an potius fraudarim, nec scio, nec, si sciam, dicere prodest. Illud tamen defensionis meae succurrit, indignum virtute tua libellum eo tantum nomine dicatum tibi, ut non ex ordine sensuum, aut verborum lenocinio, sed ex scriptoris mente penderetur. Nam quemmadmodum nulli unquam vitio imputatum, dum Superos coleret quoquo modo posset, ita mihi non minus honestum, pulcrumque etiam non assecuto futurum censeo, assequi voluisse. Quod si benignè, uti soles, illum excipiens, non vires meas, sed votum considerabis, in reliquis non ambigo, quin omnes de descriptione hac ita iudicaturi sint, ut nemini equius quam tibi dari potuisse fateantur. Quanta enim pars gloria eorum ad te pertinet, quae Peloponnesiacus Mau-

roce-



rocentus, arcto necessitudinis vinculo tibi conjunctus,  
fortissimique viri Patruus, ac Frater tuus in bellis e-  
gerunt. Quamvis tamen hoc titulo id tribuendum ti-  
bi non putarem, nisi tu ita viveres, ut his Majori-  
bus, hoc Fratre dignus esses. Pulcrum quidem no-  
bilitatem familia, præclara avorum gesta, insignia  
dignitatum monumenta, & alia quaque vel apud de-  
sides in pretio habita, & quibus domus tua affluit,  
recensere. Verum quis tanti generis fructus in iis,  
qui de memoria diu, optimèq; à majoribus suis admini-  
stratæ Reip. gloriantur, exemplis non insistant? Non  
est profectò cur alio ex fonte petitis decoribus nomen  
tuum exornem. Tu unus ad virtutem, ad dignita-  
tem, ad gloriam natus, tantum consilio, fide, vigi-  
lantia, toto denique dicendi, atque agendi officio in  
Rep. profecisti, quantum alii bello, atque armis emi-  
cuerunt. Prætereo præstantissimas animi virtutes,  
annos ab infantia per optimarum disciplinarum cul-  
tum transactos, & summas, quas meruisti, digni-  
tates, antequam haberes, ac deindè insignibus exem-  
plis illustrasti. Altiùs me in admirationem animi tui  
trahit mirum in excolendis literis studium, quo non  
aliud ad Reip. utilitatem aptius, amplius ad dignita-  
tem, atque ad nominis tui famam pulcrius excogita-

ri

ri potest. Tu indè consiliis diuturno labore è veterum  
sapientum monumentis expressis Remp. foves; atque  
ita annos impendis, ut vivendi munus necessitati de-  
bitum, donatum patria potiùs, ac posterorum exem-  
plo, quàm reservatum natura videatur. Hæc sunt,  
Senator optime, quæ animum meum eò impulerunt,  
ut ad te, tanquam ad optimum literarum parentem,  
confugerem. Neque expes sum nominis tui dives  
opus tutius futurum, cum & multa pluris æstimari  
soleant, quia templis sacrata. Igitur, quem tibi ve-  
nerabundus inscripsi, laborem æquo animo admitte.  
Hoc quoque in te historia argumentum erit, quod &  
exigua clementer toleraveris. Vale.

MONI-



## MONITA AD LECTOREM.

**N**isi me susceptæ rei opinio fallit, Lector erudite, prodit liber, si non dignitate styli, & venustate leporum, rerum certè scriptarum materia ornatissimus. Strenuum Fidei Propugnatorem, multis adversus Turcas expeditionibus functum hic habes; qui Venetæ Reipublicæ æternum decus, maxima barbaris detrimenta, summos sibi honorum gradus, & ad quos nemo transactis temporibus unquam ascendit, longa victoriarum serie comparavit. Equidem scio, præter historiæ fidem, quam sine ira, & studio passim servavi, multum abesse me ab iis, quæ cum ad delectationem, tum ad vitam, moresque magni Scriptores posteris tradiderunt. Quinimmò elocutionis rubigo, incompti sermones, & maximè obvia rerum similitudo, & satietas sapiùs fortassè legentis animum fatigabunt. Qua in re sicuti excusare non ausim tenuitatem ingenii, ita nec argumenti culpam silentio præterierim. Quid enim præter terrestrium præliorum, laborumque navalium exitus, quid præter expugnationes urbium, atque ejusdem semper hostis insidias suppetit? quid demùm Maurocenus, nisi bella? Aliis ex scriptoribus, quamquam neque iis rarus obretator, libero egressu cum bellicas, tum civiles administrationes componere datum. Hinc varietate legum, & populorum, regionum situ, annuis magistratibus, militum, optimatumque certaminibus lectoris mentem detinent, miraque oblectatione pascunt, ac refovent. Mihi in arcto labor. Unius quippe Ducis exitus; eadem ferè semper ratio victoriarum: & si aliquandò ad aliena, claritatis causa, transcenderim, similium causarum conjuncti eventus. Potissimum verò, quæ sub operis initium descripta sunt, excusatione digna putaverim; cum vix primordia munerum belli Maurocenus attingeret. His proxima, ob temerè violatam à Turcis



cis pacem, & modicas Christianorum vires, quas Creticum bellum exhaustit, minus fortasse præbitura voluptatis licet videantur; utilia tamen quammaximè nomini Principis erunt, cujus animum adversa magis explorarunt. Cæterum præsens scriptio duplex complectitur bellum; quorum alterum Cretæ, alterum Peloponneso extremum fuit. Quatuor in his Imperatoriæ dignitatis munera, quæ Maurocenus obiit, expressa, totidem libris continentur. Aliorum Ducum gesta, ad quæ aliquandò cursim de industria diverti, lucem historiæ impertiuntur, rerumque ordinem retegunt. Nomina urbium, regionumque, ratione diversorum temporum, appellatione diversa nuncupavi: præsertim cum pleraque ex iis aut recentè constructa, aut temporum, & bellorum injuria corrupta, vix locum, ubi antiqua illa oppida fuerunt, ostendant. Porro propria nomina virorum, dignitatum, & bellicarum administrationum, ut voces ad intelligendum commodiores essent, ad latinam formam deflexi: id tamen passim assequi studens, ne, ubi opportunitas adfuit, ab vetere, optimaque nuncupandi forma declinarem. Si verò alicui in prædicando nimius fortasse videar, nihil in his, quæ scripta sunt, ex adulatione confictum profiteor; cum ea existimatione de singulis locutus sim, in qua vel apud Venetæ rei Scriptores, vel apud illos, qui præliis interfuerunt, quisque versatur. Econtrà nemo conqueratur, quòd multa præclara fortissimorum Ducum facta à me prætermissa sint. Quippe non ea mihi mens fuit, ut universam historiam Venetam scriberem: sed Mauroceni gesta ex instituto relaturus, ea dumtaxat apposui, quæ vel ad Maurocenum ipsum, vel ad ordinem gesti ab eo belli magis spectabant; nonnullis præmissis, ne jejenum omninò lectorem dimitterem, & simul ut ostenderem, quomodò ad extremos hosce armorum conatus ventum sit. Quod reliquum, operæ pretium facturum me quammaximum credidi, dum latina lingua historiam hanc sum prosecutus. Primò namque rem dignam  
maje-

VI  
majestate Principis, externisque gentibus percommodam,  
utilissimamque existimavi. Deinde dandum locum censui  
præstantissimis Scriptoribus, qui eandem rem alio idiomate  
impensius pertractabunt. Errata, si quæ vel mea incuria,  
vel typorum culpa reperiantur, eadem benevolus Lector, ut  
spero, humaniter remitter; quorum pleraque in Libri calce di-  
ligenter indicantur: multa enim ex his maximè notatu digna  
mihi visa sunt. Cætera verò, quæ me latent, apud bonos viros  
facilem quoque veniam invenient: ii enim ferè aliorum scripta  
insectantur, quos maledicendi libido agit. Tu interim, Le-  
ctor optime, brevem hunc laborem benignè excipe; & si  
quæ fortasse te haud digna reperies, dona libenter tenuitati  
meæ. Vale.







I VI

FRANCISCI  
MAUROCENI  
PELOPONNESIACI,  
VENETIARUM PRINCIPIS,  
Gestorum  
LIBER PRIMUS.  
EPITOME.

FRANCISCUS MAUROCENUS rudimenta militiæ in Græcia suscipit; ac primò adversus Piratas pugnat. Indictò à Turcis bello Venetæ Reipublicæ, ad auxiliares Pontificis Max. copias legatur: mox sæpè in Ægeò cum hoste congressus, Quinqueremis regimine, ac Præfecti Navium munere fungitur. Motus ingens in Regia Turcarum Principis cæde sedatur. Franciscus Adriatici sinus, mòx Quinqueremium Præfecturam obit; continuòq; apud Paron Insulam hostilem classem disjicit. Ad Præfecturam classis evectus, oppidanorum motum Corcyræ componit; in Ægeò, dein apud Nicopolim, Rhodum, Chiumque hostes  
A lacef-

laceffit; vicem Imperatoris sustinet; ac denique finitimum Epidauro oppidum capit. Extincto Aloysio Mocenico Imperatore, denuò summam rerum suscipit: Æginam, Pagasamque, mox Sciatbon, Scopelum, ac finitimas insulas tentat; iisque potitur. Lazarus Mocenicus prosperè Turcarum classem provocat ad prælium. Maurocenus, consternato Epidauro, Megaram expugnat. Præfecturam Cretæ adeptus, firmat urbem; conatur pacem parare; aggeres barbarorum invadit. Debellata à Laurentio Marcello Thracum classe, suadet oppugnationem Cydonis. Tenedos, Lemnos, ac Samothracia Insula subactæ à Venetis, sequenti anno rursus occupantur à Turcis; postque multiplicem de barbaris victoriam Lazarus Mocenicus obit. Franciscus summum Classis Imperium, Parens ipse Petrus Maurocenus, Procuratoriam D. M. dignitatem consequuntur. Post subactam Chalciam naufragium classis Veneta patitur penes Carpathum. Parantem Imperatorem Cydonis obsidium, Ducum dissensio turbat. Claro, Abæaque perdomitis, hostilem classem insequitur: dein capta Torone, ac Chia arce, provocatisque in ostiis Hellesponti ad prælium barbaris, Chelidonia Media potitur. Novæ arces ad Hellespontum à Turcis extruuntur. Mabometes Byzantini navalis Præfectus in potestatem redigitur. Frustrata ventorum culpa Eubææ obsidione, Franciscus Sciatbon, mox S. Venerandæ arcem, & tria finitima oppida victor ingreditur. Prælium ejusdem cum Turcis prope Cydonem. Admotus Enandiae exercitus, falso rumore turbatur. Achmetes, Mabometis filius, in Regii Sigilli custodiam sufficitur. Maurocenus Alexandrinæ naves invadit: absolutoque Imperatorio munere, se Venetias confert.

FRAN-



**F**RANCISCUS MAUROCENUS, ob 1618  
subactam Peloponnesum, cognomento *Franciscus Maurocenus nascitur.*  
Peloponnesiacus, anno salutis millesimo, sexcentesimo, decimo octavo Venetiis ortus, Petrum Maurocenum, D. M. Procuratorem, Patrem habuit. Mater, ex ejusdem nominis familia, Maria Maurocena fuit; quæ cum memoria majorum, tum suæ virtutis splendore plurimum eminebat. Vetus in domo nobilitas; eaque ob claritatem natalium, crebras in Republica dignitates, ac cætera majestatis decora, quibus celeberrimæ quæque Patritiorum stirpes fulciuntur, insignis. Quippè usque à primordiis Venetæ Reipublicæ Maurocenorum Gentem floruisse, non unius Scriptoris monumenta testantur; cumque de eligendo primo Principe ageretur, eandem prioribus comitiis, quod pauci admodum jactant, interfuisse. Hinc auctam in hæc usque tempora generis famam magnorum virorum egregia gesta, honoresque declarant. Sive enim Imperatores exercitus, Principesque Reipublicæ, sive Episcopos, ac Purpuratos inspicias, Mauroceni passim occurrent, qui pace, belloque multum gloriæ Imperio Venetorum addiderunt. Neque ignotum longinquis nationibus familiæ nomen. Nam, præter procuratam apud externos Reges Rempublicam à Maurocenis, mulieres etiam aliquot insignibus Regiis illustres indè extitisse, Pannoniisque, ac Mysis imperitasse, legimus.

*Antiquitas Gentis Maurocena.*

A 2 Cæte-



1618 Cæterùm tres fratres Francisco fuere : inter quos obitis legationibus clarus, Michael Eques. Reliqui duo, Laurentius, ac M. Antonius ad capeffendos magistratus digressi, ambo Senatoriam, Equestrem insuper ille dignitatem, Rep. optimè administrata, meruere. *Francisci pueritia, adolescentiaque.* Franciscus verò, quem aliò fata vocabant, cum per omnem optimarum disciplinarum cultum primam ætatem transegisset, adeò annos virtute prævenit, ut, quamvis in puero, corporis, animique doctes statim explenduerint. Indè magis, magisq; per adolescentiæ gradus vigor mentis, & docilitas ad omnes ferè cum belli, tum pacis artes prodibant. Sed cum sæpè contingat, ut magna præsertim ingenia, ubi primùm in lucem exierint, præclarum quiddam de se polliceantur, adeò bellicæ rei lineamenta cæteros animi motus superare visa sunt, ut in quam cresceret indolem, & cui instituto destinaretur, vel ipsa laxamenta juventutis facilè proderent. *Studia rei militaris.* Jucunda illi omnia, quæ ad doctrinam armorum, & defendendæ Reip. curam pertinebant: maximaque de iis civibus existimatio, qui natalis soli amore non irretiti, inter pericula bellorum vitam patriæ fortiter impendissent. Hunc animum non juvenita jam validior, non ocii dulcedo, non blandimenta patriæ domus excusserunt. Ubi enim corporis robur adfuit, erumpentem impetum ingenii militarem gloriam concupientis minimè continuit. Neque huic consilio parentes adversati sunt.

sunt. Nam, sicuti mira in Franciscorum gra-  
 vitas, & parsimonia voluptatum, ita castren-  
 sem hunc motum, tanquam iudicium compositæ  
 mentis, futuræque virtutis omen excipiebant. 1618  
 Igitur vicesimum ætatis annum agens in Græ-  
 ciam profectus est: ubi rei navalis peritiam, cu-  
 jus studio præ cæteris flagrabat, adepturus, Ve-  
 netam triremim conscendit, cui Petrus Badua-  
 rius, haud vulgaris famæ dux, ad Cretensis  
 portus custodiam delectus, præerat. Non de-  
 fuere juveni, vix bellicis rudimentis imbuto,  
 honestæ artes, quibus facilè à ducibus noscere-  
 tur, captaret animos militum, omniumque stu-  
 dia in se converteret. Accurata disciplina, mens  
 erecta, ignotis quoque comis sermo, & con-  
 gressus, corporis denique decor, ac prompta  
 ministeria ipsum in dies magis commendabant,  
 eoque brevi provexere, ut non rarò fide, con-  
 silio, vigilantia etiam inter præstantissimos eni-  
 teret. Solertia ejus ætatis studia, per labores, ac  
 discrimina maritimarum rerum famam quære-  
 re, situm regionum, ac populorum mores co-  
 gnoscere, magnorum Imperatorum opera scru-  
 tari; discere demùm ab iis, quos longa experi-  
 menta erudierant, ne inops consilii quando-  
 que foret in agendo. Munerum initia, quibus  
 fortitudinis specimen exhiberet, occasio protu-  
 lit; exortoque inopinanter armorum tumultu,  
 conceptam de illo spem brevè prosperi eventus  
 probaverunt.

Vene-

1638

Militaris  
discipline  
elementa  
in Græcia  
instituta.



1638

*Rerum  
Venetarū  
status.**Piratae  
Reipubli-  
cae infesti.**Igitur, ut  
in hostes,  
decerni-  
tur.*

Veneta namque Respublica, compositis rebus Orientis, initoque cum barbaris fœdere, licet aperto bello vacaret, adeò tamen crebris suspicionibus agebatur, ut potius bellum ipsum deferbuisset, quàm cepisse pax videretur. Altior præcipuè urgebat cura arcendi à finibus Piratas, quos Amurathes IV. Turcarum Rex tunc aduersus Persas cum terrestri exercitu profectus in Ægæi maris custodiam convocaverat. Hinc non modò, quæ Venetæ ditionis in Græcia sunt, sed interiora quæque Adriatici sinus turbabantur. Nam sicuti Piratis Turcarum societate elatis ingens navium numerus, & cuncta ad præliandum opportuna, ita effrenis inerat prædandi libido, assuetum crimen barbarorum. Jamq; Veneti exturbabantur domibus, pellebantur agris, nec raptæ opes cupidini populantium satis erant. Quippè, ut quisque media pace incautus, multitudine barbarorum circumveniebatur, post enecatos ante ora parentum liberos, & contractatam filiarum pudicitiam, atrociora supplicia non effugiebat. Gliscentis in dies perniciæ ultionem non distulere Veneti Patres. Quemadmodum enim modicis viribus primos motus haud ægrè comprimi posse, ita degeneres non fore insidias aduersus latrones, & corruptores pacis, facile cuique compertum erat. Nec trepidatum, quoad fœdus, viresce Turcarum. Violatâ enim pactorum fide, quibus præcipuè, ne Piratæ in Ottomanorum portus receptarentur,



tur, cautum fuerat, absenteque cum Imperii 1638  
 robore Amurathe; satius videbatur, depelli à  
 visceribus Reipublicæ ultrò emanantem labem,  
 quàm exitiosa fœderis reverentiâ, Illyrici, at-  
 que Italiæ oras incursibus barbarorum exposi-  
 tas relinqui. Summa tunc rei navalis penes Ma-  
 rinum Capellium Classis Præfectum, specta-  
 tæque disciplinæ ducem erat; qui gnarus itine-  
 ris Piratarum, ex Supero mari prædam refe-  
 rentes deprehendere constituit. Itaque solvi ab  
 Creta classem, qua Franciscus Maurocenus  
 quoque vehebatur, eoque raptim iter verti im-  
 peravit. At prædones, qui expleturos se cupi-  
 dinem rapinarum, antequàm conatus fama e-  
 vulgaretur, speraverant, ubi irrupisse in Adria-  
 ticum Venetos, cognoverunt: instare navalem  
 pugnam suspicati, intra Aulonis portum excepti  
 sunt. Urbs est ad oram maris Jonii, inter Apol-  
 loniam, & Acroceraunia, Turcicæ ditionis; ea-  
 demque validis ubique muris permunita, præci-  
 pue quâ accessus hostilium navium ab alto pro-  
 hibetur. Profecto ad portus ostium Capellio,  
 aptius visum Piratarum egressum opperiri: ne,  
 iisdem intra sinum laceffit, indè causam ar-  
 morum, & initia aperti belli Thraces arriperent.  
 Ideò locatis circum custodiis, aliquandiù classem  
 ibidem anchoræ tenuere. Sed ubi diem ex die  
 prolatabant, cum tandem admoneretur Capel-  
 lius, validiorem barbarorum manum, properis  
 nunciis accitam, brevi Piratis auxilio venturam;  
 ne

*Marinus  
 Capellius  
 Classis  
 Præfectus  
 Piratas  
 insequi-  
 tur.*

1638 ne veluti per indaginem ab hostibus clauderetur, deductus est in consilium dimicandi. Igitur inter suos ex æquo partitus pugnae laborem, audacterq; portum ingressus, ad necessarium certamen hostes coegit. Invadentium fiduciam in ipso pugnae limine, illius triremis facinus auxit, quam Maurocenus conscenderat; hæc enim in Piratarum naves devoluta, extremos statim impetus ferro, atque igne intentavit. Testis ea acies, quænam Francisco vis mentis, ac navalis disciplinæ inessent elementa, quantumque Resp. ducem esset habitura. Non enim hic implevisse ratus prima tyrocinii munera, si impavidè tantum ora hostium sustinuisset, verum ultrò bellicæ laudis studio perductus, non quò ad pugnam firmaret animum, quærebat, sed quò ab discrimine inglorius non recederet. Gregario immixtus militi plurima edidit, eaque admiratione digna: & ni pavor Piratarum asperioris certaminis copiam abstulisset, jam satis constabat, strenuum pugnantis animum in ultima usque pericula effundi posse. At, ubi ceteri quoq; inveci sunt in barbaros, brevis admodum contentio consecuta: ii enim è singulis navigiis certatim erumpebant, effusique in littus tutiores urbis recessus sectabantur. Nec detrectavere incolæ tutandorum Piratarum curam. Immo valido tormentorum impetu nostrorum classem petentes, plures triremes disjecissent, ni ex ingenio ducis præmissæ Quinqueremes, objecta

*Prælium  
intra Au-  
lonis por-  
tum com-  
mittitur.*

*Sirenus  
dimicat  
Mauroce-  
nus.*

*Fuga Pi-  
ratarum,  
eorumque  
classis con-  
servatio.*



eta veluti mole, ictuum sævitiam interceptis- 1638  
 sent. Interim Veneti vincula præcidere, trahere  
 hostium naves, & simul, ne impunè vexarentur,  
 objectum aggerem tormentis infestare. Ut verò  
 ultioni satis indultum, ex ea pugna victores,  
 consternatis penitus Piratis, evasere. Multa inde  
 Capellii præconia in Maurocenum. Maurocen-  
nus ab Ca-  
pellio lau-  
dibus ex-  
ornatur.  
 Cum enim ille operum cuiusq; testis, subline in  
 juvene, erectumq; ingenii robur, & promptum  
 consilio, manuque animum adnotasset, latere  
 in eodem ingentem Reip. spem intellexerat. Sed  
 Franciscus ipsa dissimulatione virtutis famam  
 augens, ex æquo pericula, laudesque contemne-  
 bat. Hinc bellorum occasionibus intentus, id  
 præsertim assequi nitebatur, ut in posterum ex-  
 pectationem sui impensius adimpleret. Nec nova  
 discriminum moles multum aberat. Exasperatis  
 enim, ob illatam Piratis cædem, mentibus  
 Turcarum, ita in Remp. infremuerunt; ut, si vi-  
 res exercitus in promptu, jam furor in apertum  
 bellum exarderet. Verum, cum Amurathes, qui  
 universum copiarum robur in Persarum Re-  
 gnum invexerat, in eam belli curam penitus in-  
 cubuisset; excitata in Venetos odia nec omnino  
 repressa sunt, nec longius emanarunt. Babylo- Amura-  
thes parva-  
tus ad solu-  
tionem Pi-  
raticæ cla-  
dis, de-  
nuo com-  
ponitur.  
 ne demum armis expugnata, Byzantium rever-  
 sus est: ibique aut fessum laboribus militem o-  
 cio refecturus, aut facilius denuò sumpturus ar-  
 ma adversus Persas, nondum prorsus superiore  
 victoria profligatos, mentem à belli consiliis, 1639

B

ad



1639 ad paciscendum cum Venetis revocavit. Igitur restituta commercia, innovata fœdera, cuncta pacis sopore composita. Maurocenus verò claf-  
 sis munia pari solertiæ, ac fortitudinis fama exercens, ubique provectæ virtutis specimina præferebat; non secus, ac si sub tentoriis con-  
 fenuisset.

1645 Sed evecto, post extinctum Amurathem, ad  
*Origo belli* Regnum Hybraimo, non diù armorum studia  
*Cretici.* filuerunt. Quamvis enim, ob potio-  
 rem vitæ partem inter cruciatus carceris exactam, ad ser-  
 vitudinem magis, quàm ad Imperium natus vide-  
 retur; attamen, aut ingenitæ feritatis instinctu,  
 aut necessaria fortitudine, ne à suis ignaviæ no-  
 ta contemneretur, belli consilium amplexus, i-  
 ram gentis in Venetos licentia armorum exple-  
 re constituit. Quæsitis itaque abrogandi fœde-  
 ris causis, quibus dicendis decora ingenia non  
 defuere; Cretensis Regni occupandi cupidine  
 illectus est. Sic, cum, oppressis Piratis, vix opta-  
 tæ pacis imago Reip. affulsisset; nova discrimi-  
 na, quasi ex obruto incendio repentinæ è cine-  
 ribus flammæ, eruperunt. Sed neque more le-  
 gitimo indictum est bellum. Quippè imparatas  
*Artes Hy-* Reip. urbes tutius Rex invasurus, recentis ausi  
*braimi, ut* famam suppressere callidè adeò contendit, ut  
*belli libi-* non solum abhorrire se à discordia, sed, ut per-  
*dinem te-* petua finibus Imperii quies esset, confirmari  
*geret.* novis militum delectibus locorum præsidia,  
*Appara-* jactitaret. Nihilominus brevì mole sua, quod  
*tus ingens* strue-  
*armorum.*

struebatur, bellum se prodidit: incertisque et- 1645  
iam nunc, quò inclinarent, rebus, altius eæ so-  
licitudines Remp. tetigere. Ubi enim colligi ab  
eo exercitum, Græciæ, atque Asiæ Præfectos  
convocari, præcipuè verò Classẽm properè in-  
strui, Patres animadverterunt, non dubitavere,  
quin tantus belli apparatus triste aliquid Cretæ  
insulæ minitaretur. Idcirco data sedulò opera,  
ut ornarentur naves, maritimæ urbes commu-  
nirentur, cæterisque opportunè comparatis, ad  
commune periculum concordia propulsandum  
focii in unum convenirent. Jamque manifesta  
belli indicia erant; nec ampliùs, inhiantes rapi-  
nis Thraces, tegebant libidinem armorum. Hinc  
immittere in Venetos armatorum globos, vicos  
spoliare, rapere, incendere; atque, ubi quis pro  
custodia bonorum constitisset, apertis præliis  
congrederi. Tunc Franciscus, cui Triremis regi-  
men commissum fuerat, Melsanam, Sicilię ur-  
bem, missus, honorifica legatione ad navales  
copias, quas Innocentii X. Pont. Max. pietas in  
Christianissimæ Reip. subsidium miserat, fun-  
ctus est. Mox redditus Cretæ, quò universa  
Venetorum classis appulerat, ita se negotiis,  
quæ subindè eidem demandabantur, parem præ-  
buit, ut studia, operamque veteranorum emu-  
laretur.

At fœdum belli initium incessit. Nam primi  
impetus turbo intra Cretæ claustra tanto statim  
fragore detonuit, ut urbs, post caput Insulæ, præ-

Veneti de-  
recto bel-  
lo, nava-  
les socios  
convocant.

Mauroce-  
nus ad  
Põisicias  
Triremes  
legatur.

Cydon a  
Turcis su-  
bacta.



1645 cipua Cydon, perfractis diuturna obsidione munimentis, in Turcarum manus concefferit. Veneti indè Duces, ne, confirmato in Cretæ possessione hostium exercitu, reliqua paterent armis barbarorum, ad illud præsertim animum intenderunt, ut horum commercia intercluderent; qua in re summum conficiendi belli momentum vertebatur. Itaque cum quatuor insignis magnitudinis naves (Sulthanas barbari dicunt) omne apparatus bellici genus Cydonem delaturas, nondum à Melo insula, quæ inter Scyllæum Peloponnesi, & Dictynæum Cretæ promontorium jacet, solvisse, renunciaretur; idonea cum triremium, ac navium manu eò properatum est. Veruntamen primis motibus prodens fortuna, quem de Cretæ Insulæ disceptatione eventum datura esset; adeò Christianorum consilio adversata est, ut in exitium infelicis Regni venti, celum, homines, tota deniq; rerum natura consensisse viderentur. Vix primos in hostiles naves impetus Veneti fecerant, cum improvise ingens ventorum violentia coorta detrectantes prælium Thraces facilitate fugæ juvit.

*Motus Peloponnesi.*

*Franciscus Maurocenus, apud Melò, adversus hostiles naves pugnat.*

Aliquot nihilominus nostrorum triremes incursum effusæ, ausæ instare cedentibus: quas omnes, & celeritate irruendi, & acerrimæ pugnæ experimento, ex virtute ducis, una antecelluit. Hanc ductabat Maurocenus: qui, ut scriptum in summa puppi, IN CERTAMINE PRIMA, opere comprobaret, omnium pri-

primus hostem cominùs adortus est. Nec indè <sup>1645</sup>  
 leve discrimen fuit; quamvis barbari subtrahe-  
 re se à pugna conarentur. Nam, ubi profugien-  
 tium cursum ita Franciscus occupavit, ut ne-  
 cessarium certamen esset, ingens exorta conten-  
 tio: cùm Turcæ, & navis robore, & multitu-  
 dine pugnantium longè præstantes, vel ipsa e-  
 normis navigii mole ruinam subeuntibus mina-  
 rentur; ille nec periculi magnitudine, nec tu-  
 multu cedis retardatus, incredibili pernecitate  
 modò hoc, modò illud turritæ navis latus igne,  
 ferroque tentaret. Diù dimicatum est, & ma-  
 gna utrinque virium jactura. Quippè Thraces,  
 navi penè lacerata, haud multum à captivi-  
 tate aberant; Veneti, quamvis plurimis suorum  
 cæsis, impetum nondum remittebant. Sed, cùm  
 assiduus ventus ab oriente quasi ad constitutum <sup>Turcæ di-  
fugienti.</sup>  
 flaret; nacti demum opportunitatem barbari ad  
 Siphnum insulam ocyùs proram verterunt. Indi-  
 gnè ferens Maurocenus eripi sibi hostem, nec  
 ulterioris pugnae occasionem præberi, modò re-  
 miges cogere, hortari modò milites ad invaden-  
 dum, ipse verò ante omnes voce, atque exem-  
 plo quemq; ad victoriam incitare. Verum diù de-  
 currentem navim frustra sectatus. Tandem im-  
 par redditus cursui, cùm exitum virtus non ha-  
 beret, extrema remedia sollicitare haud potuit.  
 Barbaris longiùs ablatis, auxit tanto ardore <sup>Franciscus  
Molini</sup>  
 fortitudinis famam; nec modò militum, verum <sup>præconia  
in Mau-  
rocenum.</sup>  
 etiam Præfecti classis Francisci Molini, D. Mar-  
 ci Pro-



1645 ci Procuratoris, qui postmodum Princeps fuit,  
 laudem ita promeritus est, ut hic admoniturus  
 Senatam de Venetorum facinore, multum ope-  
 ræ, laudisque in Maurocenum contulerit. His  
 1646 artibus ad Quinqueremis regimen evectus,  
 ruentes in Cretam Turcarum triremes, haud  
 procul à Rithymna, ad prælium provocavit, ac  
 fudit. Hinc dimicandi usus artem quotidie ma-  
 gis addebat, experimentaque victoriis juvenem  
 condecorabant. Quamobrem nunc deturbandis  
 barbaris, interdum muniendæ subsidiis Cretæ,  
 destinatus, nunquam à munere sine laude recessit.

At Turcæ, adaucto in dies robore exercitus,  
 Cretæque subigendæ cupidine, frustra tentata  
 Hiera, quam Sudam vulgus nuncupat, Rithy-  
 mnam ( altera est ex Cretæ urbibus, mari ad-  
 jacens ) superiore anno Venetis eripuerunt. Ser-  
 pente hac de causa latius bello, atque efferatis  
 animis hominum, major quotidie certaminum  
 moles infurgebat: cumque hostis, expugnatis lo-  
 corum præfidiis, igne, ferroque insulam latè de-  
 popularetur, etiam ad interiora Regni penetra-  
 verat. Interea nec mari remissæ contentiones.  
 Ita subsidia, & commeatus utrinque intercipie-  
 bantur, ut nihil ab hostium insidiis invicem e-  
 vaderet. Indè non levia memoratu Mauroceni fa-  
 cinora contigerunt. Nam sub idem tempus,  
 cum Veneta Classis per Ægæum discurreret,  
 nunciantibus insularum incolis, nonaginta Tur-  
 carum annonarias naves Cretam contendentes

non

non procul à Chio detineri; sejunctus à reliqua 1647  
 Classe, statuit hostium iter prævertere. Jamque *Mauroce-*  
 voti compos redditus, in eos incidens prælium *nus, penes*  
 ceptaverat; cum Thraces properè fugam ador- *Chion, ho-*  
 nantes, Chii portum subiere. Ille intra sinum *stes adi-*  
 profugientes insecutus, eorum aliquot naves ita *git in fu-*  
 mulctavit, ut non ausi rectores aperto pelago *gam.*  
 se ampliùs committere, diù ibidem delituerint.  
 Portum egredienti alia Turcicarum navium  
 manus obvia. Quæ ubi hostilem Quinquere-  
 mim aspexit, eadem ignavia pugnam detre-  
 ctans, in sinum Chię arcis, contra Chii littora,  
 raptim confugit. Sed ipsa salutis sollicitudo  
 exitio fuit. Nam Franciscus premens terga ce-  
 dentium, atque inter arcis ictus portum irrum-  
 pens, collectos in orbem hostes diù armorum  
 furore perturbat. Tandem in densiores inve-  
 ctus, adeò tormentis primùm, mox jactis, in  
 grandinis modum, ignibus eosdem dissipat,  
 ut non portus, non arcis munimenta, non fe-  
 rox pertinacia epibatarum naves ab incendio ex-  
 emerint. Ita Turcarum commeatibus, quæ oc-  
 casio patuit, partim distractis, partim consum-  
 ptis; sociis navibus conjungitur, ad quas prope-  
 rantis in Cretam Turcicæ classis rumor paulò  
 antè pervenerat. Missi itaque exploratores, qui  
 certiora de hostium itinere, ac viribus refer-  
 rent. Interea dùm circa eam Peloponnesioram,  
 cui Nauplia imminet, Veneti immorantur, in  
 barbarorum conspectum inopinanter devenere.

Dispo-

*Intra*  
*Chię arcis*  
*portum a-*  
*liquos ho-*  
*stiles na-*  
*ves dissi-*  
*cit.*

*Classis Ve-*  
*netæ pro-*  
*pe littora*  
*Pelopon-*  
*nesi.*



1647 Disposita illicò praelii munia, atque incitati milites ad operam strenuè navandam. Nec modicum discrimen, ob parem navium multitudinem, fuisset, ni mirati Thraces, undè hostibus tantum roboris, & animorum, Naupliæ portum, antequàm propè deprehenderentur, intrassent. Ad ostia tamen sinus Veneta Classis perducta, crebris ictibus hostem evocans ad pugnam. Cunctantes Mauroceni facinus erexit; qui loci difficultate minimè detentus, ultrò acta quinquerei, diù totam hostilem classem, non injucundo spectaculo, tormentis exagitavit. Vicit tamen pervicacia barbarorum, prælium turpiter declinantium. Captum indè consilium ab Joanne Baptista Grimano, D. Marci Procuratore, qui summa cum laude Imperatorio munereungebatur, ut, qui æquo Marte deduci in certamen haud potuerant, per insidias aliquandò ad pugnandum vel inviti cogarentur. Itaque percurrentibus vario itinere ea maria Venetis, Præfecti navium vicem per aliquot menses Franciscus sustinuit; paratus ad bellum, ni casus dimicandi vota distulissent. Sed nunc ventus, interdum locorum opportunitas, ubique fortuna subsidio barbaris fuit. Ille nihilominus quietis impatiens, Naupliæ incolis tormentorum muralium vi perterrefactis, ad Hellesponti fretum vertit iter; quò sexdecim Turcarum triremes, in Aegæum erupturas, in fugam conjecit. Continuo pelagum

*Franciscus intra Naupliæ portum Thracum navigia inibat.*

*Præfecti navium vicē obit.*

gum maxima, quacunque pergeret, Turcarum <sup>1647</sup>  
clade denuò permensus, trajecit in Cretam.

Illic probatum navalibus præliis animum, non <sup>1648</sup>  
imparem terrestribus quoque, res gestæ demon-

strarunt. Strepebat ea potissimum tempestate <sup>Turcæ  
Cretā ob-  
sident.</sup>  
sub Crete mœnibus bellum: Siquidem Thraces

extructis passim aggeribus, fossisque in ingentem  
profunditatem excavatis, urbi propinquant, eò  
rem redegerant, ut inter acerrimos aggressionum  
conatus diu, noctuque certamina exarderent.

Nutavit præ cæteris salus Cretensium diurno  
quodam discrimine, cum per disiecta murorum  
irruentibus catervatim barbaris, stationes, primi-  
que ordines à mœnium custodia depellerentur.

Advolans opportunè Maurocenus ad muros cum <sup>Mauroce-  
nus repel-  
lit hostes  
à mœni-  
bus ur-  
bis.</sup>  
aliquot nobilibus viris, quos sevirior tumultus ex-  
civerat, recedentem turbam continuit. Exindè,

quà in testudinem conglobati hostes ultra pro-  
gredi nitebantur, profiliens, ut suis simili in  
periculo par animus esset, brevè in aciem cun-  
ctos redegit. Tunc, instaurato prælio, Turcæ,  
torrentis instar, qui perfractò aggere obvia  
quæque populatus, interventu montium abrum-  
pitur, paulum substitere. Mox, cum acrior in-  
staret erecta Mauroceni vocibus multitudo, fe-  
da adèò illorum cedes facta, ut non modò qui  
ruinam ascenderant, sed & qui propius accede-  
bant eodem exitio involverentur. De his Aloy-  
sius Leonardus Mocenicus, D. Marci Procura-  
tor, Imperatoriam dignitatem paulò ante conse-

C cutus,



1648 cutus, ad Senatum scripsit, tanta Mauroceni  
*Ob id lau-*  
*dibus Pa-*  
*trum ex-*  
*sollitur.* commendatione: ut non modò in Francisci lau-  
 des effunderentur Patres, sed etiam, datis ad du-  
 cem literis, honorifico testimonio eundem or-  
 narent, quod virtutis ejus illustre monumen-  
 tum extaret.

*Hybrai-*  
*mus Rex*  
*Turcarum*  
*occiditur.* Hæc Cretæ agebantur, cùm ingens seditio  
 Byzantii exorta: quam tamen Hybraimi cedes  
 brevì composuit. Jam enim, urgentibus belli  
 incommodis, plurimi Turcarum inopportune  
 violata pacis jura ab Hybraimo conquereban-  
 tur; ægroque animo ferebant, Regem incurio-  
 sum domi, bello infaustum, per omne vitiorum  
 genus Ottomanì exercitus pericula negligenter  
 spectare. Nec Rex crebris populi tumultibus  
 flectebatur, nam studiis inertibus ultrò impel-  
 lens inquietos, regiam domum ita exornare in-  
 ceperat, ut non gemmæ, aurumve in ea mira-  
 culo essent, sed insolita prorsus, & tantum ex  
 immansi sumptu pretium nacta quæreretur, ut ad  
 ea comparanda immenso fœnore cives exhauri-  
 rentur. Igitur barbari averfati Regnantis lu-  
 xum, cui cæteræ libidines cedebant, de cæde  
 ipsius cogitarunt. Hybraimo supplicio laquei,  
*Mahome-*  
*tes Filius*  
*positur*  
*Imperio.* ut mos, affecto, ejusdem Filius Mahometes,  
 sortis suæ nescius ( nondùm enim par admini-  
 strando Imperio ob ætatem erat ) ad solium e-  
 vehitur. Interim, cùm ad Regiæ primores re-  
 rum summa transiisset, hi, vel captandę glo-  
 riæ studio, vel timore licentiæ militaris, quip-  
 pè ab-

pè absente exercitu tutius imperitabant, inchoa- 1648  
 tum opus Cretæ excidio absolvere constitue-  
 runt. Igitur alii alio consilio, omnes bellum  
 moliri: Rovocatisque ob invidiam à munere,  
 quos Hybraimus terrestribus, maritimisve co-  
 piis præposuerat, novis ducibus ubique provi-  
 sum. Inter hos permulti ex proceribus spontè  
 armorum officia subeuntes, non Cretæ tantum,  
 sed & oppidis Superi Maris, ipsisque principis  
 urbis æstuariis exitium se allaturos minitantes,  
 Venetis curas auxerunt. His de causis, cum  
 summopere cordi esset Reip. ut adversus ho-  
 stium conatus seduli ingenii, exacteque disci-  
 plinæ dux deligeretur; Francisco Mauroceno 1649  
 Adriatici Sinus Custodia demandata est. Offi-  
 cium Præfecturæ, arcere à finibus Italiæ, at-  
 que Illyrici Thraces; Piratas cohibere, ne in  
 Reip. atque Ecclesiæ bona manus inferant; cu-  
 rare demum, ne ab hostium navibus, quas  
 prædandi libido allicit, Christianorum com-  
 mercia distrahantur. Hinc novi muneris occa-  
 sio eximias Mauroceno peperit laudes. Cum e-  
 nim in propellendis Turcarum motibus strenuè  
 desudaret, non modò optimè se de Rep. meri-  
 tum civem accurato tutandorum finium stu-  
 dio præbuit; verum etiam longè à Piceno, fi-  
 nitimisque regionibus, barbaros exturbare ad-  
 nixus est. At, cum dejecti, ob rei difficultatem,  
 à prioribus consiliis Turcæ præcipua navalis  
 exercitus vi Ægæum mare infestarent, fatius ei

1649  
 Mauroce-  
 nus Præ-  
 fecturam  
 Sinus A-  
 driatici  
 suscipit.

C 2 quo-



1649 quoque visum intra Mediterraneum, Ægæumque cum classe detineri, ut cum firmandæ subsidiis Cretæ, tum debellandis barbaris præsto esset. Neque inutile consilium, dummodò navale discrimen Turcæ non detrectassent. Bis ad pugnam provocati, totidem vecordiam fuga confidentes, in latebras se recepere.

1650 His fortiter mari, terraque gestis, salutis anno millesimo, sexcentesimo, quinquagesimo *Præfectus Quinqueremium* Præfecturam Maurocenus adipiscitur. Tunc cupidum navandæ rei animum altius erigens, ubi annona, armis, ac remige traditam sibi classem instruxit, per Ægæum discurrere, explorare insulas, onerarias hostium vi capere, eam demum belli rationem sectari, ut collatæ in se Præfecturæ Patres minime peniteret. Verum neque Thraces per inutiles cunctationes tempus conterebant. Quippè inopinanter adoriri Cretam molientes, instaurata præter omnium spem, auctaque celerissime classe, intempesta adhuc hyeme trajicere ad extremam urbi vim inferendam decreverant.

*Nicolaus Archipirata sceleratus.*

Auctor consilii Archipirata quidam, Nicolaus nomine, Natalis Foro-Julienensis filius; qui ob proditum impio scelere Principem, ejurataque sacra Christianorum, ad summam Navium Præfecturam evectus, maximam de se expectationem Byzantii excitaverat. Adeò sæpè apud immanes barbaros nefaria religionis abdicatio plus habet opinionis, quàm inter crebra discrimina

mina praeliorum elaborata prudentum consilia. 1650

Is, cum pars Venetæ classis abesset, quam navium reficiendarum gratia patrii portus exceperant, ubi se haud difficilè metiri maria posse animadvertit: magni facinoris ducein se exhibuit contra Fideles; ratus, summum flagitium, cui cum periculo accingebatur, ingenti cum gloria, præmioque se mox perfecturum. Itaque ostentans, quantum emolumenti matura profectio esset allatura, atque una edocens barbaros extruendarum navium artem, qua longè Thracæ Veneti antecellunt, brevè omnes in hujusmodi sententiam pertraxit. Redactis igitur in unum LXVI. triremibus, XXV. Navibus, ac VI. Quinqueremibus, quas minorum navigiorum ingens numerus in varios usus sequebatur; in modum triumphantis meditatum iter exorsus est. Chium profectus, sexdecimque navibus, quas Asiæ, Græciæque Præfecti collegerant, accitis, tutiorem, qua elabi ab hostibus posset, viam sectabatur. Inter hæc Maurocenus, adjunctis reliquæ Classi Quinqueremibus, apud Cytheram insulam, quæ inter Cretam, Peloponnesumque sita est, cum summo maritimarum, ac terrestrium copiarum Imperatore Aloysio Mocenico detinebatur; à quo virtutis, gloriæque socius, vocatus fuerat. Locum præcipuè elegerant, cum ad excipiendas ab Italia copias, tum ad hostium iter præpediendum aptiorem. Verùm, cum, trahente fato,

pau-

1651

Motus  
Classis  
Thraciæ.

Veneti  
juxta Cy-  
theram con-  
veniunt;  
Aloysio  
Mocenico  
Imperato-  
re.



1651 paulum indè navigia dimovissent, in hostilem  
*In hostem*  
*incurrunt.* classẽ omninò validiorem, quàm antea con-  
 jectaverant, inopinanter inciderunt. Subitum  
 discrimen impari virium apparatu adiri, ferè  
 nemo erat inter duces, qui tutum censeret. Nam  
 nostrorum classis XXIV. tantum triremibus,  
 XXVII. navibus, ac VI. quinquereuib; con-  
 stabat. Idcirco Imperator ultrò provehebatur,  
 intentus, ne barbaros provocaret, neu barbaris  
 certamen detrectare videretur. At Deus, secun-  
 dum jus, & fas victoriam daturus, Venetis a-  
 nimos quoque addidit ad pugnandum. Exindè  
 repentè omnes ita erecti sunt, ut tantum virtu-  
 te barbaros, quantum hi Venetos navium,  
 & numero, & robore, superarent. Nihilo  
 tamen minùs Turcarum Præfectus, cui statuti  
 præcipua itineris cura erat, transitum sedulò,  
 non bellum adornabat: biduumque circa Æ-  
 gæi insulas actus, tandem occupatus à Venetis  
 inter Cycladas Paron, & Naxon, invitus ad ne-  
 cessitatem pugnae pertractus est. Die tamen in-  
 clinante, cum prælio locus non esset, in proxi-  
 mam lucem dilata contentio. Summo itaque  
*Classium*  
*ordo, &*  
*pugna.* mane supra Paron utraque classis in conspectu  
 fuit. Turcæ utrinque cornua curvaverant: Ve-  
 neti tripartita acie procedebant. Tunc ex Mau-  
 rocenis ordine Quinquereuib; duæ, quibus A-  
 loysius Thomas, & Lazarus, Mocenici præe-  
 rant, primè omnium pugnam audacter conse-  
 runt. Multæ post has, quæ partim ex Im-  
 pera-

peratoris, ac Præfecti classis Marci Molini, 1651  
 partim ex Josephi Delphini Navium Præfecti,  
 ac alterius ejusdem nominis Francisci Mauro-  
 ceni, Adriatici Sinus Præfecturam gerentis,  
 acie erant, paribus votis hostem invadunt. Sed  
 barbari, ingenti clamore sublato, quem ma-  
 gnus tubarum, ac tympanorum strepitus adju-  
 vabat, necessitatem in audaciam vertentes, non  
 minore vi in objectas naves feruntur. Inter hos  
 Præfectus ipse sex triremium ope suffultus,  
 cum Lazari Mocenici Quinqueremi congres-  
 sus, diù cum eodem luctatus ancipiti Marte.  
 Quæ prope illum navigia erant, alteram A-  
 loysii Thomæ Mocenici Quinqueremim in præ-  
 lium excepere. Sed dispar Ducum fortuna fuit.  
 Quippè Lazarus, quamvis atroci vulnere con-  
 flictatus, undique circumveniretur, ita hostem  
 sustinuit, ut demùm undique quassatum in fu-  
 gam conjecerit. Aloysius verò, dùm post diu-  
 turni certaminis laborem, occupans Thracum  
 conatus, asperiores pugnam molitur; plum-  
 bea glande trajectus, victoriæ suæ non super-  
 fuit. Ducis nex barbaros rursus erexerat.  
 Exindè navigio propius succedentes, undiq; ei-  
 dem servitutem intentabant. Nec inani cœpto,  
 ni opportuna ope fessis militibus Præfectus  
 Quinqueremium Maurocenus subvenisset. Hic  
 namque Turcas à tergo adortus, post breve  
 certamen, consternatos inde submovit.

Lazarus  
Mocenici  
vultus.

Aloysius  
Thomas  
Mocenici  
occiditur.

Arox  
Mauroce-  
ni pugna  
cum Ar-  
chipirate  
navi.

Jamque classes undique concurrerant, per-  
 mix-



1651 mixtæque triremibus naves, ut cuique hostis obversabatur, confligebant: cum acrius ea parte discrimen exortum, qua Mauroceni Quinqueremis Prætoriae Turcarum navi ( hac Archipirata vehebatur ) sese objecit. Ubi namque spes victoriæ ipsius animum accendit, strenuè circumstantium triremium milites hortatus, ut gloriam simul, prædamq; ob oculos haberent, in hostem haud cunctanter inVectus est. Clangor tubarum, ac tormentorum fragor, dimicantium mentes ita incitaverant, ut nullum extremæ fortitudinis intentatum opus reliquerint. Exindè varia fortuna multiplicem pugne faciem exhibebat. Acuebat Venetos victoriæ magnitudo: barbaros impellebat desperatio. Utrifq; versa in rabiem fides, & mutuis cædibus pensata molimina. Sed, cum plures horas præliantium æstus absumpsisset, ægrè passus Maurocenus longiùs differri conflictus eventum, Turcarum navi propiùs accessit, ut certis ictibus eosdem laceaseret. Tunc, eodem imperante, cum militum aliquot in hostilem turbam sese projecissent; multi secuti exemplum, per tela, per vulnera in Turcicum navigium certatim transiliebant. Ubi rebellis, se arctiùs deprehensum sensit, quàm ut effugere posset; ignominia, ac pudore flagrans, mortemque sibi fervitute potiozem ratus, in extremos impetus cum suis effusus est. Hinc immixtus militibus primum se Venetis objicere, in eam partem, qua

*Fenestoris  
ardor, &  
victoria.*

qua proum magis prelium erat, effundi, ho- 1651  
 stilem demum gladium queritare. Tanta erat  
 scelerum conscientia, ut quam impia proditione  
 meruerat, sibi lubens necem consciscere ex-  
 optaret. At fefellit hominis astum Mauroce-  
 nus, qui ab Superis proditorem servatum intel-  
 lexit, ut maioribus suppliciis improbitatis pœ-  
 nas persolveret. Quamobrem, ubi, interfectis  
 barbarorum quamplurimis, in tuto victoria  
 fuit; non est permessa ulterior pugna moritu-  
 ro. Temperatum igitur à cede; continuòque a-  
 lli, cum deditionem detrectarent, catenis obruti:  
 reliqui virtuti victorum ultrò se permisere.  
 Navigium exinde diripiendum militibus da-  
 tum, coniectusque in vincula rebellis, in quo  
 victoriæ summa vertebatur. Nihil Venetis eo  
 eventu lætius: cum præter subactam Impera-  
 toriam Ottomanorum navim, infensissimo pro-  
 ditore capto, tot illata Reipub. damna, per  
 nefarium illius caput Franciscus ultus sit.

*Archipi-  
rata inco-  
lumis trā-  
sit in di-  
sionem  
Mauroce-  
ni.*

Ceterum quingenti hostium cæsi; totidem ferme  
 in servitutem redacti. Tormenta bellica LXXV.  
 inventa: Regium præterea vexillum, ac reli-  
 qua opulentissima ornamenta, quæ in perdit  
 hominis commodum barbari admirabili pro-  
 digalitate congefferant. Tanta onusti milites  
 præda ad classem revertebantur, cum victoriæ  
 ultima manus ab aliis quoque imposita. Cum  
 enim Thraces, qui nostrorum iram evadere  
 contendebant, fuga passim arrepta, per equor

D line



1651 sine ordine discurrerent; Veneti, junctis viribus, acriter adeò in attonitos inveci, ut nonnullæ fugientium naves scopulis illis frangerentur. Tunc multi salutem quæsiuerunt in littore, cæteri gladiis percussi. Neque ante à certamine discessum, quàm ablata lux prælium diremit. Nemo ex Venetis ducibus ab ea pugna inglorius recessit. Inter hos Imperator Mocenicus, Marcus Molinus, Iosephus Delphinus, atque Adriatici Præfectus Maurocenus æternum sibi decus multiplici victoriæ genere compararunt. Quapropter tota nox, & sequens dies per gratulationem, & lætitiâ acta. Collectis inde Turcarum spoliis, ac vexillis eorundem, in triumphî signum, elatis, altera die sic velificantes portibus suis adremigauerunt.

Interea Byzantii ad primos acceptæ cladis nuncios, cum ingens pavor, & trepidatio, tum varii pro cuiusque generis studiis excitati sunt affectus animorum. Primores ea potissimum cura torquebat, qui inde motus Venetorum, quæ vires Imperii, quæque belli futura ratio, amissis navibus, milite, & præsertim Archipirata, cuius consiliis penitus acquiescere consueverant. Reliqua turba, ut quisque gravioribus vectigalium incommodis vexabatur, Præfectorum iussa, animosque ipsius Rebellis monita detestari; simul conqueri, quod tam infesto bello nunquam ipsa Regia urbs satis potens esset futura libertatis. Hinc idem ubique meror, eadem

*Meror  
Turcarum  
ob amif-  
sam clas-  
sem.*

*Venetiduces eo certamine clariores.*

*Fuga Turcarum, & cedens.*

dem pavitantium sollicitudo ; quasi visceribus 1651  
 Imperii Reip. classis inhæreret. At Christiani, <sup>Reip. leti-  
 tia ad nū-  
 cios rela-  
 te viffe-  
 rie.</sup>  
 ubi prosperè pugnatum à Venetis fama vulga-  
 vit, adeò erecti sunt, ut nemo majores de ho-  
 stibus victorias non speraret. Incitavit altius  
 Senatum missa in trophæum Archipiratę na-  
 vis à Mauroceno subacta: quæ inter insignia  
 monumentorum collocata, usque in hanc diem  
 Navali servatur. Reliqua navigia cum signis  
 Turcarum ingenti plausu civium excepit ; re-  
 giumq; vexillum in Decemvirorum Ædibus re-  
 posuit. Deniquè Rebellem ipsum catenis vin-  
 ctum aspexit, qui sicuti turpiter vixerat, ita  
 miserè in carcere consumptus est. Cæterum <sup>Archipi-  
 rata exi-  
 tus.</sup>  
 nostrorum classis, novis denuò ictibus Ægæi  
 Insulas, quæ hostibus obtemperabant, concuf-  
 sit. Econtrà Thraces hoc anno, cohibita per-  
 vicacia, vix reliquiis copiarum refectis, è late-  
 bris prodire. Summus ipse classis Præfectus,  
 qui annuente fortuna incolumis evaserat, abla-  
 tis triremium malis, ut occultior fuga esset, no-  
 men Venetorum, ne dùm aspectum declinabat.  
 Maurocenus verò, haudquaquam omisa clas- <sup>Mauroce-  
 nus fun-  
 gitur mu-  
 nere Tri-  
 buni Æ-  
 rarii.</sup>  
 sis cura, Tribuni Ærarii vicem impigrè adeò  
 sustinuit, ut quacunque bellica administratio-  
 ne officia singulorum eliceret.

Jamque Patres abundè experti, quantum mo- 1652  
 menti in virtute tam strenui ducis esset, eun- <sup>Præfectu-  
 ram clas-  
 sis susci-  
 pit.</sup>  
 dem Classis Præfectum, quod omnium præ-  
 stantissimum munus, post Imperatorium, se-

D 2 quen-



1652 quenti anno declaravere. Dignitatem consecutus, variis curis, uti res postulabant, animum intendit. Verum nihil æquè anxium eum habebat, quàm ne in Cretam opportuna ad bellum ab hoste conveherentur. Igitur Pelagi insulas invisere, crebras circum speculatorias naves locare, mittere ad convocanda subsidia, ex contumacibus populis vi aliquandò exigere vectigalia. Id præcipuè, qui Pagasam, Cassandriamque incolebant (uterque locus parùm distat à Thessalonica) passi sunt. Nam renuentes comitate primum, & alloquiis, mox minarum terrore, bellicue denunciatione Reip. obstrinxit. Hinc, dùm per aperta Ægæi vehitur, onerariam Turcarum invadens, mox Cypriam triremim persecutus, utroque navigio brevì potitus est: Nec procul indè quinque myoparones, duasque spectabilis magnitudinis naves, armatos, atque annonam Cydonem comportantes, apud Paron in potestatem redegit. Post quæ, instaurandarum navium causa, cum Corcyram Insulam, littora Calabriæ contra sitam, profectus esset, in discrimen inopinitum incidit; cui nisi opportunè provisum, plurimorum popularium fidem ea tempestatis vis libavisset. Concitatis enim in tumultum oppidanis, haud longè aberat seditio: invalescentq; dedignatione parendi, apertè iussa primorum singuli aspernabantur. Componendo motui illico intentus Franciscus, cum didicisset utilia honestis

Eiusdem  
 facinora  
 in Ægæo.

Corcyraeorum  
 seditionem  
 componit.

neſtis miſcere, ipſa clementiæ fama, ac ſpe im-  
petrandi, quę meritò poſtulaſſent, brevì cun-  
ctorum ſtudia erga Remp. vertit. Exindè, ne  
nova diſſidii materia ſoboleſceret, comitate,  
præmiisq; uſus eſt. Poſtreinò, ubi deferbuiſſe  
penitùs motum ſenſit, multos ad ſeditionem  
promptos, illudentibus cæteris, pennis affecit.

Talia agenti aliundè commeatus, milites, <sup>Aliquis</sup>  
atque alia, quæ bellorum uſus exigit, in Cre- <sup>Turcarum</sup>  
tam traduci nunciatur. Cùmq; præſertim ab Ni- <sup>turmas a-</sup>  
copoli lectas ex Epiro, & præcipuè ex Acar- <sup>pud Ni-</sup>  
nania copias deferri Cydonem exploratores af- <sup>copolim</sup>  
firmarent, illuc, ſumptis aliquot roſtratis na- <sup>ſubigit.</sup>  
vibus, advolavit. Ubi ad oram Nicopolis ven-  
tum eſt, cùm paratos itineri armatos haud pro-  
cul à littore detineri animadvertiſſet; educta  
raptim è triremibus cohorte, in improvidos fa-  
ctus eſt impetus. Nec renuerunt certamen bar-  
bari, fortiter arma ad conſpectum Venetorum  
rapientes. Hinc acre admodum, etſi breve di-  
ſcrimen fuit. Ut namque pauliſper pugnatum,  
hoſtium multitudo ob ducis necem, ut fit, con-  
ſternata, lubens ſe noſtris permisit. Conſecto  
prælio, navigia barbarorum, quæ non longè ab <sup>Eorundem</sup>  
Nicopolis arce religaverant nautæ, nocte occu- <sup>naves oc-</sup>  
pare aggreſſus, cæſis inter ſomnum, & trepi- <sup>cupat.</sup>  
dationem vigilibus, quinque triremibus, ac  
duabus onerariis potitur. Perculit hic eventus  
Epirotarum animos. Igitur, qui ex edicto ad  
ſigna conveniebant, partim in ſylvas, partim  
in



1652 in montes pavidī secesserunt. Maurocenus, abducta praeda, in Ægæum proVectus, ubi Rhodum Insulam appulit, atque ibi quasdam hostium copias (passim enim delectus militum à Turcis habebantur) disjecit, secundante vento, in Cretam remeavit. Inter hæc Turcæ fracti classis iactura, ubi nonnihil mentes composuere, convocato è finitimis regionibus milite, quem Præfecti locorum mercede conduxerant, tueri præsidiis maritima decreverunt. Exinde ad instaurandam classem conversis studiis, cum hac tempestate, ob impares vires non ausi essent hostem aspicere, vix modica subsidia ad exercitum, quo Creta obsidebatur, demisere.

1653 At, proximè subeunte anno, alia rerum facies. Siquidem, aucto mirum in modum classis robore, ad summum facinus extulerunt animos; speque tentandi extrema quæque in Cretensium exitium, Rhodum celerrimè profecti sunt. Hæc ubi comperta Mauroceno, non ultra motum distulit; sed rebus suorum raptim paratis, ad Insulam propero itinere contendit. Pugnandi tamen spem elusit formido barbarorum, viam sibi ad evadendum munientium. Ut enim cognitum, instare Maurocenum, terga dantes, tutum effugium, intra insulæ portum, invenere. Franciscus, ubi prælium auferebatur, ad infligenda hostibus damna conversus, populatur non ausos congregi, pluresque annonarias naves ad fugam tardas capit. Expósito dein milite,

*Cretæ re-  
vertitur.*

*Hostilem  
classem  
prope Rho-  
dum bis  
fugat.*

lite  
litt  
act  
into  
pra  
tu  
tra  
imi  
eta  
fun  
gan  
secu  
cur  
fug  
run  
imp  
alic  
ribi  
app  
loci  
Ver  
Tur  
lace  
pul  
rò  
tim  
aug  
pug  
Afi  
tan

lite, modicam barbarorum manum, in proximo  
 littore deprehensam, ad transtra cogit. His ex- 1653  
 actis, anxie perquirens, quâ ita hostilis classis  
 intercipi posset, ut veluti indagine clauderetur,  
 præmissis exploratoribus, qui de Turcarum mo-  
 tu certa referrent, circa easdem oras moram  
 trahere statuit, ut subterfugientibus opportunè  
 immineret. Diù intra spem, metumque cun-  
 ctati Thraces. Ut verò primum portum egressi  
 sunt, à Mauroceno inopinanter occupati, fu-  
 gam rursus arripiunt. Ille abeuntium terga per-  
 secutus, usque ad Rhodi sinum pugnaturus de-  
 currit. Quò ubi perventum, ne tuta penitus  
 fuga ignavis esset, omne tormentorum, ignito-  
 rumque missilium genus in eosdem exonerari  
 imperat. Plures indè Thracum naves disiectæ,  
 aliquot incensæ: multum reliquæ temporis vi-  
 ribus reparandis impenderunt. Sed, cum estas jam  
 appeteret, associatis, ut magno alicui conatui  
 locus esset, reliquæ classi triremibus, junctim  
 Veneti Agæum ultrò, citròque permenſi sunt.  
 Tunc sæpè vi, interdum dolo hostium navigia  
 laceſſentes, neutro succedente, in curam depo-  
 pulandarum Insularum incubuere. Thraces ve-  
 rò superioris cladis etiam nunc memores, fur-  
 tim tantum Cydonem convehere commeatus,  
 augere suorum copias; at quodcumque navalis  
 pugnae genus apertè adeò detrectare, ut qui ex  
 Africa in opem Ottomanicæ classis accedere quo-  
 tannis solent, execrati vecordiam Præfecti, ad  
 pa-

*Sociis na-  
 vibus ju-  
 gium.*



1653 patrios portus ante statutum tempus reverteren-  
*recordia*  
*Turcarum,*  
*et Regis*  
*mine in*  
*classis*  
*Præfetti.*  
 tur. Quapropter altior trepidatio Byzantii de-  
 fixit animos barbarorum. Tanta verò Maho-  
 metes Rex, ob inertiam suorum, ira accensus  
 est, ut, etiamsi nondum primam juventam ex-  
 iisset, cuique formidandus, Præfectum classis  
 minis territum juramento obstrinxerit, erumpe-  
 ret sequenti anno ex Abydi faucibus; & equè  
 pro capite, ac victoria decertans, illatarum cla-  
 dium dedecus insignibus victoriis expiaret. In-  
 terea, vergente autumno, ubi in hyberna con-  
 cesserunt Veneti, nonnihil reficiendis militibus  
 datum est.

1654 Sed vix remisso hyemis rigore, suppleturus  
 Maurocenus remigio classem, quam crebræ ex-  
 peditiones exhausserant, provectus in Ægeum,  
*Mauroce-*  
*nus Ægi-*  
*nam po-*  
*pulatur,*  
*ac Tenon.*  
 Cycladas insulas arma, viros, aurumque de  
 more præstituras diligenter perlegit. Sexcentis  
 indè remigibus in classem receptis, divitem  
 commeatum Insulam Æginam adit, ac tre-  
 decim onenarias intra portum invadens, brevè  
 eas in suorum emolumentum vertit. Hinc In-  
 sulam Tenon: ubi aliquot hostium longas na-  
 ves, in quas fortè incidit, stenuè provocat ad  
 certamen. Nec res absque discrimine exacta.  
 Nam deducantibus in prælium navigia barba-  
 ris, æquo Marte pugnari ceptum. Anceps vi-  
 ctoria aliquandiù stetit: eoque Mauroceno dif-  
 ficilior, quòd sua triremi in medios hostes il-  
 lapsus, solus ruentium utrinque conatus susti-  
 nuit.

nuit. Indè Thraces circumire ejusdem navim, 1654  
 uti cursu aquarum, atq; in latera, aut frontem  
 impetum dare. Quos cum Franciscus magna  
 cède repulisset, qui superfuerunt, versi in formi-  
 dinem, vincenti terga dedere. Tunc ille trepi-  
 dos diù conſectatus: tandem audaciùs in Præto-  
 riam triremim inſectus, eam ita armorum vi  
 diſecit, ut naufragio periſſe multi crediderint.  
 Dùm inter hos motus eſtas ingruit, ea maximè  
 ſolicitudo Maurocenum angebat, quonam exi-  
 tu univerſa Ottomanorum Claiſſe ea tempeſtate  
 in Ægæum prodiret. Percrebuerat enim, Thra-  
 ces, inſtructis navigiis, collectoque ex ſingulis  
 regionibus milite, magno cum rei frumentariæ,  
 armorumque proviſu Cretam peti-  
 turos. Hinc variæ inter Venetos curæ; his hoſtilium virium  
 magnitudinem, aliis temporum calamitatem  
 reformidantibus. Sed brevi ſefellit conſilia bar-  
 barorum Veneti ducis ardor: & quamvis cona-  
 tibus Reip. fortuna adverſa eſſet, virtus tamen  
 fortunam ſuperavit. Cum enim Joſephus Del-  
 phinus Navium Præfectus, ob rei navalis peri-  
 tiam inſignis, in Hellespontum fretum perductus,  
 cum II. Quinqueremibus, XVI. Navibus, at-  
 que VIII. triremibus, aliquandiù ibidem eſſet  
 immoratus; exeuntibus demùm barbaris, quo-  
 rum claiſſis tantæ molis erat, ut, quâ mare pa-  
 tebat oculis, undique conſtratum navigiis ap-  
 pareret, ita obſtitit, ut, ni ante conſtitutum ſi-  
 gnum XII. noſtrorum naves, ac VI. triremes è

Prætoriâ  
 hoſtium  
 cōminis.

Pugna  
 Joſephi  
 Delphini  
 navium  
 Præfecti  
 ad Helle-  
 ſpontum.

E ſinu



1654 sinu evasissent, vix ejus fortitudini hostis fuisset suffecturus. Nihilominus Delphinus hortatus eos, qui secum manserant (inter hos & Matthæus Gratianus auctoris patruus, pietate erga Remp. & rei militaris studio aderat) ut decoram mortem ignominiosæ fugæ anteferrent, strenuè barbaros laceflivit. Confertis tunc utrinque manibus, magno animo descensum est in aciem: Venetus verò Præfectus sicuti imperio, ita cæteros virtute longè antecelluit. Hic majorum navigiorum impetu unica tantum navis sustentato, sex horas mutuis cladibus ita pugnam protraxit, ut antè fatigarentur hostes, quàm ipse consilio, voce, manuve usquam deficeret. Ubi ex angustiis freti in aperta Ægæi dimicantes devenere, rapiente pelago, penè in vada ejusdem navis compulsæ est. Quò reparatis, quoad potuit, navigii lateribus, jam enim fluctus passim irrumpebant, denuò invadens in Prætoriam hostium, tam valido conatu prælium instauravit, ut reliquæ nostrorum naves fesse discrimine, in altumque provectæ, succubuisse Ducem existimarent. Sed cognito exitu, perfusisque gaudio animis, ob exactæ rei momentum, cuncta in Delphini laudes concessere. Tria fermè Turcarum millia cecidisse tradunt: atque inter hos mille, & quingentos milites prætorianos. Octo navigia partim in immum demersa, partim incensa; ex reliquis nullum cladibus immune. Venetis duæ naves, toti-

*Cedes  
Turcarum,  
ac Fræci-  
sci Man-  
roeni A-  
driatici  
Sinus  
Præfecti  
obitus.*

totidemque triremes decrant: neque præter 1654  
Francisci Mauroceni Adriatici Sinus Præfecti  
necem, qui in media fronte plumbea glande  
confossus est, atrox admodum clades fuit.

Lætus eventu Maurocenus, remissiores eo  
anno Turcarum motus futuros ratus, decreve-  
rat instare perculsis. At ægrotante per eodẽ  
dies Imperatore Aloysio Mocenico, summam  
classis fuscipiens, laborantis munus strenuè sub-  
iuit. Cùmque paulò ante in huiusmodi sen-  
tentiam itum esset, ut tentaretur obsidione Epi-  
daurum; ad idem, Francisco iubente, copiae  
navales perductæ. Urbs est ad exitum sinus Ar-  
golici, quæ quasi arx, & specula à Peloponne-  
liaco littore procurrens, eidem amplo satis pon-  
te conjungitur. Asperrimæ cautibus insulæ in-  
hærescit, cujus ambitum circumfusa Ægei pars  
adeò tuetur, ut vel solo situs ingenio vix adiri  
queat. Firmant urbem edita pars montis, cui im-  
ponitur, valida murorum, turriumq; congeries,  
ipsa demum maris, continentisque vicinia; un-  
dè promptum incolis subsidium, at hostibus ar-  
dua prorsus oppugnatio. Maurocenus, intellecta  
loci difficultate, ut, terrestrium auxiliorum fi-  
duciam Turcis auferendo, in ipsis urbis muni-  
mentis præsidium fame expugnaret, non ignobi-  
le oppidum, haud procul ab urbe situm, minis,  
atque ostentatione exercitus redigere in ditio-  
nem statuit. Verum, sicuti incolis non animus,  
non spes, non arma ad propugnandum locum dec-

Mauro-  
cenus vi-  
cem su-  
stinet  
Impera-  
toris di-  
gnitatis.

Epidauri  
sinus.

E 2 rant;



1654 rant; ita qui præerat oppido impiger manu, exercitusque militiâ strenuam defensionem comparabat. Hæc tamen hostium studiâ brevî Franciscus elusit, unico armorum conatu prælium absolvens. Admotis etenim passim scalis, omni-  
*Oppidum*  
*Epidauro*  
*conterminum ex-*  
*pugnatur.*  
 que virium nixu in pervicaces invec- tus, obsistere ausos ferro, reliquos terrore in servitutem coegit. Prosperrimum inceptum haud difficilior fortassè victoria ex Epidauro consecuta; ni præmaturè deserviente hyeme, cum maritimis copiis in munitissimi loci obsidione immorari intutum cognovisset. Itaque traductis ex oppido in classem XXII. tormentis, cætera arbitrio militum acta; hique ex finitimis pagis gravem prædam retulere. Quibus confectis, in hyberna copias dimisit; satis sibi fore ratus, si cum expeditiori longarum navium manu Ægæum subindè percurreret.

1655 Labente inter hos motus anno, cum diem extremum Imperator Mocenicus, summo cum totius exercitus mœrore, obiisset; Franciscum Maurocenum in Ducem, donec quis extincto subrogaretur, universa classis excepit. Is, ut primum infracta vis hyemis, cum à Pelagi insulis tributa collegisset; à rebus præclare gerendis diutius animum minimè continuit. Arreptâ igitur opportunitate, quod Thraces crebris cædibus afflicti intra Hellespontum confugissent, facillimum sibi futurum animadvertit, præoccupato eorundem adventu, ditioribus insulis poti-

Ob Imperatoris  
 Mocenici  
 obitum  
 rursus  
 supremâ  
 classis munus obit.

potiri, paratosque ab hostibus commeatus in  
 suorum commodum aptè convertere. Recepto 1655  
 ingenti militum alacritate consilio, Saronicum  
 Sinum ingressus, Æginam oppugnatum ire con-  
 stituit. Non procul à Peloponnesi margine con-  
 tra Atticam, Megaricamque regionem insula  
 sita est, Oenone, & Myrmidonia ante dicta,  
 optima temperandi æris arte olim commenda-  
 tissima. Urbs supra amèni collis cacumen mo-  
 dicè extollitur, bifariam incolis utile; quippè  
 quòd repentinos insultantium imperus difficilio-  
 res reddit, saltubusque lætissimis voluptatem  
 tempestati alit æstivæ, hybernæ verò subsidium.  
 Multos illic cùm belli, tùm annonæ apparatus  
 fama ferebat, qui in Cydonis, totiusque exer-  
 citus opem facillimo convehebantur itinere.  
 Jamque decimo quarto Kal. Aprilis in insulæ  
 conspectum perventum erat, cùm applicitis lit-  
 tori triremibus, eduçtoque milite, continuo a-  
 cies à Marchione Alexandro Borrio, Præfecto  
 terrestrium copiarum instructa. Illatum sibi  
 bellum Æginenses ubi cognoverunt, cùm lo-  
 cum, quia vastis circum rupibus claudebatur,  
 vel minimo præsidio tutum cernerent, illicò  
 redactis in urbem iis, quæ munimento necessa-  
 ria videbantur, strenuæ defensionis operam de-  
 dere. Initum ergo à Venetis ex abrupto certa-  
 men; ac jussus miles per confragosos plerumq;  
 saltus, atque importuna collium juga caterva-  
 tim ascendere. Neque inutili primùm conatu,  
 nam

Ægine  
 insula,  
 atque ur-  
 bis de-  
 scriptio.

Obsidionem.



1655 nam emerfit ad muros: Sed anceps postea discrimen invaluit, cum ipsamet loci inæqualitas in obsessorum salutem pugnaret. Franciscus præruptis cautibus hæere vix posse militem animadvertens, cum nullo vellet suorum sanguine victoriam emi, signum receptui imperavit. Exinde muralibus tormentis per idoneas rupes dispositis, ereptaque subsidiorum spe, ita locum infestare incepit, ut tunc primum senserint Æginenses à Mauroceno insulam obsideri. Trium dierum spatio hoc ardore pugnatum est: diutiusque ob loci asperitatem necesse fuisset ea in obsidione milites detineri, ni obsessi undique incendiis, ac ruina murorum consternati, salute salva, victori se tradidissent. Itaque eadem gloriæ cupido, quæ ad intentandam urbi obsidionem Maurocenum impulerat, Æginensibus auxilio fuit: nam novorum facinorum spe ductus, annuit conditionibus ab obsessis prolatis. Continuo præter CCC. Græcos, ac L. Turcas, qui in remigum numerum recepti sunt, cæteris concessa libertas. Avecta XIV. tormenta; devastatamque ab exercitu urbem flammæ penitus consumpserunt.

Æginensium pavore & deditione

Concussis Æginæ expugnatione proximarum insularum incolis, ad Thesaliæ oras iter conversum est. Neminem latebat, Pagasam ditissimam urbem, quam Vollum vulgus nuncupat, ad Pelasgicum sinum sitam, omni rerum copia affluere, quod verò magis Imperantis animum

mum accendebat, publica ibi Turcarum horrea <sup>1655</sup>  
 in classis commodum asservari. Aderat quoque <sup>Mauroce-</sup>  
 tentandi discriminis necessitas. Tunc enim tem- <sup>nus sta-</sup>  
 poris plurimum nautici panis inopiâ navales no- <sup>nis Pa-</sup>  
 strorum copiae laborabant: hisq; ob varium ma- <sup>gas ag-</sup>  
 ris æstum nec certa subsidia, aut, etiamsi haud <sup>gredi.</sup>  
 procul abessent, redigi in unum opportunè non  
 posse videbantur. Quamobrem Maurocenus,  
 qui cum suorum egestati prospicere, tum omnia  
 protrahendo bello utilia auferre hostibus mo-  
 liebatur, adamato potiundi loci consilio, Paga-  
 sam proficiscitur. Nonnullis onerariis navibus,  
 quæ in proximas insulas annonam comportabant,  
 exiguo labore subactis; in Pelasgicum sinum,  
 qui in extremis Thessaliæ est, mira pernecitate  
 navigia convenere. Munitissima urbs apparebat <sup>Pagasa</sup>  
 in medio, à continentis ora ita producta, ut tri- <sup>descri-</sup>  
 remium tormentis percelli posset. Mœnia verò <sup>psio.</sup>  
 in quadratam figuram expansa, eâque parte,  
 qua mare respiciunt, in ampliorem prospectum  
 desinentia, editis utrinque turribus custodieban-  
 tur. Situs opportunitas, facile commercium,  
 atque ager circum frumenti, vinique passim  
 ferax non modicè Thraces adjuvabant. Hinc  
 nauticum ibi panem confici, confectum servari,  
 ac deindè per occasiones mitti ad exercitum pla-  
 cuerat. Haud procul ab urbe metanti castra  
 Mauroceno armata incolarum cohors audacter <sup>Pugna</sup>  
 occurrit: quæ, magis quia improvisò id fecerat, <sup>ante mu-</sup>  
 quàm quòd par viribus esset, acerrimum vide- <sup>ros urbis.</sup>  
 batur



1655 batur latura certamen. At strenuè resistentibus Venetis, cum permulti barbarorum à sclopetariis trajecti concidissent; tantus terror cæteris injectus, ut brevì versis in præceps manipulis, intra mœnia confugerint. Fortiori igitur defensione opus esse superioris pugne experimento edocti, delectum militum ex proximis vicis habere, parare raptim arma, munitiones congesta humo firmare; postremò, ne mulierum, ac liberorum lamentationibus pertinacia propugnationis frangeretur, sexum, ætatemque laboribus imparem rejicere, cum iisque opulentiora quæque, ne in victorum commodum transirent, aliò mittere. Sed Maurocenus in ipso obsidionis limine extrema molitus non vulgari terrore incolas concutiebat. Quippè extructis aggeribus, & ducto propiùs urbem exercitu, dein ad portæ everisionem aptatis pyloclastis, cuniculisque subtus turrium fundamenta effossis, ne interiora quidem loci vacare incendio patiebatur. Quædum sedulò ab eo curantur, reliquæ Quinquè remes sinum tenuere; eęque idoneis locis dispositæ, ut eodem tempore multiplici ex parte muri peterentur. Econtrà obsessi impigrè rem gerentes, summa vi præliabantur: immò, ut quisque locus ob oppugnantibus tentabatur, ita præsidia, loricaeq; vimineas per occasiones submittebant, ut primos nostrorum impetus non abjecto animo repulerint. At non diu, noctuq; conatibus intermissis, adeò munimenta disjici-  
cepe-

*Quæ obsi-  
dione cin-  
gitur.*

ceperunt, ut, quassatis altè muris, aggressioni 1655-  
 Veneti accingerentur. Tunc Franciscus plena <sup>Mauroce-  
 nus ag-</sup>  
 animorum oratione hortatus suos ad certa- <sup>gressione</sup>  
 men. Nec modicus indè copiarum ardor inva- <sup>sentat</sup>  
 luit. Quippè, cum in agmine, in laboribus ubi- <sup>atque ur-</sup>  
 que adesset, strenuis laudem, spem pavidis, <sup>be possi-</sup>  
 cunctis exemplum præberet, ita militum ani-  
 mos accendit, ut, non dimicantium, sed victo-  
 rum specie, per stragem semiruti valli mœnia  
 conscenderint. Diù nihilominus vis nostrorum  
 à barbaris sustentata: brevèque ad ultimas cæ-  
 des deventum est. Facinus namque egregium  
 rati, si gladiis potius, ac virtute, quàm muris ur-  
 bem tuerentur; non milites modò, sed & tur-  
 ba aggressum immixta armatis admirandæ for-  
 titudinis specimen exhibuit. Verùm catervatim  
 impetum facientibus Venetis, cum, consumpta  
 inter mutuas clades die, tenebræ jam irruerent,  
 strataque cadaveribus mœnia undique sanguine  
 exundarent; ingens hostium consternatio, o-  
 mnia passim augente nocturno tumultu, inopi-  
 nanter exorta. Igitur, qui assultantium manus  
 evaserant, veluti jam penitus amisso oppido, in  
 interiorē arcem recessere. Potitus urbe Mau-  
 rocenus, calentem recenti prælio militem ad  
 integram victoriam impulisset; nisi nox incer-  
 ta diremisset pugnantes.

*Turcæ in  
 arcem se  
 recipiunt.*

In Venetorum votis proxima lux erat;  
 cum extremum vitæ discrimen reformidantes  
 Turcæ, quæ tellus in camporum planitiem  
 F                      fluit,



1655  
Nocte  
diffugiunt.

Præda  
Venetorum  
ingens.

Auxilia-  
res hostium  
copie in  
fugam a-  
guntur.

fuit, nocte scalis demissis, clam per agros effu-  
si sunt. Inter ipsa itaque lucis exordia, instru-  
ctis ad certamen copiis, denuò impetus aggres-  
sionis incaluerat. Sed, cum nihil hostile pro-  
gredientibus obversaretur, brevì compertum,  
justum timorem in fugam barbaros abstulisse.  
Igitur, occupata arce, præter incredibilem com-  
meatum apparatus, multò major præda rela-  
ta, quàm pro loci conditione quispiam antea  
conjecisset. Tormenta bellica XXVII. inventa:  
tanta deindè bucellati copia, quantam classis  
ferre non potuit. Quapropter, quidquid reman-  
serat, flammis absumptum; eodemque incendio  
reliqua omnia unà cum arce conflagrarunt.  
Cæterum modicum sanguinis è Mauroceni ex-  
ercitu ea obsidione fustum est. Tanti verò de-  
fensio Thracibus stetit, ut præter paucos, qui  
noctis ope aufugerunt, reliqui omnes decer-  
tando interierint. Collectis impedimentis, dum  
ad Hellespontum trajecturus Maurocenus om-  
nia properè ad discessum comparat; nondum  
receptum in navigia militem expedita Turca-  
rum cohors è propinquo quodam colle devolu-  
ta ex insperato invadit. Patuere hostibus primo  
impetu terga Venetorum: at ubi, intellecta frau-  
de, conversi sunt in decurrentes, ita audacio-  
res mulctaverunt, ut non tulerint barbari pri-  
mum concursum. Tumultuario ergo impetu  
retroacti, suum ut quisque corpus tutaretur,  
terga victoribus præcipiti adeò motu convertit,  
ut

ut non satis cognitum fuerit , celerius ne ag- 1655  
gressi sint hostes, an fugerint.

Hæc ubi peracta , è Pelasgico sinu educta *Mauroce-  
nus per-  
vicaciam  
incolarum  
Sciathi  
prelio co-  
hibet.*  
classis. Cùmque exigendi tributi gratia ad Scia-  
thum insulam, ante Magnesium Thessaliæ pro-  
montorium sitam , perventum esset, inopina-  
tum pugnae discrimen adiit exercitus . Pervica-  
ciores enim incolæ, sive fiducia virium, sive a-  
more Turcarum , ullo obedientiæ genere sese  
Venetis addicturos denegabant . Contumelio-  
sum id Reip. acerbum Duci; quem demùm ob-  
stinata illorum consilia eò compulerunt , ut,  
quod per pacem obtineri non poterat, armo-  
rum vi extorqueri imperaret . Igitur ventum  
est utrinque ad manus; pugnatumque aliquan-  
diù ambigè, cùm sine ordine, aut cuiusquam  
Imperio quæque pars multitudinis oppidano-  
rum armata Venetis occurreret. Verumtamen,  
cùm hinc indè manipulis barbarorum nostri af-  
funderentur, transversisque ictibus obvios per-  
turbarent; ingens trepidatio, ac tumultus , ob  
multorum cædem, inter illos exortus. Tunc ad  
paucorum exemplum, positis armis, unanimes  
deditionem amplexi, fidemque in omnibus Reip.  
sponponderunt. Sciathi eventus proximarum in-  
sularum incolas perdomuit; inter quos, qui Sco-  
pelum, ac Celidromim ( insulæ sunt contra Thes-  
saliam, parùm distantes à Sciatho ) tuebantur ,  
vectigalia libenter obtulere. Accepta ab iis fan-  
ctè fides: dein tributa, leges, & Venetum jus vi-



1655  
Ad Hel-  
lespontū  
proficisci-  
tur.

Etis impositum. Post quæ deventum ad reliquam classem, quam prope Hellepontum anchorę tenebant. Hic quisque Mauroceno gratulari, expeditionis ordinem inquirere, atq; ita tot rerum prosperrimarum serie ad magna incitari, ut cresceret in dies cupiditas dimicandi. Interim, cum Aprilis mensis deficeret, nondum Turcis in Ægæum trajicientibus, tantumque roboris penes Præfectum navium Lazarum Mocenicum esset, ut aptè illis obsistere posset; Franciscus, collectis triremibus, ad alia obeunda munera animum vertit. Commendatâ igitur fortissimo Duci reliqua classe, ad inferiora Ægæi contendit, ut venientem ab Italia Hieronymum Fuscarenum D. Marci Procuratorem ad summum maris Imperium communi omnium plausu ob insignem virtutem nuper evectum exciperet. Verum, cum is Andron maris Ægæi insulam, viginti milliapassu: à Delo positam, vix appulisset; inopinato morbo correptus, paucissimos intra dies occubuit. Quapropter ingentis expectationis viri fatum expressis gemitibus classis profecuta.

Hierony-  
mus Fus-  
carenus  
Imperator  
moriatur.

Lazarus  
Mocenici  
navale  
prelium,  
atq; insu-  
gnis victo-  
ria.

Maurocenus, cui ob defectum Imperatoris, summa administratio debebatur, anxius de classis eventu, instare enim in dies certamen intellexerat; statuit Græciæ, atque Asiæ Præfectis (Belirbey nuncupantur à barbaris) non modicam triremium manum ad intercipiendos intra Hellepontum Venetos deducuntibus se objicere; ut inde major Mocenico victoriæ fiducia foret.

Verum

Verùm hic, qui freti angustias, ut memoravi-<sup>1655</sup>  
 mus, infederat, ubi Thraces Aëgeo imminentes  
 descenderunt in pugnam, diù universam eorun-  
 dem classẽ exagitavit. Demùm, nonnullis tri-  
 remibus disiectis, cùm Præfectus Turcarum a-  
 nimo impar, subtrahere à certamine suos, quàm  
 in ulterius discrimen deducere mallet; arreptâ  
 fugâ, ea secum navigia traxit, quæ impulsu re-  
 morum cępta contentio: quas quinq; horarum spa-  
 cio Mocenicus cùm laceßisset, nondùm satis vi-  
 debatur, quâ rem fortuna datura esset; adeò spes,  
 vires, animi utrinque paria fuere. At, aucta ho-  
 stium clade, nihil invium fuit virtuti Veneto-  
 rum. Hi namq; cùm undecim barbarorum na-  
 vigia flammis consumpsissent, ac totidem ferè  
 proximis scopulis impacta æquor hausisset, re-  
 liqua partim redacta in Mocenici potestatem,  
 partim, adjuvantibus auris, licet vix apta fugę,  
 victorum manus declinaverunt.

Hæc ubi renunciata sunt Mauroceno, qui  
 Epidaurum eadem tempestate oppugnare consti-  
 tuerat, ut maturaretur res, effecere. Quam-  
 obrem ad illam Peloponnesioram profectus, cui  
 ponte jungitur Epidaurum, militem haud pro-  
 cul ab urbe ad montis radices exposuit. Sed cùm  
 ipsa loci structura apertis obstaret aggressioni-  
 bus, alium obsidionis ordinem exorsus est.  
 Conficere enim rerum omnium egestate inco-  
 las cùm decrevisset, levis armaturę manu, quâ  
 oppor-

*Epidauri  
 obsidet  
 Mauroce-  
 nis.*



1655 opportunum illis continentis commercium, ducente Marchione Borrio, præmissa, ipse cum universo terrestrium, ac maritimarum virium apparatu urbem circumdedit. Verum quò hæc natura situs expugnatu difficilior, eò obstinatiores defendentium animi, quibus validissima erant mœnium munimenta, arma, frumentum, & commeatus, quamvis diuturnę obsidioni pares. Nihilominus, cùm muralibus tormentis, tum bolidibus fervebat obsidio, eaque tantum fiducia bellum à Venetis protrahebatur, ut, qui frangi virtute non poterant, mora comminuerentur. At ubi nullus fortitudini aditus, quid sperandum, ubi propemodum cuncta pertinacię hostium, fortunęque permisa? Æstiva tempestas jam dilabebatur, militem difficiles terra, marique stationes vexabant; adeò tamen interiora loci vi bolidum corrupta, atque incensa, muri verò concussi apparebant, ut, ni asperitas cautium obfuisset, instaret consilium unico agressionis impetu urbis expugnandæ. Animadvertenti Mauroceno inutilem prorsus per invia loca impressionis conatum una succurrebat secundi exitus spes, ut videlicet pertinaci obsidio lassatos incolas fame compelleret ad deditiorem. Sed intuta regio, importuosum mare, atque autumnalibus obnoxium procellis, non modica demum subsidia, quæ per idem tempus seu occulto, & per dolum parato ab hostibus itinere, seu vigilum nostrorum incuriâ, nocte  
in

Ob loci  
difficulta-  
tes, &  
proximam  
hyemem  
obsidionē  
soluit.

in urbem irrepsisse constabat, ipsius animum eò 1655  
impulerunt, ut cauta consilia cæteris antepone-  
ret. Itaque, dimissis navalibus fociis, ac regione  
penitus devastata, contentus urbem ruinis, in-  
colas direptione bonorum multavisse, Kal. O-  
ctobris solvit obsidium.

Non ideo tamen properatum est illicò in  
stationes. Nam amplexus tentandæ Megaræ  
sententiam (locus est haud procùl ab Ægina in  
confinio Atticæ, ac Peloponnesi) in quam Thra-  
ces, post amisam Pagasam, annonam in exer-  
citus commodum convexerant, triremes in pro-  
ximum portum deduxit. Tunc, explicato in lo-  
ci conspectum exercitu, detrectantes deditionem  
Græcos, ac Turcas, qui jam oppido egressi ad  
pugnam se comparaverant, aperto certamine  
invadit. Diù dimicatum non est dubia fortuna.  
Ubi enim Venetus miles undique hostibus cir-  
cumfusus primùm eorum cohibuit audaciam,  
cædis potius, quàm pugne species cepit esse.  
Hinc Megarenses, laxatis ordinibus, partim  
in acie, partim in ipso fugiendi tumultu ob-  
truncati sunt. Neque multùm de integrâ lo-  
ci possessione decertatum. Hoc namq; allato op-  
pidanis pavore, brevì se omnes Mauroceno tra-  
didere. XIII. Tormenta indè ablata: ingens hor-  
dei, ac frumenti apparatus inventus; plurimis-  
que incolarum ad implendos remigum ordines  
destinatis, reliqua omnia everfa sunt, atque in-  
censa.

*Megara  
armis iē-  
tatur.*

*Cædes  
Megarē-  
sium, ac  
loci expu-  
gnatio.*

Vix



1655

Mauroce-  
no Creta  
Præfectu-  
ra de-  
mandatur.

Vix collectis subactorum hostium spoliis altum classis tenuerat, cum Mauroceno summam Cretæ Insulæ administrationem ab Senatu commissam fuisse, innotuit. Idcirco Franciscus, strenuo duci Barbaro Baduario sibi in classis Præfecturam suffecto, traditis navibus, in Cretam proficiscitur. Ubi summo plausu cum civium, tum militum exceptus, ut demandatum sibi munus diligenter absolveret, in eam primum curam in-

1656

Eius st-  
dia ad  
firmandā  
urbis de-  
fensionē.

buit, ut augeret novarum copiarum delectu urbis præsidium, munitionesque exteriores validiori aggere confirmaret. Verum, ubi debuisset ob diuturnum bellorum tedium animos Cretensium, lascivire militem, disciplinam, ac laborem aspernari, marcescentesque ocio colonos nullo defendendæ urbis studio incitari cognovit: illam vim ingenii in Mauroceno civitas demerata est, ut, quæcunque etiam si minima per se adiret, nec in quemquam gravius, quam in semetipsum exerceret Imperium. Parsimoniae, vigiliarum, ac laboris exemplo cum vilioribus militum certabat; nihil, quo militaris disciplina labefactaretur, impunitum abire patiebatur: nec, quod in uno difficillimum, aut facilitas auctoritati, aut severitas amori aliquid unquam derogavit. Excitato suorum spiritu, non neglexit alias artes, quibus non insulam modo tueretur, sed bellum ipsum, ut tempora Reip. postulabant, penitus finiret. Quippè crebrò cum barbaris mentionem pacis per fidos nuncios injiciens,

Infirmā-  
da pace,  
milia  
Reip. cum  
barbaris  
periva-  
ciat.

jiciens, ostendebat, *superesse Reip. validam classem*, 1656  
*recenter conscriptas copias, Venetamque virtutem clade Tur-*  
*carum sæpe comprobata.* Cretam interea, congestis nuper  
*prædiis, solertissimè custodiri; bellum arduum, cruen-*  
*tumque futurum, nullatenus tamen cessuram urbem.* Ergo  
*respiscerent, utilemque fœderis tranquillitatem, quàm exi-*  
*tiabile bellum, sectarentur.* At super his, speciosa ver- *Sed fræ-*  
bis, re autem inania, aut subdola barbaris af- *strâ.*  
ferentibus, ubi non adesse spem intellexit, ut, qui  
pacem libidine belli turbaverant, arma fœderis a-  
more deponerent; ad augendas vires animum  
vertit. Igitur delectus militum in agris habe- *Augetur*  
ri ceperunt, convocari finitimorum præsidia, *urbis præ-*  
impelli reluctantes, frumentum, cæteraque *sidium*  
opportuna bello convehi; adeò ut sicuti secu- *Militæ.*  
ritas totius insulæ ab una illa urbe pende-  
bat, ita totius insulæ robur dixisses in urbem esse  
collectum. Extructæ prætereà aliquot trire- *Navibus.*  
mes: provisum iis sedulò viris, atque armis,  
mox, ut studia hominum magis provocarentur,  
largitionibus. Immunem demùm vectigalibus *Immun-*  
portum, ne præsidium cujusquam rei inopia *sitate.*  
laboraret, instituit.

Sed, quamvis cuncta custodiis referta essent;  
non temperabant incursionibus Turcæ, fines  
urbis crebris rapinis perturbantes. Auxerat de-  
mùm cupidinem eorum ubertas segetum, qua-  
rum ferax admodum insula. Itaq; intercepturi a-  
ditum Cretensibus, ne frumenta colligerent, *Turcæ co-*  
obductis multiplici ex parte aggeribus, subje- *nantur a-*  
G etam *gros occu-*  
*pate.*



1656 Etam planitiem, patrium uti solùm exercebant. Verùm Franciscus prospiciens, ni conatibus barbarorum obviam iisset, Cretenses rei frumentariæ caritate in posterum comminui posse: dispersos hæc, illac tumulos, hostesque statuit invadere, ne pateretur jungi, quos tunc discretos, & nondum penitus in camporum possessione firmatos, vincere potuisset. Id sub mensis Martii exitum feliciter perfectum est. Siquidem ignaris hostibus educta inter tenebras levis armaturæ cohors, ubi primùm illuxit, duplici ex parte barbaros laceßivit. Tunc, ut ad fallendum silentio, ita deprehensis cominus Turcis, initoque prælio, ut formidinem augeret, cuncta clamoribus misceri imperat. Hostes, nondum comperto, quod cædis initium, quis finis, veriti majorem instare multitudinem, brevè custodita à se ipsis loca irruentibus permittunt. Qui autem in proximis receptaculis excubabant, quamvis nondum cognito nostrorum impetu, ad rumorem palantium latè diffugiunt. Hoc motu munitionibus barbarorum incruento exitu potiti Cretenses. Nec de integra urbis libertate modica spes inceserat; cùm superiore anno Thraces, consternatis navalibus copiis, vires simul, audaciamque posuissent.

*Sed per-  
luntur à  
Mauroce-  
no.*

Inter hæc, cùm recedenti frigori successisset belli tempus, expectatione erectus est Maurocenus, quinam in posterum status futurus in-  
fulæ

ful  
ren  
cla  
La  
diu  
que  
He  
Ve  
ade  
ner  
fun  
esse  
nar  
der  
pet  
vir  
nav  
cin  
por  
ites  
cor  
eur  
ho  
qu  
in  
eju  
stu  
ta  
rio  
ut

fulæ, quæque Turcarum molimina impende- 1656  
rent. Enimverò passim pervulgatum, ingentem  
classe[m] ab hostibus comparatam; ac propterea  
Laurentius Marcellus, cum sua virtute, tum *Laurentius  
Marcellus  
ad Hellef-  
pontum.*  
diuturnæ militiæ experimento clarissimus,  
quem summæ maritimæ Patres præfecerant,  
Hellesponti fauces cum robore classis infederat.  
Verùm Thraces ob internos tumultus, quorum  
adeò ferax immanis Regia est, diù expeditio-  
nem protraxere. Cum enim, adolescente Rege,  
summum regimen etiam nunc penes Primores  
esset, ii inter se sententiis pugnabant, quem-  
nam necessitati parem classi præponerent. Tan-  
dem Sinano, quem feritas, & inconsultus im-  
petus præstabat indomitum, traditis maritimis  
viribus (harum summa LX. triremium, XXIX.  
navium, ac IX. Quinqueremium erat) hic de-  
cimo Kal. Julii ad gemina oppida, in Helle-  
sponti faucibus sita, pervenit. Veneti, ubi ho-  
stes adfuerunt, immixtis, ut inter se antea  
convenerant, navigiis, strenuè certamen in-  
eunt. Inter reliquos verò Marcellus, qui vel  
hoc argumentum magnanimitatis exhibebat,  
quòd eum nonnisi difficillima delectarent, ita  
in hostem audacter invehitur, ut ad primum  
ejus concursum Sinanus perculso similis ob-  
stupefceret. Nunquam breviori discrimine par-  
ta insignior victoria. Paucarum horarum spa-  
tio ita Thraces virtuti nostrorum concessere,  
ut præter aliquot triremes, quibus illorum Præ-  
fectus

*Sinanus,  
Turcarum  
Classis  
Præfe-  
ctus in-  
Egeum  
conatur  
erumpere.*

*Venatorum  
pugna,  
et Mar-  
celli vir-  
tus.*

*Eiusdem  
victoria,  
mors, ac  
eques  
Turcarum.*



1656 factus subterlabi conatus est, nullum ex cæteris navigiis ruinam, incendium, servitutemve declinarit. Decem millia Turcarum cesa sunt: inter quos non pauci ex iis, qui classi cum imperio præerant. Multi quoque conflagrantium navigiorum flammæ evitantes, postremò in mari periere. Magnum id vulnus Imperii Ottomanorum, immò, ni obstitisset fortuna, prorsus insanabile. Quid enim auderet fusa latè, & consternata classis? Si tamen illa classis; nam cum Sinano XIV. tantum evasere rostrate. At, cum ea sit humanarum rerum conditio, ut secunda adversis permixta nec omne in summa desperatione solatium, nec in ingenti lætitia periculum penitus tollant; Venetis quoque tantæ victoriæ dulcedinem præproperum Marcelli fatum infecit. Cum namque Imperator, prope modum oblitus dignitatis, suos in agendo exemplo magis, quam consilio hortaretur, in ipso pugnae exitu, ferrea glande, majoris bombardæ impetu emissa, confractus occubuit.

*Maurocenus suadet  
oppugnationem Cydonis.*

Vulgato prosperæ pugnae eventu, ubi ita profligatas navales barbarorum copias Maurocenus accepit, ut illis vires ad invadendam Cretam minimè sufficerent, altioris facinoris spe animum accendit. Ad summam enim universi belli, quæ ex minimarum plerumque rerum momento pendere solet, ratus victoriam pertinere, fortissimum mentis consilium classis ducibus aperuit, ut, arrepta opportunitate, Cydonem aggrederentur.

*Facil-*

Fe  
la  
Im  
qu  
ian  
dis  
vis  
int  
sea  
By  
tis  
na  
opp  
fili  
tur  
inc  
Inj  
que  
ter  
cu  
set  
pr  
pè  
Ho  
ret  
ful  
ret  
po  
lit

Facillimum fore à perterritis urbem extorqueri, quam nulla, aut modica saltem praesidia eo anno communierant. <sup>Idque rationibus ostendere adnitiunt.</sup> 1656  
 Imperatos hostes diu minimè obsidionem perlaturus; eosdemque nec numero validos, nec animo promptos: immò, etiam si obfirmatè reluctarentur, posse ibidem sine ullo classis discrimine navales copias tamdiu detineri, dum urbem, aut vis armorum, aut pertinacia obsessorum expugnaret. Fugatos interim, dissipatosque ad Hellespontum Thraces à patriis sedibus ferendae opis gratia non excessuros. Contremuisse Byzantium adverso classis eventu; nec conducere extenuatis viribus relinqui regni caput. Quod, etsi parari iterum naves potuissent, nostra classe, & mari eos distineri, ne opportuna suis subsidia conferrent. Maturandum ergo consilium; nam, ubi occasio praeteriisset, seram poenitentiam futuram. Interea funestissimam illam pestem, Regni visceribus incubantem, abituram; ad pristinae libertatis spem redituram Insulam; brevè denique hac arte tam nefarium, infestumque Reip. bellum comprimi posse. Hæc cum variè inter se expendissent Proceres classis, Creta procul dubio ab ingruente calamitate vindicata esset, ni, ita fatiis volentibus, aliud consilii genus propositæ felicitatis spem intervertisset. Quippe cum non sine ingenti classis detrimento in Hellesponti angustiis quotannis hostis expectaretur ad prælium, ex re iis visum Tenedon insulam vi capere, ut tuta ibi navium statio foret, dataque occasione, aptè ad certamen exirent. Sita est Insula haud procul ab Hellesponto, quinque milliarium intervallo distans à littore Troadis: intra cujus portum navalium

focio-

*Sed Tenedos à Venetiis tentatur.*



1656 fociorum copias Turcæ redigebant, ut conferentibus pugnam Venetis à tergo essent. Compositis in hujusmodi sententiam animis, adversus Tenedon mota sunt arma. Neque antè à bello cessatum, quàm unà cum Tenedo Lemnos etiam ( insula altera est contra Tenedon, inter Imbrum, & Athon ) ac Samothracia, Lemno propior, in ora Thraciæ, in potestatem devenerint. His motibus, Byzantii ociantibus barbaris, elapsus est annus; nulli intereà labori parcente Mauroceno, ut ampliùs stabilirentur urbis munimenta, augerenturque vires in præsidium.

*Tenedos,  
Lemnos,  
ac Samothracia  
occupantur.*

1657 Verùm eadem incrementa, quæ in tam atroci bellorum conditione Venetorum animos quodammodò solabantur ( Senatus enim Tenedo, ac Lemno redimere Cydonem, ac Rithymnam designaverat ) proxima tempestate in damna potius versa sunt: immò, dùm exectas radices belli Patres rebantur, longiùs hostium rabies emanavit. Siquidem barbari diù, multumque ob illorum inscitiam laborantes, in quibus agendarum rerum summa vertebatur; tandem Mahometem, Cuperlium cognomento, Regii sigilli custodem, quod apud Thraces supremæ post Regem dignitatis, potestatisque munus est, ( Balsa Visserius appellatur ) creavere. Is, ut ferox erat ingenio, & rei militaris peritus, ita, ubi expediebat, consilio, ac manu promptus, bellum ad extrema revocaturus, utilioribus

*Cuperlii  
studia, &  
ingenium.*

ribus primùm civitatis studiis, mox amplissi- 1657  
mo terrestrium, ac navalium copiarum appa-  
ratu Imperii sedem erigere adnexus est. Utque  
captaret sibi famam, quæ in novis conatibus  
multum valet, atque inde initia dignitatis præ-  
claro aliquo facinore insignirentur; cuncta oc-  
cultis curis agitare, firmare sibi optimi eventus  
fiducia Regis animum, suspectos, noxiosque si-  
ne ostentatione, ac tumultu de medio tollere,  
allicere demum favorem plebis, ea maximè de-  
clinans, quorum recens odium deflagrabat. Hæc  
arte extimulatis ad defendendum Imperium  
mentibus, parendi disciplinam brevè restituit;  
jussaque ejusdem, quamvis abditis rationibus in-  
nixa, quia ingens de auctore invaluerat existi-  
matio, promptius populus, miles, ac primores ci-  
vitatis exequabantur. Internis rebus accuratè  
dispositis, externa quoque auxilia respexit; ni-  
hilque ad belli ordinem accommodatius visum,  
quàm, ut, emissâ celerius classe, collectisq; so-  
ciorum copiis, præveniret adventum Venetorum.  
Itaque, cum ferocissimum hominem Topalium  
classi præfecisset; ipse cum XL. M. armatorum  
Sesti, Abydique littora infedit. Novis hæc ag-  
geribus, tormentariisq; suggestibus muniri im-  
peraverat, ut audentes pugnam Venetos facilè  
ab Hellesponti ingressu prohiberet. His recupe-  
randi Tenedon spe comparatis, initio veris in  
Ægæum erupit Topalius, ut navales socios ex-  
ciperet:

In-

*Turcarum  
classis  
motus.*



1657 Interea Senatus, Lazaro Mocenico Equiti D.  
Lazarus  
Mocenicus  
Imperator  
in Aegæo. Marci, insigni ob amissum in bello per vulnus  
oculum, demandato classis Imperio, maritimum  
exercitum in Græciam miserat. Igitur, ubi  
Mocenicus Cretam appulit, atque indè in Pe-  
lagi interiora provectus est, non servandæ Te-  
nedos tantum, sed subigendæ quoque Chii insu-  
læ consilium adamavit. Talia paranti ingens  
navium numerus, quas Babylone mittere quot-  
annis in auxilium Thracum Ægyptii consue-  
verant, occurrit. Quibus post brevem pugnam  
perdomitis, dùm Topalium obsidionem Tene-  
do intentare molientem insequitur, in Pirata-  
rum classem incidit; nec secundo minùs eventu  
eandem dissipat, ipsâ barbarorum Prætoria na-  
vi, & Classis Præfecto in potestatem redactis.  
Procurator  
Div.  
Marcide-  
claratur. Læta successu Respublica, Procuratoria D. Mar-  
ci dignitate Imperatorem decoravit: qui post a-  
lias quinque piraticas naves prælio superatas,  
spe universæ Turcarum classis debellandæ in  
Hellepontii fretum pergit. Nec territus muni-  
mentis, quæ Mahometes sedulò custodiebat,  
cum hostium navigiis pugnam conferit. Thra-  
ces, quibus omne consilium in tanto Venetorum  
ausu nutabat, ubi ad necessitatem præliandi com-  
pulsæ sunt, aquarum cursu adjuti, pari ardore  
certamen iniere. Atrox contentio fuit, & diù  
utrinque cruenta. Sed fortuna, viresque pror-  
sus inæquales; cum duplex Venetis hostis insta-  
ret. Præter auctiorem enim barbarorum clas-  
sem,

*Ægyptias  
naves su-  
bigit, ac  
Piratas.*

*Progredi-  
tur ad  
Hellepō-  
tum.  
Atrox ibi  
pugna.*

fen  
per  
vix  
fen  
mo  
est  
bel  
te  
im  
ext  
re  
mu  
mi  
pug  
tor  
per  
fus  
ne  
Tu  
H  
der  
rel  
in  
cto  
pie  
ne,  
da  
per  
hy  
ge

sem, adversos fluctus efferens mare, quod re- 1657  
 pentè ventis intumuerat, ita naves fatigabat, ut  
 vix concitato remigio impelli in hostem pos-  
 sent. Nihilominus tres dies modò in angustiis,  
 modò in aperto Ægei fortiter adeò dimicatum  
 est, ut neminem lateat, servato duce, de totius  
 belli exitu agi hac acie potuisse. Sed, inclinante  
 ad Venetos victoria, ultimam prælio manum  
 impositurus Mocenicus, dùm strenuè suos ad  
 extremos impetus accendit, dejecti mali ponde-  
 re attritus, in puppi prosternitur. Tunc potiti  
 multis hostium navibus Veneti, licèt ab certa-  
 mine victores evasissent, attamen ob diuturnæ  
 pugnæ laborem, extinctamque jactura Impera-  
 toris fiduciam, à consilio quidquam tentandi  
 penitus dimoti sunt. Secus Mahometes; qui u-  
 sus occasione, collectisque reliquiis classis, Te-  
 nedon desertam, mox expugnatam vi Lemnon,  
 Turcicam in ditionem denuò redegit.

*Venetorū  
victoria,  
& Moe-  
nici mors.*

*Tenedos;  
ac Le-  
mnos oc-  
cupata à  
Turcis.*

Huic tam fædo rerum aspectui non modò impru-  
 dens vulgus ingemuit; sed etiam Senatus que-  
 relas illata detrimenta evocarunt. Hinc mæror  
 in ore cunctorum, & tristior ex concepta vi-  
 ctoriæ spe malorum facies. Verùm, cum sa-  
 pientiores graviora pertimescerent, cautum est,  
 ne, ob supremi ducis defectum, barbarorum au-  
 dacia gliscens, in subjectarum Reip. insularum  
 perniciem devolveretur. Nondùm præterea  
 hyems inceserat; eoque apertius necessitas eli-  
 gendi Imperatorem urgebat, quòd nemini

*Mæror  
Venetorū.*

H incom-



1657 incompertum esset, recenti victoria elatum Mahometem, antequàm in hyberna proficisceretur, novi aliquid moliturum. Nihilominus, cum de ea dignitate ageretur, unde universa tanti belli administratio penderet, virumque animo, ac consilio parem difficillimo tempori comitia postularent; summa Senatus diligentia quæsitum, ut omnium expertissimo Imperium demandaretur. At, cum eam animi vim præ se ferret, prosperisque belli eventibus probavisset Maurocenus, quam in tantis rerum fluctibus exigere magnitudo belli videbatur; brevì, conversis in eum Patritiorum studiis, declaratus est Imperator. Eadem quoque die Parens ejus Petrus Maurocenus, ob ingentia erga Rempub. merita, inter D. Marci Procuratores cooptatus: adeò ut, quæ secundarum rerum spes ob fortissimi ducis Lazari Mocenici obitum nuper veluti exaruerat, auctiore fiducia, collatis in Maurocenos dignitatibus, reviresceret.

*Franciscus Maurocenus Imperator eligitur.*

*Petrus Maurocenus ejus parens D. Marci Procurator.*

*Classis lætitia.*

*Studia Imperatoris.*

Erecta inde universa civitas; susceptoque nuncio, Classis Proceres ita exultavere, ut veluti per Maurocenum egregiè agendorum vates, lætitiæ non temperaverint. Milites verò in honorem ejus instructa classe, explosisque ex nautico more omnium navium tormentis, hilari cantu consalutavere Imperatorem. Neque spem fefellit Maurocenus. Quippè quidquid Reip. profuturum sedulo animadvertens, traditæ sibi classis vires pendebat,



debat, ut iis haud impar belli ratio responde- 1657  
ret. Verum ejus consiliis nec navalium, nec  
terrestrium copiarum robur par erat. Exhau-  
stis enim ob præteritum certamen viribus, ita u-  
niversa classis languebat, ut ad quoscunque ho-  
stium motus omnia in lubrico forent. Illud er-  
go in primis provisum, ut novis copiis exerci-  
tus, naves commeatibus, armisque firmaren-  
tur. Missæ hac de causa per Ægæum triremes,  
quæ vectigalia ab insulis exigerent; cùmque ur-  
gens belli necessitas eadem paululum auxisset,  
ne quid intestini motus inter subjectos orire-  
tur, promptiorum fidem præmiis prosecutus,  
ac penarum severitate reluctantes deterruit. In-  
tra modicum temporis non exiguo remigum,  
ac nautarum numero ab insulis in classem tra-  
ducto, convocatisq; captivis, quos ab oppidis à  
se superioribus annis subactis collegerat, ita  
longas naves complevit, ut ad pristinum robur  
revocata classis videretur. Interea Thraces, ob  
depulsos à Tenedo, ac Lemno Venetos, eximiam  
de iis se tulisse victoriam non ignari, ad vali-  
diores conatus arma comparabant. Non æquo  
tamen animo ab Rege, & Cuperlio latum est,  
summam Venetarum copiarum administratio-  
nem Mauroceno commissam. Utque insuper  
reparatam ab eodem classem, atque auctioribus  
præsidiiis communitam Cretam rumor vulgavit,  
ita à prioribus consiliis mentem abstinuere, ut  
nihil amplius eo anno adversus Remp. attentare

Turcarum.

H 2 ausi



1657 ausi fuerint. Quapropter potiore autumnalis, hybernæque tempestatis partem copiae utrinque in stationibus consumpsere.

1658 Sed Maurocenus inopinatis motibus barbaros deprehendere constituens, Idibus Februarii Prefectum navium Hieronymum Contarenum, sedulum in re navali virum, ad Hellesponti fauces cum navibus mittit, ut vacuo hostium insidiis pelago, aptius ipsorum insulas aggrediretur. Inde, cum triremibus interjectum mare exploraturus, Chium proficiscitur: quatrimumque ob maris æstum ibidem commoratus, composita demum tempestate, Astypalæam insulam contendit. Hinc brevi Chalciam deventum. Insula hæc Turcarum ditionis, duodecies mille passus à Rhodo Cretam versus distat; cujus incolæ non vectigalibus tantum, sed nullo officii genere se Reip. obstrictos jactantes, jamdiu patientiam Venetorum lacefferant. Opportunum ratus Imperator horum audaciam cohibere, ut in eodem periculo par adjacentibus insulis metus esset, occupandi per vim loci spe permotus est. Itaque excursibus primum, agrorumque direptionibus oppidanos perturbavit: mox tanto ardore irruit in arcem, ut, superatis menibus, omnia pavore, ac cædibus impleverit. Tunc resistentium plurimi trucidati: reliqui sponte dedere se in servitutem. Actâ dein à militibus prædâ, ac velis in altum datis, Carpathum insulam, inter Cretam, Rhodumque sitam, pergit. Verum

Frânciscus  
mittit  
Hierony-  
mum Cō-  
sarenū ad  
Hellespō-  
ntum.

Chalciam  
insulam  
sentat;

ac subi-  
git.



Verùm dimidio vix itinere confecto, adeò pelagus ventis repentè urgentibus intumuit, ut veluti continuis aquis cum nubibus mare coiret. Jamq; subitæ nubes cælum abtulerant, jam clauus non sequebatur ducentem; illiusq; præsertim triremis latera, quam Imperator conscenderat, ita laxabantur ad fluctus, ut neque irrumpentes undas propellere, nec salutem, vento artem superante, nautæ ampliùs sperarent. Postremò, cum ingenti aquarum impetu fractum esset gubernaculum, cæcis itineribus ita passim per pontum trahi triremis cepit, ut ejusdem cursum regeret vis ipsa procellæ. Itaque cedendum fortunæ Maurocenus intelligens, adeò ut, si maris iram effugisset, cautibus demùm illisa navis frangeretur; aduerso fato percussus ita doluit, ut tamen saluti suorum forti animo prospiceret. Cum enim de more sola Imperatoria triremis facem in summa puppi elatam ferret, quam reliqua classis sequebatur; extingui eandem (fatis efficax exemplum ad probandam in suos caritatem) imperavit: mallens, servatis sociis, ipse perire, quàm suorum discrimine seruari. Dimoto ab Imperatoria navi lumine, quisque sui fati vim sectatus, hùc, atque illuc, acriùs sevientem ventorum rabie, agebatur. Multæ intereà è triremibus ejectæ, aliquot in vadis fractæ, cum iisque non modica vis hominum periit. Inter reliqua majoris magnitudinis navigia scopulis impacta Jacobi Capellii Quinqueremis per fluctus dispersa est;

1658

Tēpestas  
maris, &  
classis  
naufra-  
gium.Mira vis  
animi in  
Mauroce-  
no.



1658 est; quamvis plurimi illorum, qui eadem vehebantur, salutem in littore invenerint. Plures horas proximæ mortis minas protrahente tempestate, jam Veneti suis erroribus Pelagum impleverant; cùm, dissipatis tandem nubibus, redditoque nautis cælo, immanes undarum vortices defecere. Cæterùm Imperatoriæ triremi ita incompositi maris furor ignovit; ut, licèt nullo re-  
*Imperatoriæ triremis servata Carpathum appellis.*  
 ctore secuta impetum ventorum, felici tamen flatu ad Carpathi oras compulsæ, ultimum discrimen non sine Superum auxilio evitaverit. Collectis ibi reliquiis naufragii, Astypalæam provectus est Maurocenus; votisque pro ejusdem incolumitate persolutis, integrum mensem in reparandæ classis operam insumpsit.

Triste omen tunc primùm Imperium summum suscipienti milites rebantur, quòd primis conatibus tantæ calamitatis vis obstitisset. Et, sicuti contingere in adversis solet, excidisset animo virtus expectatione tanti ducis excitata, ni promptioribus ejusdem studiis rursus erecti, vires ad hostium excidium resumpsissent. Nusquam intereà cunctandum intelligens Imperator, cùm, veluti obstupescente ad recentem cladem exercitu, calido adhuc vulnere sensus abesset, elapsi temporis jacturam illustrioribus factis pensare constituit. At in Cytheram tra-  
*Classis prope Cytheram convenit.*  
 jiciens, cùm ab incolis admoneretur Turcarum classis Præfectum XL. cum triremibus, nonnullisque navibus paulò antè ab Hellesponto exiisse  
 ( non-

(nondum Hieronymo Contareno ob tempesta- 1658  
tum discrimen fretum custodiente) latèque per  
Ægæum non sine nostrorum detrimento evaga-  
ri, aliis curis aperire animum cœpit. Suspica-  
tus enim magni aliquid hostem ausurum, si, o-  
missa insularum defensione, navalium copia-  
rum robur aliò deduxisset; classe ibi detenta,  
sua accuratè tueri decrevit, donec, Italicis ad-  
ventantibus copiis, tutiùs, exercitum dividendo,  
vires distrahere posset. Interim nullus ocio dies  
dabatur. Modò ad publica negotia accolas conc-  
curre, modò militum animos ad constantiam  
componere, sæpè à subactis exigere tributa, i-  
ta ut & robur, & fides in dies augerentur. Ta-  
lia paranti Venetorum subsidia, cum iisq; Pon-  
tificiæ, Melitenses, atque Etruscæ triremes su-  
pervenere. Erectus indè fiducia virium Impe-  
rator, ubi suspectiora loca idonea navigiorum  
manu permunivit, nihil magis optabat, quàm  
navali prælio barbarorum copias dissipare. Igi-  
tur, cum per expeditas biremes, ad exploran-  
dum missas, innotesceret hostilem classem pro-  
pe Paron detineri, illuc extemplo properatum.  
Neque perfunctorio penitus itinere. Quippè,  
cum sub lucis exordium ad insulam perventum  
esset, deprehensos ibidem barbaros ad certa-  
men penè provocaverat. At ii more ignobilium  
ferarum, quæ ad crepitum arborum, nemo-  
rum recessus petunt, vix conspectis nostrorum  
signis, prælii discrimen subire non ausi, veloci-  
ter

*Navaliū  
sociorum  
advētus.*

*Impera-  
tor Paron  
proficis i-  
tur.*



1658 ter adeò aufugerunt; ut capi suos, quorum aliquot copias in littus effuderant, quàm tuendo eos pugnam inire, maluerint. Itaque citiùs hostes præceps cursus abstulit, quàm Maurocenus cominùs eos ferro laceſſeret. Sed non eadem evadendi felicitas iis, qui in extrema inſulæ ora auxilium à ſuis fruſtrà poſcentes, inventi ſunt. Siquidem facilè à Venetis circumventi, nulla propemodùm contentione, tranſierunt in ſervitutem. Hoc perfectò, aliò utiliorum motuum ſpes claſſem revocavit.

*Turcarum  
aliquot  
copias ſubi-  
egit.*

*Statuit  
Cydonem  
adoriri.*

Inerat animo Imperatoris præclariffimi facinoris cupido, cujus exitum ni caſus multiplici errore diſtraxiſſent, vindicata à tyrannide Turcarum Creta, tota denuò paruiſſet Imperio Venetorum. Compulſa enim hoc eventu hoſtium claſſe, cùm pavidus ejuſdem Præfectus abeſſet, nihil utilius, ampliuſque ad gloriam Reip. futurum intellexit, quàm ut Veneta claſſis Cydonem oppugnatum duceretur. Urgebat acrem animum victoriæ decus, & præmium: tanti enim operis merces poſtrema hoſtium conſternatio futura videbatur. Quamobrem, & rei magnitudine, & opportunitate temporis incitatus, vix Proceribus claſſis hac de re animum aperuit, cùm mirabili animorum conſenſu, quæ apud ſe conſtituerat, eadem ut ageret, omnes ſuaſere. Verùm, cùm illud ſperandæ victoriæ argumentum eſſet, quòd Cydon tunc temporis tenuiſſimo obfirmaretur præſidio, in  
eo

eo fiduciam prosperi eventus quisq; collocabat, ut, 1658  
 omnibus quàm occultissimè comparatis, in con-  
 spectum urbis ex insperato exercitus erumperet.  
 At alia Superum decreta. Cùm enim hostis ab-  
 esset, qui consilia nostrorum præpediret, verte-  
 runt hi in suos armorum detrimenta; temera-  
 tisque secretis, Cretæ incolumitatem penè ab  
 Imperatoris manibus eripuerunt. Jam, inchoato  
 prosperis auspiciis itinere, Delum insulam ven-  
 tum erat, eductoque ibidem milite, omnium  
 spem fronte, alloquiis, atque exemplo adaugens  
 Maurocenus, sedulò inter duces obsidionis la-  
 borem partiebatur: cùm exorta inter Franci-  
 scum Marchionem de Villa nova, & Jacobum  
 Equitem Gremonvillium, qui præcipuis belli of-  
 ficiis fungebantur, tacita primùm contentio, utri  
 scilicet primum ejus facinoris munus deman-  
 dari æquius esset, brevì in apertas iras prosiluit.  
 Quis crederet? Sic inter se de redimendæ Cre-  
 tæ momento certabant, tanquam duos tanta vi-  
 ctoriæ magnitudo non caperet. Impletis hac  
 dissensione cohortibus, cùm ea, quæ inter se  
 duces clàm constituerant, passim per Insulam  
 vulgarentur; factum est, ut per quosdam Tæ-  
 nariorum myoparones, Delo tunc Cydonem  
 proficiscentes, meditatæ obsidionis ratio hostibus  
 aperiretur. Tunc ab iis non ultrà dilata muni-  
 menta, ne imparatos Venetus miles inveniret.  
 Igitur mittere statim ad convocanda finitimorum  
 auxilia, struere insidias viarum, non modicam

*Sed dis-  
 sensione  
 Ducis in-  
 ceptū per-  
 vertitur.*

*Turce, de-  
 serto no-  
 strorum  
 consilio,  
 parantur  
 ad bellū.*

I trire-



1658 triremium manum deducere in portus custodiam, omnem denique belli apparatus in urbem redigere. Quæ, ut renunciata sunt Mauroceno, cum recludi, quæ premeret, conscios hostes, cuncta bello provisa, neque sine ingenti copiarum discrimine intentari obsidium posse animadvertisset; à consilio superiore dejectus, in Turcicæ classis Præfectum impetum vertit. Hunc ad interiora usque sinus Adriatici perductum, non sine principis Urbis sollicitudine, commeatum commercia interciperet, relatum fuerat. Itaque navali certamine multaturus hostis audaciam, explorans, qua aptè capi posset inter angustias, diù Supero ex mari reducem circa Peloponnesi littora infecutus. Tandem, eodem prope Eubœam repente deprehenso, cum ad pugnam omni studio suos impelleret, impar pernicitas navigiorum prius barbaros abstulit è conspectu, quàm, undè ii solverant, Veneti convenirent.

*Maurocenus classis hostilem infestatur.*

*At Turcæ diffugiunt.*

Sæpè eâ tempestate Thraces incertis latebris Maurocenum fatigavere. Bis prope Chium penè circumventi, totidem classem verterunt in fugam. Quamobrem, cum inutiles conatus totam penè æstatem consumpsissent; satius eidem visum, eò copiarum robur ducere, quò tutius ob hostium formidinem, spoliis eorundem potiretur. Igitur ad Claron præcipuam Myrtoi maris insulam profectus, cum tentari eam placuisset, non illicò ad vim custodibus inferendam,

*Claron insulam Maurocenus armis expugnat.*

dam, cohortes in littus effudit. Sed ostentans 1658  
 leviolem servitutem apud Venetos deditis, quàm  
 bello, armisque subactis futuram, monuit eos,  
 ut sibi prospicerent; neve servandarum mercium  
 gratia, quibus affluere incolas fama vulgave-  
 rat, vitam miserrimè perderent. At iniquo a-  
 nimo ferentes Turcæ refertissimam opibus ar-  
 cem à nostris diripi, ad arma unanimes confu-  
 gere. Consilii tamen infelicitatem brevè even-  
 tus ostendit. Quippè, omnibus ad bellum utrin-  
 que comparatis, cum oppidum undique Vene-  
 tus miles adoriretur; tantus repente pavor, in-  
 certum penitentia, an interno dissidio, propu-  
 gnatores invasit, vix ut clamorem assultantium,  
 nedum impetum sustinuerint. Captis ergo mœ-  
 nibus, cum nonnulli discurrentium cederentur;  
 reliqui, ablato effugio, catenis obruti sunt.  
 Continuò arcem Venetus miles depopulatur;  
 VIII. tormenta muralia asportat. Post quæ dis-  
 jici muros, imperatum: neque ante discessum  
 indè est, quàm cætera flammis corrumpere-  
 tur. Festinanti post hæc in hyberna Mauroce-  
 no quatuor onerariæ naves prope insulam oc-  
 currere; quibus subigendis modicum laboris  
 insumptum. Siquidem, in Venetorum potesta-  
 tem redactis post brevem pugnam navigiorum  
 rectoribus, ingens annonæ copia, quam Cydo-  
 nem erant delaturi, collecta est in triremes;  
 adjectisque reliquæ classi navibus, Samon de-  
 ventum. Novum hîc victoriæ genus. Cum e-

Quatuor  
 onerarias  
 occupat

Samon  
 popula-  
 tur.

I 2 nim



1658 nim non modicam equorum manum, custoditam à Turcis, in littore deprehendisset Imperator; levis armaturæ cohortem exposuit, quæ custodes belluarum invaderet. Neque mora. Nam pars occupavit equos; reliqui Turcas aggressi, haud levem non tam hominum, quam equorum tumultu pugnam conservere. Diu anceps contentio non stetit: Veneti enim, pulsus hostibus, potiti equis rediere in triremes; continuòque Melon properatum est.

His dum vacabat Maurocenus, distractus à Daciæ motibus Mahometes ( nova illic rixarum semina ) Cydonem tantum, ac Rithymnam præsidiiis, atque annona firmare conatus est. Reliquam armorum curam haud negligens, augendis maritimis copiis sedulò studuit; ut tandem, Daciæ rebus compositis, bellum in Cretam totis cum Imperii viribus verteretur. Nec ulla arte flectere ejus animum in hac

rerum inclinatione Veneti potuere. Cum enim Joannes Capellius D. Marci Procurator, ac Joannes Baptista Ballarinus à Secretis Senatus, Byzantii Remp. procurantes, experti fuissent, eam Turcarum indolem esse, ut largitione, & pecunia, quæ armis quandoque validior est apud inhiantes muneribus Thraces, vinci posset; munerum ostentatione Cydonem, Rithymnamq; repetere, ac bellum penitus inhibere adnixi sunt. At jactans Mahometes, nonnisi integra Cretæ insulæ concessione passurum Regem bel-

li con-

*Turcarum  
motus.*

*Capellius,  
ac Balla-  
rinus tra-  
ctant cum  
barbaris  
de incun-  
do sedere.*

*Sed inca-  
sum.*

li consilia languescere, quæ hac spe obtineri 1658  
 possent, ostendit; si secus, omnia vi, atque ar-  
 mis conficienda. Verum Patres, quod jure possi-  
 derent, etiam armis tuendi animum sibi esse af-  
 firmantes, illud in posterum curavere, ut sufful-  
 tæ novis delectibus navales copię proximo ve-  
 re ad gerendas res in Græciam convenirent.  
 Cumque ob immensos belli sumptus egeret æ-  
 rarium, libens Senatus opes suas in medium  
 protulit; ut planè unusquisque Patrum in rei  
 familiaris locum adoptasse sibi communem  
 Reipub. defensionem videretur. Hinc Mauroce-  
 no, cujus prudentiæ Senatus fiducia inniteba-  
 tur, prorogatum est Imperium: ipse verò post  
 deductum in hyberna exercitum, per omne re-  
 ficiendarum virium studium totum fermè hye-  
 male tempus transegit. Has curas propior re-  
 rum prosperarum occasio cum vere subivit. Mis-  
 si namque ad Imperatorem à Tænariis legati,  
 qui fidem simul, & opem ad novos conatus  
 pollicerentur; indicatisque captu facilioribus  
 Peloponnesi oppidis, ad tutiores victorias cum  
 veluti manu perducerent. Populi quidam Tæ-  
 narii sunt illam Peloponnesi regionem inco-  
 lentes, quæ Septentrionem, Ortumque solis  
 intercedit ( hæc à quibusdam Leuctrum appel-  
 latur ) &, quamvis barbarorum inter provin-  
 cias degant, pietate tamen, atque instinctu a-  
 nimorum ita verę religionis cultui addicti sunt,  
 ut Turcarum jugo solvendorum duntaxat ve-  
 ctiga-

*Igitur a-  
nimi pa-  
rantur  
ad bellū.*

*Mira-  
Patrum  
Venetorū  
virtus.*

1659

*Tenario-  
rum lega-  
ti ad  
Mauroce-  
num.*



1659 Etigalium nomine subjiciantur. Amplexatus statim horum fidem Imperator, ut pręveniret hostium motus, amicorum pœnitentiam, cū legatos eximiis pręmiis donasset, propositum primò ab iis accepit, Abæam ( hæc veteribus Hira ) inopinanter trajiciendi. Magnam ea in urbe rerum omnium copiam, aptumque navibus populum, qui facili negotio in potestatem venturus esset: locum verò ipsum, quia ab imparatis custodiebatur, vel minimo labore oppugnantibus celsurum. Itaque, excepto Tænariorum præsidio, ubi in sinum Messeniæ deductus est, instruendam aciem Equiti Gremonvillio Copiarum Præfecto tradit. Indè in Abææ conspectum pergit: dūque à metatoribus haud procul à vicis castra ponuntur, Abæatarum vulgus, commotis repentino hostium incursu animis, in Venetos, neglecto discrimine, audacter descendit. M. fermè pedites, CCC. verò equites incolarum eruperant; quos si in urbis præsidio meliora consilia detinuissent, sicuti plurimi eorum incolumes, ita difficilior obsidentibus victoria. Veneti equites, quibus Georgius Cornelius Eques probatæ fortitudinis dux præerat, primo hostium impetu strenuè sustentato, cū ignara incolarum turba nec concursando signa sequi, nec servare ordines edocta per campum latè spargeretur, tantam ipsis cædem intulere, ut fermè dimidium cohortis in ipso pugne exordio ceciderit. Barbari,  
ubi

Imperator  
statim Abæam  
obsidere.

Eruptio  
Abæatarum.

Eorūdem  
egres.

ubi tot suorum corpora prostrata circumspexerunt, confusione primum, mox tanto impendentis lethi terrore obruti sunt, ut præcipites ad proxima mœnia certatim contenderent. Tunc, impellente copias Mauroceno, usque intra muros assiduis cladibus acti Abætæ. Quò cum non cedere solum, sed immixto fugientium agmine coacervarentur manipuli, alique super aliorum corpora ruerent, atque incolumes sauciis, vivi jam trucidatis cumularentur; paucissimi eorum, declinatis victorum gladiis, urbem intravere. Occupatis hac hostium consternatione vicis, continuo exercitus in urbem irrupit. Nec frustra in ea laboratum. Namque, contractis obicibus, atque incolis ferme cunctis occisis, vix superfuit, qui in arcem illaberetur. Contemplatus tunc loci naturam Franciscus, eam potissimum partem tentare cepit, quam maxime munimentis destitutam deprehendit. *Urbe ea præ,*  
Lacessita ergo arx omni genere tormentorum. *Arx quoque subi-*  
Demum, cum, via per murorum ruinam patefacta, ad manus devenit esset; paucorum cædem loci deditio consecuta. Abætæ pluri- *giur.*  
XIV. muralia tormenta in classem recepta; devastatam verò igne urbem milites ex edicto Imperatoris solo æquavere.

Abæa nullo propemodum detrimento virium *Tænarij*  
expugnata, repente Tænarij ardor eva- *recedunt.*  
nuit. Hinc, qui primum instructos se ad discrimi-



1659 crimina quæque exhibuerant, nunc variè, ne bellum invalesceret, robur Turcarum, suorum paucitatem causabantur. Motus Imperator inconstantia gentis, ne, si ultrò processisset, insidiis undique clauderetur, ad illud animum intendit, ut paratos egredi Hellesponto Turcas non modò à Creta, sed ab Ægæo etiam summo-  
 Jāmq; ad Melon insulam pervenerat, cū renun-  
 tiatum ibi XXXVII. hostium rostratas na-  
 ves prope Chium convenisse. Ratus idcirco, u-  
 tilius fore eam classis partem dissipare, cū  
 interea ab Hieronymo Contareno navium  
 Præfecto Hellesponti fauces sedulò custodiren-  
 tur, Chium advolavit. Classe haud procul ab  
 insula perducta, ne fortè hostium navigia fu-  
 gam capefferent, sinus ostium obsideri præcipit.  
 Verū, cū paulò antè ad Jonium sinum Tur-  
 cæ divertissent; eò properantes Veneti, apud Ar-  
 gennum promontorium in conspectum hostis  
 advenerunt. Tunc pugnaturi inter se prælii mu-  
 nia partiuntur; quisque alacri oratione suos ac-  
 cendit, objectisque quinquere-  
 mibus, classi ho-  
 stium propinquat. At paria utrinque vòta non  
 erant. Quippè, sicut Fidelibus nihil certamine  
 optabilibus, ita nihil magis invisum barbaris:  
 immò, quò intentiùs illi manus conferere concu-  
 piebant, eò celerius Turcarum Præfectus fugam  
 arripere annitebatur. Jussi nihilominùs Veneti  
 palantes triremes persequi: indè expeditiores eo-  
 rundem naves adeò in cursum effundi cæpere,  
 ut

*Mauroce-  
 nus Tur-  
 cicis tri-  
 remes in-  
 sequitur.*

*Sed bar-  
 bari fu-  
 giunt.*

ut penè ad regia hostium signa pertingerent. Inter reliquos duces Antonius Barbarus, Hieronymusque Pisaurus, ille Classis, hic Adriatici Sinus Præfecti fugientium itinere præoccupato, sibi quisque triremim subegerat. Hinc nostris robur, sumptusque certatim in barbaros impetus. Neque majori victoriæ locus reliquis defuisset, ni ob graviolem quinqueremium molem, quæ pari celeritate ferri non poterant, ac postremo obversum in Occidentem solem, longè jam ablatis hostibus, signum receptui tubæ cecinissent. Turcarum formido auxit cupidinem pugne. Igitur Lyciæ oras explorare decrevit Imperator, ut insidiis circumventam illorum classem denuò aggredereetur. Sed pavitantibus barbaris Rhodi primùm, mox Chii portus subsidio fuit: utrinque enim aptè dilabentes, copiam dimicandi Venetis eripuerunt. Intelligens Maurocenus, frustra tentari hostis vecordiam, ad Hellespontum, res suorum invisurus proficiscitur. Quò cum ab Contareno apprimè obfessas freti angustias, paratumque strenuè ducem ad quodcunque navalis pugne discrimen, animadvertisset; firmatis omni ex parte custodiis, ad majora triremes iterum ducit.

Non visum tamen eidem longiori itineris tractu à suis abesse, ut promptum se ad occasiones perhiberet. Idcirco Toronaicum in sinum provectus, qui in littoribus Macedoniæ est, cum opportunum turbatæ procellis Turcarum classi

K por-

1639

Antonii  
Barbari,  
ac Hiero-  
nymi Pi-  
sauri fa-  
cinus.

Mauroce-  
nus trahi-  
cit ad  
Hellespon-  
tum.

Inde To-  
ronem  
appellat.



1659 portum jamdiù cognovisset; loci utilitatem hosti-  
 bus ablaturus, navales, terrestresque copias ad  
 arcem admove re constituit. Torone ei nomen  
 est; quę Orientem versus faucibus portus immi-  
 nens, angusto telluris tramite continentis cre-  
 pidini adhærescit. Locus saxo quadro septus,  
 non tam magnitudine molis, quàm situs naturâ  
 estimandus, quòd vel modicis viribus defendi  
 facillimè queat. Tutum ibi classis Turcicę effu-  
 gium, & prompta navium, ob saltuum copiam,  
 instauratio. Sed Maurocenus, ne à proximis op-  
 pidis subsidia ad Toroneos mitterentur, expedi-  
 tam velitum cohortem è triremibus exposuit,  
 quæ brevem illam terræ partem, per quam lo-  
 cus continenti jungitur, circumductâ acie obsi-  
 deret. Nondum Venetorum manus utilissimum  
 arcis tramitem occupaverat, cum incolæ, cogni-  
 to consilio, timore abjecti, famisque vim è lon-  
 ginq̃uo reformidantes, locum deseruere. Tunc  
 divitem arcem exercitus ingressus est. Reperta  
 tormenta bellica majora XXXIV. cum iisque  
 ingens mercium, annonęque congeries: non-  
 nulli præterea ex incolis in ditionem transierunt.  
 Prædâ relatâ, ne denuò locus emolumento Thra-  
 cibus esset, effossis cuniculis, mœnia funditus  
 eversa sunt.

Vix Imperator portum relinquens altum te-  
 nuerat, cum erectos summoperè suorum ani-  
 mos sentiens, ex præsentium proventu ad altio-  
 ra mentem erexit. Situm est in Chii insulæ  
 con-

*Torones  
descriptio,  
& Situs.*

*Occupatum  
à Venetis.*

conspēctu pervetustum oppidum (Cisium vul-  
 gus appellat, Chiamq; arcem quidam ex scripto-  
 ribus nuncupavere) quod ab Asiæ minoris con-  
 tinenti modicè porrigitur; & sicuti difficilem  
 ad se aditum ob munimentum portus exhibet, ita  
 duplici murorum corona circumdatum est. Di-  
 ves populus, vicorumque, ac camporum adja-  
 centium ubertas, quos ingens hominum multi-  
 tudo oppido perutilis incolebat, quibusdam ex  
 Venetis ducibus capiundi loci desiderium antea  
 fecerant. At studia incassum adhibita: nam fir-  
 mitas arcis, ingensque præsidium, quod in il-  
 lius custodiam servabatur, inanes motus non u-  
 nica vice reddiderant. Veruntamen Mauroce-  
 nus, quem à fortibus consiliis ardua non revoca-  
 bant, fretus plurimum ingenio, licet quampluri-  
 mi suorum à tentandi oppidi discrimine abhor-  
 rerent, jam secundum eventum animo præcepe-  
 rat. Igitur, ut ad certam victoriam prope-  
 rans, eò proras convertit. Interea, cum non-  
 nullis ex Proceribus validissima hostium mu-  
 nimenta, quibusdam inaccessa loci structura  
 occurreret, passimque irriti aliorum conatus  
 in memoriam redigerentur; ut prosperi even-  
 tus spe omnes confirmaret, *Nisi à levissimis*,  
 inquit, *rerum summam plerumque pendere crebra pu-*  
*gnarum experimenta me docuissent, annuerem hodie,*  
*miles, vestro, penè dixerim, timori; atque à re peri-*  
*culo plena animum, armorumque vim lubens advocarem.*  
*At, cum sæpissimè cognitum, maximos bellorum exi-*

1659

Chia ar-  
cis descri-  
ptio.Mauroce-  
nus con-  
stituit ar-  
cem oppu-  
gnare.Oratione  
ducum a-  
nimos fir-  
mat.



1659 tus à temporis momento, parvaque, haud tamen neglecta occasione profectos fuisse: non video, cur praesentis victorie opportunitatem, dum mihi ratio decipiendi hostes suppetit, penè unanimes contemnatis. Arx in propinquo est, vestra opinione magis, quàm incolarum fortitudine tuta; eoque propior ad ruinam, quòd nondum extremos aggressionum impetus pati consueverit. Hec vobis petenda: sed prius astu evocandi è muris oppidani, ut divisos, incautosque facilius opprimatis. Nec, patrata cæde, in arduo erit aditus ad superandos muros, propugnatorum copiis antea denudatos. Quod præmium adsit; decus facinoris, divitias incolarum ob oculos ponite. Sed quid cunctandum, ubi captae arcis gloria triumphi titulo accedit? Si meis consiliis fides inest, præstate sortem animum: magna pars victorie erit, vincere voluisse. Eos alloquor, qui, me imperante, toties plena manu victorias, spolia, plausus usque in hanc diem affecti sunt. Ego ipse dux in agmine, in discrimine commilito, ingenio, voce, manu ubique adero, brevè quidem debellatæ arcis laudem inde relaturus. Hic Mauroceni sermo ita copiarum fiduciam excitavit, ut nemo auderet illius belli exitum in dubium revocare, cui Imperatoris mens adeò confidebat. Quapropter, cœpto ad oppidum itinere, ubi eò Veneti convenerunt, speculatus Franciscus non è longinquo ejusdem munitiones, omnem consilii vim adhibuit, ut, expectationem oppidanorum decipiendo, tutius muris potiretur.

Continuò  
sequitur  
ardor mi-  
litum.

Assu de-  
ducuntur  
incole ad  
eruptio-  
nem.

Expositam itaque levis armaturæ cohortem, specie hauriendæ aquæ è fontibus, quibus regio abundat, ad imminentem arci collem misit;

fit; ratus spe certaminis, prædeque, incolas, uti <sup>1659</sup>  
 consueverant, adfuturos. Neque eum fefellit  
 conjectura. Quippè vix proximum tumultum  
 manus nostrorum infederat, cum plurimi op-  
 pidanorum ingenti clamore erumpentes in ho-  
 stes subito impetu irruunt. Tunc Imperator ra-  
 ptim portum ingressus, auctiorem militum co-  
 hortem educit, superatoque callium flexu, à  
 tergo barbaros adoritur. Ad hæc cum ii, qui  
 vim insequentium fugam simulantes paulò an-  
 tè declinaverant, adversus eosdem inopinanter  
 converterentur; redacti inter angustias Thraces,  
 utrinque atroci clade à Venetis conclusi. Hinc  
 tantus deceptorum pavor exortus, ut non mo-  
 dò quisque hostem ampliùs non propelleret, sed,  
 quà datum iter, universi in fugam agerentur.  
 Cæsa hoc fraudis astu penè omnis palantium  
 incolarum multitudo: cumque aliquot gnari lo-  
 corum gladios decurrentium incertis latebris e-  
 vitassent, in arcis conspectum Venetus miles re-  
 ducitur. Interea Bernardus Nanius Præfectus  
 Quinqueremium, notæque vigilantiae dux, ad  
 disjiciendos muros ab Imperatore delectus, ar-  
 cem ingenti propugnantium pavore concutie-  
 bat. Utque à superiore pugna victores mani-  
 puli rediere, signo dato, alii ad portas conten-  
 dere, pars scalas inferre propugnaculis, pleri-  
 que superare mœnia, omnes penè exhaustum  
 proxima militum eruptione oppidum ulteriori  
 cæde implere. Impigrè nihilominus aderat re-  
 liqua

*Ceduntur  
à Venetis.*

*Fit impe-  
tus in ar-  
cem;*



1659 liqua incolarum turba, nitentesque per ardua Venetos passim deturbare moliebatur. Verum atrox tantum in ipsis murorum angustiis praelium fuit. Nam, cum Veneti securi jam de incolumitate, de gloria certarent, brevi ulterius irrupere. Ubi autem multiplici ex parte tumultos occupaverunt, caedes, non pugna exorta: adeo enim in barbaros saevitum est, ut non aetas, aut sexus eisdem a stragibus exemerit. Trium horarum spatio haec gesta sunt. Tantumque insperatae victoriae gaudium incessit, ut vix actae rei fidem milites caperent: mirantibus cunctis, tam validae structurae oppidum, frustra a tot ducibus tentatum, tanta celeritate, ac nulla propemodum sanguinis effusione, expugnari potuisse. Nec leve victorum praemium fuit, domos incolarum diripientium, opesque tot annos inexpugnabilis loci fiducia congestas. Quae ubi peracta, onustus miles manubiis Turcarum, cum utiliora quaeque ac inter ea LXXVI. Tormenta, in triremes comportasset, jubente Mauroceno, arcem incendit, evertitque.

*Imperator  
ad Helles-  
pontum pro-  
ficiscitur.*

Properans post haec ad Hellesponti fretum Classis, cum Trojae oris propinquaret, ingens tormentorum fragor exauditus; ex quo pugnari ab Contareno deprehendens Imperator, eo, remiges acrius impellendo, festinavit. At, nisi dirempta contentione, ad locum deventum non est. Namque Contareni naves adverso ventorum impetu extra sinum compulsa, diutius in certa-

certamine detineri haud potuerant. Interea ta- 1659  
 men, cum Thraces viam sibi ad egrediendum mu-  
 nientes, prope Sestum oppidum, in Europæ ex-  
 tremo situm, anchoras jecissent; ut primum æ-  
 flus defecit, denuò fretum subeunte Mauroce-  
 no, Veneti omnes ducentem impavidè secuti.  
 Tunc triremes, quarum ope naves quoque re-  
 mulco trahebantur, primæ ausæ hostem lace-  
 sere: Imperator verò ultra provectus, cominus  
 rem gerere exoptans, cum Præfecto Thracum  
 prælium init. Ille animò adeò erecto, ac de-  
 spiciente fortunam congregi cum hoste consueve-  
 rat, ut omnia virtuti magis concessura, quàm  
 vires Turcarum, & quæcunque casus in præliis  
 objectare solet, fortibus consiliis detrahere quid-  
 quam possent, arbitraretur. Econtrà Barbari,  
 quamquam novissent famæ in bellis maximam  
 esse jacturam, nec minus se tunc existimationis  
 ob vecordiam, quàm superioribus annis, ob debel-  
 latam classem amissuros, nihilominus animis  
 omninò impares, ita aciem collocaverant, ut so-  
 lertiùs viderentur curasse, quàm subterfugerent  
 victi, quàm quò ex hoste victoriam referrent.  
 Igitur tormentorum ictibus tantùm à se inva-  
 dentem repellere; plurimùmque fisi oppidi mu-  
 nimentis, confertim penes littus conglobare na-  
 vigia, nullum ulteriori pugnae aditum præben-  
 tes. Sed adhuc Maurocenus suis stimulos ad-  
 dens, multiplici conatu trepidantes divexabat.  
 Utque imperiis exempla conjungeret, eousque  
 pro-

*In Turca-  
rum clas-  
sem inve-  
hiunt.*



1659 provectus est, ut tergis cedentium assultaret. Nec  
*confringi-* ardor discrimine immunis. Quippè ferrea glan-  
*tur in-* de dejectus improvisò malus, suiq; ponderis rui-  
*ipsa pugna* nâ in subjectam turbam devolutus, aliquot ex  
*Imperato-* Imperatoriis militibus interfecit. Ille nihilomi-  
*ris irire-* nûs animo ad patrandum facinus confirmato,  
*mis ma-* cùm ferro, atque igne cuncta misceret, multi-  
*lus.* que suorum Turcicis navibus immixti, cominûs  
aggredi easdem conarentur, ita demùm barbari  
*Fuga bar-* virtutem Francisci pertinuere, ut terga verten-  
*barorum.* tes, in interiora sinus, quâ angustiori divortio  
Asiae, atque Europæ labia invicem porrigun-  
tur, confRACTA navigia redegerint. Persecutus  
Imperator, quoad potuit, fugientes. Tandem gna-  
rus nullam pavidis spem proficiscendi in Cre-  
tam eo anno superesse, illud sedulò providit, ne  
aliundè ad infestandam insulam copiae barbaro-  
rum confluerent. Nec deerat occasio, ni ho-  
stium motus ipse occupavisset. Enimverò per  
eosdem dies XXIV. Alexandrinas naves, anno-  
nam, atque armatos convehentes, brevì Cydo-  
nem t rjecturas, nuntiatum. Igitur, collectis  
*Mauroce-* triremibus, Rhodum extemplò contendit. Ve-  
*nus Rho-* rùm Ægæi, mox Carpathii maris adversam na-  
*dum se* vigationem perpersus, cùm diù navigia barbaro-  
*confert.* rum, structas à Mauroceno insidias non igno-  
rantium, oppertus esset, opportunior tempestas  
per has moras elapsa est.

Interea, cùm Contareni naves Rhodum appu-  
lissent, per easq; transitus in Cretam intercipe-  
retur;

retur; scrutatus suas, hostiumque vires, & quo- 1659  
nam facinore peractas ea tempestate res clau-  
deret, Chelidoniam Mediam, quam vulgò Ca-  
strum Rugium nuncupant, obsidione tentare  
constituit. Jacet insula inter Cretam, & Cy-  
prum, mille passus ab Asiæ littore sejuncta; <sup>Chelido-  
nie medie  
descri-  
ptio.</sup>  
que, cum ob Ægyptiarum navium commercium,  
tum ob viciniam continentis, magnarum opum  
fama pollebat. Mediam dixere, quòd inter duas  
alias ejusdem nominis insulas posita sit, quas o-  
mnes æqualis fermè itineris tractus utrinque  
distinguit. Valida illi munimenta, crebræ tur-  
res, & duplex murorum ordo. Oppidum præ-  
terea lectissimo refertum præsidio, ac turba co-  
lonorum, quæ ad propellendos hostium conatus  
intra muros redigi consueverat, bellum impe-  
ditum, arduum, cruentum minabantur. Sed,  
cùm hæc Imperatorem avertere à priore consi-  
lio haud potuissent, eò brevè, secundante ven-  
to, naves convenerunt. Primum obsidionis mu-  
nus Petro Quirino præclare indolis viro deman-  
datum; traditæque eidem quinque triremes, qui-  
bus commeatus ab insula prohiberet. Reliqua  
navigia eo ordine portui applicita, ut lædi ab  
oppido minimè possent. His provisus, ductus ab  
Gremovillio miles desertos ab incolis vicos, o-  
mnes enim intra arcem confugerant, depopula-  
tur. Mox castris in propinquo communitis, pas-  
sim mœnia infestantur, hinc à triremibus, il-  
linc à dispositis per idonea loca tormentariis sug-  
L gesti-

*Ejusdem  
obsidium.*



1659 gestibus, ubique ab nunquam intermissis studiis Mauroceni. Sed natura ipsa loci oppidanos adjuvabat. Quippè cum parari utrinque cuniculos placuisset, ita saxum, cui imposita muri fundamenta erant, nixus Venetorum foveas molientium elusit, ut penè incassum labor cesserit.

Nihilominus impar animus obsessis erat: & præcipuè cum illata à muralibus tormentis damna summoperè eosdem deterrent, veriti, ne perviciâ Veneti efferarentur, post aliquot dies de deditione locuti sunt. At Franciscus, quem non minùs delectabat virtus etiam in hostibus posita, quàm abjectissimus eorum pavor incendebat, intra aptè communitam arcem immeritò trepidantes ita mulctare statuit, ut aspernatus deditionis consilium, eos armorum vi cadere, quàm propera, turpique concessione incolumes esse maluerit. Igitur validiore tormentorum impetu muri concussi. Ubi verò satis aptam evadendi in oppidum viam animadvertit, instructis copiis, ac signo pugnae dato, undique ad mœnia succedere militem imperat. Tunc Veneti propinquant muris, tumultus occupant, obsistentes intercipiunt, ingenti clamore mutuò se ad victoriam incitantes. Nec multum barbari ausi sunt obniti irruentibus. Nam pauci admodum desperatione veniæ immanes redditi, fortiter pugnando ceciderunt: reliqui subito pavore perculsi, dum fugam meditantur, fermè ad unum trucidati. Potitus primo murorum ambitu Maurocenus,

*Franciscus ultimum  
mamam inferre  
Turcis  
molitur.*

*Arce ag-  
greditur.*

*expu-  
gnatur.*

cenus, continuò impetum aduersus interiorem <sup>1659</sup>  
 arcem convertit. Sed eadem hìc quoq; hostium  
 formido, & pares exitus armorum. Siquidem post  
 multorum cædem, ablati obicibus, capta Che-  
 lidonia. Direpto à victoribus oppido, de illius  
 tuitione actum. Cùmque aptissimus ad com-  
 mercium Africæ portus esset, aliquot ex Proce-  
 ribus, inter quos Præfectus Copiarum Gremon-  
 villius, in illam abiire sententiam, ut arx ido-  
 neo communita præsidio Reipub. utilitati, orna-  
 mentoque seruaretur. Verùm, quia nec teneri si-  
 ne validis munimentis ob loci magnitudinem,  
 nec in tam ardua bellorum conditione tutò di-  
 strahi vires exercitus posse videbantur; reliqui  
 huic consilio non assensere. Ne tamen, si oppi-  
 dum integrum, incustoditumque deseruissent,  
 nulla laus, aut utilitas sequeretur, quòd sub-  
 actum esset; omnia à fundamentis excisa. Cæ-  
 terùm dives præda fuit: ablata XXXVI. muralia  
 tormenta; omnes præterea Græci una cum Thra-  
 cibus, qui insulam incolebant, transitis desti-  
 nati. Hæc postquam Imperator perfecit, Me-  
 lon festinavit; captisque eodem itinere onerariis  
 quibusdam navibus, sæviente jam hyeme, seces-  
 sit in hyberna. Interea barbarorum Præfectus  
 nunquam ausus Cydonem proficisci; ne cum  
 Mauroceno congredieretur, tota ea tempestate  
 latitavit.

*Chelido-  
nia solo  
æquatur.*

*Veneri  
profici-  
suntur  
in hyber-  
na.*

Belli exitus, quod superiore anno gestum est, <sup>1660</sup>  
 mentes dimicantium diversis motibus affecit. Vi-  
 res, <sup>Pavor in-  
gens in  
Regia  
Turcarum.</sup>



1660 res, animosque Fideles auxerunt; barbari ferociam infregere. Quapropter mœstum Byzantii silentium erat, & tacita impendentium malorum divinatio. Tot namque amissa oppida, fusa sæpius, atque intra Hellespontum conclusa classis, tot militum millia bello exhausta, intercepta demùm navalium sociorum commercia ingens aliquod detrimentum Imperio minabantur. Nec aberat extremum malorum. Etenim Veneti ostia Propontidis quotannis obsidentes, non Turcicę classis modò, sed onerariarum quoque navium ab Europa, Asia, Africaq; eò confluentium iter ita præpediebant, ut fame Byzantium urgerent. Igitur, cùm eò deducta res videretur, ut de Regię limitibus decertandum esset, placuit intentius muniri Hellesponti fauces; ne tandem Veneti prosperis eventibus elati, postremo nixu ipsam Imperii sedem invaderent. *Novis munitionibus obducuntur arces Hellesponti.* Has curas levis dictu res intercessit, quę tamen sicuti nostris rerum prosperarum æstu ferventibus addidit animos ad bellum, ita suspectiorem fuorum fidem barbaris effecit. Cùm enim Rebelli cuidam Messanensi commissa Mahometis callidi ingenii ducis, machinariiq; insignis (hic navali Thracum præerat) triremis fuisset, ut ad recentiora Sesti, Abydique munimenta invisenda deduceretur: factum est, ut in Venetorum ditionem sceleris quondam peracti penitentia rebellem impelleret. Itaque de constituto itinere deflectens, muneris specie Mahometem, triremim, seque

feque ipsum Mauroceno credidit, diuturni er-  
 roris improbitatem eximio facinore obliteratu-  
 rus. Imperator, cum Præfecti captivitate, tum  
 secundâ explorandi status hostium occasione de-  
 lectatus, Mahometem gratum populo spectacu-  
 lum Venetias misit; quem Patres, in pretium  
 redimendæ libertatis M. Antonii Delphini,  
 Turcis obtulere. Hic pueriles annos nuper e-  
 gressus, optimi parentis Nicolai Delphini Cre-  
 tæ Præfecti vestigiis insistens, dum permixtus di-  
 micantium manipulis è portis urbis erumpit, à  
 barbaris circumventus, vincula eorum non  
 effugit. Ideò ductus Byzantium ab Thracum  
 Præfecto Cusseino, ut eo munere favorem Re-  
 gis sibi reconciliaret; aspera captivitate egregium  
 robur animi compensabat. Sed Turcæ, quorum  
 ea natura est, ut fortunam suorum, non inge-  
 nia æstiment, parvi salutem Mahometis facien-  
 tes, veluti in pignus majorum rerum, servare  
 prædam statuerunt. Delphinus idcirco post la-  
 tos intrepidè carceris cruciatus, tandem vicesi-  
 mo secundo captivitatis anno, eodem religionis  
 amore, & constantia erga Remp. occubuit.

At Maurocenus consilia Turcarum per man-  
 cipia perscrutatus, cum hos pavore torpescere,  
 deesse ornandæ classis vires, omniaque plena so-  
 licitudinibus accepisset; statuit hostium igna-  
 viam in Venetæ classis gloriam convertere. I-  
 gitur Eubœam Insulam permodico præsidio fir-  
 matam inopinanter aggressurus, edixit, ut tri-  
 remes

1660

Mauroce-  
 nus in di-  
 sionem  
 recipit  
 Turcicæ  
 virumim,  
 cum Ma-  
 homere,  
 navalis  
 Præfecto.

Tentatur  
 redemptio  
 M. Anto-  
 nii Del-  
 phini.

At fru-  
 strâ.

Iſq; tan-  
 dem mo-  
 riatur.

Eubææ  
 obsidendi  
 consilium  
 ventorū  
 vis tur-  
 bat.



1660 remes simul, & naves itineri quamprimùm accingerentur. Neque cepta res fortunam rationi adversam naeta esset; ni subitus turbo eò properantes Venetos variè dispulisset. Sed, cùm immiti pelagi æstu in contrarias partes classis subindè traheretur, ita ut multò ante majora navigia, quàm ea, quæ remigio aguntur, Euripum subierint; cessit conatus in salutem incolarum, nova veteribus ob indicatum motum munimenta jungentium. Quare sicuti securum prius hostem, & fiducia aliò vertentis belli fecordius agentem facilè opprimi posse spes incefferat; ita nunc, detecto consilio, ardui discriminis facies cuique Venetorum occurrebat. Franciscus hac de causa, ne summam rerum temerè in non necessariam aleam daret, ad tutiora conversus, Sciathum insulam XX.M. passus ab Eubææ ora boreali distantem proficiscitur. Arx in ea celso loco sita; cujus aditus ad eò angustus est, ac crebris cautibus, quibus undique insula abundat, inæqualis, ut vix ab hominibus scandi queat. Validum ibi præsidium, nec defectura, nisi post diuturnam obsidionem, alimenta: adeò verò contumax loci populus, ut quamvis aliàs vi, atque armis cohibitus, vel solo vectigalium nomine offenderetur. Ad Insulam brevè perductus Maurocenus, exploraturus animos incolarum, eos primùm ad deditionem allicere aggreditur. Simul ostentans copiarum robor, extrema quæque adversus pervicaces

Sciathi  
ins.

Oppidanos  
vocat ad  
deditionem  
Mauroce-  
nus.

caces moliturum se minitatur; nec, si bellum 1660  
 eligerent, vi oppressos sæviora supplicia, mor-  
 temque declinatuos. Sin, positâ audaciâ, per-  
 misissent se Imperio Venetorum; futuros omnes  
 incolumes, neminem è patriis sedibus egressu-  
 rum; nec defuturam tutam bonorum possessio-  
 nem, pretium festinandi. At detrectantibus de-  
 ditionem barbaris, statim miles ducente Gre-  
 monvillio, idonea loca conscendit. Extruendis  
 deindè aggeribus, convehendisque tormentis, ob  
 inæqualia saxorum juga, diù laboratum. Quæ  
 tamen ubi composita, terra simul, & mari cẽ-  
 ptum obsidium: tantaque intra paucos dies rui-  
 na moenium secuta, ut oppidanos denuò ad de-  
 ditionem vocari posse meritò Imperator putave-  
 rit. Cùm verò ii obfirmatè reluctantes, arma si-  
 bi, paratumque libertati, aut morti animum  
 jactitarent; non defuere inter Venetos, qui tentan-  
 dum aggressioni impetum arbitrarentur. Sed,  
 cùm crebrè cautes, quibus muri adhærebant,  
 ita proclives essent, ut non solum ab oppidanis  
 jacta, verum etiam quæcunq; suo pondere rue-  
 rent, admodum officerent oppugnantibus; in  
 eam sententiam itum est, ut oppidum missili-  
 bus tormentis è majoribus bombardis explosis  
 eateùs peteretur, quoad, auctis ruinis, absum-  
 tisque alimentis, turba incolarum ad ultimum  
 inopiæ adduceretur. Octo dierum spatio ita  
 pugnatum: Nec antè in potestatem arx reda-  
 cta, quàm everfis turribus, mœnibusque, ma-  
 gna

*Renuen-  
 tesq; ar-  
 mis ag-  
 grediuntur.*



1660 gna ex parte prostratis, proxima iis ædificia  
*Sciathi* igne devastarentur. Consternati his cladibus  
*dediit.* Thraces, cum eorum permulti cecidissent, ne  
 reliqui fessi fame, machinis, ferro eadem fata  
 subirent, Sciathum Mauroceno tradidere. Tunc,  
 acceptis aliquot incolarum ad remigum ordines  
 complendos, Turcæ in proximas oras, uti con-  
 venerant, abierunt. Muri arcis ab imo convulsi;  
 ne ex fiducia munimenti nova in posterum  
 pervicaciæ materia sobolesceret. Sancitum ve-  
 rò, ut Græci, qui in insulæ possessione relict  
 erant, quotannis mille nummos vectigalis no-  
 mine Reip. persolverent. Indè omni annonæ,  
 armorumque apparatu in triremes coniecto, Æ-  
 gæum Maurocenus raptim emensus est. Ubi au-  
 tem Cytheram appulit, educto milite, stativa  
 ibidem habere tamdiu decrevit, dum navales so-  
 ciorum copias exciperet.

*Mauroce-  
 nus Cythe-  
 ram ad-  
 vectus, so-  
 cios ibidè  
 opperitur.*

*Penetorū,  
 sociorum,  
 que nava-  
 lium ad-  
 ventus.*

*Almeri-  
 cus Muti-  
 næ Prin-  
 cept simul  
 adest cū  
 quatuor  
 millibus  
 Gallorum.*

Italorum triremes brevī classi junctæ sunt :  
 demum sub Augusti mensis exordium aliquot  
 naves ab Ludovico XIV. Galliarum Rege, post  
 percussum ab eodem cum externis Principibus  
 foedus, in opem Reipub. missæ, convenere. His  
 quatuor lectorum militum millia vehebantur,  
 quibus Almericum ab Atheſte Mutinæ Princi-  
 pem, ingentisque expectationis virum Purpu-  
 ratus Mazzarinus præfecerat. Igitur, reductis  
 in unum viribus, de gerendi belli ratione tam  
 magno, elatoque animo disseruit Imperator, ut  
 non modica victoriarum spe socios impleret.  
 Cum.

Cùmque illud eſſet in votis, ut Creta Inſula 1660  
 à barbarorum tyrannide vindicaretur: ante om-  
 nia petendam armis Cydonem, oſtendit. O-  
 mnibus ergo, quæ obeunda erant, maturè diſ-  
 poſitis, ab Cythera claſſem reduxit: Ciamum-  
 que tranſuectus, Hieram ubi tenuit, ſtatuit S.  
 Venerandæ (ita vocant) arce potiri, ut hac cap-  
 ta in occupata à barbaris tutiùs irrueret. At vix  
 levis armaturæ cohors littus infederat, cùm egreſ-  
 ſi ab arce oppidani progredienti Mauroceno in-  
 conditum agmen objiciunt. Prima quidem præ-  
 lii facies atrox; cùm tota ſimul decurrentium  
 turba magno impetu in noſtrorum ordines pe-  
 netrare conaretur. Neque ſine ſummo utrinque  
 detrimento diſceſſum indè fuiſſet, ni ducis ho-  
 ſtium nex, qui primo concurſu plumbea glan-  
 de confoſus eſt, reliquorum animos confregiſ-  
 ſet. Tunc quibus priùs in expoſcendo prælio ea-  
 dem audacia, nunc eadem in declinando vecor-  
 dia. Igitur propelli paulatim Thraces, mox  
 fundi, ac per invia agi: tandem paucis exem-  
 ptis, quos præceps fuga è noſtrorum manibus ab-  
 ſtulit, omnes obtruncati ſunt. Peracta palan-  
 tium cæde, applicitæ muris ſcalæ; unicoque  
 conatu capta ſunt mœnia.

*clafſis  
Venete  
motus.*

*Prælium  
ad S. Ve-  
nerandæ  
arcem.*

*Cædes  
Turcarum,  
& loci ex-  
pugnatio.*

Sed, dùm victor converſus ad prædam omnia  
 paſſim depopulatur, de adventu Venetorum com-  
 monefacti barbari, quorum caſtra haud procul  
 aberant, expeditiores cohortes emiſerunt; eæque  
 bipartita acie ante noſtrorum ſtationes conſtite-

M re.



1660 re. Imperator, ubi paratos ad dimicandum ho-  
Nova cū  
Turcis  
pugna. stes animadvertit, ut speciem fidentis præferret,  
prior in aciem educere statuit. Igitur, ut pro-  
bata virtutis centurionibus primos ordines in-  
struxit, strenuè suos provexit in prælium. Diù  
tamen pugnatum est majore Christianorum,  
quàm hostium, periculo. Enimverò non modò  
multitudine præliantium Turcæ præstabant;  
verùm, cùm collem quoque tenerent, facile in  
cæforum locum novos subinde manipulos de-  
mittebant. Nihilominus, cùm Venetus miles nul-  
quam laxaret ordines, sed in directum utrin-  
que niteretur, adeò certamen extendit, ut fessè  
pugnando primæ acies essent, equitesq; hostium,  
nudato agminis latere, agerentur. Adhuc ta-  
men prælium neutrò inclinatum stabat: cùm  
pedites, novis copiis firmati, recentibus animis,  
corporibusq; nostrorum cuneum urgerent.  
Jamque multum diei processerat, cùm tandem,  
à quibus pugnae, victoriæ quoque initium est  
ortum. Siquidem, cùm Veneti catervatim bar-  
baros impellerent, nonnulli objectam turbam  
perrumpentes, multorum clade viam reliquis  
ad interiora aciei aperuere. Igitur dùm alii a-  
- victoria  
Venetorum.
liis succedunt, prioresque magis insistant defa-  
tigatis; Turcæ terga dantes, signa passim deseru-  
erunt. Non mitior in fuga, quàm in prælio,  
cædes à nostris est facta. Immo Præfectus ipse  
Turcarum, quem victoriæ fiducia eò deduxe-  
rat, ut interessè prælio, atq; in prima acie ver-  
fari

fari ausus esset, inter fugientium tumultum gladio transfixus decedit. Ubi, pulsus hostibus, majorem inesse suis spem, videt Maurocenus, omnibus pro concione laudatis, proximâ die Cydonem proficiscitur. Cùmque imminentem urbi locum, quem haud exigua barbarorum manus custodiebat, occupare adniteretur, initum denudò cum iis prælium; egregièque vincentibus Venetis, ibi castra communivit. Patuisset tunc animo Imperatoris oppugnandæ urbis occasio, ni ejusdem Præfectus impendentia discrimina, præcipuè ex Gallorum adventus rumore, paulò antè prospiciens, portum navibus, urbem militibus, atque annona tutiorem reddidisset.

*Exercitus  
Cydonem  
pergit.*

Copiarum itaque suarum robur æstimans, ad obsidendam urbem, cui ingens ambitus, & cuncta bello erant præparata, minimè aptum; tutiori consilio, sita haud procùl ab Cydone oppida invadere decernit. Ad proximam ergo arcem (hanc vulgus Calojerum vocat) ducto exercitu, dùm deligit collem, undè facilius obsidium intentare posset; ii, quibus loci commissa defensio, educto clàm præsidio, in proximos saltus dilapsi sunt. Id ubi compertum, nulla cunctatio intercessit; namque adversus Calamon (ita proximam arcem incolæ appellant) continuo delata sunt arma. Nec prospero minùs eventu; quamvis situs, ac structura loci difficilem victoriam exhiberent. Post brevem enim pugnam prioris oppidi exemplum incolæ secuti. His præ-

*Mauroce-  
nus Calo-  
jerum sub-  
igit,*

*Calamon,*



1660 ter omnium spem debellatis, ad extremam quoque arcem, Apicorum ab accolis dictam, devotum esset; ni jam prono ad occidentem sole,

*Sub Api-  
cornoma-  
nus utrin-  
que com-  
miscetur.*

incerta nox motum distulisset. Postera igitur luce eò miles processit; vixque ad præterfluentes aquas castra à metatoribus poni jusserat Imperator, cum irruentibus ingenti peditum agmine barbaris, valido impetu descensum est in aciem. Concursum utrinque magna cæde; mixtæq; primo congressu invicem cohortes, sedulo, si qua lababant, restitutæ. Indè certaminis judicium in ancipiti adeò fuit, ut nutante vicissim multitudine, penè usque ad vespèram pari fiducia protractum sit prælium. At, cum Veneti ad nutum ducis intenti, ubique hosti resisterent, & præcipuè qui ab Garennio Equitatus Gallici Præfecto ducebantur, Turcarum ordines sæpè perfregissent: horum dux, intellecto periculo, lævum cornu in Garennii cohortem immisit, à qua dexterum jam circumveniri, fundique animadverterat. Novum inde, atq; atrocius certamen exarsit; geminatoque armorum tumultu, in rabiem effusi milites ruebant passim in vulnera, & mutuos ictus obviis pectoribus excipiebant. Interea, cum hìc surgerent acervi cadaverum, ita Maurocenus alterius quoque Turcici agminis ordines miscebat, ut non terga, non frons, aut latera aciei essent. Tandem multiplicis pugnae labore sejunctos ab exercitu aliquot Thracum manipulos acriùs aggressus, eosdem in fugam impulit:

*Garennii  
virtus.*

pulit: exemploq; commotum universum agmen 1660  
 variè passim turbabatur; pluribus in locis mili-  
 te signa deferente. Tunc affulsit nostris certioris  
 imago victoriæ; alacrique clamore sublato, ce-  
 dentes diu persecuti sunt. Jamque peractum e-  
 rat prælium summa gloria Venetorum, & mo-  
 dico, si mala utriusque exercitus conferantur,  
 virium damno, ni cedes fortissimi ducis exitum  
 certaminis triste quodammodo fecisset. Cum e-  
 nim *Garen-*  
*nus oc-*  
*ciditur.*  
 altius profugientium multitudini immisceretur;  
 tandem hostibus undique conclusus, tantæ for-  
 titudinis pretium memorabili fato persolvit. U-  
 bi se quisque ultione, & sanguine Turcarum  
*Fugam*  
*Turcarum*  
*Apicorin-*  
*expugna-*  
*rio sequi-*  
*tur.*  
 fatis implevit; actum de vi arcis inferenda. Sed  
 edocti loci custodes, exitum resistendi certam  
 mortem esse; brevi relictis muris, imminensem  
 necessitatem antevenere. Igitur, occupato oppi-  
 do à Venetis, ablatâ, quæ in eodem servabatur,  
 annonâ, vectisque XIV. Tormentis, ut muri  
 funditus everterentur, constitutum fuit. Post  
 quæ propius Cydonem cum classe succedens Im-  
 perator, terrestres quoque copias propero agmi-  
 ne in conspectum urbis redegit. Tunc in proxi-  
 mo vico, cui Cicalariæ est nomen, locata sunt  
*Manroce-*  
*nus in*  
*Cicalariæ*  
*vico ex-*  
*ercitum*  
*explicat.*  
 castra. Is medius inter proceros montes, sylvam-  
 que raris quidem, sed editis in altum arboribus;  
 cujus aditum equitibus, propinqui verò collis ca-  
 cumen levis armaturæ manu Præfectus copia-  
 rum Gremonvillius obfirmavit.

Verùm



1660

*Eruptio  
Turcarum  
in Vene-  
tos.**Nostrorum  
timor, &  
ni obli-  
visset Im-  
perator,  
fuga.*

Verum longè alia facies in hostium castris erat; qui, aptum adprehendendos Venetos locum arbitrati, sex mille pedites, ac quingentos equites per custoditum ab illis montem emis-  
erunt. Cumq; potiti post brevem contentionem jugo, terga nostri exercitus invaderent; eductæ sub idem tempus ab Cydone cohortes, in fron-  
tem Venetæ aciei impetum dedere. Latioꝛ tunc in nostrorum stationibus ex subito discrimine  
timor; milesque ob multiplicem Turcarum mo-  
tum majora reformidans, jussu tribunorum æ-  
grius exequi, turbare paulum ordines, ac nu-  
tante primùm gradu, mox aperto pavore val-  
lum penè deferens, contendere ad proximum  
littus, quò naves appulerant. Sensit Mauroce-  
nus ob metum suorum imparem penitus pu-  
gnam. Ut ergo properantem ad naves multitu-  
dinem, sublato effugio, ad necessarium certa-  
men adigeret, dimoveri ab crepidine portus na-  
vigia imperavit. Gnarus deindè supꝛemi ducis  
exemplum magni in præliis momenti esse, edu-  
cta Melitensium cohorte, permiscetur suorum  
manipulis, hos evocans in pugnam, alios ma-  
nu, ne diffugerent, retinens, cunctos increpi-  
tans, quòd, ubi quærenda victoriæ laus, turpi-  
ter signa defererent. Mauroceni ardorem secu-  
tus miles, repentè constitit ante cornua aciei;  
nec modò summa vi defendi locus cepit, verum  
converso denuò, quà Cydon in conspectu erat,  
peditum agmine, objectus est à tergo equitatus,  
ne

ne pertinaciùs hostis instaret. Restitutis magna 1660  
 ex parte ordinibus, ut unumquemque ad sube-  
 undum strenuè discrimen magis Franciscus in-  
 citaret, agminibus obequitans, milites subindè  
 alloquio erigebat: *Quid timerent tot jam rebus gestis  
 insignes? cum iis pugnandum, qui ab ultimis cladibus non-  
 dum animos collegerant. Vix primum concursum laturos  
 hostes, dummodo, uti aliàs, Venetos viros experirentur.*  
*Utrique aequales vires, & commissum aequo Marte præ-  
 lium; sed in strenuo, brevique fortitudinis experimento si-  
 tam victoriam. Audacter ergo inirent certamen; devolu-  
 tas acies disjicerent: Nobiliorem futuram victoriam, quam  
 è manibus barbarorum ex insperato eripuissent. Jamque  
 collatis signis, acies concurrunt; obstupescenti-  
 bus barbaris, victoriam, qua paulò ante uti cè-  
 perant, denuò in discriminis aleam revocari.*  
 Diù in angustiis dimicatum est: Nam univer-  
 sam penè planitiem Turcarum exercitus com-  
 plevrat. Cum tamen cædibus paulatim via  
 fieret, missique Melitenfes ad collis verticem  
 Thraces ferro, atque igne deturbassent; majore  
 spe, veluti tunc primùm manus consererent,  
 à nostris prælium instauratum. Prosterneban-  
 tur intereà implicatorum invicem militum cor-  
 pora, seduloque à postremo agmine manipuli  
 utrinque prodeuntes, vim hostium in diversa  
 deducturi, lateribus copiarum assultabant. Sed  
 fortuna demùm melioribus adfuit. Quippè,  
 cum in turmas equitum investiti fortiùs Veneti,  
 eas veluti globo confregissent; subita stragis fa-  
 cies

*Victoria  
 inclinat  
 ad Venet-  
 os.*

*Thracum  
 cedes, ac  
 fuga.*



1660 cies remissiores reddidit conatus barbarorum .  
 Hi, veluti audaciæ prioris obliti, primùm ce-  
 dere, ac manipulos invicem permiscere; po-  
 stremò fugientium paucorum impetum omnes  
 secuti, revocantium ducum vocibus haud pa-  
 ruērunt. Tunc hosti non arma, non ordo, non  
 consilium: sed à Venetis tandiù fundi, cædi,  
 capi, dùm intra vallum consternatæ cohortes  
 agerentur. Hæc cùm flexo in vesp̄eram die con-  
 tigissent, nocte proxima cautum Mauroceni  
 consilio fuit, ne exhaustum infesto certamine  
 exercitum nova Turcarum eruptio tandem de-  
 fatigaret.

*Enandiũ  
 exercitus  
 proficisci-  
 tur.*

Quamobrem, collectis impedimentis, ad ar-  
 cem, quam contra Cretam barbari construxe-  
 rant, ejusdemque urbis nomine recentiorem  
 Cretam, seu, ut alii malunt, Enandiam nun-  
 cupaverant, deventum est. Imperator non igna-  
 rus magnum Turcis incitamentum ad bellum,  
 Cretenſibus ad formidinem futurum, si integra  
 arx relinqueretur, cujus ope oppugnantium co-  
 hortēs assiduè urbis muris imminerent, nec ta-  
 men lædi ab obsessis possent; vi, armique pete-  
 re locum statuit. Igitur aggeribus, ac copiis u-  
 trinque dispositis, crebris concursationibus mo-  
 liri cœpit obsidium. At pone tergum instabant  
 etiamnum Thracum agmina, quæ ne Veneti pro-  
 grederentur, & arcta viarum obsiderent, per  
 occasiones ubique præsidia submittebant. Præ-  
 lium poscentes barbaros diù incertis motibus  
 non

*Crebris cõ-  
 cursus cū  
 hoste.*

non elusit Maurocenus. Quippè, ne aut animo, 1660  
aut viribus impar haberetur, ordinibus raptim  
instructis, ipse prior agmen eduxit. Commis-  
sum per inæqualitates locorum varium, sed a-  
trox, cruentumq; certamen; pulsique ab ag-  
geribus barbari denuò pugnam non unica vi-  
ce instauravere. Non prius ea pugnarum oc-  
casio recessit, quàm exturbati loco hostes, un-  
dè veluti ad insidias in nostras munitiones ir-  
rumpebant, in juga montium decederent. Ex-  
ercitus confusio ægrè custodum Enandiæ ani-  
mos affecit: & unde prius constantia ad defen-  
sionem oppidi, nunc impendentis excidii me-  
tus emanabat. Exindè non modò mœnibus,  
aut impositis tumultis non digrediebantur, sed  
intra urbem ita latitabant, ut nulla arte ad  
pugnam provocari possent. Maurocenus neces-  
sitatem ultimam trepidantibus allaturus, con-  
trahere arctiùs aggeres cepit, tumultos astruens,  
unde machinamentorum omne genus proximi-  
um in hostem jacularetur. Jamque haud  
procul aberat exitium obsessorum; cùm mœ-  
nia, domos, militem una veluti ruina pari-  
ter involueret. Sed invidens fortuna felicitati  
Christianorum, ipsos in perniciem suam ar-  
mavit, & quos incommoda pugnarum non  
vicerant, luxus, mirum dictu, atque opu-  
lentia superavere. Igitur, ex hostium ignavia  
securitate orta, cùm cæpta à multis esset vi-  
ci depopulatio, ac dives nonnullorum præda

*Quo in-  
fugam a-  
cto, incolæ  
nihil ob  
parvorem  
audent.*

*Dū Vene-  
ti popu-  
lantur  
agros, sal-  
so rimore  
turbantur.*

N reli-



1660 reliquos ad direptionem incitasset; brevì, neglectis ducum vocibus, in rapinarum licentiam totus penè exercitus effusus est. Juvit hostes nostrorum aviditas, omìssa pugna, prædam sectantium. Cùm enim exigua manus Turcarum haud procul à Venetorum tergo inter inæqualia collium delitesceret, comperta nostrorum incuria, non ultionis spe, sed, ut fallaci clamore metum inferret, in apertam planitiem, ductis latè in aciei speciem ordinibus, erupit. Continuò dispersus inter Christianos rumor structas insidias ab hoste, adesse ingentem multitudinem, decurrentesque Thracum turmas postremam cohortem turbavisse. Vulgatur cum rumore pavor, ac plerique vana metuentes, mutuò sollicitudinem augent. Nec diù ordines perterrefacti tenent. Quippè, cùm permulti, positis armis, ut liberiùs locum popularentur, repentina concursus hostilis suspicionem transversos, aut obvios perturbarent; altiùs confusio undique invalescit. Hinc, veluti omìssa defensionis fiducia, non defuere, qui fugam capesserent, antequàm hostis occasione uteretur. Igitur, ubi, quamplurimos nostrorum recessisse à signis, barbaris cognitum, ex temerarii impetus insania in patrando facinoris spem versi sunt, propereque irruerunt in subjectos. Neque ad subitæ rei aspectum indultum temporì ab obsessis: quosque direptio bonorum ad vindictam non traxerat, excivit effusa stolidè pro-

Nec magno sine  
discrimine.

profugientium multitudo. Itaque, porta repen- 1660  
tè patefacta, auctisque invicem animis, ubi co-  
minus Venetos advenere, omnia tumultu ar-  
morum complent, & quò majorem iisdem for-  
midinem incutiant, fusus quisque per agros  
multiplici ex parte cedentibus assultat. Impar  
omninò exitus inopinati conatus fuit. Quippè  
non hortationibus, non minis à fuga retinere  
copias potuit Maurocenus. Cùmque hostis jam  
retrò ageret, levìa tantùm prēlia inter extre-  
mos Veneti agminis milites, præcursoresq; bar-  
barorum commissa.

Ubi tutum ad locum peruentum est, & fu-  
sas passim cohortes Imperator collegit, quam-  
quam exacto discrimine fessus, omnium ta-  
men, quæ ultionem morarentur, impatiens,  
monuit milites, ut dedecus in gloriam quam-  
primùm verterent; & novo prēlio vecordiam  
hostis, fuga tantùm Venetorum vincentis, ex-  
perirentur. At, ubi animis suorum, & præcipuè  
Gallorum, qui levìa quæque, ut est natura  
pavoris, reformidabant, parùm sibi fidendum  
animadvertit; cùm ipse prætereà ob diuturnos  
labores ægrè affecto corpore, vix ab aperti  
morbi sævitia abesset, imminentis mali vim  
quietis ope declinaturus, Cretam pergit. Vē-  
runtamen, cùm per idem tempus hyems ingruē-  
ret, abscedentibus navalibus fociis, ubi, quæ op-  
portuna ad tutelam urbis, disposita fuere, Cy-  
theram ad hybernandum classem reduxit. Ob

*Cretam  
exercitus  
deducitur.*

*Classis Cy-  
theram.*

N 2 imma-



1660 immanem ægritudinem Almericus Princeps eodem anno extinctus est : qui, cum vix Paron Insulam appulisset, suorum copias dum refici curabat, præmaturo fato concessit.

*Regii Sigilli custos Mahometes moritur.*

Inter hæc Mahometes se voti compotem arbitratus, si, dum in Cæsarem arma verterat, Venetis ablata retineret; idoneis tantum præfidiis communire expugnatas urbes moliebatur, Creticum bellum, expeditus ab Daciæ, ac Pannoniæ motibus, confecturus. Verum

1661

anno salutis millesimo sexcentesimo sexagesimo primo, dum ultimam huic conatui manum imponere studet, inopinato morbo correptus intra paucos dies intabuit. Ita, post firmatum Imperium, raro exemplo decessit Mahometes, cum ( quod barbaris insolitum ) in illo dignitatis apice eodem favore apud Regem, potentia inter suos, ac fortitudinis, prudentiæque fama penes omnes conuenisset. Achmeti filio, quem ipse acribus disciplinis imbuerat, concessa ab Rege dignitas fuit; hicque ferocissimus Mauroceni hostis, Cretam ardua obsidione perstrinxit. Cæterum Imperator vix mediam hyemem in stationibus transegerat, cum delatum ab exploratoriis navigiis, solvisse ab Ægypto XX. Alexandrinas naves; easque mille, ac quingentos milites, bellicque omnem apparatus brevè Cydonem devecturas. Rei momentum, paratusque ad imperia miles incitavere ad facinus

*In cuius locum Achmetes substituitur.*

cinus mentem Mauroceni. Quamobrem, ve-  
 lis in altum datis, ad illam Ægæi partem  
 propera navigatione contendit, quæ aptius  
 Cretam proficiscentibus imminebat. Vix ad  
 locum deventum erat, cum hostium naves  
 in Venetam classem improvidè inciderunt.  
 Gavissus prospero incepto Imperator, dum a-  
 cuit animos ad pugnam, repentè vis omnis  
 ventorum ita cecidit, ut, veluti de industria  
 æquante prælium fortuna, nullus fugiendi lo-  
 cus hostibus pateret. Rarò aliàs tanto remi-  
 gum ardore actæ triremes, ut è propinquo  
 deprehensos barbaros adorirentur. Et dubio  
 procul nulla ex horum navibus è manibus  
 nostrorum evasisset, ni, verso rerum ordine,  
 elementa propemodùm ipsa pro Thracum sa-  
 lute pugnavissent. Cum enim Veneta classis  
 undique hostilibus navigiis circumfusa pri-  
 mos tormentorum impetus in eadem exone-  
 rasset; orta densissimæ nebulæ obscuritas  
 temporis momento prospectum dimicantibus  
 abstulit. Quare cessatum utrinque ab armis,  
 ne, tenebris officientibus, suos quisque mutuis  
 erroribus infestaret. Eluctabatur interea bar-  
 barorum classis, ut caliginis ope certamen ef-  
 fugeret. Cumque turbidus aer diù pugnandi  
 vota distulisset, ubi tandem, irruentibus ven-  
 tis, dissipari nebula incepit: iisdem adjuti ho-  
 stes navigia raptim subduxere. Una tantùm  
 ex Ægyptiorum navibus fortè Venetorum tri-  
 remi-

1661

Mauroce-  
 nus ad-  
 versus  
 Alexan-  
 drinas  
 naves  
 proficisci-  
 tur.

Sed præ-  
 lium ne-  
 bulæ cul-  
 pa inter-  
 cipitur.

Una tan-  
 tùm ex  
 hostium  
 navibus  
 occupa-  
 tur.



1661 remibus immixta ; ubi reddita lux fuit , à Mauroceno occupata . Reliquas ocyùs aut subigere , aut prohibere saltem à Creta decreverat Imperator ; idque , si vires in promptu , facile consequi potuisset . Sed , cùm qualdam suorum triremes Peloponnesum , cæteras Rhodum , & longiùs sitas insulas , turbo compulisset ; reversus est Cytheram , fusa latè navigia ibidem excepturus . Quibus perfectis , absoluto Imperatoriæ dignitatis curriculo , cùm Georgius Maurocenus suffectus adventasset ; tradita eidem classe , Venetias profectus est .

Venetias  
reversitur  
Mauroce-  
nus .

FINIS LIBRI PRIMI.



FRAN-

FRANCISCI  
MAUROCENI  
PELOPONNESIACI,

VENETIARUM PRINCIPIS,

Gestorum

*LIBER SECUNDUS.*

EPITOME.

**M**AUROCENUS falsò accusatus absolvitur .  
*Auctis ob Turcarum expeditionem in Pannoniam  
 bellorum suspicionibus , Fori-Julii Provincia  
 eidem demandatur . Frustrà tentatis conditionibus pacis ,  
 bellum adversus Turcas asperatur . Franciscus Præfectu-  
 ram classis , mox Imperium suscipit secundò . Achmeres  
 mittitur à Rege ad conficiendam Cretæ obsidionem . Conti-  
 nuò Urbs summa vi ab eodem tentatur . Maurocenus Mar-  
 chionem Villam reducit , studetq; intercipiendis navalibus  
 copiis barbarorum . Dein ingressus civitatem , partes suorum  
 compo-*



componit. Obsidium præcipue ad Propugnaculum Panigrà intenditur. Hinc non unica vice Imperator vulneratur. E-rumpunt Turcæ in urbis fossam: ingentes ibi concursiones, & prælia. Exteriores munitiones deseruntur; ac paulò post ob copiam imbrum paulum bellum remittitur. Senatus, Turcæque, se ad bellum intentius comparant: Maurocenus verò urbem sedulo reficit. Sub initium Januarii Propugnacula Sabulonia, ac S. Andreae multipliciter aggreditur Achmetes. Imperator classem barbarorum nocturno concursu invadit; insignem victoriam, occiso Duraco, refert. Hinc D. Marci Eques declaratur. Catherinus Cornelius, ac Marchio S. Andreae Mombrunius conveniunt. Machinamenta Achmetis adversus maritimam urbis partem à Mauroceno pervertuntur. Post atrocissimam aggressionem à nostris strenuè sustentatam, Achmetes intestina prodicione capi urbem posse existimans, Uvalachia, ac Moldaviae Principatum offert Mauroceno, sed cum irrisione nuntius dimittitur. Adventant aliquot Gallorum copiae, quæ prosperè certant cum oppugnantibus. Hyeme subeunte, obsidium nusquam remittitur. Regis furor in Achmetem, ac milites. Aloysius Molinus ad Turcas mittitur consociendæ pacis gratia, sed frustrà. Bellum intenditur; ac paulò post Catherinus Cornelius obit. Sex millia Gallorum in urbis subsidium missa funesto exitu manus cum barbaris conserunt, eodemque prælio Bellifortii dux occiditur. Qui supererant, urbem deserunt, atque una cum iis Vincentius Rospiliosus Pontificiarum copiarum ductor. Parvor Cretensium inhibetur elata oratione Mauroceni; qui Procuratoria D. Marci dignitate extra ordinem insignitur. Achmetes tandem validam

dam aggressionem tentat, & vix à Venetis depellitur. Inde Imperator, advocata Ducum concione, de Statu Urbis, praesidii viribus, ac de rebus in posterum agendis disserit. Captum ab omnibus consilium dedendi Cretam per sexdecim dies differt. Iterum vocat in opem socios: quibus ab Dia solventibus, demum fœdus init cum hoste. Conditiones pacis Decreto Senatus approbantur. Discedentes Venetorum naves tempestas maris disjicit. Maurocenus Patriæ jam redditus, rursus accusatur. Verum, indicto iudicio, & re perspectius cognita, brevi omnium votis absolvitur; denuò Patribus, quæ in bello egerat, magno consensu, plausuque approbantibus.



O LIBER



1662  
Mauroce-  
nivedius  
in Patria.

Civitas  
erga eun-  
dem stu-  
dia.

Deinde  
accensur.

**O**Ptimo consilio Veneti Patres institue-  
runt, ita foris exercerentur ab civi-  
bus Imperia, ut domi administratæ  
rei ratio redderetur. Quippè, cum  
fingere multa rumor soleat, & tam de optimis  
mala, quàm de malis optima, infenso virtuti-  
bus errore, concelebret; eveherent sæpenu-  
merò studia partium ignavos ad maxima, atq; ècon-  
trà actum de illis videretur, in quos ob èmula-  
tionem virtutis invidorum aculei excitantur.  
Quamobrem summo cum Reip. emolumento  
lata olim sententia, qua cautum est, ne ex im-  
modico vulgi favore, aut ira, sed ex severis,  
probatifq; rationibus facta singulorum estimaren-  
tur. Hinc in tuto magnorum virorum honor;  
hinc studium veræ laudis, & strenuè quæsitum  
ab optimis per pericula decus Reip. Reducem ex  
Græcia Maurocenum quo plausu universa civi-  
tas exceperit, nemini ex illius facinoribus in-  
compertum. Eædem illi, quæ militum, laudes  
Senatus; atq; ex multiplici genere rerum stre-  
nuè actarum varia urbis præconia. Nec dee-  
rant, qui toties Græcis victoriis insignem, vix  
antea inspectum civem altiùs contemplarentur:  
mirati tot annos ab eo in castris eadem constan-  
tia transactos, omnia classis munia pari consi-  
lii, ac fortitudinis famâ administrata, præcla-  
ra demùm tot præliorum prosperè initorum mo-  
numenta; quibus non decoris tantum, sed, &  
utilitatis plurimum Reip. comparaverat. Verun-  
tamen,

tamen, cum ea sit invidorum natura, ut recentem aliorum felicitatem egris oculis introspiciant, nec idem sibi ipsis quoque patere ad gloriam iter molestè ferant; ausi nonnulli, quèdam damnando, gestæ dignitatis ordinem carpere. Hæc relata ad Senatum, animos Patrum, ut veritas dignosceretur, ad acrius examen revocare. Missus idcirco in Græciam Quæsitör, is Stephanus Magnus fuit, Patritius Venetus, miræ morum elegantiae, ac probitatis; à quo indictum iudicium, producti testes, cunctaque de more pertractata. Verum fraus, ut ferè fit, in auctores recidit: vicitq; molientes dedecus præclarè gestarum rerum testimonium. Expressa enim certis rationibus virtus Mauroceni eousq; potuit, ut non modò, quæ peregerat, plenis suffragiis Patres comprobarent; verum etiam accusatores, quia infanti periculum fecerant, ex Senatus Consulto calumniæ nota mulctarentur. Hinc Decemviris negotium commissum, ut, tradito posteris more, delatores postularent, atque in pravorum exemplum debitis pœnis afficerent. Ita, declinata obrectatione, in necessariam quietem Franciscus secessit. Non ideo tamen militaris disciplinæ studia ita animo ejusdem exciderunt, ut providis consiliis etiam absens adiutorem se non perhiberet. Nihil prætermissum, quo juvari Remp. posse intelligeret: Quippè Cretæ insulæ incolumitati sedulo prospiciens, ostendebat, quo opere, quibus muni-

*At non  
modò ab-  
solvitur,  
sed accu-  
satores  
illatæ in-  
jurie pe-  
stulantur.*



1662 mentis firmari deberet; undè promptiora urbis, & incolarum subsidia; qua arte excitandę mentes militum, ac tribunorum; quò denique dirigenda tutiùs arma, ut barbari depellerentur. Inde ingens ejus dictis fides, atque auctoritas; summumque in uno cùm civilium, tùm bellicarum administrationum pondus.

1663 Inter hæc Achmetes, qui hætenùs vana pacis spe Cæsari illuserat, ne Cretico quidem bello summoperè intentus, ea potissimùm cura detinebatur, ut auctoritate, opibusque novæ dignitatis fastigium confirmaret. At, ubi validissimum quemque, & Regis favore elatum, submissis, qui publicè quasi consensu ad penam deposcerent, oppressit, aut longinquis expeditionibus amovit; Mahometis verò, militum, plebisque benevolentiam promptis artibus adeptus est: solutus domesticis cogitationibus in externi belli studium incubuit. Itaque, collecto exercitu, vertit in Cæsarem Imperii vires: tamdiù parata adversus Illiricum, finitimasque Reip. provincias arma simulans, dùm, factò raptim in Pannoniam impetu, improvidos, eòq; spe pacis incautiùs agentes Austriacos invaderet. Nec repentini motus rumor tantummodò Cæsarem commovit. Enimverò, aliquot illius regionis urbibus expugnatis, cùm demùm intra Bellogradi mœnia se recepisset, non modicam Reip. suspensionem injecerat, ne, si ibidem iniisset fœdus cum Austriacis, in Illyricum ea belli moles

*Achmetis  
consilia.*

*Turcarum  
expeditio  
in Cæsare.*

*Suspicio-  
nes Pene-  
torum.*

moles devolveretur. Sed ex successu rerum <sup>1663</sup>  
 augeſcente in dies Pannoniæ vexandæ libidine,  
 cum mox in interiora ejus irrueret, atque in-  
 dè univerſa regio acerrimo bello conflagraret;  
 periculi vicinia Venetorum Patrum animos al-  
 tiùs ſolicitavit. Hi namque barbarorum armis  
 patere Forum-Julii ſentientes, ſtatu-erunt majo-  
 ribus præſidiis confirmare limites provinciæ,  
 ne imparati, immunitique Foro-Julienſes de-  
 prehenderentur. Habiti hac de cauſa delectus  
 militum, ſumpta arma, cunctaque imminenti  
 bello proviſa. Interim cautum, ut ſtrenuus  
 vir univerſæ regioni præſiceretur. Nec de  
 Franciſco Mauroceno dubitatum eſt: qui, licet  
 poſt tot armorum labores neceſſarium ocium  
 excoleret, adeò tamen in eum totius civitatis  
 ſtudia collimabant, ut ipſi ſervandorum Reip.  
 terminorum curam demandari neceſſe eſſe, una  
 voce omnes differerent. Itaque cunctorum ſuf-  
 fragiis Præſes Provinciæ declaratus: continuo-  
 que, ſuſcepta Præfectura, in Forum-Julii tra-  
 jiciens, acri diligentia proſpicere adnixus eſt,  
 ne quid detrimenti Reſp. caperet. Hinc locare  
 circum peditum turmas, cogere incolas ad ca-  
 pienda arma, ac fines cuſtodiendos, aggeribus  
 extruendis inſiſtere, inire demùm conſilia cum  
 Auſtriacis, ut, ſi ultrà hoſtis irrupiſſet, junctæ  
 vires eidem objicerentur. Verùm Achmetes poſt  
 varia armorum discrimina tandem ad Arrabo-  
 nis fluvii ripam ab Germanis fuſus, feſſum la-  
 bore

Mauroce-  
nus miſ-  
ſus in  
Foro-Ju-  
lii.

Ejus in  
cuſtodie-  
da regio-  
ne ſoler-  
tia.

1664



1665 bore itinerum, bellicque militem quiete refecturus, pacem sanxit cum Cæsare. Tunc reversus est Byzantium: aliòque bellorum suspicionibus inclinatis, communita Foro-Julii loca nulla belli semina infecerunt. Nihilominus Maurocenus, dispositis ubique custodiis, auctoque exercitu, ne, recedente belli pavore, miles ocio torpesceret, gerendorum præliorum præceptis copias imbuebat, ut, quæ tunc in simulatis pugnae exemplis didicissent, in vero deindè certamine non pertimescerent.

Dum hæc in Foro-Julii peraguntur, ea opinio percrebuerat, revocatum nuper à Pannoniis exercitum brevè in Rempub. audaciùs erupturum. Quamobrem declinaturi Patres vim hostium, per Joannem Baptistam Ballarinum (jam enim Joannem Capellium merore, laboribusque confectum acer morbus oppresserat) pertentare eorundem animos decreverunt, ut, sublati contentionibus, Creta honesto fœdere in Reip. ditione confirmaretur. Nec Achmetes id prorsus aversabatur, utpotè qui arduum, ancepsque bellum futurum, exposci se communibus votis ad conficiendum obsidium, neque ab sede Imperii tutò discedere posse intelligeret. Indè sociare in vicem consilia; adniti, ut pax perpetraretur, petere, ut, qua montibus in duas veluti regiones Creta dirimitur, hinc Veneti, inde Thraces pari jure Insulam obtinerent. Hæ quietis conditiones aliquandiù in ancipiti hæse-

*Achmetes  
Fidus inis  
cum Cæ-  
sare.*

*Studia  
Venetorum  
ad firmā-  
dam pacē.*

*Nec Ach-  
metes  
dissentit.*



## LIBER SECUNDUS. III

hæserunt; cùm Patres, ut belli incommoda e- 1665  
 vitarent, cessuri quidem hostibus, quod ii elap-  
 sis annis abstulerant; ita tamen stabilire urbis  
 possessionem exoptarent, ut non secus in pace, *Dùm de  
 firmanda  
 pace agi-  
 tur, Vene-  
 ti Cydonē  
 aggrediū-  
 tur.*  
 quàm in bello tutò & habere insulam possent,  
 & faciliè armis eandem tueri. At, dum hìc de  
 ferendi fœderis negotio agebatur, alia in castris  
 rerum facies. Præcipuè Veneti, ubi satis co-  
 piarum adesse visum, præmaturè ab hybernis  
 exeuntes, improvidum Cydonis præsidium re-  
 pentè adoriri constituerant. Sed distulit primò  
 consilium adversæ tempestatis motus: atq; ubi  
 paulum remissa procellæ sævitia, Hieram per-  
 ventum, denuò acrior turbo ita nostrorum ex-  
 ercitus impulit, ut penè statim desistere ab in-  
 cœpto Duces cogerentur. Nec, cunctantibus ip-  
 sis, vis ventorum, aquarumve infrangebatur.  
 Undique effusis imbribus opplebatur tellus: ea-  
 dem littori, ponto, campisque facies. Hinc obsi-  
 dionem intentare molientes frustra laborabant.  
 Cùm enim lubrica humus, redundansq; aqua  
 fallerent pugnantium gressus, nec brevia à  
 profundis, ruinam minantia ab solidis discer-  
 nerentur, multi veluti per ludibrium ab hosti-  
 bus fundebantur. Igitur, ne ultrà miles incas-  
 sum fatigaretur, recepto in naves exercitu, in  
 eam sententiam itum, ut maritimis præliis dis-  
 jicerentur hostium triremes, atque indè expe-  
 ctata subsidia Cydonem non communirent.

Primum hujusmodi facinus ab Nicolao Leo-  
 nio

*Sed Ve-  
 neti assi-  
 dui im-  
 bribus cō-  
 sternati  
 recedunt.*



1666 nio Patritio Veneto, & Hieronymo Grimano  
*Nicolai Equite, ac Navium Præfecto patratum est.*  
*Leonii Ille namque plures liburnicas, ac triremes, quæ*  
*& Hiero- cum milite, & commeatu Cydonem festina-*  
*myi Gri- bant, adortus; brevè omnes in potestatem re-*  
*mani fa- degit. Hic decem onerarias prope Pagasam in-*  
*cinera in secutus; post atrox certamen victor ad suos in-*  
*Ægeo. genti cum præda reversus est. Non segnius in-*  
*Thracarum teretè reliqui duces terra, mariq; rem gerebant.*  
*motus. Hi intercipiendis commeatibus, alii vastandis*  
*insulis intenti: præsertim verò ante Crete mu-*  
*ros quotidie concursus, & prælia, eaq; ob mul-*  
*titudinem hostium sæpius cruenta. Accessere*  
*his variæ Thracum eruptiones in Illiricum;*  
*quamvis nec propiores insulæ metu vacuæ. Za-*  
*cynthi incolæ præ cæteris trepidavere, quibus*  
*ostentatum bellum, brevè; illatum etiam fuisse:*  
*ni id prius compertum Venetis, & raptim*  
*congesta prope Insulam subsidia. Senatus ordi-*  
*nem rerum prospectans, nihil in posterum ab*  
*hostium vi tutum sensit. Postremò, cum anceps*  
*motus multiplex bellum minitaretur, distractis-*  
*Francis- que copiis, Classis Proceres, ut suspiciones exi-*  
*cus Mau- gebant, alii alia munera obirent; in Franci-*  
*rocenus scum Maurocenum Classis Præfecturam con-*  
*Classis tulit.*  
*Præfectus eligitur.*

Sed struebat jam fortunæ irarum, bellicque  
 semina; tantò in sæviorem armorum impetum  
 eruptura, quantò majori pacis imagine tege-  
 bantur. Veneti, ut egregio aliquo facinore fa-  
 cilio-

cilio rem fœderi viam sternerent, ultra animos 1666  
 barbarorum efferavere. Turcæ, ob auctum ipsa  
 mora, qua non modicè exercitus excreverat,  
 robur, promptius erecti ad ultionem, congre-  
 gatas Imperii vires in unius obsidionis experi-  
 mentum deduxerunt. Indè atrox, rejectis con-  
 ditionibus pacis, dissidium: Cretensis indè bel-  
 li moles, & pertinax urbis oppugnatio, cui cen-  
 tum, & viginti millium Turcarum cæde parta  
 nobilitas. Vix tentasse Venetos Cydonem, eos-  
 que præpediendorum com meatuum causa Æ-  
 gæum percurrere rumor vulgavit; cùm oborta  
 Byzantii ingens primorum sollicitudo, miran-  
 tium, ubi pax expectaretur, prælia invalescere.  
 Hinc trepidare populus, mox fremere, & vi-  
 res suas circumspicere: demùm vecordiam Re-  
 gis inculcare, qui, instantibus belli curis, desi-  
 dia torpesceret. Quippè suos quadam feriendi fœderis  
 reverentia contineri, ne bellum per acies conficerent: at  
 Venetos aperta vi uti, & ipso comparandæ pacis prætex-  
 tu libidinem armorum licentiùs explere. Igitur mittendos in  
 ultionem exercitus, qui ultimam bello manum admovent.  
 Non esse eò consternationis rem perductam, ut ab exiguis  
 Christianorum copiis impunè Thraces terra simul, & ma-  
 ri divexari se paterentur. Iisdem artibus defendendum, au-  
 gendumque Imperium, quibus partum fuerat. Contemni a-  
 lioquin Ottomanicæ domus dignitatem, nec amitti modò;  
 quæ tanto sanguinis pretio acquisierant; sed brevè ipsa fe-  
 licitate cæpti in Regni interiora hostes irrupturos. Hęc  
 sapiùs jactitata Mahometis feritatem excitave-  
 re:

*Questus  
 Turcarum,  
 & confu-  
 ciedi belli  
 cupido.*

P re:



1666 re: qui, ut gentis suæ vota obsecundaret, copiis  
Vocibus  
populi  
Rex exci-  
tatus ex-  
peditionē  
in Cretā  
Achmeti  
demādat. raptim ab universo oriente collectis, Achmeti  
eam provinciam assignavit; ut ipse exercitui  
ducem se præbens, Cretam omni virium nixu  
aggrederetur. Achmetes, ubi necessariam expe-  
ditionem animadvertit, facilius iter ad e-  
ventum armorum paraturus, cavit, ne Venetis  
suscepti à se belli consilium innotesceret. Exin-  
dè affirmans, se conficiendi fœderis cupidum, a-  
liòq; motum simulans, studia quietis, honestumq;  
pacis nomen prætendebat. Non effugere tamen  
Venesi  
Patres  
mariti-  
mas, ter-  
restresq;  
copias an-  
gent. Patrum diligentiam astus barbarorum: atque,  
ubi compertum ex ingenti copiarum apparatu,  
quantum discrimen ea belli moles esset allatu-  
ra, Senatus Consulto provisum, ut ad tuendam  
Remp. arma illicò sumerentur. Dùm itaque  
habentur delectus militum, aliaque navium  
manus sedulò ornatur; data opera, ut ad Im-  
peratoriae dignitatis fastigium ejus fortitudinis  
vir attolleretur, quem luctuosa tempora, hor-  
rendumque bellum postulabant. Nec diù in in-  
certo fuit, quinam illo in rerum articulo à Pa-  
tribus declararetur. Cùm enim ingenti animo-  
Mauroce-  
nus secū-  
dò decla-  
ratur Im-  
perator. rum consensu omnium vota Maurocenum ex-  
poscerent; commissum secundo eidem non an-  
nuentibus tantum, sed etiam plaudentibus or-  
dinibus, summum terrestris, maritimique ex-  
ercitus Imperium. Tunc non impendentium  
malorum discrimina, non rumor auctæ ho-  
stium multitudinis debellandæ Cretæ desiderio  
con-



convocatæ Franciscum à munere deterruerunt: <sup>1666</sup>  
 sed flagrantem studio defendendæ Reipub. ani- <sup>Cretam</sup>  
 mum recentibus exemplis probaturus, ad Insu- <sup>navigare</sup>  
 lam extemplo contendit. <sup>pergit.</sup>

Græcarum Insularum nobilissima Creta, ab <sup>Creta de-</sup>  
 occiduis montibus, qui candidi sunt, Candia <sup>scriptio.</sup>  
 hodie dicta, ab Ortu solis, Occasum versus lon-  
 gissimo tractu porrigitur, hinc Africa, illinc  
 Asia objacentibus. Insulæ forma tribus clarissi-  
 mis promontoriis protensa est; Samonio in O-  
 rientem, Criumetopo in Occidentem, Cima-  
 rio, aliàs Cyamo, & Dictynæo in Septentrio-  
 nem. Alluitur, quæ Orientem spectat, Carpa-  
 thio mari, quæque Occidentem, Jonio, cui A-  
 driaticum conterminum: ad Septentrionem præ-  
 terfluente Ægæo, Libyco verò, ac Ægyptio,  
 quæ vergit in Austrum. Primum hujus Insulæ  
 imperium penes Reges fuit: populari deindè sub-  
 jecta dominio brevè in potestatem Romanorum  
 transiit; ex quibus demùm concessit in prædam  
 Saracenorum. Expulsis Saracenis Græci succes-  
 sere; quibus ab Italarum, Gallorumque armis  
 erepta, Bonifacio Marchioni Montis Ferrati con-  
 tigit. Hinc magno emptam habuerunt Veneti;  
 qui quadringentos annos eam possidentes, Co-  
 lonia Patritiorum in Reip. modum auxerunt.  
 Hanc Præsides Ducum nomine moderabantur:  
 qui non civilem modò, sed militarem quoque  
 rem gerentes, unà & concordia incolarum, &  
 libertati prospiciebant. Cæterum Latinis, Græ-  
 cif-



1666 cisque monumentis percelebris insula est; utpote quæ prima navales, equestresque pugnas ediderit, atque arma literis miro bonarum artium amore conjunxerit. Magnitudine verò multum reliquas antecellit; longitudo enim ducenta, septuaginta millia passuum, latitudo quinquaginta millia habet: ambitus autem quingenta, octoginta novem millia passuum complectitur. Situm commendant ubertas collium, fluminumque, temperies cœli, ac saluberrimus aer, in quo nulla unquam infesta veneno animalia fuere. Porro tellus frumenti, vinique, & dictamni solî insulæ peculiaris ferax; adeò verò referta pascuis loca, & externarum gentium frequentia excultæ urbes, ut cæteris omnibus Mediterranei Maris insulis, seu opes, seu soli fertilitas, seu varietas commerciorum respiciantur, meritò anteferatur. Centum urbes antiquitus habuisse scriptores memorant; quas ad tres tantum temporis injuria redegit. Hæ Creta, Cydon, & Rithymna. Regni caput Creta constituit, quæ à quibusdam Matium, & Cytæum nuncupatur, hodie Candia: indè totius insulæ nomen. Hæc fermè in medio, quâ Ægæi fluctibus insula perfunditur, consurgit, non tam ob robustum mœnium ambitum, quàm ob exteriora munimenta expugnata difficillima. Trium millium, & quingentorum passuum horum circuitus. Urbs verò triangularem exhibet figuram, ejusque basis ita pelagum respicit,

Urbis  
fuerit  
&  
munimenta  
14.

cit, ut eadem parte capacem cujuscunque navi- 1666  
gii portum, atque à procellis tutissimum præ-  
beat. Septem regia, ut vocant, propugnacula  
urbem circumstant; quæ ab incolis S. Andreae,  
Jesús, Panigrà, Bethlemiticum, Martinen-  
ghium, Viçturium, ac Sabulonaria appellan-  
tur. Hæc patula, humilisque fossa penè undi-  
que ambit; deindè propemodùm innumeræ ex-  
tra fossæ labrum productæ munitiones, ad quas  
promptè per subterraneos calles pervenitur.

Subactis, ut dictum est, ab Turcica vi Cydo-  
ne, ac Rithymna, postrema de præcipua hac  
urbe contentio remanebat; in qua plùs fortè san-  
guinis profusum, quàm ejusdem viarum angu-  
stia capere posse viderentur. Delectus Mauro-  
cenus ad difficillimum propugnationis munus,  
ita manu, voce, vulneribus toleravit obsidiùm,  
ut nondùm satis liqueat, utrum cladium atroci-  
tate terribilius, an Venetæ virtutis experimen-  
tis speciosius bellum fuerit. Octo, & viginti  
menses (quis crederet?) circa urbem unam  
barbari pependerunt. Ille verò per omne tem-  
pus totius Ottomanici exercitus impetu permo-  
dicis viribus sustentato, sex, & quinquaginta ag-  
gressionibus, quadraginta, & amplius subterra-  
neis præliis, quadringentis, & sexaginta cunicu-  
lis elusis, centum, & viginti millibus Turcarum  
cæsis, suorum fermè triginta millibus amissis,  
tunc demùm extremum deditionis remedium  
amplexus est, cum nonnisi concremata, ac fun-  
ditus

Obsidio-  
nis, belli-  
que exi-  
tus.



1666 ditùs everfæ urbis veftigia occupari à Thracibus poffent. Deditionis pretium falus obfefforum, & claffis. Utramque iniquis temporibus à victorum pervicacia obtinuiſſe, admiranda vis ingenii, ac propemodùm incredibile facinus fuit. Id enim in extremis aſſecuti ſunt Veneti, ut, licet defolatis munimentis, turcidato exercitu, abeuntibus fociis, atque ultimo urbis fato impellente, non libertatem modò defenderint, ſed Reip. Imperium indecora barbaris pace firmarint. Interea, quot motus Achmetis, quantaq; dolo, atq; arte intentata molimina repulerit Maurocenus, omnia ad unum referre inacceſſum cupienti opus; cùm ſingulis ferè momentis eximium aliquod facinus ad Cretam ederetur.

*Achmetis  
Eubœam  
pergit.*

*Joannes  
Baptiſta  
Ballarini  
mori-  
tur.*

Igitur Achmetis Kal. Maii Theraſiam profectus, ibidem munia exercitus inter ſuos ſedulò partitiſſus eſt. Digreſſus indè in Eubœam, naves armis, & milite onuſtas crebrò Cydonem demittebat; cùm, ne ſibi Cretam perducto prompta præſidia deeſſent, tùm ut priùs ſcrutaretur, an facile commercium, & ſatis tuta navigatio. Inter hæc, ne tanti apparatus famà Cretenſes ad acrem diſponerentur deſenſionem, foedus, concordiamque ſpecioſis, irritiſque nominibus adhuc jactabat; componendarum rerum ſpe Ballarinum tamdiù detinens, dùm hunc in ignobili vico, haud procul à Thebis, propera mors ingenti omnium luctu eriperet. Ubi ſatis copiarum Cretam tenuiſſe barbarus ſenſit, ſolutis ſub

Octo-



Octobris mensis exitum navibus ab Epidauro, 1666  
 quò paulò antè adveetus fuerat, ipse quoq; Cy-  
 donem raptim advolavit. Hyeme parandis ad  
 obsidionem rebus transacta, XI. Kal. Maii mo-  
 vit exercitum; equatâque solo Enandiâ, ne pro-  
 pinqua illius urbis mœnia quanto plus spei ad  
 effugium, tanto minorem animum ad strenuè  
 agendum militibus præberent, in Cretæ con-  
 spectum agmina deduxit. Locum nactus cùm  
 ad pugnandum, tùm ad evadendum aptiorem,  
 vallem, cui Jophyri nomen, infedit. Ingentis  
 deindè exercitus ostentatione, cujus robur quin-  
 quaginta armatorum millibus, præter cunicula-  
 riorum, atque epibatarum turbam constabat,  
 multiplici ex parte pertentare urbem exorsus  
 est.

1666

Vissarius  
Cydonem  
intrat.

1667

Oppugna-  
tionē ur-  
bis aggre-  
diunt.

Jamque feriebantur tormentis muri, externaſ-  
 que munitiones infesto agmine Turcæ pertur-  
 babant, cùm Maurocenus Superum mare per-  
 mensus, Zaeynthum pervenit. Tunc primum  
 in Cretæ opem facinus molitus est. Quippè, a-  
 nimis illorum, qui ex edicto convenerant, in se  
 firmatis, Marchionem Chironem Franciscum  
 Villam, peritia rei militaris, & peractarum re-  
 rum fama insignem, obsessę urbi restituit. Hunc  
 Senatus turbis peditum præfecerat: nec indè con-  
 filia expertissimi ducis modicè urbem adjuva-  
 bant. Verùm, ortâ inter Proceres dissensione,  
 quæ magnis conatibus semper adversa est, cùm  
 nova subindè discordiæ moles sobolesceret, Sa-  
 bau.

Mauroce-  
nus Villam  
copiarum  
Præfectum  
reducit.



1667 baudiam, undè disceserat, declinaturus aliorum invidiam, adproperabat. Sed Imperator hortatus ducem, ne in tanto rerum discrimine, quam summo plausu militum ceptaverat, urbis defensionem repentè desereret: illo Cretæ redito, ipse cum idonea longarum navium manu intercipere hostium subsidia statuit, quæ in dies magis ad exercitum furtim commeabant. Hieram advectus, aliquandiù Turcicę classis Præfectum brevè, ut exploratores renunciabant, cum viginti rostratis navibus, suis auxilio venturum ibidem oppertus: compulissetque ad certamen ejusdem navigia, ni ille, confecto inter tenebras itinere, insciis Venetis, ad suorum castra adnavigasset. Nec felicius alii subindè labores succedebant, Turcis per aperta Ægæi quotidie diffugientibus. Expertus idcirco Maurocenus, difficillimum sibi ob incerta locorum, & varietatem itinerum prohibere barbaros à commercio pelagi; satius credidit, classem dividendo, multiplici ex parte hosti insidias astruere. Verùm, cum, atrocissimæ obsidionis rumore pervulgato, jam Achmetes nominis sui terrorem latè circumtulisset, ad terrestres curas conversus, statuit sese in urbem recipiendo augere fiduciam obsesorum. Ergo præcipua custodiendi pelagi provincia Aloysio Paschalico Patritio Veneto demandata; decretumque, ut decem cum triremibus, ac quinque navibus, quibus viginti sociorum triremes additæ erant, vario itinere interjectum

*Frustrà  
laceffere  
hostium  
naves ad-  
mittunt.*

*Aloysius  
Paschali-  
cus inter-  
cipiendis  
hostium  
commeati-  
bus desti-  
natus.*

ma-

mare obsideret. His providè constitutis, reli- 1667  
quam classem per idonea loca disposuit.

Ubi verò Cretam ingressus, multa internis *Imperator  
urbem in-  
erat.*  
dissenfionibus fessa, quas certamen virtutis, atq;  
ambitio gloriæ inter procures invexerat, depre-  
hendit; ne indè ratio defendendæ urbis, ut so-  
let, labefactaretur, acri diligentia prospicere  
adnixus est, ut excitatæ intra suos iræ adversus *Animos  
militum  
componis.*  
barbaros verterentur. Quamobrem, cum ex ge-  
nio variarum gentium ita mentem instruxisset,  
ut optimè calleret, quid à quoque exigendum;  
brevis ad obeunda promptius belli munia indul-  
gentem dissidiis militem honestioribus stimulis  
incitavit. Ubi enim quis hostis instaret, quàm  
justâ causâ discrimina armorum adeunda essent,  
quæ demùm laus, quæ præmia manerent stre-  
nuè dimicantes, ostendit; cum præterea penè  
apud omnes recens fortissimi Imperatoris me-  
moria, & penitus in virtutes Mauroceni infixus  
militis amor prævaleret, animi adèò hortationi-  
bus ipsius permoti sunt, ut intraret mentem  
cujusque militaris gloriæ cupido, *duceret, quò vel-  
let, clamitarent; non armis non vulneribus quemquam  
cessurum.* Ita in perniciem hostium omnibus con-  
versis, firmare munimenta, altiores fossas ef-  
fingere, solidiores loricas contexere, sui que i-  
psius per propria pericula urbis saluti caventis  
fiducia acuere in dies magis ad bellum Creten-  
ses institit. Econtra Thraces cuncta expugnan- *Sed Tur-  
ces summa  
vis re ge-  
runt.*  
dis urbibus inventa apud veteres, & nova quæ-  
que

Q



1667 que ab recentioribus ingeniis excogitata congerentes, tanta spe decertabant, ut in ipso obli-  
dionis limine extremos conatus experirentur. Neque una tantum belli facies: quippe modò, extructis tormentariis suggestibus, muros, atque interiora urbis petentes, modò, altioribus foveis nitrato pulvere repletis, fundamenta propugnaculorum convellentes ab imo, sepè cum catervis armatorum ruentes in vallum, nihil intentatum relinquebant.

*Achmetis  
conatus in  
Propu-  
gnaculis  
Panigrà.*

Longè tamen major belli moles illi Crete parti incubuerat, qua muri quædam lorica, quæ à propugnaculo Panigrà dicto usque ad mare producitur, jugiter ferreis globis à muralibus tormentis emissis quatiebatur. Hunc sibi oppugnandum locum delegerat Achmetes, qui, quamvis multo suorum cruore pulsus, potiri mēibus audaciùs, quàm consultiùs properans, omnia terrore, & cladibus miscebat. Nec temperatum apertis aggressionibus, ut obsessorum animos frangeret, victoriæque fiduciam apud suos ostentaret: gnarus qualia initia belli, talem in cæteris exitum futurum. Sed Veneti nulla fortiorum cæde, nullo molimine hostium perterrefacti passim depellere invadentes, reficere diruta murorum, objectos aggeres omni machinamentorum genere, ac persèpè inopinatis eruptionibus perturbare. Cùmque testis virtutis, atque ignaviæ cujusq; adesset Maurocenus: opportunè milites imperata exequabantur, nec quid-

*At pelli-  
sur à Ve-  
netis.*



quidquam ob formidinem recusabant. Augeba- 1667  
tur nihilominus in dies malum crebra cunicu-  
lorum vi, ollarumque incendiariarum jactu,  
cùm nullus in urbe, aut munimentis locus di-  
scrimine vacaret. Hinc non segnis à strenuo  
plerumque discernebatur; juxtà audaces, pavi-  
diqui interibant: dehiscenteque, quà tutior vi-  
debatur, humo, aut ferreis globis decidentibus,  
cuncta subversę telluris ruina, torrentibus flam-  
mis, ac in frustra disjecta æris mole devasta-  
bantur. Accessit Kal. Julii intoleranda vis calo-  
ris, quæ corpora obsessorum summopere con-  
ficiebat. Nec eadem pernicio immunes barbari;  
cùm aperta planities, & nulla umbra defensa, &  
stu quotidie graviore exardesceret. Hausisset  
plurimum ea tempestatis sævitia Turcarum ex-  
ercitum, ni militum multitudine abundans Ac-  
hmetes suis ita tempora assignavisset, ut laborem  
alii vicissim subirent, discederent alii ad quie-  
scendum: indè nec fatigarentur pugnantes, &  
citiùs ad exitum opera quæque deducerentur.

*Caloris  
vis infe-  
sta adma-  
dum op-  
pugnan-  
sibus.*

Irritum interea conatum sentiens, quo pro-  
sternere propugnaculum molitus fuerat, pau-  
lùm remisso hujus partis impetu, in reliquis au-  
cto ardore, ac numero oppugnantium, arctio-  
ri tormentariorum suggestuum corona urbem  
circumdedit. Cùm tamen nondum ulla exteriorum  
munimentorum pars occupari à suis potuisset,  
effossam speluncam parari imperavit; per  
quam, excavata subterranea porticu, in plures

*Achme-  
tes sub-  
terraneos  
calles  
cõparat.*

Q 2 cal-



1667 calles desinente, subter ipsos Venetorum aggeres ad menium fossam penè pervenerat. Operam tellus juvabat; quæ nec difficilis erat accipiendis ictibus, & adeò tenax, ut quæ stare illam fossores vellent, quæ egerebantur nulla ruina sequeretur. Quapropter ingentia barbarus animo designabat, inopinanter in urbem cum armatorum globis evasurus. Neque à Venetis multum clades aberat, si potissimum noctu fraus erupisset. At nihil ex his diligentiae Imperatoris ignotum: Hic dolos, aperta, occultaque perscrutatus, contrarios extemplò cuniculos instruxit. Tunc prudenti consilio devicta calliditas concidit; diuturno labore paratus fornix obruit artifices: penituitque Achmetem invenisse recessus, quibus tot hominum vitas miserrimè perderet. Ita subterraneo Turcarum molimine eluso, nondùm tamen armis finis impositus. Novè quotidie à barbaris struebantur insidiæ; contemnebantque pericula milites, pars minis Achmetis, multi feritate, & cupidine prædæ. Personabant omnia strepitu tormentorum; nutabant munimenta; rostra propugnaculorum corruebant. Extrema ubique pericula. Ingens in eruptionibus copiarum ferocia: mors, aut fuga hostium, exitus pugnantium. Nec tamen apertavi magis, quàm dolo gerebantur certamina; nam, qua parte parati cuniculi vis minabatur excidium, Veneti fugam indè simulantes, improvidum hostem in casus trahebant. Sed Achme-

*Sed frustra.*

*Nihilominus fervet obsidium.*



hmetes rimandis obsefforum consiliis, excogi- 1667  
 tandisque fraudibus sagax. Quippè, venenatis i- *Turce*  
 gnibus in nostrorum receptacula immisiss, cam *venenatos*  
 cladem invexerat, ut horum permulti semiusti, *ignes in*  
 faucibusque virulento vapore interclusis, demùm *venenos*  
 exanimarentur. Primò inopia remedii non mo- *jaculan-*  
 dicè labes processit; immò brevì adeò invalue- *tur.*  
 rat, ut vel minimum haustum mors sequeretur,  
 nec ullo humore extinguì posset incendium.  
 Tandem junipero, aliisque remediis admotis, vis  
 veneni fracta est: horum enim ope pestifera  
 flammarum lues enervata, propugnantium cor-  
 pora adeò immaniter non depascebat.

Hæc propè ipsos muros urbis. Sed nihilo fo- *Arox in*  
 gniùs res in externis munitionibus agebatur. *externis*  
 Nam concursiones, & prælia circùm adeò cre- *munitionibus præ-*  
 bra erant, ut duplex omninò bellum videretur. *lium.*  
 Thraces, recisis ope cuniculorum aggeribus,  
 undique irrumpentes, cuncta ad extremum ter-  
 rorem componunt. Contra Veneti, stipatis ma-  
 nipulis, adversus irruentes nituntur. Pars emi-  
 nus tormentis, alii gladiis, manibusque rem ge-  
 runt; permulti, ne ulteriùs irrepant barbari,  
 pilis se objectantes, in cædes præcipitant. Mau- *Francisci*  
 rocenus verò consilio, voce, ac manu cuique *studia.*  
 conspicuus, quò pugnantium clamor vocat, u-  
 bi summus labor, sedulò advolans, suos hortat-  
 ur, ne deficiant, instent hostibus: nihil profuturam illo-  
 rum multitudinem, ubi eosdem confusio, & terror invase-  
 rit. Simul, ubi imparem pugnam animadvertit,  
 subsi-



1667 subsidiarios manipulos provehens, se ducem in agmine exhibet, occurſat paventibus, retinet cedentes, ſuoque corpore adit quæque periculoſa. Enituit præcipuè in eo mira viſ animi, cùm ad ſemilunare quoddam munimentum acriùs pugnaretur. Ubi enim fundi Fidelium aciem cognovit, ita ſe in trepidantem turbam, increpando militis formidinem, coniecit, ut, excitato denuò ſuorum ſpiritu, in ſpem victoriæ labantem cohortem reſtituerit. At tantus in eo ardor ( jam enim præliantium multitudini altius immixtus erat ) diſcrimine haud penitùs caruit. Siquidem elata ex accenſo cuniculo ingens lignorum, telluris, lapidumque congeries ita effuſa eſt, ut evolans ſaxum modicè extremam ejus quoq; brachii partem libaverit. Non propterea tamen fractus eſt animo, aut priùs locum deſeruit, quàm, omnibuſiis, qui primas munitiones ſuperaverant, interfectis, reliqui præcipites intra vallum cogerentur. Eminens in Imperatore virtus ita cæteros quoque Proceres incendebat, ut æquè militum, ac ducum officia ſubirent. Non diu, non noctu fovendis corporibus data cura, ne imparatus quis ab hoſte deprehenderetur. Fervebant omnia ſtudiis tribunorum: qui in primis ordinibus cùm ſæpe numero adeſſent, ad munia quæque opere magis, quàm voce ſuos incitabant. Præcipuè Antonii Barbari Cretæ Præfecti, Marchionis Villæ, Joannis Rudulphi Uvertmellerii Helvetii, Præ-

Qui demum  
vulnera  
tulit.

Duc. Viri  
necorum  
virtus.



Præfecti Armamentarii, atque Equitis Bartho- 1667  
lomæi Varisani Grimaldi, militum ducis, virtus  
emicuit. Hi namque nullis laboribus parcentes,  
non modò obniti obsessores, ac perrumpentes  
ingenti clade depellere; sed eò fortitudinis de-  
venerant, ut non rarò hostem intra vallum ad-  
orirentur. Veruntamen, quò magis acuuntur  
affectus animorum, eò majorem virium jactu-  
ram crebra utrinque certamina inferunt. Bar-  
bari adaçti quaque die per prostrata suorum  
corpora succedere ad urbem, nonnisi infirmi,  
profligatoque agmine recedunt à muris. Veneti  
quæcunque pericula parvi facientes mortem in  
acie oppetunt. Indè fessas cohortes quotidianæ  
cædes magis exhauriunt. Plurimi ex tribunis,  
centurionibusque sauciantur: ac præsertim Vil-  
la glandis plumbeæ ictu ita percussus est, ut  
vix atrocitatem vulneris sustinuerit.

Jamque adoleverat æstas, cùm denuò diffici-  
lius ea parte discrimen exortum, qua Achme-  
tes recentibus consiliis fisus, propiùs propugna-  
culum Panigrà cum robore exercitus processit. *Iterum  
Achme-  
tes ad  
Propu-  
gnaculū  
Panigrà.*  
Cùm enim subiisset pudor tot armatorum cohortes  
amisisse, integris adhuc animis, ac muni-  
mentis Venetorum: in illius partis oppugnatio-  
nem incumbere intentiùs incepit, ratus, sicuti  
minus in ea roboris ex forma munitionum, ita  
se hortatore, atque inspectante, nihil suorum  
viribus obfuturum. Igitur ex triplici suggestu  
dies, noctesque verberans muros, ita intra  
modi-



1667 modicum temporis voti compos redditus est, ut tota fermè propugnaculi fronte contrafacta, equaret ruina altitudinem, undè in interiora urbis impetus fieret. Tunc, capto aggressionis consilio, ubi, curatis corporibus, omnia ad facinus opportuna instruxit, dato signo, adeò impavidè Thraces ad muros concurrere, ut licèt unum per arma, atque ignes iter, alternis clypeis contacti pertinaci testudine ad culmen succederent. Non præbuere tamen Veneti aditum hosti, ut ulla propugnaculi parte potiretur. Enimverò, cum cominùs ascendentes ferro deturbarent, minoribus tormentis passim prosternerent, congestasque lapidum moles in confluentem turbam pervoluerent; horrenda cæde multatos Thraces, & ipsa occupandi loci difficultate tristiores usque ad vesperam à muris prohibuerunt. Ita inter mutuas clades die consumpta, nihilo lætior, quæ proximè affulsit, lux fuit. Nam cum Imperator lectiores manipulos, arma, ignes, ac missilia omnis generis deferri ad pugnae locum edixisset; instaurato rursus inter lucis exordia certamine, diù ancipiti eventu dimicatum. Tandem, cum cadaveribus ruina impleretur, Turcæq; labore, estu, ac vulneribus defatigati egriùs murum, periculumq; subirent: frendens Achmetes, nihilque tantis copiis pervium demiratus, ea spe vim remisit, ut, resumpto à suis spiritu, validiori impressione mœnia tentaret. Verùm, ubi turbatum à pugna militem

rece-

*Aggredi-  
tur mu-  
ros.*

*Bis à Ve-  
netis re-  
pelluntur  
Turcæ.*

*Achmetes  
conatur  
exercitus  
pavorem  
inhibere*

recepit, sensitque eum tot stragis detrimentis af- 1667  
fectum de irritis conatibus conqueri, plurimos  
infirmatam suorum, virtutem hostium repu-  
tantes omni in posterum spe destitui; ne latius  
conceptus animo pavor serperet, *adesse finem la-*  
*borum, totque discriminum mercedem*, ostendere ag-  
gressus est, *dummodò nullum quiescendi tempus obsessis*  
*permittentes*, extrema fortitudinis experimenta in medium  
afferrent. Non enim tantæ rei momentum moram pati; sed  
augendos animos, instandum fessis: *nihil tam in arduo col-*  
*locasse naturam, quod assequi virtus non posset*. At fru-  
stra hæc surdis militum auribus jactabantur;  
nam toties à muris tam truculenta cede depul-  
si, vix sustinere ora propugnantium, ne dum  
majoribus committere se periculis, audebant. Gli-  
scente militum formidine, dissidii certus Achme-  
tes statuit, occultato interim altiore consilio, se-  
qui quodammodò mentem suorum, ne tandem  
ex pervicacia odium, ac contemptus postremò  
ducis exoriretur. Per idem tempus Hierony-  
mus Javarina à Decemvirorum Secretis, prom-  
pti ingenii, notæque prudentiæ vir, in Ballari-  
ni locum suffectus, advenerat; quo cum, ineun-  
dæ pacis prætextu, invalescentem motum com-  
posuit.

*Spe pacis  
animos  
militum  
in se fir-  
mat.*

Interea captaturus studia copiarum, quò plus  
sibi auctoritatis inesset, vehementius à se belli  
finem optari simulans, missis ad Maurocenum  
nunciis, non ab re futurum ostendit, si fesso  
militi aliquot dierum darentur induciæ. At

R præ-



1667 præter omnem barbarorum spem huic consilio obfessi non assensere. Quippè, licet omnia in urbe, ac munimentis strage squalida, everfa pluribus in locis murorum fundamenta, delassatus demùm assiduis laboribus miles satius esse amplecti conditionem induciarum suaderent, ut interim vires colligerentur: nihilominus, elusis Achmetis propositis, unam sibi in armis spem, quietemque, Franciscus respondit. Non enim hunc latebat, hujusmodi esse bellorum statum, ut profit aliquandò negligere malorum remedia, ne aut ex mora irrepat segnities, aut pavoris, ac lassitudinis indicia major hostium fiducia consequatur. Itaque armorum terrorem ingeminans, se viorem pugnam accendi jubet. Redactis deindè quinquere milibus intra ostium fluminis, quod haud multùm à vallo hostium aberat, jubet tentoria Turcarum latius infestari. Ipse nunc majoribus cuniculis, nunc inopinatis eruptionibus frontem, ac latera oppugnantium invadit. Ingens Thracum clades hos conatus consecuta. Immo immanis rerum aspectus adeò Achmetis animum ægrè affecit, ut, ne assiduo tot interemptorum intuitu militum robur frangeretur, eodem, quo quisque enecabatur, loco, humari corpora imperaverit. Novum indè, crudelitatis exemplum. Non ætas, non dignitas, non mœror, questusque plorantium miserationem afferebant. Plurimi faucii mortuis permixti eodem tumultu condebantur. Hæc tamen ubi

pau-

*Induciarum  
consilio non  
assensit  
Mauroce-  
nus.*

*Ingens u-  
rringela-  
de res a-  
gitur.*

*Turcarum  
crudeli-  
tas.*



paulum processere, in Turcicae feritatis irrita-  
 mentum versa sunt. Siquidem barbari cladibus 1667  
 jam assueti, ipsa demum desperatione ad iram  
 potius, quam ad formidinem versi, periculi,  
 quam morae patientiores videbantur. Hinc ex  
 temeritate spes; mortemq; tam parvi faciebant,  
 ut, veluti levissimum esset malorum, ea stolidè  
 molirentur, quibus certa caedes imminebat.  
 Quamobrem nullus incursionibus modus; mul-  
 tiplici ex parte eodem tempore munimenta  
 oppugnata; nunquam bolidum, ac tormento-  
 rum ictus intercepti: ita verò concussi cunicu-  
 lis aggeres, ut uno momento sexdecim in locis  
 tellus subverteretur. Ad hæc neq; temperatum  
 fraudibus. Namque urbem per prodicionem ca-  
 pi posse rati, schedulas apici telorum affixas in  
 Venetos jaculabantur, ut, vel munerum oblecta-  
 mento, vel excidii ostentatione, constantiam ex-  
 perirentur. Præterea aliquandò locum mutare,  
 repentinas moras armorum aliqua ex parte ne-  
 ctere, rursùs validiore impetu ruere in murum;  
 missis demum specie transfugarum corruptori-  
 bus, Venetos ad exuendam fidem emercari.  
 Verum, cum nullus armis, dolove locus esset,  
 nova nocendi genera inventa, non secùs ac si  
 bellum recentibus animis, corporibusque tunc  
 primum committeretur.

frang.

Quatuor menses præliantium conatus absum-  
 pserant, nondum ab hoste occupatis munimen-  
 tis; cum tandem per cæca quædam diurno

Barbari  
ad fossam  
urbis e-  
rumpunt.

R 2 labo-



1667 labore excavata itinera, non longè à fossè margine aliquot Turcarum copiae inopinanter erupere. Ingens tunc in urbe metus. Quae tam propera caedes? Quis in aggeribus grassaretur? An domesticæ proditiōis nefas? Sonus tubarum, ac stridor armorum, quod subita, eò sè-  
Penetorū  
pavor. viora indicabant. Multi Cretensium, licet ad arma consurgant, trepidanter tamen prope muros conveniunt. Nonnulli instare necessitatem ultimam arbitrati, fugam meditantur. At Maurocenus, cognito Turcarum ausu, tumultum ascendens, undè omnibus in conspectu esset: Quid miramini, inquit, milites, inconsultam hostium audaciam; redactisq; inter angustias cur amplius parcitis? Congestam, quam cernitis, Turcarum turbam insana urbis capiendae spes hūc cæco errore perduxit; quos non solum citò pœnitebit incæpti, sed etiam conatus pœnam vestrae dabunt virtuti. Conclusis hinc mœnibus, illinc aggeribus nullum superest effugium. Vobis verò saxa, faces, arma, quibus eos opprimatis. Prosternite igitur obvios, incautos trucidate. Non unum mihi consilium suppetit, ex quo vos victoria potiamini. Ubi paulum processeritis, inopinata eruptio ita eos deprehendet, ut undique profligati vix evasuri sint, qui huius diei facinus queant referre. Sic, dissipato terrore, qui prius sine ordine vagabantur, alacres ad signa concurrunt. Pars acri impetu è portis prodit; nonnulli prompti ad opem in proximis receptaculis collocantur. Reliqui eam murorum partem confertim occupant, quam præcipue oppugnare Thraces pergunt. Nihil unquam eo  
cer-

*Sed Mauroceni voce animos resumunt.*

*Astrox praelium committitur.*



certamine crudelius. Cùm enim projectorum 1667  
 lapidum ruina, gravibusq; sclopetariorum icti-  
 bus hostes desuper premerentur, in ipso pugnan-  
 di exordio universam planitiem cæsorū cor-  
 poribus operuere. Sed barbarorum ferocia vir-  
 tutem à nostris eliciebat. Quippè illorum Præ-  
 fectus subsidiarias copias submittens tamdiù di-  
 micavit, dùm interventu noctis prælium diri-  
 meretur. Tunc, remissa pugna, signum rece-  
 ptui datum; exceptique sunt Veneti intra mu-  
 ros, ne fortè tenebrarum erroribus in insidias  
 traherentur.

Nox in-  
 certa vi-  
 floria di-  
 rimis pu-  
 gnantes.

Imperator, ut omnium fiduciam in tanta suo-  
 rum consternatione (quamplurimi enim è nostris  
 desiderabantur) revocaret, circumire statio-  
 nes, gesta singulorum extollere, alium spe,  
 alium gloria, omnes comitate ad futura prælia  
 firmare. Cùmque in proximis muro receptibus  
 miles pernoctasset, ubi reddita lux fuit, signum  
 canentibus tubis, rursùm impetus in barbaros est  
 factus. Verùm hi discrimen præcavescentes ita  
 copias auxerant, ut toto exercitus robore illuc  
 viderentur convenisse. Concursum magna cede,  
 pugnaque diù neutrò inclinata stetit. Sed,  
 cùm multiplici agmine Thraces Venetam aciem  
 circumvenirent, telisque, atque ignibus per-  
 fringere ordines conarentur; major illata nostris  
 clades foret, ni dispositi per idonea murorum loca  
 milites assiduo ferrearum glandium, omniumq;  
 missilium grandine insultantium pervicaciam  
 cohi-

Posserò  
 die rur-  
 sus præ-  
 lium in-  
 stauratur.



1667 <sup>Sed Veneti recedunt.</sup> cohibuissent. Maurocenus, intellecto periculo, alium praelii ordinem tentaturus, militem à pugna retrahit; & ne fugę species Achmetis animum augeret, servatis ordinibus, ac nunquam intermisso certamine, retrò paulatim agi cōpias jubet. Ita expertis invicem vires hostium se-gniores paulum conatus videbantur. At, cūm Turcarum cohortes crebris aggeribus, vineisque contactæ hac parte se se veluti confirmassent, quamvis exteriora munimenta à Venetis adhuc defenderentur, inopinata subindè pericula erumpebant. Non tamen aperto impetu eam muro-rum loricam aggredi ausi obsessores. Nam, cūm aut petendam summo conatu urbem, aut collatis sensim aggeribus, ad muros succedendum animadverterent; tutiori huic consilio innixi, altissimis foveis, ac semilunaribus munimentis eludere omne opus propugnantium constitue-runt. Ut hos nixus averteret Imperator, ac di-versis motibus assultantes defatigaret, nunc in-vadens objectam molem, quā debiliores obsi-dionales accessus erant, nunc invasuri speciem præbens, assiduè oppugnantium machinas con-fundere moliebatur. Neq; prætermissum tor-mentis infestare; licet parum horum ope profice-ret. Ferrei etenim globi in adversos tumulos illapsi, loricis vimineis excipiebantur, iisque si-ne detrimento hærebant. Hæc cūm in dies no-vos pugnantibus stimulos addidissent, sicuti di-tissimæ urbis expugnandæ cupido Thraces al-tius

Turcarum  
conatus.



tiùs allexerat, ita infensilissime obsidionis tedium 1667  
 Cretenfes irritaverat. Barbaris audacia pro vir-  
 tute, labores, vigiliæ, vulnera aviditate prædæ  
 pensabantur. Veneti haud immemores religio-  
 nis, & gloriæ, loca, quæ defendenda à ducibus *Venetiis  
 arder.*  
 acceperant, omni conatu ab hostium impetu  
 vindicabant; postremò, ubi superior vis inva-  
 luisset, morientes corporibus obtegebant. Indè  
 nulla urbis pars cladibus vacans. Excesserant  
 prælia modum; quique à pugna victor modò  
 evaserat, continuo pugnantium clamoribus aliò  
 evocatus, furori barbarorum concedere co-  
 gebatur. Nusquam prior Cretæ aspectus; nus-  
 quam florentissimæ urbis robur. Alia prorsus  
 frons murorum, alius ordo pugnantium; eà-  
 dem verò passim sævitia armorum, ac mor-  
 tis tristissima imago obversabatur. Munimenta  
 ipsa ita corruerant, ut de ruinis tanto utrinque  
 sanguinis pretio decertaretur.

Cæterum, sicuti in urbe desævientis belli  
 procella cuncta miscebat, ita universa insula ad-  
 eò devastabatur à barbaris, ut ubique lacrymis,  
 & sanguine exundaret. Expulsis præsidiis, di-  
 reptis opibus, ac dissipatis messibus, omnia belli  
 horrorem induerant. Aeris prætereà indulgen-  
 tia in atrociorem æstum conversa, utrumq; exer-  
 citum crebris internecionibus funestabat. Jace-  
 bant passim milites labore, tabe, ac vitæ tæ-  
 dio prostrati: mananteque latius in dies lue,  
 ob decoquentem desuper solem, passim aut spe-  
 ctacu-

*Æstus cō-  
 ficit cor-  
 pora pu-  
 gnantium.*



1667 etacula morientium, aut similem exitum expectantium lamenta occurrebant. Truci huic rerum aspectui Cretenses ita ingemuere, ut tamen Francisco hortante rursus animum ad vitam patriæ impendendam firmarent. Adeo Imperantis fiducia, lætiorque frons omnes excitabat, ut affirmarent unanimes, sicuti in sustentando usque in eam diem obsidio, ita in exercendis usque ad extremum accerrimæ defensionis conatibus, nunquam sibi constantiam defuturam. Ille, ut discretus labor strenuos, inertesque magis distingueret, aliam cuique provinciam demandabat; atque exindè sedulitate, fide, ac vigilantia pugnantes inter se, ipsa decoris contentione accendebantur. Non auctoreti milites tantum, sociique navales, quibus belli exercitia assignata, sed omnes, quos aut impar laboribus sexus, aut provecta ætas à muneribus prius exemerat, immixti armatis quæcunque subire discrimina, fauciis opem ferre, arma ministrare, ad ipsas ruinas murorum loricas vimineas, telluris congeriem vehere, ne per quassata murorum transcenderent hostes in urbem. Ad hæc, Maurocenus ipse, sicuti potestate, ita exemplo unumquemque antecellebat: diurna, nocturnaue officia pari ubique studio, ac fortitudine. Interim Thraces, licet in urbem opere nunquam intermisso devoluti, quotidie evertendis propugnaculis insudarent: majori nihilominus exercitus robore de capiundis externis

*Studia  
Imperatoris  
ad accendendos  
milites.*

nis munitionibus decertabant. Hinc pervicax <sup>1667</sup>  
 quotidie pugna, & varia utrinque genera insidia- <sup>Turcarum</sup>  
 rum. Tandem fortuna in eam partem inclina- <sup>molimina</sup>  
 vit, cui, ob auctiorem pugnantium multitudi- <sup>adversus</sup>  
 nem, minora ex periculis detrimenta. Quamvis <sup>externas</sup>  
 enim Veneti occupatos ab hostibus aggeres de- <sup>munitiones.</sup>  
 nuo ingenti hominum clade repeterent; tamen  
 nunquam remissa praelia eam militibus jactu-  
 ram intulerant, ut continua sanguinis effusio  
 statutum defensionis pretium videretur. Ob id  
 comperiens Imperator, utilius fore suos in u-  
 num redigi; cum praeterea, ob convulsos undi-  
 que aggeres, vix quidquam muris urbis exte-  
 rius vallum praestaret, nec spes suppeteret, ut  
 validissimus hostis ab incepto repelleretur: de-  
 cedente Octobris mense, edixit, ut, subver-  
 sis munitionibus, quae in Achmetis commo-  
 dum aptius transire possent, intra muros mani-  
 puli se reciperent.

*A qui-  
bus tandem  
Veneti  
recedunt.*

Inopinatus Venetorum à loco, quem strenue  
 eousque tutati fuerant, recessus erexit pertina-  
 ciam barbarorum. Quare suggestuum tormen- <sup>Hinc bel-  
lum pas-  
sim inten-  
ditur.</sup>  
 tiorum corona propius mœnia deducta, crebris  
 sepimentis obducti aggeres, &, ne certis Cre-  
 tensium ictibus peterentur, loricae vimineae,  
 transversariaeque fossae jussu Achmetis raptim  
 comparatae. Nec obsidionalibus tormentis modò,  
 quibus muros, & subiecta muris aedificia ve-  
 xabant, sed subitis aggressionibus adeò infesta-  
 re obsessos ceperunt, ut, ni horum virtus obsti-  
 tisset,

S tisset,



1667 tisset, instaret quotidie urbis exitium. Achmetes ipse, veluti majori spe accensus, multos hortatu, & laude, alios ignominia, & probris, omnes fiducia, promissisque acuens, strictis prelium poscebat. Idcirco proximam mari moenium loricam tentare exorsus, aliquandiù anticipi eventu nostros detinuit. Sed Maurocenus summovendis irruentibus studens, aliquot dies propugnatione contentus, eorum conatus strenue propulit. Tandem in oppositum aggerem tormentis primò, atque ollis incendiariis, mox omni nixu virium invadens, soluta valli compage, Turcas horrenda clade multavit. His motibus fervebat in dies magis oppugnatio, cum adventante XVIII. Novembris die, delassatas obfessorum vires multus imber adjuvit, retardans incepta barbarorum. Enimverò, cum lubrica humus deciperet preliantes, atque, ineunte jam hyeme, quietem exercitus expeteret; Achmetes, ut corpora refoverent, milites in vallum reduxit. Non ideo tamen intermissa tormentorum cura; sicuti à cuniculorum, atque eruptionum opere nusquam cessatum est. At, cum glacialibus ventis, atque imbribus fœda tempestas ita eorum castra turbaret, ut vix tueri tentoria possent, quæ aqua, ac turbine raptabantur, nihil, præter leves quasdam concursationes, qua parte cuniculi erumpebant, memorabile peractum. XXVII. M. & CCC. Turcarum hoc anno cecidere, VII. M. & D. Venetorum: urbis verò præsidium ad VIII. M. militum reductum.

*Imbrium  
casus bel-  
li scivitum  
frangit.*

*Cædes  
Turcarum,  
nostrorum-  
que.*

Tan-



Tantæ obsidionis fama ubique terrarum in-  
 genti admiratione excepta. Senatus, licet Cre-  
 tensis Regni salutem in lubrico esse animadver-  
 teret; egregium tamen facinus patratum exi-  
 stimabat, quod adversus tanti exercitus molem  
 hætenus sui juris civitas esset. Accendebant ul-  
 tro spem Patrum constans Imperatoris ardor, &  
 prona mens ad extremos defensionis conatus,  
 quam nulla rerum discrimina deterrebant. Ex-  
 inde omnium præconiis variè extollebatur Fran-  
 ciscus; quo duce, nihil hosti in tam ardua bel-  
 lorum conditione pervium fuerat. Veruntamen  
 optimi cujusque animum altiores parandorum  
 armorum curæ versabant; cumque Thraces ob-  
 auctam potiundæ urbis cupidinem novum exer-  
 citui robur adderent, hinc quoque ad colligen-  
 das vires versa consilia, ut obsidio fortiùs tolera-  
 retur. Concessere in opem Reip. exterorum Prin-  
 cipum studia, quæ in dies magis à strenuæ de-  
 fensionis gloria eliciebantur. Hinc permulti ab  
 longinquis regionibus, & præcipuè ex Galliis,  
 in Cretam, ut vel rei militaris documenta sub  
 Mauroceno perciperent, vel ejus virtutem pro-  
 piùs mirarentur, convenere. Contrà Achmetes  
 ob frustrà tentatam oppugnationem non æquè  
 copiarum jactura, ac Principis minis vehemen-  
 ter angebatur. Nam Mahometis indignatio,  
 quamvis premeretur, erupit; immò penè in exi-  
 tium pugnantis exarserat. Itaq; Rex ægrè pas-  
 sus, Cretensis belli eventum diutiùs protrahi, ubi

1667

Senatus  
consilia.Appara-  
tus bellici  
instruun-  
tur.Mahome-  
tis Regis  
ming in-  
Achmetè.



1667 comitate, ac muneribus aliquandiù illum detinuit, tandem apertè execratus ducis segnitiam, crebrò disseruit, non tam de urbis expugnatione, quàm de Achmetis fato ante Cretæ muros agi; ita ut si incassum cessisset obsidio, ipsius tantum sanguine dedecus Imperii obliterandum. Ob id Achmetis simul difficultate cœpti, simul suo discrimine conflictatus, mox ferox necessitatis ingenio, Regem fiducia victoriæ, exercitum donis, atque annona pelliciens, illud summo perè curabat, ut præsto esset supplementum copiarum, augeretur fides militum, ac postrema aggreSSIONUM experimenta quamprimùm intentarentur. Attamen nihil tutò peragi posse ratus, nisi priùs aliqua pacis larva militum animos in se firmaret; haud multum abesse Venetos à consilio dedendæ urbis crebrò apud suos jactitavit: immò quietis mentionem cum Hieronymo Javarina quandoque fecit, utilia Reip. tractaturo, ni pestilentie vis brevè eundem exanimasset. Itaque, dùm eludendæ militie gratia alium sibi pacis procuratorem à Mauroceno deposcit: ocyùs arma parat, instruit novis delectibus cohortes, & quo majore fiducia miles bellum capefferet, universas vires, ac de novo advocata aliquot pretorianorum militum millia quos Janizeros appellant (lectissimorum id apud Turcas armorum genus est) in conspectum affert. Hinc nova machinamenta, novos astus orditur; paratus ad bellum egredi, ni rigor tempestatis obstitisset.

Dùm

*Achmetis  
astus.*

*Hieronymus  
Javarina  
moritur.*

Dùm hæc ab eo comparantur, Imperator <sup>1667</sup>  
tempore, rebusque accommodanda consilia re-  
putans, cum, nisi penitus interceptis, remissis  
certè conatibus hostium, quædam quietis ima-  
go affulsisset; ita permuniendæ urbi vacavit, ut  
nullus sine opere dies exciderit. Missis itaque  
primùm expeditioribus navigiis, quæ ex Æ-  
gæi insulis prædas hominum referrent, ipse  
omni studio instaurandis munitionibus insti-  
tit. Igitur reficere fracta murorum, congesta  
tellure validiores loricas reddere, tumulos mœ-  
nibus impositos attollere, præstructasque por-  
tarum moles undique armis, ac milite con-  
firmare. His sedulò actis, in eam abiit cu-  
ram, ut, ubi impetum facturos hostes conji-  
ciebat, ibi nova veteribus munimenta adjice-  
ret. Quamobrem transversis sepimentis, per-  
fugisque secundariis clausum propugnaculum  
Panigrà, in cuius oppugnationem potior vis  
exercitus hostilis incuberat. Indè semilunare  
vallum extructum, ex quo, captis ab hoste  
propugnaculi muris, acriùs irruentibus objici  
Cretenses possent, ac promptiùs è loco Thra-  
ces depellere. Accessit & militaris fraus. Pa-  
ratis enim multiplici ex parte cuniculis, pro-  
visum est, ut, si qui ejici aperta armorum vi  
non possent, incauti ruinis obruerentur. Ubi  
instaurata nonnihil mœnia urbis fuere, haud  
neglexit studia animorum. Exorsus à duci-  
bus, mox unumquemque militum, civiumq;  
spe

1667  
*Mauroce-  
nus urbē  
sedulò re-  
ficie.*



1667 *Milium  
animos  
spe confir-  
mas.* spe victoriæ hortatus ad operam strenuè na-  
vandam, ita gloriæ stimulis omnium mentes  
incendit, ut una sententia Christianorum se-  
queretur, aut amovendos magno nixu ab op-  
pugnatione barbaros, aut fortiter in acie pe-  
reundum.

1668 *Bellū rur-  
sus accen-  
ditur.* Sed Decembris mense vix quietè transacto,  
ubi prima Januarii dies illuxit, qua nonnullæ  
auxiliares copiæ ab Italia adventarant, cum  
*Bernardus  
Nanius cū  
subsidiis  
adesset.* iisq; Bernardus Nanius Patritius Venetus (huic  
Præfecturam urbis Patres demandaverant) re-  
centibus viribus auctus Achmetes adfuit, cun-  
cta bellicis tumultibus implens, pugnamque  
elato adeò animo poscens, ut nunquam sa-  
tis collata muris infestandæ urbis machina-  
menta crederet. Auxere tunc primùm Impe-  
ratoris curas novorum conatuum indicia, quòd  
videlicet adversus propugnacula S. Andreae,  
*Propu-  
gnacula  
S. An-  
dræ, &  
Sabulo-  
nariæ re-  
stantur à  
barbaris.* & Sabulonariæ mirandæ magnitudinis agge-  
res barbari celerrimè construxissent. Hæc lo-  
ca superiore anno aut non tentata ab hosti-  
bus, aut modicè laceffita. Ea enim opinio a-  
pud Thraces falsò invaluerat, illius funda-  
menta præaltis saxorum molibus inniti, hu-  
jus verò, ob congestam undique alluvione  
maris arenam, cuniculorum opera minimè  
pati. Verùm de his proditoris cujusdam con-  
silio admonitus Achmetes, ac simul edoctus,  
quà faciliùs potiri propugnaculis posset; sta-  
tuit hinc quoque moliri urbis excidium. Mo-  
tus

tus Franciscus insperato discrimine, ubi ha-  
 rum partium praelidium auxit, satius reputa-  
 vit, occupatis studiis obsidentium, erectos ab  
 iisdem aggeres inopinanter evertere. Parati i-  
 gitur per eosdem dies cuniculi ope usus est,  
 quo accenso, propugnaculum paulum à mœ-  
 nibus abjunctum ita concidit, ut non Thraces  
 tantum, qui locum confertim tuebantur, sed  
 ingens quoq; multitudo armatorum finitimos  
 aggeres custodientium inter ignes, ac rudera  
 obruerentur. Suspectiorem debellandę Cretę  
 fiduciam defensorum ardor Achmeti reddidit:  
 qui tamen, ne omnis exercitus ob Venetorum  
 virtutem subito metu contabesceret, collectis  
 viribus, ocyus descendit in certamen.

1668

Mauroce-  
ni cōsiliū.

Orta igitur acrior de urbe pugna; atque, ubi  
 nonnihil tormentis mœnia disiecta sunt, signo  
 pugnæ dato, clamor in castris Turcarum ad ar-  
 ma discurrentium ingens sublatus est. Tunc ful-  
 gentes armis campi, densumque agmen in con-  
 spectu Venetorum constitit. Nec multò post,  
 ubi tubarum clangore, & barbarorum ululatu  
 rursùm sonuit acies, peditum cohortes ad mu-  
 ros admoveri, cunctaque strepentium armorum  
 fragore confundi cœperunt. Sed, cum præcipua  
 assultantium vis ad S. Andree vallum contende-  
 ret; reliquorum locorum custodia notæ virtu-  
 tis tribunis commissâ, eò lectiori cum cohorte  
 Maurocenus adproperavit. Continuo atrox ibi-  
 dem prælium. Præstabant Turcæ copia mili-  
 tum:

Achme-  
tes urbem  
aggredi-  
unt.



1668 tum: Veneti ad nutum monentis intenti, cater-  
 vatim succedebant, frontemque, ac latera ir-  
 ruentium turbare nitebantur. Plures horas di-  
 micatum est incerto eventu, ac multum utrin-  
 que sanguinis effusum. Sed nudaverat jam læ-  
 vam murorum partem assidua cædes; indè, in-  
 clinante ad Thraces victoria, cùm multi defen-  
 fantium fessi ab integris ægrè pugnam accipe-  
 rent, demùm in deteriores metus conversi, vix  
 arma, vix ordines retinebant. Tunc Mauroce-  
 nus opportunè aliquot manipulos provehens,  
 cùm veluti cuneo cedentes sustinuisset, edixit,  
 ut pars media copiarum hostilem aciem perrum-  
 peret. Id ubi peractum, verso pugnandi ordi-  
 ne, in victores periculum, cædesque recidit.  
 Veneti enim acri primùm robore Turcas percu-  
 lerunt: mox, collatis audaciùs signis, tantus iis-  
 dem terror allatus, ut, ni subsidiaria cohors in  
 promptu fuisset, universa trepidantium turba  
 eodem exitio involveretur. Non ideo tamen vin-  
 cendi spes in ancipiti fuit. Enimverò deformi  
 clade acti barbari ita incompositum agmen ver-  
 terunt in fugam, ut quamplurimi eorum, qui-  
 bus ob præcipitem decurrendi impetum elabi ad  
 interiora aggerum per stipatos manipulos non  
 licuit, impunè ab insequentibus trucidarentur.  
 Multi, ut gladios victorum evitarent, ex editio-  
 ribus locis se demittentes, jucundo Venetis spe-  
 ctaculo, aliud mortis genus invenerunt. Hoc e-  
 ventu, iteratis postea conatibus, crebrò pugna-  
 tum

*Pugna a-  
 irox, du-  
 biaque.*

*Turce à  
 muris re-  
 cedunt.*

tum est. At licet compulsi ingenti jactura Thra-  
ces nusquam aditum in urbem invenerint, nun-  
quam tamen subitis aggressionibus temperarunt.  
Immo modò machinis, & ferro, modò ignibus,  
dolisque, sæpissimè subterraneis certaminibus  
fatigare obsessorum sedulitatem conati sunt:  
quamvis non omnia vincendi fiducia, sed ea spe  
plurima experirentur, ut multa ausis aliqua ex  
parte fortuna faveret.

Hæc dum milites moliuntur, haud mitiora  
detrimenta vis tormentorum urbi inferebat. Sin-  
gula propugnacula ab hostium aggeribus cir-  
cumventa: & præsertim Bethlemiticum sex, &  
triginta tormentis jugiter quatiebatur. Nullus  
præterea cuniculis modus. Fervebant resisten-  
tium cohortes, & ne ruinarum culmine barbari  
potirentur, nunquam mœnia, quod plurimùm  
intererat, Maurocenus deserebat. Id ab reliquis  
quoque ducibus actum: adeò ut, quæ ipse adi-  
ret, præcipere videretur. Sed quàm modica ea  
omnia, quæ diurnis contentionibus tentaban-  
tur. Tenebræ, & dulcedo fallendi, ad temeri-  
tatem plurimùm erant: maximique conatus, ut  
nox esset in partibus, noctu potissimùm erum-  
pebant. Aliquandiù hisce vicibus anceps bellum  
protractum: &, quamvis Turcarum exercitum  
crebra certamina exhaurirent, omne cædis ge-  
nus faciliè ab iis tolerabatur. At urbis tenui præ-  
sidio custoditæ vires ita imminui cœperunt, ut  
sæpè intra refugia secundaria milites cogerentur.

1668

Nihilominus op-  
pugnatio nusquam  
remit-  
tur.

Mœnia  
tormentis  
decussa  
corrunt.

Noctu sæ-  
pè Turcæ  
Venetos  
adoriun-  
tur.

T

tur.



1668 tur. Exindè Imperator, licèt omninò suspectum belli exitum ob hostium multitudinem esse intelligeret, feliciora commentus, ut animos confirmaret, contrariis cuniculis astus barbarorum in ipsorum perniciem vertere adnitebatur. Jamque, mitesciente hyeme, alter mensis excesserat, ex quo Creta eo anno oppugnabatur; cùm reliquæ Venetorum, sociorumque navalium copiae convenerunt. Modicum tamen ex iis levamentum. Siquidem inaudita vis belli, multitudo praeliorum, ingentesque murorum ruinæ multò majorem propugnantium numerum exigebant. Præterea, veteranorum militum, ac ducum robore absumpto, vix Franciscus paucis iis fidebat copiis, quæ truci adeò obsidionis generi, & vix unquam remissis vigiliis assueverant. Mentis nihilominus justum pavorem tegens, immò ad hilaritatis indicia vultum componens, ad ea omnia, quæ ex re erant, Cretenses sedulò hortabatur; sui ipsius exemplum ubique exhibens, ut, eo præeunte, non labore, non discrimine, non clade virtus militis frangeretur.

*Notum est  
ann Tur-  
cis pugna  
origo.*

Inter has curas ingens dictu res contigit, quæ sicuti fessos pugnando animos Cretensium erexit; ita à barbaris, inopinato quamvis horrore, ac cæde perculsis, admirationem extorsit. Neque in dubium revocandum, obsidionem hac tempestate eò redactam fuisse, ut, ni magni aliquid, quo bellum protraheretur, accidisset, à furore hostium servari Creta minimè posset. Sed in-  
spe-



speratum praelium, ex eoque insignis victoria 1668  
 tanti discriminis eventum distulere; extremos-  
 que Thracum conatus concepta repente formi-  
 do nonnihil remorata est. Quippè Achmetes  
 de eo potissimum sollicitus, ne ex defectu ven-  
 torum cujusquam rei inopia exercitus labora-  
 ret, duodecies mille ab urbe passus in extremo  
 insulae littore (S. Pelagiae locus nuncupatur ab  
 incolis) amplam arcem extruxerat; ad quam  
 triremes, ceteraque annonaria navigia comnea-  
 tum omne genus deferebant. Indè facillimo  
 itinere, prout exigebat necessitas copiarum, uti-  
 lia quæq; ad castra convehebantur. Rebus suo-  
 rum ita curatis, statuit, quam sibi excipiendos  
 auxiliorum opportunitatem paraverat, ob-  
 sessis penitus eripere. Diam igitur insulam Æ-  
 gæi maris, duodecim milliarium intervallo Oc-  
 cidentem versus à Creta distantem, occupare  
 decrevit. Cum enim, ob commodum commer-  
 cium, ac tutos portus, quibus insula ameno sa-  
 lubrium aquarum usu frequens undique scatet,  
 utilissimum Venetis locum, cum ad recipien-  
 dam classem, tum ad ministranda obsessæ urbi  
 subsidia animadvertisset; plurimum expugnan-  
 dæ urbis consilio profuturum sensit, si potitus  
 insula, clausisque subsidiis, famis vi Cretensium  
 constantiam tentaret. Delectos hac de causa ex  
 flore juventutis MM. milites Calippo Natoliæ  
 Præsidi tradidit; præcepitque, ut Rhithymnam  
 expeditis cum myoparonibus advolans, atq; ad-

*Achme-  
tes fla-  
vit Diā  
Insulam  
armis su-  
bigere.*

*Calippus  
Natoliæ  
Præses,  
& Dura-  
chus Ar-  
chipirata  
facinori-  
se accin-  
gunt.*

T 2 jun-



1668 junctis ibidem cum Durachi Archipirate classe  
 navigiis, Diam ex insperato adoriretur. Non  
 modicæ rostratarum navium manui præerat  
 Durachus; hicque partim libidine prædæ, par-  
 tim Achmetis promissis motus, qui postremo  
 in præsentis facinoris præmium summam Clas-  
 sis Præfecturam se in eundem collaturum pol-  
 licitus fuerat, prompta ministeria despondebat.  
 Itaque, cum jussis Achmetis impigrè barbari  
 obtemperassent, id primum statutum est, ut,  
 quas Maurocenus in custodiam insulæ colloca-  
 verat, triremes (hæ septem numero erant) na-  
 vali prælio subigerent. Laurentius Cornelius  
 Classis Præfectus, atq; eximiæ solertiæ vir has  
 ductabat: qui variis itineribus interjectum ma-  
 re perlegens, sedulò cavebat, ne vel adventan-  
 tes ab Italia naves, vel Dia Cretam conten-  
 dentes ab hostibus interciperentur. Sed jam à  
 Turcis maturabantur insidiæ, forsque eorum-  
 dem ceptis blandiebatur. Quippè, omnibus ad  
 certamen properè comparatis, iter adversus Ve-  
 netas triremes ceperant, vento secundante; eas-  
 que dubio procul ingenti, quo pollebant, navi-  
 giorum robore obruissent, ni consilium per oc-  
 cultos exploratores ad Mauroceni aures perve-  
 nisset. Hic tunc intelligens non dandum fortu-  
 næ tempus, quæ inopinatis plerumque casibus  
 gaudet; expeditam militum cohortem in trire-  
 mes raptim conjecit, octavoq; Idus Martii Diam  
 profectus est. Monitus à consciis ea potissimum  
 nocte

*Statim  
 Laurentii  
 Cornelii  
 triremi-  
 bus poti-  
 ri.*

*At Mau-  
 rocenus,  
 re cognita,  
 ad S. Pe-  
 lagie ar-  
 cem per-  
 git.*



nocte Calippi classem Rhithymna adventuram, 1668  
non procul à S. Pelagiæ arce anchoras jecit, ibi-  
dem prætereuntes barbaros repentè aggressurus.

Jamque ad secundam vigiliam pernoctave-  
rat, cum Thraces, qui in Cornelium invade-  
re cogitarant, ut ad certam victoriam propera-  
vere. Imperator, cognito hostis adventu, cum  
prælii ordinem antea disposuisset, etiam inter  
tenebras, ut dolum dolo eluderet, barbaros la-  
cessere constituit. Vix remigum fremitus per  
noctis silentium ad vacuas hostium aures alla-  
tus est, cum terror continuo exortus ita eorum  
animos commovit, ut ingens confusio pavitan-  
tem turbam incefferit, tenebris formidinem  
augentibus. Eodem tempore, quidquid ad hor-  
rorem valet, cumulans Maurocenus, cum clas-  
sicum canere jussisset, circumveniri hostes im-  
perat; ipseque ante omnes in trepidantes invehit-  
tur. Sed, cum incertum Turcis esset, quis novus  
hostis instaret, an verò intestini tumultus au-  
dacia subitum rumorem intulisset, diù per ca-  
liginem noctis erraverunt; insciis etiamnum,  
quos oppugnare necesse esset, quos tueri.  
Hinc clamor, vulnera, sanguis palàm; ini-  
tium in occulto. Ubi verò ignium crebrò mi-  
cantium fulgor illos edocuit, adesse Mauroce-  
num, ab eoq; classem circumfessam; cum nul-  
lum pateret effugium, urgeretque necessitas di-  
micandi, collecta animorum ferocia, atq; im-  
plicitis invicem navibus, prælium ingenti tu-  
mul-

*Ad secun-  
dam no-  
ctis vigi-  
liam hostes  
adversus.*

*Turcæ  
primò tre-  
pidi.*

*Deinde  
feroces  
acriter  
pugnant.*



1668 multu conseruere. Quæ subita ruentium clades, quantoque impetu decertaretur, atris licet nox tenebris occuluerit, exitus aperuit. Audacter, victoria neutro inclinante, ab utrisq; pugnatum est; cumque vix quidquam manus, oculique provisu iuvarent, diu, immixtis viribus, cæca discrimina præliantes subierunt. Instabat nihilominus Turcis acrior Imperator; qui, quamvis à tribus Calippi triremibus oppugnatus, tanto ardore profligare easdem conatus est, ut, duabus vi tormentorum perfractis, postremam, cæsis fermè ad unum custodibus, subegerit. Tunc primùm victoriæ spes Venetis affulsit. Igitur, dum mutuò se ad strenuè agendum invitantes, certatim disjicere objectas naves moliantur, quædam ex Durachi triremibus ab Aloysio Contareno devicta est. Non ideo tamen Turcæ ferociam infregerunt. Inerat penè omnibus eadem vincendi fiducia; cui præ cæteris plurimùm Durachus innitebatur. Hic ad omnes fortunæ articulos intentus, modò hos, modò illos pellebat; certum ubique suis subsidium ostentans. Demùm in Nicolai Polanii Patritii Veneti triremim, quam paulùm ab aliis sejunctamprehenderat, irruens, ita prosperè armorum vi uti incæperat, ut, penè redactò in suam potestatem navigio, victoris more sæviret in milites. Eò periculi magnitudo Imperatorem advocavit; qui, restituta post acrem contentionem suis libertate, ereptaque à Turcarum vinculis

*Mauvoce-  
nus à tri-  
bus trire-  
mibus cir-  
cumveni-  
tur.*

*Durachus  
Nicolai  
Polanii  
triremim  
penè subi-  
git.*

*Sed Impe-  
rator suis  
opem fert.*



culis triremi, atrocius cum ipso prælium iniit. 1668

Horrida rerum facies. Indignati hostes è manibus sibi vincendi gloriam extorqueri audaciùs in cedes præcipitant; erecti è contra Veneti, cum magnum in illius navigii captivitate momentum quo ad victoriam, neque minor spes quo ad prædam esset, undique Thracibus assultant. Venetos honor facinoris, barbaros agit desperatio. Utrinque in rabiem effusi dimicantes, non ignibus, non armis, non truculenta sociorum cæde retardantur. Jamq; extrema sollicitabantur remedia, sex horis ancipiti bello consumptis, cum Imperator incommodas tenebras sentiens. *Peragam, ait, potiori consilio tantum certamen novumq; pugnae genus aut meorum, aut hostium victoriam ostendet. Inusitata præliandi ratione aggrediar contumaces.*

*Atrox  
Mauroce-  
ni cum  
Duracho  
cõficiens.*

*Consilium  
novum  
Mauroce-  
ni.*

*Videant illi periculum suum: ad tantæ cædis imaginem, vel penitus ipsorum robur frangetur, vel, sublata intempestivè nocte, tutior nobis pugnae, victoriæque modus erit. Agite interea strenuè, milites; ac brevissimo discrimine comparate nomini vestro famam, quam nulla unquam ætas delebit.*

His dictis, accendi piceas faces iussit, quarum plurimis in oppositam turbam projectis, primo repentinus ignis adeò Turcarum perstrinxit oculos, ut penè attoniti, furoris obliviscerentur. Diù, quid sub improvviso igne lateret, barbari timuere. Diffusum lumen variè monstrabat triremes, fallebatque. Majores navigiorum umbræ, terribilisq; maris facies novos animorum impetus, novos subindè metus incutiebant. Interim

*Piceas  
faces in  
hostes ja-  
culatur*



1668 terim Turcæ, adverso splendore collucescentes, veluti ex occulto erumpentibus Venetis improvè offerebantur. Tandem, dùm, collectis rursus viribus, priores conatus intentare adnituntur, lethalem ictum, edocente facium fulgore, in quem mitteretur, Durachus excepit. Abstulit dicto citius Præfetti nex militibus quoque robur: Indè ita dissipati sunt formidine, ut, quæ paulò antè ad tutelam sumperant, arma projicerent, latebrasque inani fuga quærirarent. Occupato confestim à nostris navigio, multi Turcarum gladiis percussi. Cùmque nullus fugiendi locus esset, mortis terror cæteros ad deditiorem coegit. Tunc non modò Præfetti navis, sed aliquot aliæ etiam, quas Aloysius Magnus, ac Leonardus Morus, hic Classis extra ordinem, ille Adriatici sinus Præfetti, opem ferentibus strenuis viris Aloysiis Priolo, ac Minio, Petroque Quirino, subegerant, in Mauroceni potestatem redactæ. Duas verò tormentorum vi fractas æquor absorbit. Quæ furtim evaserant, tuto littore egentes, dato in præcepsum cursu, latentiores recessus invenere. Calippus actuariolo exceptus, è manibus victorum vix elapsus est. Ceterum, sicuti non incruenta Venetis victoria, à quibus CCL. milites, nonnulliq; duces, atq; inter hos Daniel Justinianus Ærarii Præfectus, Georgius Fuscarenus, ac Joannes Franciscus Cornelius è Patritiorum ordine, qui fortiter pugnando ceciderant, desiderabantur: ita, præter pau-

*Præfectus  
Turcarum  
interfici-  
tur.*

*Victoria  
Venetorum.*



paucos ex hostibus, quibus ex fuga falus, reli- 1668  
qui vel obtruncati sunt, vel in servitutem con-  
jecti. M. & CC. Christianorum in libertatem  
restituti, sex verò ex Præfectis, præter Dura-  
chum Classis Ducem, occisi.

Quo gaudio inter eas miserrimorum tempo-  
rum vices prosperum pugnae eventum navales  
focii, obfessa civitas, Senatusque exceperint, vel  
indè constat, quòd præter Equestrem D. Mar-  
ci dignitatem in Maurocenum collatam, unà  
cum Senatu (quod rarum omninò honoris ge-  
nus) Franciscus à Principe laudaretur. Indè o-  
mnes fatebantur, hac navali victoria pensata  
quæcunq; barbarorum ferocia ante Cretæ mu-  
ros edidisset. Subibat quoque admiratio, quo-  
modò reformidandæ hostium vires, inexplora-  
ta pelagi vada, aptissimus insidiis locus, tene-  
bræ demum, viribus tam imparibus, Mauroce-  
num à facinore non deterruissent. Verùm se-  
cundus hic prælii exitus, ut fit, eum ad majora  
incitavit. Siquidem, quibusdam navibus ad Diam  
custodiendam destinatis, cum non modicum  
commeatum apparatus in quodam castro,  
cui Fodelle est nomen, haud procul à Creta  
asservari per captivos constaret; statuit hujus  
quoque fiducia hostem exuere. Jamque, pro-  
nunciato discessu, vela in altum dabantur, cum  
improvisò ventus exortus est, qui brevè extulit  
adeò fluctus, ut nautarum officia omninò tur-  
barentur. Simul cum adductæ nubes coelum

*Equestri  
D. Marci  
dignitate  
Francis-  
cus deco-  
ratur.*

*Laudatur  
à Princi-  
pe cum  
Senatu :  
estque pe-  
nè inseli-  
ta præco-  
nis for-  
mula,  
cùm id  
nemo as-  
sequatur,  
nisi totius  
sermè Se-  
natus vo-  
ta conve-  
niant.*

*Classis  
Venete  
motus.*

V

abstu-



1668 abstulissent, atque indè rectores navium intutum prorsus iter affimarent; ne procellæ vi classis succumberet, flexo itinere, ad Cretæ littora proras vertit. Quò, cùm ex adverso Turcarum castra sese offerrent in conspectum, eo triremes ordine composuit, ut cujusque ictibus stationes hostium peterentur. Exindè subito ferrearum

*Metus  
Turcarum.*

*Imperator  
statuit  
hostium  
irremes  
lacetere.*

glandium impetu tantus Achmeti terror illatus, ut acceptum à transfugis fuerit, eum partim navali certamine, partim recenti conatu percussum, spem subigendæ eo anno urbis amisisse. Hæc ubi expleta, Hieram classem appulit. LX. triremium manum ibi detineri exploratores renuntiaverant, quæ, facillimè remenso ad castra itinere, genus omne rei bellicæ exercitui ministrabant. Imperator gnarus nulla arte facilius, quàm subsidia intercipiendo, summove-ri ab oppugnatione hostes posse, eorum navigia non expectavit modò, sed strenuè provocavit ad certamen. At disjecta paulò antè classis barbarorum sicuti Venetos ad pugne cupidinem erexerat, ita Thraces ad evadendum incitavit.

*Sed Turce  
fugunt.*

Propterea eorumdem Præfectus discrimen aperte detrectans, nocte concubia clam triremes subduci jussit; ac, faventibus auris, profectus est ad castra. Ubi ereptam sibi prælii copiam intellexit Maurocenus, ne omnia licerent ignaviæ hostium, ad incendendos agros, vicisque, qui arcem circumstant, diripiendos levis armaturæ cohortem emisit. Quibus confectis, reditus in

*Mauroce-  
nus agros  
hostium  
incendit.*

ur-



urbem parabatur. Omnino tamen inceptum 1668  
 averſata non eſt fortuna. Quippè, vix claſſe ab  
 littore dimota, cùm in plures annonarias ho- *Aliquot*  
 ſtium naves incidisset, earum aliquot poſt bre- *annonas*  
 vem contentionem occupatę ſunt; cęteris Cydo- *rias ca-*  
 nem, undè diſceſſerant, profugientibus. Potior *pit.*  
 in dies pugnandi occaſio Mauroceno patuiſſet, ni  
 urgens Crete obſidio eum à maritimis curis re-  
 vocaſſet. Ubi ergo proviſum fuit, ut ſuſpectiora  
 pelagi loca à fortiffimis Chriſtianorum impigre *Urbem in-*  
 cuſtodirentur, acceptis in exercitus ſupplemen- *grediuntur.*  
 tum epibatarum permultis, ſeſe in urbem recepit.

Per idem ferme tempus cùm Catherinus Cor- *Catherini*  
 nelius, eximię virtutis dux, Illyricique Preſe- *Cornelii*  
 ctus, quem Patres, ne à propugnationis conatu *advenit.*  
 diſtraheretur Maurocenus, Claſſis adminiſtra-  
 tioni ſumma cum poteſtate præpoſuerant, ad-  
 ventaſſet; Imperatoris conſilio urbem, cui ſum-  
 ma pericula imminebant, ingreſſus, Propugna-  
 culum S. Andreae defendendum ſibi delegerat.  
 Unà cum Cornelio Alexander Marchio S. An- *Marchionis S.*  
 dreae Mombrunius Gallus adfuit. Huic prove- *Andreae*  
 ctę ætatis, probatęque diſciplinę viro Præfe- *Mombrun-*  
 cturam peditum, Villa in Sabaudiam proſecto, *nii.*  
 Senatus demandaverat. Multa ab eodem conſi-  
 lii, fortitudiniſq; aliis in bellis, quibus cum im- *Opus A-*  
 perio præfuerat, edita ſpecimina. Indè exceptus ſum- *chmetis*  
 mo ducum, militum, Cretenſiumq; plaufu, de- *adverſus*  
 fatigatorum animos nonnihil erexerat. Verùm *maritimę*  
 Achmetes, quę natura negaverat, arte perfi- *urbis par-*  
 ciens, *tem.*



1668 ciens, cùm optimè calleret, eam urbis partem, quæ mari alluitur, ob tutiorem situm, minùs aptè permunitam; jacta non longè ab urbe fa-xorum, ac terræ congerie, contiguum extremo littori aggerem mediis in undis componere ag-gressus est. Primis quidem diebus, cùm quid-quid ingereretur, tumidum mare absorberet, non magis sollicitudinis, quàm irrisiōis materiam Venetis præbuit. Quippè, quæ cautes tam vastæ, quæ tantæ altitudinis arbores, quæque satis solida machi-namenta objicienda pelago crebros ex alto fluctus in lit-tus evolventi, ut illud profundi spatium aggeraretur? Nimia spe deceptos hostes. Satis pro Cretensisibus pugna-turum mare. Nisi Thraces consilia verterent in melius, id ad exitum perducere nequaquam posse. Sed longa molis incrementa fefellerunt obsessos; paulatimque i-ta vallum excrevit, ut, quamvis æstuaret fre-tum, atq; omnia circùm undarum impetu tur-barentur, immotum magnitudine sua consiste-ret. Victa labore operis difficultas extulit Tur-carum animos. Achmetes verò eò lectiores suo-rum cohortes deducens, nusquam ferociùs ur-bi exitium minatus est. Etenim, in varios fle-xus ductis fossis, non modò ingenti tormento-rum apparatu eandem murorum loricam, ac proxima propugnacula disjicere, sed propiùs ur-bem succedens internos receptus, admotis cuni-culis, ab imo subruere moliebatur. Hec tamen magna suorum jactura confici necesse erat. Nam licèt ligneis, terreisque munitionibus contacti Thra-



Thraces, ne transversis obsessorum ictibus infestarentur, testudineo gradu muris propinquarent; nihilominus à tormentariis suggestibus, quos contra recenter extructum aggerem composuerat Imperator, assiduisque ictibus sclopetariorum ex abscondito succedentes multantium plurimi impetiti in opere concidebant. Veruntamen Maurocenus averti à muris cuniculorum vim hac arte haud posse comperiens, & , ni mox obstitisset, instare urbis ruinam; altissimis caveis occupare improvidos statuit, oppositisque cuniculis ipsorum conatus subvertere. Neque inutili consilio, quamvis dies, noctesque in opere laboratum sit, nonnullique aeris defectu ob immensam altitudinem interierint. At, cum per coriaceos ductus aer follibus inspiratus, fossas subtus effingentibus dmitteretur, nulla difficultate omitti inceptum passus est, ne voti compotes barbari redderentur. Non præterea levior cura erat tormentarios suggestus extruendi. Nam ubicunque ab obsessoribus aggeres attollerentur; illico, aptatis ex adverso tormentis, ingens ferrearum glandium procella è muris emanabat. Impendentia ultra mala prospectans Imperator, novum introrsus murum, quo tutius in S. Andreae propugnaculum suis perfugium esset, edificari jussit; atque ita eundem communivit, ut inde pugnare, anteriore amisso muro, milites possent. Quo perfecto, providere etiamnum intentus, ne, subverso Panigrà,

Miro ar-  
sificio  
conatur  
Impera-  
tor tur-  
bare mo-  
limina  
barbaro-  
rum.

Novos  
receptus  
parat.



1668 nigrà, victoriæ summam in eo verti hostes arbitrantur; interiora urbis à propugnaculo usque ad mare præalta fossa diremit: cui agger tam validæ structuræ imminebat, ut nova veluti frons urbis, operosiusque negotium oppugnantibus ibidem obversaretur. Hæc à Præfecto copiarum Mombrunio, ubique operam sedulo navante, præconia, atque admirationem eliciebant. Enimverò, cum ab ineunte ætate militiæ assuetus, sub signis consenuisset, nusquam tam atrocis belli genus deprehendisse se fatebatur: solitus, obsidionem Crete Gigantum opus nuncupare, cui nonnisi Mauroceni virtus suffecisset.

*Mombrunius de ratione obsidionis iudicium.*

Jamque Achmetes, cum nihil tam arduum à suis intentari animadverteret, quod ob obsessis pari animo non deturbaretur, audacia consilia tutioribus præferens, statuit aggressionis impetum experiri. S. Andree propugnaculo delecto, undè faciliorem sibi in urbem aditum rebatur, ubi, cuniculi vi læva illius parte modicè evulsa, suos accendit ad facinus, magno tympanorum, ac tubarum strepitu muros adoritur. Cornelius (sub idem tempus ob res præclare gestas D. Marci Eques declaratus) unaq; Mombrunius, ac Eques Grimaldus, qui tunc aderant, prælium ineuntes, sustentata intrepidè hostium feritate, diù eosdem ingenti clade ab ascensu prohibuere. Verùm Achmetes, qui spectator operum cujusque opportunè novos manipulos emittebat,

*Sed ab Ducibus Venetis strenuè repellitur.*



tebat ab aggeribus, increpans suos, quòd toties 1568  
 à defatigatis repelli se paterentur, ac simul la-  
 borum, victoriæque præmium ostentans, an-  
 cept omnino certamen Venetis reddidit. Inte-  
 rim nutabat dimicantium multitudo; perque lo-  
 ca ruinis referta non una pugnae facies erat.  
 Frangebantur hic Turcarum globi, illic recens  
 è septis edueta cohors armatorum robore, & nu-  
 mero præstantior, ad instaurandum prælium  
 succedebat. Decidentium corpora infra se scan-  
 dentes in præcept dabant: alii cominus gladiis,  
 multi eminens tormentis, ignitisque missilibus  
 prosternebantur. Nihilominus Thraces ferocius  
 ad culmen properare, configere hostes gladiis,  
 obnitique obviis pectoribus, ut conglobatos per-  
 tinaciori robore disjicerent. Nec ideo tumultus  
 inter Venetos, aut trepidatio. Quisq; custodien-  
 dis muris intentus, pellere hostem, in interfe-  
 ctorum locum accedere, voce, manuque inci-  
 tare socios, demum certis, & libratis ictibus in-  
 temerè subeuntes missilem ignem, saxa, & quæ-  
 cunque casus offerebat, ingerere. Duas horas æ-  
 quali spe, eodemque ardore pugnatum: immò  
 constrata undiq; cadaveribus ruina animos bar-  
 barorum ita efferaverat, ut, ni Achmetes multa  
 cæde permotus dedisset receptui signum, pervi-  
 cacia minimè posuissent. Duo Turcarum mil-  
 lia hoc conatu cecidere; Christianorum non am-  
 pliùs, quàm ducenti. Inter saucios nonnulli ex du-  
 cibz recensentur: quamvis cunctis optabilius  
 in

*Irrito co-  
 natu suos  
 à pugna  
 retrahit  
 Achme-  
 tes.*



1668 in acie cadere, quàm impares laboribus reddi, ac sensim confici vulneribus. Quippè Thraces venenatis succis gladios imbuentes lethales ictus inferebant; indè, serpente paulatim in reliquos artus tabe, corpora tandem ingenti cruciatu exanimabantur. Dùm hac parte sic certatur, quisq; urbis locus igne, ferro, machinisq; vexatur. Undiq; obsidionales accessus, undiq; aggeres, atque in diversis incurfionum motibus idem immanium stragium horror. Maurocenus, quamvis quotidie munia singulorum inviseret, nihilominus hostium nixus à Sabulonariè propugnaculo præcipuè repellebat. Nec remissiore diligentia refici curabat diruta murorum, explorabat vigilias, ac præsidia; utque æmulatione virtutis animi magis erigerentur, promptiorum fidem laudibus, præmiisque publicè prosequeretur. Econtra Achmetes asperiora complexus, non comitate, sed suppliciis utebatur: Et quamvis omnia per vim ab exercitu extorqueret, aggressionibus tamen se minimùm proficere intelligens; conversus ad moras, in eam sententiam abiit, ut cuniculis, tormentisque latiùs mœnia prosterneret quò munitionibus destitutos nullo suorum discrimine superaret.

*Imperatoris studia ad munendam urbem, & milites accendendos.*

*Achmetis sevitia.*

*Effusus imber curbat molimina Turcarum.*

Hostamen motus, ineunte Octobris mense, imbrium casus compescuit. Siquidem tentoria mare versus partim decidente pluvia, partim intumescente ob australes ventos pelago, ita demergi ceperunt, ut magna vis hominum unda haurire-



riretur. Verùm non idem ubique levamenti  
 genus. Enimverò, quà urbs interiora insulæ  
 spectat, ita se ab aquis Thraces tuebantur,  
 ut illas aptè in effossos ductus derivarent, nec  
 objectos aggeres maris tumor pervaderet. Per-  
 vicax præ ceteris in S. Andreae propugnaculum  
 conatus. Nam, adversus illud confirmatis ca-  
 stris, & vallo, hyemem in armis, oppugnatione  
 nusquam intermissa, consumpsere. Interea o-  
 mnia extrema tentanti Achmeti id quoque ad  
 capiendæ urbis spem conferre visum, ut Mau-  
 rocenum muneribus alliceret ad deditionem.  
 Itaq; revocatis à belli furore studiis, ad illece-  
 bras animum vertit; propositoque deserendæ ur-  
 bis consilio, non modò in tanti facinoris præ-  
 mium summas penès Thraces dignitates, sed  
 tunc primùm Moldaviæ, ac Uvalachiæ Prin-  
 cipatus (regiones sunt inter Istrum, & Hie-  
 rassum flumina) se illi gratuito concessurum  
 spondit. Lepidè exornato beneficii genere,  
 non sine irrisione nuncium Imperator dimisit;  
 immò, datâ operâ, ut auctiorem de suorum vi-  
 ribus estimationem hosti afferret, eruptiones,  
 excubias, stationes, & si quæ alia præsens usus  
 poscebat, ipse partitus est: Tanta in maximo Du-  
 ce solertia.

*Achme-  
tes Uva-  
lachie, ac  
Moldaviæ  
Principa-  
tum offert  
Mauroce-  
no.*

Is status obsidionis erat, cùm Kal. Novem-  
 bris M. & D. Milites, quos ex Galliæ Provin-  
 ciis privatorum studia collegerant, nec non  
 Melitensium copiarum convenire. Illos strenuæ

*Gallorū  
advēsus  
Meli-  
tensium.*

X de-



1668 defensionis rumor, & bellicæ laudis cupido à patriis sedibus exciverat. Cùmque ex omni juventutis, ac nobilitatis flore delecti essent, multum ad augendos obsessorum animos profuerunt. Veruntamen obstupere Galli, ad atrocissimæ, inauditæque obsidionis aspectum: mirati illinc enormes machinas, inexplicabiles aggerum moles, diurna, nocturna, ac commissa per cæcos recessus subterranea prælia: hinc verò ingenium, sedulitatem, constantiam Imperantis, & tanto studio elaborata munimenta. Nihilominus ingenito ardore gentis, exemploque Cretensium erecti, motam de se ipsis implere spem exoptantes, demandata à Mauroceno munia alacriter subiere. Igitur assiduò in S. Andreae valli custodia versari, quandoque à

*Gallorum virtus, & eruptio :* muri ruina, quæ ingens erat, Thraces depellere, crebrò in eruptionibus, donec sese majori discrimini offerrent. XIV. enim Kal. Januarii tercenti, & quinquaginta eorum, dubia adhuc luce, è Sabulonariæ lateribus prodeuntes, tanto impetu in septa hostium irruerunt, ut, iis, qui circum excubabant, oppressis, primos aggerum nexus ingenti vigilum, & stationariorum militum clade confregerint. Tumultus indè in stationibus Turcarum. Plerique deserto, quem tuebantur, loco, pedem ad castra referentes, ab exigua Fidelium manu grato spectaculo fusi; multi trucidati. Non prius destitire incepto Galli, quàm ducum vocibus

*Qui profpere pugnant.*



bus admonerentur, evocata à tentoriis reliqua 1668  
 Turcarum agmina in suorum opem festinare.  
 Tunc, ne utrinque à barbarorum exercitu, at-  
 que aggeribus, quos vix ducti à peritis viarum  
 pervaserant, clauderentur, opportunè in urbem  
 recepti sunt. M. & amplius Turcas hac pugna  
 cecidisse tradunt, quinque autem, & triginta è  
 numero Gallorum. Ex reliquis nemo inglo-  
 rius à prælio discessit. Præcipuè verò dux Roan-  
 nesius, cujus præsertim opera subsidium istud  
 advectum, ac Comes S. Pauli copiarum ante-  
 signanus, consilio, manuque suos adjuvantes,  
 omnium præconia meruerunt.

*Victores  
in urbem  
redenti.*

Dùm hic tanto ardore certamina geruntur,  
 nihil remissum in cæteris partibus urbis. Un-  
 dique barbari occupandis, evertendisve muris,  
 Veneti arcendis hostibus intenti, dies, noctesq;  
 in laboribus transigebant. Interim rigor hyemis  
 asperabatur. Achmetes verò detrimentis, quæ  
 Christianis inflixerat, nondùm contentus, ut a-  
 criùs illos laceggeret, mansit in castris. Qua-  
 propter actus gravioribus curis Imperator, resq;  
 suorum anxie reputans, cum nulla quies obse-  
 sis daretur, qua vires resumerent, dimissisque  
 navalibus sociis, propugnantium inopia pluri-  
 mum laboraret, facile ad nihilum redigi reli-  
 quum præsidii robur posse, intelligebat. Eadem  
 munia inter paucos, & pericula sæpiùs redi-  
 bant: indè miles aut vi hostium, aut labore las-  
 fatus, brevè impar oneri reddebatur. His de

*Sed Ach-  
metes  
nusquam  
obsidione  
per hye-  
mem re-  
missis.*

*Mauroce-  
nus præ-  
sidium an-  
get.*



1668 causis rursus statutum est, ut plurimi epibatarum in subsidium urbis è triremibus transferrentur. Composito deinde in maiorem spem vultu, cum in iis rerum angustiis multi imminerent frontem, oculos, verba adnotaturi; animos militibus addere, revocare omnia in mentem, quæ per duos annos fortiter egerant: hortari simul, ne in posterum labarent, instante in dies Thracum defectio-  
*Milites vultu, oratione, atque exemplo ad fortitudinem revocant.*  
 ne; cum eorum neminem fides, aut cupido proferendi Imperii, cunctos metus sub signis contineret. Hoc excusso, versis ad oculi dulcedinem fatigantium mentibus, Cretenses liberos fore. Jam maximos labores patientia victos. Hostibus nihil propemodum superesse, quod molirentur. Fluxa iisdem corpora, exhaustas copias, spem deperditam. Ergo postremos obsidionis conatus strenue repellerent: omnia bella initio valida, per tædia, & moras elanguisse. Accessit exactior in tuendis menibus disciplina. Intentiùs nocte curabantur excubiæ: vigilum numerus duplex erat. Quibusdam subitarum eruptionum, aliis valli custodiam commendabat, quod difficillimum, sibi. Cuncta enim mira sedulitate prospiciens, modò propugnacula, modò navale invisens, sæpè cum acie, quò vocabant discrimina, decurrens, consilio, exemploque suis nusquam deerat. XXXVI. M. Turcarum, X. M. Venetorum hoc anno cesa est. Permulti deinde duces interfecti: inter quos præcipue Bernardus Nanius Crete Præfectus, atq; urbis Dux Franciscus Battalea, notæ fortitudinis, atque eximiae erga Patriam pietatis viri. Hi, dum de pro-

*Bernardus Nanius, & Franciscus Battalea interfecti.*



propulsandis hostibus solliciti, ante suorum co- 1668  
pias consistunt, plumbea glande trajecti, ma-  
gno Cretensium luctu conciderunt. Marchio  
quoque Mombrunius tormenti ictu perculsus,  
diùque sævitia vulneris conflictatus, vix evasit.  
Porro captivorum ingens copia, quam crebræ  
eruptiones quotidie adaugebant.

Cæterum Achmetis nunc militiæ quæstibus,  
nunc minis Regis in diversas cogitationes actus,  
non modò debellandæ urbis cupidine, sed ipsa  
necessitate in dies magis impellebatur. Quippè  
iniquo animo ferens Mahometes conteri ulte-  
rius opes Imperii, atque interea ex ancipiti  
belli eventu totius Ottomanici exercitus fortu-  
nam pendere, omnia extrema corde volutabat.  
Itaq; missi ab eo centuriones cum atrocibus man-  
datis, qui, increpita Achmetis segnitie, extremos  
nixus intendi juberent. Indè moræ ulterioris  
impatiens, Hadrianopolim (Thraciæ urbs est,  
ad Hebrum fluvium) ineunte æstate proVectus,  
contendere parabat in Peloponnesum, ut mox,  
ultimam bello manum impositurus, Cretam  
adiret. Ob id triginta prætorianorum militum  
millia convocata: quorum pars alia adversus  
Cretam, alia contra Illyricum (tentari enim  
Ascrivium placuerat) destinabatur. Sed pro-  
missa, ac monita Achmetis obstitere. Hic nam-  
que, ne in illum victoriæ gloria cederet, aut  
congestæ vires in diversa traherentur, instare in  
dies urbis ruinam, majoremq; è longinquo Re-  
giæ

Mombru-  
nius vul-  
neratur.

Achmetis  
curæ, &  
Regis mi-  
næ, con-  
siliaque.

At Ach-  
metis  
animum  
Regis de-  
nuo com-  
ponit.



1668 giæ majestati reverentiam apud milites futuram, differens, Principis animum à priore consilio revocavit. Quamobrem Mahometes, omiſſa Illyrici expeditione, recenter coactas copias in subsidium exercitus mittens, exitum obſidionis anxia ſollicitudine opperiebatur. Ita compoſitis mentibus imperantium, cuncta bellico ſtrepebant apparatu. At ſecus vulgus militum; qui liberiùs obloquentes, ac pennis minimè exterriti, hortantis Achmetis vocibus haud parvere. Exprobrantes enim palàm longitudinem belli, duritiem operum, ac vulnerum notas, miſſis ad Regem nuntiis orabant, ſuccurreret ſeſſis, & aliquem laboribus terminum assignaret. Longa, & irrita militia deſaſſatis patriæ, quietiſque cupidinem eſſe. Satis jam pugnatum: ſpem, victoriamque in incerto; luctus, & funera quotidie obverſari. Igitur annueret tot copiarum precibus, emerita ſtipendia concederet; neu mortem in iſdem anguſtiis ſed navata operæ præmium dilargiretur. Verùm hi quoque motus minis conticuere: Etenim Rex, ad eſſe quietem deſatigatis, oſtendens, eam tamen intra Cretæ muros tantum inventuros, reſpondit. Illud utrum iter ad ocium, & præmia. Quod ſi detrectaſſent, mox ſe affuturum in caſtris, regiamque majestatem, & ſeviora quæque ſupplicia oppoſiturum renuentibus. Quid cunctarentur eas ruinas conſcendere, quas pavidi, ac quotidianis precibus orem implorantes cuſtodiebant? Ita ne Ottomanici exercitus gloriam contemni; ut tories, ac tam deſormi clade ab iſdem muris rejici ſe paterentur? Meminiſſent famæ, ac fortitudinis; puderet fuſi ſanguinis, & ignaviæ. Culpam in de-

Milites a-  
perit bel-  
li finem  
ab Rege  
depoſcunt.

Sed minis  
eos deter-  
ret Maho-  
metes.



cus verterent: irritiq; in eam diem conatus ignominiam sub- 1668  
actæ Cretæ gloria ocyus expiarent. Utque promptior  
his fides, veluti jam iturus, legit milites, arma, *Simulat  
iter in  
Cretam.*  
navesque comparat; & cætera cultui regio di-  
cata congerit. Mox tempestates, ac negotia cau-  
satus, restituta penitus parendi disciplina, mi-  
litem fefellit.

Hic belli ordo non Patres modò, sed unum- *Sensus  
Venezorù.*  
quemque Christianorum egrè affecit. Pertina-  
ciùs enim in Cretæ obsidione confirmatis copiis  
barbarorum, quassatis undiq; urbis muris, im-  
minutoque præsidio, haud dubia clades instare  
videbatur. Quid enim virtuti Mauroceni su-  
peresse, ubi Thraces, productis operibus, quæ tur-  
bari non poterant, vix telluris modicum reli-  
quissent? quidque à paucis copiis, iisque duo-  
rum annorum obsidione lassatis, adversus octo-  
ginta millia armatorum tentandum, quo Ach-  
metes à muris summovertetur? Quamobrem etfi  
præcipua curarum in eo verteretur, ut viri,  
atque arma laboranti Cretæ proximè subeunte  
anno præsto essent; nihilominus non ab re visum  
tentare rursus animos hostium, ut eadem belli  
crudelitate concussos memoria pacis ad solven-  
dum obsidium alliceret. Itaque Aloysio Moli- *Aloysius  
Molinus  
mittitur  
ad Tur-  
cas gratia  
pacis per-  
tractandæ.*  
no Equiti ea provincia demandatur; qui illicò  
Larissam, Thessaliæ urbem, ubi Rex Turcarum  
degebat, profectus, missus deindè ad Achme-  
tem, qua pollebat, comitate, solertiaque, mu-  
nus sedulo, ac prudenter absolvit. At frustra *Sed fru-  
strà.*  
pro-



1668 propositę conditiones pacis: Achmetis enim ingenium avidum, atrox, & societatis impatiens erat, nullo alio munere, quàm Cretę deditio-  
*Senatus*  
*monita.* ne, demulcendum. Exindę, cüm quędam ab ipso afferrentur, quę quo ampliorem utilitatis imaginem prętendebant, eò infensio-  
 erant paritura; declinandę fraudis gratia, pa-  
 randis copiis intentius indultum. Intereà com-  
 periens Senatus, non modò averti à Creta bel-  
 lum, sed, amissa urbe, exercitum, classemque  
 defendi ampliùs vix posse, pręmonendum Mau-  
 rocenum censuit, ut in seſterioribus rerum flucti-  
 bus classi prospiceret. *Veriti in ea publicę salutis mo-*  
*mentum. Hostes, maritimis Christianorum copiis ademptis,*  
*facile in penitiora Adriatici bellum inſecturos. Igitur hanc*  
*curam nulli alię poſthabendam: cavendumque, ne ea bellum*  
*hauriret, per quę ad eam diem liber Venetus extitisset.*  
 Cæterum seſe miniſtrandis militibus provincię  
 Remp. ſequenti anno modicę adjuvarunt. Inter  
*Ludovicus*  
*XIV. Gal-*  
*liarū Re-*  
*gis pietas*  
*erga Rēp.* extranea auxilia, Chriſtianiffimus Galliarum  
 Rex Ludovicus XIV. memorabili religionis, pie-  
 tatifq; erga Remp. monumento, partem copia-  
 rum, qua obſeſe urbi ſubveniretur, lubens con-  
 ceſſit. Düm verò navalium ſociorum ſubſidia  
 conveniunt, nulla loci, tempeſtatifve difficul-  
 tate Thracum motus remittebantur.

1669 Exaſperatum eſt Kal. Januarii bellum. Et-  
*Obſidium*  
*inſediſit.* enim milites ſoliti plerumque damna æſtatis in  
 hybernis penſare, cüm æſtate, hyemeque nequa-  
 quam leviùs conficerentur, in rabiem effuſi  
 ſunt;



sunt; adeòq; crudeliter pugnari ceptum, ut tristis- 1669  
 simum de se spectaculum Creta præberet. Inter-  
 missa religio, quassata templa, infidẽ civibus do-  
 mus, omnia passim ferro, atq; armis afflicta: so-  
 la deniq; castra in squalentibus campis fulgen-  
 tia. Præterea S. Andreę propugnaculum ita con-  
 siderat, ut vix murorum vestigia deprehende-  
 rentur. Intrantes Turcę muri ruinam aliquoties  
 à Melitenensibus, qui locum tuebantur, repulsi:  
 & quamvis loricis vimineis tantum, congestaq;  
 tellure aditus obstrueretur, nunquam incruen-  
 to exitu intra septa barbari redierunt. At, dum  
 nostri summa vi & muniunt, & pugnant, in-  
 ternos receptus tuendo, minorem in dies urbem  
 faciunt. Simul crescit omnium rerum inopia;  
 imminuta opis fiducia, cum tam procul patrii  
 portus, circa omnia barbarorum essent. Numerus  
 interea defensorum plurimum absumitur. Cor-  
 nelius, ac Grimaldus sæpè fauciantur: Divinitus  
 verò provisum, ut Mauroceno tota urbe perva-  
 ganti, atque ad exposita ictibus hostium loca  
 sæpius evadenti, fracta muralis tormenti glans  
 necem non inferret. Haud leviter tamen vulne-  
 rata extrema humeri parte, ita astantium ocu-  
 los, animosque inopinatus ictus turbavit, ut  
 una vox omnium fuerit, non ex re videri, ut sum-  
 mus Dux periculis objectaretur. Necesse esse eum discrimi-  
 nibus pugnarum exemptum summis tantum imperiis reser-  
 vari. Nulla unquam diligentia id satis exactè custodiri  
 posse, cui salus urbis innitebatur. Nihilominus tanto  
 Y belli

Impera-  
 tor vul-  
 neratur.



1669 belli turbine atrociùs, quàm vulnere conflictatus Franciscus, cuncta providere, ex re consilium capere, nunquam pati militem ad socordiam, pavoremve declinare, abjectos animo coercere, fortes extollere; ne tam strenuæ defensionis laus subita hostium eruptione evanesceret. Verùm imminentem urbis ruinam, non nisi ingenti aliquo conatu sisti posse animadvertens, id demùm consilii amplexus est, ut, tradita Catherino Cornelio propugnandæ urbis provincia, ipse cum universo maritimarum copiarum robore navali certamine barbarorum classem lacefferet. Nec modicum inde Creten-  
 sibus levamentum. Quippè hac arte cùm intercipi hostium subsidia, quibus castra quotidie magis complebantur, tùm expectatæ sociorum copiae promptiùs excipi poterant. Sed huiusmodi spem citò fors abstulit; cumulataque calamitas longè aliis motibus impulit animum Mauroceni. Siquidem pridie Kal. Junii, dùm Cornelius instaurari quoddam portæ munimentum curat, decidens ollæ incendiariæ fulmen disiecti ferri molem in ejusdem latus tam altè intulit, ut ictus vis semianimem ducem reliquerit. Versis ex atrocissimo vulnere visceribus, in proximorum Ducum brachia procumbens, tamdiù vixit, quamdiù superstes vitalium partium spiritus, Fidelibus ad strenuam urbis defensionem hortandis, fortiter effunderetur. Auctus inde Creten-  
 sium meror; de medioque sublata Mau-  
 roce-

Catherini  
 Cornelii  
 mors.



roceno consilia in hostilem classē erumpen-<sup>1669</sup>  
 di. Veruntamen, ne omnis penitus motus re-<sup>Mauroce-</sup>  
 mitteretur, expeditam navim Zacynthum mi-<sup>ni consilia</sup>  
 sit, quæ certa de subsidiis nuntiaret. Deman-<sup>de exci-</sup>  
 dato deindē Thaddēo Mauroceno Navium Præ-<sup>piendis</sup>  
 fecto, cuius sedulitati plurimū fidebat, exci-<sup>subsidiis.</sup>  
 piendorum Gallorum munere, quos jam Tæ-  
 narum Peloponnesi promontorium, quod Me-  
 tapanum vocant, prætervectos, haud multū  
 abesse cognitum fuerat; ipsum operosius defen-  
 dendæ urbis negotium excepit. Inter hæc ob-  
 fessi cum hostibus assidua velitatione collati, va-  
 riam in dies fortunam ad suos referebant.

Talia agentibus copiae Gallorum supervene-<sup>Gallorū</sup>  
 re; hæque non sine discrimine intra muros re-<sup>advēns.</sup>  
 ductæ sunt, cum naves undique paterent icti-  
 bus barbarorum. Ingens advectarum cohortium  
 robur, cum ad sex millia lectorum militum a-  
 scenderent: Nec dubium, si felicius cetera pro-  
 cessissent, potuisse earum ope diū Cretam pro-  
 pugnari. At longē tristiores exitus armis Gal-  
 lorum fata paraverant; & sicuti quotidie urbis  
 exitium obsidentium ausus ominabantur, ita i-  
 nitium recentis lætitiæ sæviorem attulit cala-  
 mitatem. Ingenti enim animorum ardore lace-  
 ratam urbem intransibus Bellifortii, Novaleæ-<sup>Duces</sup>  
 que Ducibus, qui copiis præerant, maximum<sup>Gallorū</sup>  
 facinus visum, si unico nixu iis tantū mi-<sup>erumpere</sup>  
 litibus, quos in opem perduxerant, terrestres<sup>statim in</sup>  
 pugnae sortem experirentur. Duplex conatus<sup>barbaros</sup>  
 pugnae sortem experirentur. Duplex conatus<sup>statimunt.</sup>

Y 2 ratio



1669 ratio erat. Namque, si hostium furore subacti succubuissent, id non impunè Thracibus futurum, cùm intendendi vires usque ad extremum animus esset; indeque magna in barbarorum castris consternatio, atque aditus urbi amplior ad salutem. Si verò victoria, cui nimium fortasse fidebant, ad suos inclinante, fudissent agmina Turcarum; immortalem vindictæ ab obsidione Cretæ gloriam Gallorum virtuti integrè cessuram. Hæc differentes Duces adversa consilia Imperatoris, infelicem exitum persentientis, minimè revocarunt. Non enim is, tantam spem incerto pugnae discrimini committi, patiebatur. *Nimis intra septa munitos hostes; promptam ubique multitudinem, qua assultantes probiberentur; cuncta obsessoribus prospera. Fideles nec numero pares, nec ob loci difficultatem aptos ad aggressionem. Igitur servandum præsidium: eò jam rem perductam, ut ulteriori mora lassari Turcæ facillimè possent. Quòd si aliquandò peragendum facinus, tutius fore expectari nova subsidia, hostemque magis defatigari; tunc enim validiori robore aggressionem molientes faciliorem aditum in objectum aggere in-*

*Quibus  
Imperator  
non assen-  
sit.*

*Sed Galli  
eruptione  
pavent.*

*venturos. Sed Galli prælium poscere, cuncta virtute expugnabilia jactare: ducesque fortitudine ingenita elatiores extimulare ardorem copiarum. Præcipuè Bellifortius certaminis, gloriæque avidus certam suis victoriam offerens ferocia verborum præ propera, ac fervida militum ingenia incendebat. Curarent corpora, expedirent arma, animosque, adesse tempus, quo levi prælio im-*  
mor-



mortalem gloriam irent comparatum. Nihil ab incondita 1669  
 hostium turba metuendum. Ipsam sibi multitudinem damno  
 futuram: immò, eruptione, Turcis nihil tale suspicantibus,  
 facta, posse incautos, inermesque in stationibus suis truci-  
 dari. Quod si, re cognita, in prælum barbari ruissent, ni-  
 hil, nisi tumultuarium, & Gallis secundum contingere pos-  
 se. Hinc, primis repulsis, cæteros loco motos, & nullo ducis  
 consilio in iustam aciem redactos non modò turbaturos invi-  
 cem officia, sed & stantes, pugnantisque in fugam pertra-  
 cturos. Igitur agnoscerent se ad tantæ victoriæ momentum  
 reservatos; intenti, paratique expectarent signum: ut pri-  
 mum pugnandi copia patuisset, se nullam conatui moram fa-  
 cturum. Sic, præcipitantibus fatis, decrevere Gal-  
 li tentare impetum eruptionis.

Maurocenus, ubi sociorum mentes sisti non  
 posse animadvertit, diem constituit ad pugnam.  
 Duplex acies, intempesta adhuc nocte, quæ XXV.  
 mensis Junii diem præcessit, utrinque è Sabulo-  
 nariæ propugnaculo clàm portis extulit signa.  
 Dexterum Bellifortii dux, lævum Novaleæ cor-  
 nu ductabat; sexcentis cuique additis equitibus.  
 Lentè exin progredi circum urbis fossas via oc-  
 culta, nec quidquam ante signum movere iussi  
 milites; ne conatus ex incondito copiarum tu-  
 multu deprehendi posset ab hostibus. Silentio i-  
 taque superatis prioribus munimentis, quæ se se  
 modicè explicat planities, penè usque ad lucis  
 exordia humi procumbentes delituere. Eodem  
 tamen ordine usq; ad constitutum signum acies  
 non stetit. Quippè, veluti præeunte cladis omi-  
 ne,

Igitur  
 Galli bi-  
 partis  
 procedunt.



1669 ne, casu inter paucos tumultu exorto, cùm reliqui tempus impetum faciendi in hostem arbitrantur, à primorum ordinum manipulis ceptum minoribus tormentis certamen. Admonentibus tamen opportunè Ducibus, compositi denudò silentio fuere. Ut verò, incerta etiamnum die, signum tubæ cecinerunt, Galli subito clamore nituntur in vallum. Jamque strenuè oppressis, qui ad custodias vigilabant, ac deturbatis ab aggere, quos improvisus armorum sonitus à tentoriis exciverat, loricas post circitorum viam occupant. Indè perfingunt stationes, se sequæ in intimas munitiones inferentes, prosterunt obices, occurrant, circumgrediuntur. Miscetur invadentium, ac pavitantium clamor. Thraces enim repentè deprehensi, majorem vim adesse metuentes, pelluntur undique, ac cæduntur; dubiæ lucis errore, atque assultantium tumultu formidinem augmentibus. Sed quot in armis vices sunt, singulisque momentis in quot se fortuna dissimiles formas componit? Jam barbari subitaneo terrori ita concesserant, ut nostrorum ora nequaquam perferentes, passim conarentur evadere; cùm decidens ignis scintilla supra tumulum, quem Galli infederant, modicumque tormentarii pulveris incendens, ita horum ordines (cuniculi enim insidias reformidabant) confudit, ut Ducum vocibus, dissipato post leve incendium impetu, in unum redigi amplius haud potuerint. Subitò tunc ferox clamor, unus-

*Prælium  
prosperè  
primum  
cōmittitur.*

*Mox casu  
in fugam  
vertuntur.*



unusq; in Turcarum castris ad arma convocans 1669  
 fremitus. Immutatur continuo fors certaminis,  
 vertuntur retrò signa, auferturque è vincentium  
 manibus victoria. Thraces, collectis animis,  
 sumptisque passim armis, audacter descendunt in  
 pugnam; ingentique robore penè utramq; Gal-  
 lorum cohortem obruunt. Triste spectacu-  
 lum: victores à subactis fundi cerneret, & quos  
 tanto ingenio superaverant aggeres, deformi  
 cæde complere. Vix ullus intentatum jugulo  
 mucronem repellit; cuncti inani cursu terga  
 hostibus præbentes per victum à se vallum tur-  
 pi pavore diffugiunt. Maurocenus, qui ex ar-  
 ce, cui S. Demetrii nomen, prælii ordinem  
 prospectabat, ubi manare latius terrorem, fun-  
 di suos, mox penè usque ad muros igne, fer-  
 roque adigi vidit; explosis undique tormentis,  
 iussit propinquantium hostium audaciam cohi-  
 beri. Continuo ipse cum levis armaturæ manu  
 è portis prodiit. Tunc increpitare pavitantium  
 insaniam, dissipatos in unum redigere, hortari  
 simul, ut terga verterent, neu vinci ab iis, qui  
 buscum nondum pugnaverant, paterentur. At,  
 omnibus in fugam effusis, cum non auctorita-  
 te, non precibus; ne manu quidem cohortes  
 contineri potuissent, antè formidinem Galli non  
 posuere, quàm se mœnibus tutos agnoscerent.  
 Auxit tantæ calamitatis merorem Bellifortii  
 Ducis nex; qui, dum periculi immemor, sce-  
 lus exprobrans, passimque occursans fugienti-  
 bus,

Mauroce-  
 nus fru-  
 strâ cona-  
 tur fugi-  
 tes reti-  
 nere.

Sed Gal-  
 li, Belli-  
 fortii Du-  
 ce caso,  
 urbē tre-  
 pidi in-  
 trant.



1669 bus, sistere eosdem moliebatur, demum à Turcis circumventus, incerto mortis genere occubuit. Non impar quoque in Novaleæ animo, quamvis evaserit, ardor. Hic namque, districto gladio, cum per suorum manipulos ubique decurreret, nusquam aut fortissimi ducis, aut strenui militis officium prætermisit. Cæterum incubantes faucibus Cretensium Thraces ea in consternatione potuisse usque ad interiora urbis devolvi, sedum experimentum erat; ni Imperator lectam cohortem audaciæ ipsorum objecisset.

*Imperato-  
vis confi-  
lia.*

Commotus Franciscus mali atrocitate, multoque magis de futuro sollicitus, illud maxime verebatur, ne ob superioris pugne eventum hostibus cresceret animus, miles autem segnior fieret. Igitur, ne aut illis majoris fiducia materiam præberet, aut intra suos exitiabilis formido serperet, statuit novis quibusdam eruptionibus animos detinere. In his Galli operam aliquoties præstiterunt. At recens stragis recordatio ita horum mentes pavore defixerat, ut ad inanes quosque hostium rumores vix ducum jussis obtemperarent. Adhuc tamen Venetis quædam spei imago supererat, cum Thraces, præsentibus Gallis, non omnia auderent, veluti vires ad repentinos illorum conatus repellendos servaturi. Verum quàm instabile, quàm fluxum pollere tantum fama potentia, quæ vi suæ non innitatur? Ea quoque fiducia,

cia, Gallis abeuntibus, brevì concidit; nec ex 1669  
 belli eventu arduum fuerit judicare, plus ne o-  
 pis, an detrimenti tanti subsidii momentum ob-  
 fessæ urbi attulerit. Itaque paulò post accep-  
 ptam à Turcis cladem Novaleæ dux discessum  
 properè comparabat: consiliumque ipsius non  
 Imperator, non reliqui Duces, non vota totius  
 urbis averterunt. Maurocenus, miserandum  
 rerum ordinem in Novaleæ mentem redigens,  
 urbem adversæ sortis improbitate profligatam extrema in  
 horas expectare ostendebat. Ubi muros deseruisset, ex-  
 animatos eos, qui supererant, agrè pectora armis obje-  
 cturos. Cretensium libertatem in tam arcto sitam, ut, re-  
 licta à Gallis urbe, à barbarorum impetu vindicari mini-  
 mè posset. Hec quoque, & similia Vincentio Ro-  
 spilio Pontificiarum triremium Præfecto ob-  
 oculos posita; ne urbis præsidium, propriis viri-  
 bus jam absumptis, externa simul ope destitue-  
 retur.

At Galli  
deserere  
urbē sta-  
tuerunt.

Frustrà  
admisit  
eos reti-  
nere Mau-  
rocenus.

Vincētius  
quoq; Ro-  
spilius  
una di-  
scessit co-  
parat.

Sed hi, nec defendi ampliùs, impendente ruina, Cretam  
 posse, nec ex re sibi videri, ut novis cladibus frustrà co-  
 piæ exhaurirentur, palàm differebant. Neque im-  
 meritò Duces timor invaserat. Nam, quà latè  
 patebat urbs, hinc ruinis, illinc aggeribus ho-  
 stium conflictabatur: cuncta squalore, luctu, stra-  
 ge deformia. Milites, propugnandis mœnium tu-  
 mulis impares, in vices non vigilabant. Ibi in-  
 fectos ceno, & cruore cibos fumentes, sola mor-  
 te à commissa sibi loci custodia divellebantur.  
 Versis ab imo propugnaculis, altitudinem mu-  
 rorum

Infelix  
urbis sta-  
tus.

Z

rorum



1669 rorum solo barbari æquaverant: immò Sabulona-  
 nariæ, ac S. Andreae munitiones ita in eorum  
 commodum transierant, ut urbis exitio, quæ an-  
 teâ defensionî, inservirent. Cæterum nimis am-  
 plus loci ambitus erat, opportunus aggressioni-  
 bus hostium, defensoribus iniquus. Quapropter  
 Maurocenus animo futura pervolvens, cum om-  
 nia ad ultimum inopiæ redacta esse animad-  
 verteret, sibi met conandum, partemque disci-  
 minis capeffendam esse ratus, postremum præ-  
 lium, antequàm Galli discederent, tentare con-  
 stituit. Itaq; advocari milites jubet, cunctosque,  
 ut strenuo animo essent, hortatur. *Meminissent eam diem  
 tot laborum coronidem fore; scirentque eò loci ductos, ut, ni-  
 si vincebant, ex necessitate occumbendum esset. Nullum a-  
 lium, quàm aut mortis, aut victoriæ exitum: hinc vel pe-  
 tendam salutem, libertatemque à victoria, vel in vestigio  
 pereundum. Nec defutura animorum irritamenta. Ducem se,  
 & vel incolumitatis auctorem, vel honestæ mortis exem-  
 plum sequerentur.* Jamque, Cretensibus ad pugnam  
 paratis, Gallorum assensus tantum deerat. Nec  
 prætermittebant obsessi rogare, atque obtestari  
 socios, ne supremum fortitudinis experimen-  
 tum abnuerent. Postremæ Cretensium preces  
 eæ fuere, ut Jacobus Contarenius Crete Præses,  
 dissecto per vulnus brachio miserationem evo-  
 cans, una cum Sacerdotibus, Novaleæ domum,  
 auxilium ejus orans, pergeret. Accessere his la-  
 crymæ tribunorum, lamenta militum; quos  
 comitabantur matres, conjugisque lugubri cul-  
 tu,

*Preces  
 Cretensium.*

tu, & crebris precibus opem implorantes. Ve-  
 rum dux, fato quodam, à priore consilio nequa-  
 quam dimotus, reliquiis exercitus collectis,  
 XXII. Augusti die urbem deseruit.

Abire Gallos conspicatus Achmetes, non tam  
 suis viribus, quàm Venetorum, ut conjicie-  
 bat, pavore fissus, omnia ad aggressionis impe-  
 tum comparabat. Nec eum penitus fallebat con-  
 jectura. Quippè, languentibus studiis eorum,  
 qui prius alacrem fidem, constantiamq; osten-  
 taverant, longè alia defensorum facies erat. Non  
 ardor animis; non corporibus robur. Multi Cre-  
 tensium dejecti sociorum discessu, satis se belli  
 eventibus expositos, satisque sanguinis effusum  
 clamitantes, erumnarum finem exposcebant.  
 Nonnulli mala servitutis pendentes, *satius multo*  
*fore differebant dedi urbem, ne id exprimeret necessitas,*  
*renuentesque jugum barbarorum subire per ludibrium coge-*  
*rentur. Casibus, ac ventis salutem Cretensium esse commis-*  
*sam. Omnia in urbe consternata. Inhabiles custodiendis mu-*  
*ris manipulos. Unam verò defensionis fiduciam, quæ, cum*  
*dubia spe niteretur, jam certior ab urgentibus barbaris rui-*  
*na, quàm ab incertis auxiliis vis resistendi. Hæc ani-*  
 mum Imperatoris in tanta curarum mole teti-  
 gere: qui, licèt extremum urbis diem instare  
 intelligeret, vel ipso tamen nomine deditio-  
 nis offende-  
 batur. Itaque congerens dona in prom-  
 ptos, minas adversus abnuentes, ut honoris æ-  
 mulatio, & ignominiaæ metus etiam trepidan-  
 tes erigerent, crebris alloquiis formidinis cau-

1669  
 Sed Galli  
 discedunt.

Formido  
 ingens  
 Venetorum.

Hos Im-  
 perator  
 rursus  
 oratione,  
 atque ex-  
 emplo eri-  
 git.



1669 fas de medio conabatur auferre. Hinc, eousque fortissima propugnationis gloriam inclaruisse, ajebat, ut ibi rariora documenta militiæ, ibi virtutis exempla, ac penè portenta fortitudinis enitescere, omnes faterentur. Quotidiè magis Venerorum præconiis accessurum, quòd modico præsidio innumeram Ottomanì exercitus multitudinem sustinerent. Quid tunc de deditiōe cogitandum, ubi depellendi barbari, propugnanda religio? Cur alia pectora, alia ora suorum intueretur? Nonne eos ipsos esse, quos superioribus annis vexans fortuna toties illustraverat; quosque fide, & religione obstrictos meminerat, prius vitam, quàm animum positu-  
 ros? Non esse se adèò præsentis fortunæ ignarum, ut inæquales, ac penè prostratas vires non animadverteret: at utendum virtute, qua cuncta evinci queunt. Si causas bellorum, si barbarorum odia expenderent, vincendum ea in obsidione, aut moriendum esse. Propugnaculum Fidei, ac Reip. usque ad extremum defendendum. Quietem Italiæ, Reip. decus, Catholicæ Sedis bona, incolumi Creta, servari. Econtrà omnia in lubrico, furorique, ac libidini barbarorum exposita. Unam factorum culpam esse, quòd in ea tempora incidissent, quibus probare animum ultimis conatibus necesse esset. At fortes, & strenuos etiam adversus fortunam insistere spei. Indè, quæ casuum improbitate imminerent, virtute eludenda. Unum superesse, quod barbari adhuc pertimescerent, extremos nempe obsessorum nixus, firmatumque animum adversis. Hæc, erecta oratione à summo Duce prolata, milites quidem solabantur. Veruntamen non deerant, quorum mentes ex imbecillitatis conscientia, inter spem, metumque nutantes aliquandò labarent. Ob id Franciscus,  
 ubi

ubi vires deficiebant, usus ingenio, belli munia 1669  
 fortioribus de industria demandabat; adeò im-  
 pavidè prælium expectans, ut nihil, nisi letum  
 ex ejusdem ore, opereve miles perciperet. Per  
 eosdem fermè dies, quibus postrema hæc Cre-  
 tæ peracta, cùm universum orbem acerrimæ  
 propugnationis fama, nominisque sui gloria  
 Imperator implevisset; erga ejusdem merita  
 altius Resp. incitata est. Quippè non Veneti  
 modò, ac navales focii, qui præliis interfue-  
 rant, sed passim externi quoque Principes  
 summis laudibus tanti ducis vigilantiam, for-  
 titudinem, constantiamque in dies magis ex-  
 tollebant. Cùm verò demùm ex diplomate  
 Clementis IX. Pontificis Maximi innotuisset,  
 omnia ingentia de Mauroceni virtute ab eo-  
 dem prædicari; movit ea res animos Patrum,  
 plurimùmque ad decus Veneti nominis perti-  
 nere visum, ut, in quem exterarum gentium  
 præconia collimabant, Resp. ipsa, cui ex tanto  
 bello omne gloriæ genus accesserat, emeritas  
 inter armorum pericula dignitates conferret.  
 His de causis insolito instituti, atque honoris  
 exemplo decretum Francisco Mauroceno Pro-  
 curatorium D. Marci munus extra ordinem, ac  
 supra numerum: commemoratisq; iis omnibus,  
 quæ toto vitæ spatio in bello egerat, laudes  
 Senatus in Imperatorem uberius effusæ sunt.  
 Sed minora hæc interrito duci incitamenta e-  
 rant, quàm quæ defendendæ urbis cupido sub-  
 jicie-

Mauroce-  
 nus D.  
 Marci  
 Procura-  
 tor extra  
 ordinem,  
 & supra  
 numerum  
 declara-  
 tur.



1669 jiciebat. Quamobrem nec jactura virium, nec sociorum protectione, ne suorum pavore quidem à fortibus consiliis dimotus, eò sedulitatis devenerat, ut Turcarum conatus inani sæpè terrore perverteret.

*Tunc aggressi  
se accin-  
gunt.*

Verùm vix Gallorum cohortes naves conscenderant, cùm non procul à portu quædam navigiorum manus in Thracum conspectum se obtulit; extulitque nonnihil subsidii spe animos obsessorum. Tunc Achmetes tempori haud parcens, quatuor militum millia ad Sabulonariæ propugnaculum, sex verò ad S. Andree val- lum admovit, brevè in muros impetum facturus. Qui tunc in urbe motus? Qui vultus, qui animi? Exhorrebat quisque ad tantam coeuntis exercitus molem: fulgor armorum, ac tubarum clangor ultimum fatigatis diem denunciabat: & sicuti in egris corporibus futuri languoris indicia præcurrunt, ita Venetos ad tria tantum millia hominum prælio aptorum redactos se- gnities quædam, lassitudo, membrorumq; tremor pervaserat. Non tulit tamen Imperator, subito metu correptum militem viam latiore hostibus ad aggressionem præbere. Cùm ergo Ducum munia ita partitus esset, ut Jacobus Cornelius Cre- tæ Provisor, illustri ingenio, & gestarum re- rum gloria insignis, interiorum muri loricam, quam, ut suprà memoravimus, in disjecti mu- ri vicem extrui jussit, tueretur; Meliten- sium catervas idoneo loco composuit, ut facilis  
iisdem

*Imperator  
suos ad  
sustinen-  
dum hostium  
impetum  
disponit.*

iisdem aditus ad eam partem, quam periculo 1669  
 propiorem cognovissent. Sabulonariae propu-  
 gnaculum Praefectus Insulae Hieronymus Bat-  
 talea, Daniel Maurocenus, permultique spe-  
 ctatae virtutis Duces custodiebant. Reliqua  
 urbis loca, sicuti motibus hostium obnoxia, ita  
 armis, ac milite, prout tempus, viresque  
 praesidii patiebantur, confirmata. Praefectus co-  
 piarum Mombrunius, quamvis senio jam fessus,  
 indutus galea, atq; ense praecinctus, cuncta invi-  
 sebat, ne, quae Franciscus imperaverat, turba-  
 rentur: immo à cæteris militibus ( tanta in se-  
 nili corpore vigeat vis animi ) in officiis obe-  
 undis haud discernebatur. Interim Imperator  
 stationes, & vigilias circumibat, cunctosque  
 ad strenuè agendum exemplo incitans, impe-  
 tum decurrentium praecavere adnitebatur: *En mi-*  
*lites, subinde proclamans, penè ad receptacula vestra Turca-*  
*rum cohortes, quibus non urbis modò, sed cuiusq; nostrum per-*  
*nicies est in votis. Quae sors post pugnam vos maneat,*  
*transacta discrimina satis ostenderunt. Nemini incomper-*  
*tum esse reor, aequalem virtuti exitum futurum. Non*  
*rude vulgus, praeliisque novum scio me hostibus objicere.*  
*Tot, quibus jam divites estis, victoriis, hodiernam quoque*  
*adjicite. Nunquam, si virtutem vestram senserint barba-*  
*ri, de patria, corporibus, liberisque vestris triumphabunt.*  
 Sed nec Achmetes in tanto conatu tacebat; *Idè præ-*  
 qui, licet multitudini suorum confideret, sti- *stat Ach-*  
 mulos, precesque permiscens, revocarent *metes.*  
*nam fortitudinem, hortabatur: quam si eo die præsti-*  
*tis-*

*Mombru-*  
*nii vir-*  
*tus.*

*Mauroce-*  
*nus mili-*  
*tes ora-*  
*tione in-*  
*citat ad*  
*pugnam.*

*Idè præ-*  
*stat Ach-*  
*metes.*



1669 rissent, adesse exitum, præmiūque laborum. Ibi enim decus bellicæ laudis, tranquillum otium, intemeratam salutem, atque incorruptas opes inventuros, in summa rerum affluentia tot annorum curriculo ad luxuriam à Cretenſibus congestas. Neque conatum aggressionis, uti antea, in arcto situm. Hactenus de salute, nunc de gloria tantummodo decertandum. Undique disiectos muros, convulsa munimenta, propugnantes invalidos. Igitur irruerent in delassatos, sævirent, caderent; esse in tuto victoriam. Ne sinerent novis auxiliis obsessos confirmari. Neve tentatum toties facinus inire denuò audacter abnuerent. Multa fortiter experiendo fieri, quæ difficilia paridis videntur. Quapropter uterentur robore, ac virtute: illud ob acceptas clades, hanc ob instantis cædis formidinem Venetis penitus deesse.

*Turcæ  
muros ag-  
grediuntur.*

*Pugnæ  
ordo, atque  
astrocias.*

Alloquentibus adhuc ducibus, alacritas, atque ardor copiarum ingens exortus. Indè in discrimen non descendere milites tantum, sed imbellis puerorum, ac fœminarum turba: cùmque media ferme dies verteretur, latè erumpentibus barbarorum copiis, commissum conjectu bolidum certamen. Scutis exindè oppositis, ingens enim omnis generis missilium turbo in subjectam planitiem depluebat, menibus Turcæ succedere. Jamque in ignes, ac tela ruunt; licetque plurimi gladiis confossi turmatim decidunt, non tamen imminentis cladis terror insequentes detinet, ne certatim ascendant. Obstant corporibus corpora; telum telo vicissim confringitur. Non rarò occupantur à barbaris tumuli, ferventque  
rui-

ruinæ confusis cohortibus. Intereâ hortantium 1669  
 clamor, questus fauciorum, armorumque sonitus per urbem ferebatur: neque ad tam atrocis pugnae spectaculum Veneti exhorrebant, quod vel ira in hostes, vel postremi praelii ardor mortis contemptores reddiderat. Attamen prima assultantium molimina prospero eventu haud caruere. Quippè Turcæ, cælis fermè ad unum iis, qui arcem, quam S. Pelagię appellant, tuebantur, victorum more lætis vocibus coelum implebant; rati de suarum partium fortuna illum diem demùm decreturum. Ob id intentior utrinq; cura spem variis terroribus miscbat. Hinc prodibant manipuli Turcarum oppositam cohortem deturbantium: illinc Venetus miles disiectos confectatus, ne rursus conglobarentur, quamplurimos progredientium ferro mulctabat. Utrunque pugnautes, veluti missæ e caveis feræ, sanguine, & cædibus grassabantur. At, quamvis omnia compari strage deformia, Cretensium tamen discrimen majus erat, cum multorum casum vix Thraces persentirent; nostris verò plurimum spei, viriumque jactura paucorum eriperet. Nihilominus pugnatum diutiùs, quàm modica defensorum acies posse videretur. Tandem, cum ob multi sanguinis effusionem Venetorum robur deficeret; barbari, actis acriùs agminibus, læva interioris <sup>Turcæ lævâ murî pars occupant.</sup> muri parte potiti sunt.

Nunquam magis de urbis salute desperatum.

Aa Jam



1669 Jam Cretenſium mēibus ſigna Ottomanorum, captam urbem conclamantium, figuntur: decurrunt paſſim Turcæ in obſeſſorum ordines; cēduntur latè Chriſtiani, neque à tranſverſis ſepimentis tantum, verum ab internis quoque receptaculis expelluntur. Periculi magnitudine

*Extrema  
Mauroce-  
ni cūſilia.* tactus Imperator, quamvis non procul ab exitu eſſe Turcarum conatus intelligeret, adhuc tamen in ultimos certaminis nixus incubuit. Hūc deducuntur Melitenſes; coguntur ſegniores; mandata primi omnium Duces exequuntur. Ipſe in labore, in agmine gregario militi immixtus, nullum conſilii, fortitudinis, exempli intentatum opus relinquit. Sed, glifcente vi hoſtium, quibus nova ſubindè ſubſidia erant in promptu, labantibusque propugnantium viribus, animadvertens tantum malum nonniſi ingenti ruina comprimi poſſe, accendi cuniculum juffit, quem ſubter occupatos à barbaris tumulos paulò antè Veneti paraverant. Fortè

*Tandem  
Turcæ  
pelluntur.* auctior illorum multitudo, ſtipatis undique manipulis, locum infederat; cū vis ſulphuris, nitrique ſeſe expandentis validior, tanto fragore, atque impetu erupit, ut eam muri partem magna hominum ſtrage, univerſum verò exercitum tumultu, terroreque repleverit. Eventus conſilium probavit. Quippè magis, quàm pro illata cæde, expaventes barbari, immò ſubito caſu veluti conſternati, animum ſimul, impetumque poſuere.

Haud



Haud dissimili exitu pugnatum ad Sabulona-  
 riæ vallum. Minor ibi vis hostium; at discrimen æquè anceps. Sed, cum præcipuè Aloysius Minius Patritius Venetus, qui ruinam muri tuebatur, diù assultantes sustinuisset; demùm non modò coacti Thraces à mœnibus abscedere, sed quædam Allobrogum manus opportunè erumpens, cedentium multos interfecit. Ita, pulsus utrinque hostibus, restituta est denuò urbs, si non in salutis spem, saltem in fiduciam producendæ libertatis. Hæc, occidente sole, gesta sunt: reliquum, quod supererat, lucis recipiendis intra muros subsidiariis Alexandri Pici Mirandulæ Ducis copiis, quæ in ipso certaminis ardore ad Insulam appulerant, consumptum. At, cum DCCC. tantùm milites essent, iique maris jactatione admodum ægri; altior Imperatorem cura afficiebat, meritò enim reformidandum, ne vacua propemodùm defensoribus urbe barbari repente potirentur. Sollicitudinem augebat Melitensium discessus; quibuscum reliqui fociorum fessi bello, debilitatique vulneribus, itineri jam accingebantur. Dux ipse Mirandulæ infelicissimum Cretensium statum tacito gemitu prosecutus, vix expositis copiis, reditum in Italiam sibi muniebat. Exinde angustiis passim circumventus Franciscus, hinc suorum paucitate, illinc hostium vi torquebatur. Urbs nudata jam mœnibus nulla alia, quàm armorum, corporumque ope defendi poterat.

Aa 2 No-

1569

Scritta  
ad Sabu-  
lonariæ  
vallum  
pugna-  
tur!

à quo sa-  
men bar-  
bari reco-  
dunt.

Mirandulæ  
Ducis  
copiarum  
adventus.

Sed Impe-  
rator res  
suorum se-  
dulo secū  
reputat.



1669 Novam opperiri aggressionem, lasato per diem; noctemque exercitu, arduum; & nulla circum subsidii spe, anceps. Obstruere muri ruinas, id quoque imminentibus utrinque barbaris formidolosum, ne operi intentos subita impressione turbarent. Hinc Duces mestos locos, visuque, ac memoria deformes adeuntes, cum honestæ tantum mortis usum sibi patere cernerent; illud curabant, ne inglorium esset exitium. Reliqui, ipsa desperatione salutis efferati, novum aggressionis impetum, cupidius fortasse, ut obsidionis tædio exolverentur, expectabant.

*Desperatam rem intelligens, avertendas honestas deditione majores armas censes.*

Sed Imperator longius impendentia mala prospiciens, quoniam post subactam Cretam futurus esset belli exitus, ubi perpendit; unum sibi in morte solatium, plura detrimenta Reip. invenit. Optimè enim noverat, barbaros, ut rebus adversis ignavos, ita avidos secundis. Reip. verò nec maritimi, nec terrestris exercitus vires suppetere. Propterea, cum non de unius urbis fortuna ageretur, sed communis inde salus Italiæ penderet; cunctis ingenti consilii maturitate pensitatis, die Augusti mensis XXVII. ubi recipiendi militem occasio adfuit, advocata Ducum maritimarum, terrestriumque copiarum concione, ut cujusque sensus in tanta rerum consternatione aperirentur: Credo, inquit, mirari vos, commilitones, comprehensam his ruinis Veneti nominis umbram inter nos adhuc detineri; attollentibusque in pejus omnia Turcis, patere etiamnum querenditatem.

*Igitur, ad vocatam concione, de statu urbis, ac rebus in posterum agendis differit.*

tempus, quid demum de hisce murorum fragmentis, ac tru- 1669  
 cidati exercitus reliquiis statuendum videatur. Quanto in  
 discrimine hesternæ die uniuscujusque nostrum salus versata  
 sit, recordamini. Divinitus profecto summotum à mœnibus  
 hostem crediderim: qui se, renovato impetu, irruat,  
 quid nobis egestate, labore, vulneribusque confectis in  
 devastata urbe supersit, præter ludibrium servitutis, aut  
 mortem, minime in obscuro est, nec sileri potest. Extrema  
 igitur, fortissimi duces, advenerunt: quodque jamdiu a-  
 mor Reip. & cura nominis vestri palam fieri vetuere, nunc  
 aperiendum, ne vos improvidè in exitium duxisse dicar.  
 De qua hæcenus certavimus urbe, conclamatum est. Ipsa  
 enim deformis passim, squalida, & miserabilis. Nos  
 impares omnino ejusdem defensionis: Turcæ super vestigia  
 gloriæ vestræ, cineres, ossaque Venetorum calcantes, poti-  
 ti jam mœnibus, undique imminet. Quod unum supererat,  
 Socii, arrepto discessu, omnem subsidii spem abstulerunt.  
 Itaq; cum nullæ sint vires, externæq; simul opis deplorata  
 vota jaceant, rem eò redactam cernitis, ut non de propu-  
 gnationis consilio, sed de genere mortis agendum sit. Ne-  
 mo inter vos erit, qui meritam tot annos hisce in armo-  
 rum periculis laudem turpi exitu maculare, quàm fortissi-  
 mo nixu immortalem reddere malit. Eos alloquor, qui, me  
 duce, toties pro Rep. impavidè sanguinem effudistis; quo-  
 rum facta alet æternitas, posterique semper intuebuntur.  
 Nihilominus, ne quem postremo in conatu solatia, atque  
 animus deserant, aut mihi attrectanda sint militum meorum  
 feralia, exeamus in prælium, ego vos præcedam: & quid-  
 quid istuc calamitatis impendet, meo primum sanguine pie-  
 tur. Non mihi quid ulterius ad laudem, aut ad constantiæ  
 fidem



1669 fidem querendum. Me officio militis functum, & vos re-  
stor, & meminisse homines volo; satisque apud eos conse-  
cutum me reor, si communis utilitatis, ac gloriæ provi-  
dum, firmum in periculis, mortis pro bono publico non pa-  
vidum intelligent. Cæterum, quia id mihi muneris incum-  
bit, ut locum principem impleam, & quæcunque Reipubl.  
profutura sunt, ob oculos vestros ponam; minimè præter-  
eundum est, hic non de exitu unius urbis, sed de totius e-  
xercitus, classisque salute rem verti. Nos utique præpedi-  
tum præmaturæ vitæ cursum posteritatis memoria pensabi-  
mus; quæ efficiet, ut mortui vivamus, ut absentes adsimus.  
At Resp. classe, atque exercitu amissis, nescio quam sor-  
tem habitura sit, ubi inflatus Cretæ successu hostis in eam  
devolvetur. Quamobrem, antequàm ruamus in cædem, per-  
pendendum, utrum gloriam, quam nos honesta morte a-  
cquirimus, majus Reip. detrimentum, an sanabile saltem  
vulnus consequatur. Non enim fortibus viris decorum un-  
quam erit, undè suis exitium paraverint, indè honorem sibi  
recepisse. Itaque, ut rem propius attingam, eam infelici-  
simæ urbis conditionem esse neminem latet, ut tam superstiti,  
quàm trucidato exercitu pereat. Hactenus Cretæ causa cum  
nostra conjuncta est; nec video, quid ad conficiendum facinus  
desit, quàm, ut unanimes super hæc mænia vitam fortiter  
exuamus. Veruntamen nos sic discedimus, ut victoriam,  
libertatem, & mansurum per omnem ætatem decus in ipsa  
morte habituri: Respub. ut semper vexanda à barbaris  
remanebit. Nec querite quo exitu. Expugnata enim per  
cædes, & sanguinem Creta, quis mari, terræve exer-  
citus ruentibus in interiorq; Italiæ Thracibus objicietur?  
Tunc nonnè in horum potestate direptiones oppidorum,  
expu-

expugnationes urbium, ipsa pacis, bellicue momenta; 1669  
 Non fugiet profectò Achmetem maximum robur Reip. de-  
 esse; audacius inde in lassatam conversus, debiliores inva-  
 det provincias, nec magis sua virtute, quàm nostris cla-  
 dibus felix erit. Quæ tamen utinam satis. At quantò ter-  
 ribilius calamitatis genus superest, quod in totius belli ul-  
 tionem huic urbi à victoribus destinatur. Videor mihi ir-  
 rumpentes globos cernere barbarorum, omnia divino cultui  
 sacrata impiis manibus inquinantium. Quas tunc ædes re-  
 ligio, quos satis tutos recessus sacri Sanctorum cineres, quæ  
 claustra virgines invenient? O felices, quibus ante illum  
 diem in acie cadere datum. Si enim mors expectanda;  
 quæ solatia in cruciatibus nostris Turcæ non requirent? Si  
 vita; quod vitæ genus, ante eversas patriæ reliquias ab  
 illius hostis imperio, quem barbarum natura fecit, imma-  
 nem felicitas, fortuna superbum? Hæc sunt, commilitones,  
 propter quæ querelas non teneam: videlicet in extremis ob-  
 stare quid majus, quò minus acerrimam propugnationem for-  
 tissima morte finiamus. Horret animus rerum nostrarum  
 ruinas persequi. Temporum, hostium, fatorum crimen est,  
 quòd victi sumus. Sed incusare aut homines, aut fortu-  
 nam ejus est, qui vitæ magis, quàm famæ consulat. Mo-  
 nere diutius non hujus temporis. Ut de vestrum omnium  
 consiliis certior fierem, vos advocavi: quod bono publico u-  
 tilius est, modò expendite. Si, cum de urbis salute actum  
 sit, egregiæ mortis laude carere, quàm exitiabile Reipub.  
 bellum relinquere malimus; de deditone meliora consulite:  
 nunquam enim ingentium malorum remedia suis periculis  
 carent. Si verò arma ulteriùs sunt in votis; intelligite,  
 nihil aliud, quàm morti decus querendum, mihi verò vilio-  
 rem



1669 rem vitam, quàm fortè putatis. Qualiscumque fortuna meos conatus exceperit, nunquam à munere deflectam. Strenuè vobiscum adero usque ad extremum, nisi mors interim obtinget: quæ si tam celeri imminet fato, leve saltem non erit, me à tam funebri abfuisse spectaculo. Vos interim umbram meam super hos muros vobiscum in acie, in laboribus adhuc versari credite. Hinc ne frangite animos. Non enim ultione, non solatiis opus erit: hæc rarum laudis genus, extremi nixus in hostem illam præbunt. Quid ultra: non diutiùs moremur, ego gloriam vestram, vos constantiam meam. Plura de ultimis differere, ignavia pars est: impletum omne consilium, si fortiter morimur. Nullum has Imperatoris voces astantium murmur consecutum; sed in alterna tantùm ora defixi, urbis tanquam captæ exitium tacitis prosequabantur gemitibus. At, cum morbus instaret, supraque medicinam esse neminem lateret; in eam sententiam communi consensu itum, ut, antequàm id necessitas majore cum periculo exprimeret, dederetur Creta, atque unà securitas classis, & obsessorum salus compararentur. Ab his Procerum consiliis minimè dissona vox Cretensum fuit. Qui, quamquam abire sedibus suis, & servatam tot annos ab hostium vi urbem deferere contenti, nihilominus verebantur, ne Thraces prospero rerum successu insolentiores redditi, sola deditione desolatæ urbis non exuerent crudelitatem, immò verò promiscua subactorum cæde satiari, victoriarque sua uti in posterum mallent.

Una voce  
omnes de-  
dende ur-  
bis consi-  
lium am-  
plectuntur.

N ihi-

Nihilominus Imperator, ut vel extremos dif-  
 ferret luctus, vel, si quæ fortè recipi possent, <sup>1669</sup>  
 subsidiiis tempus daret, nondum apertè consilium <sup>Sed Min-  
 rocerus  
 adhuc de  
 ditionem  
 differt.</sup>  
 deditiois amplexus, virtute magis, quàm vi  
 bellum sustinebat. Succurrebat, reliquis epiba-  
 tarum in urbem redactis, novum introrsus mu-  
 rum extruere, quo pars urbis ruinæ propior  
 excluderetur. Illud perfici hac arte, ut angu-  
 stiori loco propugnantium numerus sufficeret;  
 atq; interea bellum tamdiu protraheretur, dum  
 vel Italicæ naves, vel assueti imbres aliquod la-  
 borantibus levamentum afferrent. At, dum urbs  
 recentibus muris claudabatur, prohibebantur  
 suppetiæ. Quippè, nudata viris classe, nec in Cre-  
 tam conveyi tutò subsidia poterant, nec Dia,  
 quò conveniebant, in potestate retineri. Præ-  
 terea nemini incompertum erat, non daturos  
 Turcas spatium temporis, quo opus ad exitum  
 perducì posset; nec dubitaturum Achmetem,  
 quin recenti aggressione calentem exercitum de-  
 nuò muris admoveret. Idcirco ab hujusmodi <sup>Denuò  
 socios in  
 opem vo-  
 cat.</sup>  
 spe dejectus, cum, adversantibus ventis, nondum  
 ab Dia Rospiliosius, Gallique solvissent, mis-  
 sit ad eos auxilia petitum. Simul ostendit, post  
 acerrimum impressionis conatum, quem vix repulerat, mul-  
 tos probatæ virtutis Duces, ingentemque militum numerum  
 cecidisse. Inde, omnibus ad postremam necessitatem redactis,  
 ubi instaurassent prælium Turcæ, prohiberi ab urbis ingres-  
 su nequaquam posse. Adderent igitur vires fessis; serva-  
 rent Cretæ reliquias, & ne, quam, vigente Venetorum ro-  
 bore



1669 bore, strenuè adeò opem contulerant, novissimum<sup>9</sup> momen-  
 tum expectanti præsidio impertiri denegarent. Sed hæc  
 quoq; incassum cessere. Non enim obsessorum  
 preces, non vis religionis, non postremum pe-  
 rituræ urbis discrimen, ab incepto socios revo-  
 caverunt. Itaque Cretæ casum è convivio pro-  
 spectantes, cum per idem tempus lenis ventus  
 mari incubuisset, extremum, quod Venetis ex  
 pietate sociorum supererat, spei, velis in altum  
 datis, ultimò præciderunt.

Ereptis è Diæ conspectu Gallis, altiùs pavo-  
 re defixæ sunt mentes obsessorum. Nihilominùs  
 Mauroceno idem animi vigor; qui, quæsita in-  
 terdum fiducia, manifestam necessitatem tege-  
 bat. Intereà voce, exemploq; erigens suos, plu-  
 res dies crebris certaminum motibus deditionis  
 faciendæ sententiam distulit. Nec temperabant  
 magnis conatibus Thraces, interiora urbis quo-  
 tidie validiùs tormentis, ac bolidibus, muros  
 verò, qua aut subruti, aut assidua oppugnatione  
 decussi ruebant, apertis aggressionibus vexantes.  
 Hinc calamitas nostrorum eò devenerat, ut ne-  
 que ad ostentationem implerentur stationes;  
 quamvis non sexus, non ætas ab officiis cæte-  
 rorum militum quemquam eximeret. Itaque,  
 cum deessent jam trahendi artes, brevique im-  
 mensis ruinis obruta urbs extremum & obsesso-  
 rum, & classis exitium esset allatura: caducea-  
 tores naviter instructi, ut ea, quæ ex dignita-  
 te, utilitateque Reip. essent, pertractarent, ad  
 Ac-

At fr-  
 strâ.

Discessus  
 sociorum.

Mauroce-  
 nus per  
 aliquos  
 dies obsi-  
 dium su-  
 stinet.

Tandem  
 caducea-  
 tores ad  
 Achmetē  
 missi.



Achmetem missi. Simul placuit, ut, quæ Aloy. 1669  
 sius Molinus Eques in gratiam firmandæ pacis  
 aliàs proposuerat, denuò in medium proferren-  
 tur. Non enim ignorabat Imperator, Thraces  
 lætitia occupandæ urbis, ac cupidine quiescen-  
 di quodammodò obcecatos, viribus utrinq; non  
 æstimatis, facilè armis modum imposituros.  
 Sed Achmetem non modicè extulit ipsa pacis  
 petitio. Exindè ostentare vires exercitus, variè  
 disserere de urbis detrimentis, discessu Gallo-  
 rum, & defensorum paucitate: demùm jactans,  
 id in summa fortuna æquius, quod validius,  
 non Cretam modò, & propè sitas Insulas, sed  
 alias quoque urbes in redimendæ obsessorum  
 incolumitatis pretium superbè, insolenterq; de-  
 poscere. Dùm alternis disceptationibus tempus  
 terebatur, Maurocenus, nusquam vigiliis solu-  
 tis, positivè armis, non solum cavit, ne spes  
 obtinendæ pacis immaturo gaudio aditum ho-  
 stibus ad nocendum præberet; sed, post aliquot  
 leves eruptiones, duobus modicæ magnitudinis  
 cuniculis propiùs succedentem barbarorum ma-  
 num disjecit. Atque hic postremus tantæ de-  
 fensionis spiritus fuit.

*Victorie  
 sue cer-  
 tus Ach-  
 metes cõ-  
 filii ve-  
 natorum  
 non asse-  
 rit.*

*Sed ob  
 novum  
 obsessore  
 molimen  
 pertinaciam po-  
 nit.*

Magis, quàm pro exigua re, expavens Ach-  
 metes, cum superesse adhuc obsessis vires, atque  
 idèò periculosam cunctationem fore suspicare-  
 tur; contentus, si sibi urbs, quod procul dubio im-  
 modicè concupiebat, dederetur, quamvis multi  
 ex proceribus rem vi, armisq; conficiendam cen-  
 ferent,

*Creta de-  
 ditio, &  
 pax.*



1669 ferent, Nonis Septembris pacem fancivit. Itaque statutum est, ut Creta Turcis traderetur. Com-  
 meatus, armaque, exceptis iis, quæ nondum  
 cepto bello fervari in urbe consueverant, tutò  
 in naves traducerentur. Littorales arces in In-  
 sula Hieræ, Spinalongæ, & Garabufarum Ve-  
 neti obtinerent. Clissæ simul, & oppidorum  
 cum adjacentibus agris, quæ superioribus annis  
 Veneti Duces in Illyrico expugnaverant, firma  
 possessio Reip. esset. Cæterum mutuò redderen-  
 tur captivi; liber esset, uti antea, commercio-  
 rum usus; ac reliqua pacis jura, quæ ante Cre-  
 ticum bellum vigeant, rursus innovarentur.  
 Ad hæc peragenda duodecim dies Cretensis  
 dati: intra quos, vento non adversante, urbe  
 demigrarent. Excepta pax communi gaudio à  
 delassatis. Hinc repentè jucundiori tubarum,  
 ac tympanorum sonitu tota castra exultaverunt.  
 Addidere milites lætas epulas, & festos cantus;  
 annuisse demum Superos votis omnium procla-  
 mantes, ut illo die modus labori, cædibusque  
 imponeretur. Interim ad tutiùs conficienda, quæ  
 pepigerat, tres obsides accepit Imperator pri-  
 mores gentis Turcarum, totidemque ex ordine  
 Patritiorum Achmeti tradidit. Dum verò Mom-  
 brunii, ac Grimaldi diligentia cuncta maturan-  
 tur, præsidium cum armis, ac impedimentis  
 militari more sub signis ad littus transmittitur.  
 Omnibus ad discessum paratis, dedita barba-  
 ris urbs est; mirantibus ipsis, Venetos nullis ca-  
 sibus

*Venetis ur-  
 be dece-  
 dunt.*

fibus superabiles, convulsis propugnaculis, ad 1669  
 minimum redactis copiis, amissa quietis, sub-  
 fidiorumque fiducia, in eam usque diem, ad-  
 versus tantam exercitus vim, eadem virtute  
 Cretam tutatos fuisse. Ubi autem per fracta <sup>Sensus</sup>  
 murorum, trucidata corpora, perque fluentes <sup>Achmetis.</sup>  
 vias sanguine Achmetes in modum ovantis ur-  
 bem ingressus est; extollere defensores incepit,  
 vix credens ea esse menium fragmenta, & sub-  
 versæ telluris tumulos, pro quibus exigua adeò  
 multitudo stetisset, nihil tot cohortium impetu  
 proficiente. Hinc altiora præconia adjecit, va-  
 riè edisserens de fortitudine, consilio, constan-  
 tiaque Mauroceni; callidissimum sæpè Ducem  
 vocans, utpotè qui jam subactam à se urbem,  
 pro exercitus, classisque salute, utilibus adeò  
 Reip. legibus, adhuc visus esset concessisse. Nec  
 defuere inter primores Turcarum, qui diductas  
 latè murorum ruinas conspicati, quererentur  
 effugisse sibi ditissimam prædam, Christianos-  
 que, cunctis propugnationi necessariis absum-  
 ptis, salvis opibus, atq; incolumi fama, victo-  
 ribus simillimos evasisse. Hinc, crebrescente in-  
 dignatione, apertè incusabatur Achmetes, quòd  
 non scisset uti victoria, atq; in permissis conditio-  
 nibus dignitatem Imperii non prætulisset. Num <sup>Questus</sup>  
 enim æquum videri, ut post trium annorum obsidionem, <sup>Turcarum.</sup>  
 post immensos sumptus, ac tot millia Ottomanorum truci-  
 data, tantum de nomine unius urbis victor exercitus ha-  
 beretur. Nullum in ea victoriæ pretium: quid enim in  
 pote-



1669 potestatem redactum, præter decussorum murorum reliquias? Ubi ergo decus victricium copiarum, ubi præmium laboris? Sed præterea, cur Achmetem, victoriam suam nec victoris animo, nec magni Ducis more metientem, sedere spectatorem incuriosum discessus Venetorum. Nulla jam Christianorum castra, fessum labore, ac vulneribus exercitum, nudatam remige, virisque classem. Itaque penetrandum ad interiora Superi maris, querendamque nullo discrimine tam diuturni belli mercedem. Sed satis in Creta subactum. Quietem & sibimet sumeret socors Achmetes, & lassatis daret militibus. Interea hostis abiret incolumis; Turcæ verò, tunc maxime segnes, cum ea inclinatione utendum esset, inani opinione victoria fruerentur. At satis fuit defensionis Achmetis, Regem de occupata urbe admonuisse. Huic enim exitum patrati facinoris anxie opperienti, ubi allatum est transiisse demum Cretam in ditionem Turcarum; non gaudio, non plaussibus temperatum. Hinc, verso ad Therasiam itinere, Eubeam enim, trajecturus in Cretam, adproperabat, animum sollicitudine turbatum lætitia composuit. Nec quæsitum ab eo, qua arte cepisset urbem, quibusve legibus finivisset bellum Achmetes: sed percontatus severè militem, quid novi perferret, non passus eum ulterius disserere, quàm Cretam concidisse. Cæterum hoc anno, præter cuniculariorum, atque epibataram ingentem multitudinem, cæsa militum Turcarum millia ferè XXXVIII. Venetorum, XII. M. & DCCC. adeò, ut intra octo, & viginti, men-

*Sed Rex  
læticia ca-  
pitæ urbis  
perfus  
nihil tri-  
ste Ach-  
meti mi-  
nitatur.*

*Turcarum,  
Christianorumque  
cades.*



menſes triginta fermè Venetorum, centum, & 1669  
viginti millia Turcarum abſumpta dicantur.

Venetis in claſſem receptis, cùm ſe benignior *Iter Vene-*  
ventus intenderet, accingi claſſarios ſuos, omni- *torum in-*  
buſq; ad navigationem diſpoſitis, anchoras tolli *felix.*  
juſſit Imperator. Jamq; perluftratis proximis Cre-  
tæ inſulis, iisq; commeatu, armis, ac milite  
communitis, in altum Venetorum naves felix  
aura deduxerat; cùm denuò in feſſos ſæviens  
fortuna, circumſtantis mortis imagine diù no-  
ſtrorum claſſem detinuit. Quædam enim navi-  
giorum manus (huic major Cretenſium opum  
pars commiſſa) inopinanter obverſantibus ven-  
tis ita deſeſta eſt, ut primo illabente undarum  
vortice penè demergeretur. Ut raptam in con-  
trarios curſus claſſem ſiſterent nautæ, diù elu-  
ctati. At, cùm major ſubindè procella fieret,  
omniaque adverſi turbines miſcerent; erepta re-  
ctoribus ars, multùmque, ut venti vis impelle-  
bat, evagata navigia. Interim, cùm duarum præ- *Aliquot*  
cipuè navium & magnitudine, & forma ſubli- *naves*  
miorum tabulata ſolverentur, antequàm quies *naufragio*  
mari redderetur, eedem hauſtæ ſunt. Sed Mau- *percuti.*  
rocenus, cùm aliquandiù Zacynthi immoratus *civitatis*  
eſſet, ubi demùm Venetias provectus eſt, variis *ſtudia in*  
hominum ſtudiis excipitur. Quippè, ſicuti pru- *Mauroce-*  
dentes non tam præſentibus æumnis, quàm *mina.*  
fato irascebantur, omnia uſque in illum diem  
Venetorum armis luctuofa minitanti; ita ali-  
quot, ob amiſſam inſulam, mœrore quodam  
de-



1669 depressi apparebant. Verùm, ut exitus belli clariùs innotuit, utilissimæ conditiones pacis, permessa à Turcis in Illyrico, Insulæq; circa Cretam retentæ ita demulserunt animos, ut omnibus videretur, idque Senatus Consulto approbatum est, nihil ad utilitatem, gloriamq; Reip. amplius inveniri potuisse, quàm ut iis legibus urbs jam amissa dederetur. Auxit comparatæ pacis lætitiâ ablata jam periculi moles, quæ, Creta armis devicta, toti Italiæ imminerebat. Enimverò cùm paulò antè in ore omnium versaretur, Venetum exercitum labore, cædibusque confectum ocyùs absumptum penitus iri, hostes verò spe, copiisque prævalidos Crete muros jam cepisse, atque hinc rem comploratam, desperatamque omninò esse; multi haud secus pavidi videbantur, quàm si victores barbaros cernerent. Igitur magna ex formidine major rursus exultatio: mirantibus cunctis, quommodò tantum belli incendium, subito languore hostium, intra unius captæ urbis muros substitisset. His de causis non modò singulorum votis res à Mauroceno gestas Resp. comprobavit; verùm etiam pacem, quam Senatus, misso Aloysio Molino Equite ad procurandam Rempubl. juramento Mahometis Regis confirmari curaverat, Dominicus Contarenus Venetiarum Princeps divinitus redditam Reip. suspensio Patavii in Æde D. Antonii voto, professus est. Plausere & exteræ nationes Mauroceni consiliis, partamque

*Res gestæ  
à Mauro-  
ceno ap-  
probantur.*

*Dominicus  
Conta-  
renus  
Dux pa-  
cem divi-  
nitus red-  
ditam  
Reip. sus-  
pensione  
voto  
sestatur.*

que inter tot armorum discrimina pacem gratulatae sunt. Præcipuè verò coercitam barbarorum ferociam admirati Christiani Reges; cùm, vix delibata gloriæ dulcedine, interrupto cursu rerum, positisque armis, indecoris legibus irriti obtorpuissent. 1569

Dedita his legibus Creta, finitoque bello, eò versa sunt studia Senatus, ut, auctis locorum præfidiis, tutior pax redderetur. Igitur, instaurata classe, ut quæque urbs munimentis indigebat, milite, armisque confirmata. Insulæ in Ægæo mari sitæ strenuis Ducibus traditæ, ut sedulò custodirentur. Quæ verò Adriatici faucibus imminet, ita permunitæ, ut, sicuti in posterum inviæ hosti, ita opportunæ Venetis cùm ad ministranda subsidia, tùm ad tuendam classem essent. Interim de Illyrici limitibus agebatur, quos belli conatus invicem perturbaverat. Cùmque inter finitimos Christianorum, Turcarumque contentio in dies augebatur; missus est in Provinciam sequenti anno summa cum potestate Baptista Nanius Eques, ac D. Marci Procurator, præclarissimus rerum Venetarum Scriptor, qui Jaderæ, Sici, Clisæ, & reliquarum urbium fines, licèt non sine disceptatione, brevè composuit. 1670

*Veneri  
Patres  
fines  
Impe-  
rii novis  
præfidiis  
firmant.*

*Baptista  
Nanius  
Eques, ac  
D. Marci  
Procura-  
tor mitti-  
tur in Il-  
lyricum.*

Jamque, quiescente ab externis bellis Repub. commoda pacis diuturnis armorum detrimentis medebantur; cùm novo repente discrimini objectatus est Maurocenus. Siquidem, quamvis omnia,

Cc



1670 omnia, quæ in Græcia egerat, ut dictum superius, Patres collaudavissent; dissona nihilominus vox quorundam erat, qui demum priorum temporum vulnera retractantes, non uno crimine Franciscum postularunt. Igitur Antonius Corrarius, dum omnes Patritiorum ordines ad destinandos Magistratus in supremas Aedes simul convenerant, illius accusationem, nihil tale opinantibus animis, exorsus, deditam Turcis Cretam, disseruit, & tamen neminem Venetorum, fatali quodam silentio, tantæ urbis excidio ingemiscere. Inter communes exterorum Principum luctus, Pontificis Maximi morte auctos (per idem tempus Clemens IX. Sum. Pont. notæ innocentie morum, virtutisq; è vivis discesserat) solam Remp. congestis in Maurocenorum honoribus, jacturam insule æquo animo tolerasse. Si eadem æquitas & decorari strenuos præmio, & affici pænis nocentes juberet: cur auctori tantæ calamitatis, suppliciorum loco, dignitates decernerentur? Sed satis erratum. Eam tandem diem esse, qua desineret Maurocenus gloriari in malis Reipubl. Patere scelus, tanto Venetæ rei detrimento, adversus edictum, imperiumque Senatus, patratum; igitur ex instituto majorum maturandam ultionem. Nec de scelere dubitandum. Siquidem neminem posse, inconsulto Senatu, dedere hostibus urbes, ac de re aliena ex libidine ingenii quidquam decernere. Ipsam civium incuriam jure damnari; meritoque exigi deperdita ab iis, qui sibi tradita non aptè servarint. Id non in Rep. tantum, ubi summa rerum ad multos refertur, sed inter domesticos ipsos civium parietes in legem

Antonii  
Corrarii  
oratio in  
Mauroce-  
norum.

gem transjisse. Ita credi opes, libertatem, & filias; 1670  
 harumque jacturam custodibus imputari, quorum inertia  
 in alienam potestatem commissa devenerint. Creditam ur-  
 bem Mauroceno, ut strenuè eandem tueretur, non ut ho-  
 sti permitteret; itaque deditionis reddendam rationem, at-  
 que illatum dedecus debitis suppliciis expiandum. Nec  
 quidquam novi, quod ad suppliciorum severitatem affer-  
 ri. Inesse memoriæ, & literis tot bellorum tristes even-  
 tus civium pœna vindicatos. Eubæam, Pylum, Tene-  
 don, qui deservere, punitos. Nunc verò ipsum Gallie  
 Regem, ob destitutam à suis urbem, Novalex Duci a-  
 ditum petenti, ut culpa se exolveret, non concessisse.  
 Quid ergo de Mauroceno agendum, qui postremò Insu-  
 lam perdiderat? Nec obstare, fuisse necessariam conces-  
 sionem. Nam alias urbem obsidione cinctam, alias per-  
 tinaci aggressione tentatam & tamen incolumem. Id  
 Mocenici opere exploratum: à quo æquè & blandimenta  
 hostium, & impetus rejecti. Num igitur tam strenuè  
 servatam, ut deindè tanto dedecore amitteretur? At  
 nonnè paulò antè aggressio Turcarum acrior elusa? Non-  
 nè continuò Mirandula Ducis subsidia recepta? Ergo  
 fortitudinis experimentum, & additamentum virium rui-  
 nam urbis accelerasse? Ea ne esse, quæ Maurocenus,  
 scriptis ad Senatum literis, jactitaverat, se priùs vitam,  
 quàm animum positurum? Ubi jacere speciosa illa vir-  
 tutis consilia; & quonam subito turbine à mente Impe-  
 ratoris constantiam expulsam? Sed quid de pace dicen-  
 dum? Quam verò pacem, à quibus, & qua auctori-  
 tate pertractatam, quàm verò propere placuisse? Id cer-  
 te tantum Principi licere: cur ergo civis audeat, quod ar-  
 bitrio



1670 *bitrio* Senatus reservatum? Nunquam, si cum veteris Reip., tum exterarum gentium monumenta petantur, talia à quoquam antea peracta. De Venetis rem claram esse, & quotidie ob oculos exempla versari. Romanos vero, hos enim præcipue transactis temporibus æquitate, & consilio floruisse, omnia, præter pacis stabiliendæ potestatem, suis permisisse: quoties exceßerint, pro nihilo habitum fœdus, auctoresque pœnis affectos. Immo ne prosperè quidem gestas in bello res à ducibus copiarum, nisi præcessissent imperia consulum, laudatas. Eminere inter multos T. Manlii Torquati exemplum; qui equestria spolia capta ex hoste cæso portantem filium extemplo aversatus, quod adversus consulare edictum extra ordinem pugnavisset, triste quidem, sed salubre in posterum exemplum reliquerit. Siquidem, cum illi aut Reipublicæ, aut sui, suorumque obliviscendum esset; ne impunitate peractæ pugnae potestati consulum quidquam derogaret, mira animi constantia, atque integritate, cædi cervicem juvenis imperasse, quasi plus esset in imperio, quàm in ingenita parentibus caritate liberorum, & victoria. At quanto magis, quæ nullo Senatus consensu Maurocenus cum hoste pepigerat, damnanda; cum ex iis postremum malum, nobilissimæ Insulæ jactura, emanasset? Hec igitur non agitanda? Ubi Patres sedulo cuncta expendissent, facile inventuros, Maurocenum idè prius animo validum, & inter discrimina obsidionis interritum, ut subdole dignitates extorqueret. Comparatis dein sibi, quos immodicè concupiverat, honoribus, opibusque; idè deditio-nem, ac pacem maturasse, ut iis, quæ bello acquisierat, sine periculo domi frueretur. Summis præmiis id semper



per effici, ut, cum beneficiorum vis multò merita an- 1670  
 te venerit, odium pro gratia reddatur. Nec succurrere  
 defensionì Imperatoris, quòd Senatus, quæ statuerat, com-  
 probasset. Nihil enim veritati unquam officere, cui sem-  
 per regressus patet ad nova judicia; ut, qui incorruptè  
 judicant, præmia, suppliciaque, inter strenuos, & iner-  
 tes aequè partiantur. Hinc, detectis fraudibus, posse in  
 utramque partem malè constituta justius abrogari. Im-  
 mò nec Procuratoriam D. Marci dignitatem adeò illi ad-  
 hæsisse, ut, comperto, non adfuisse causam tribuendi ho-  
 noris, rursus auferri eidem non posset. Nonnè enim in  
 eam sententiam deductos Patres, quòd adversus Ottoma-  
 norum minas immotum Imperatorem, paratumque ad ex-  
 trema quæque pericula, arbitrarentur. Igitur immeritò  
 Procuratorium decus affecutum Maurocenum, quia, agen-  
 tibus de dignitate decernenda Patribus, jam Turcarum  
 exercitus victor, non vi, armisque, sed præpropere Im-  
 peratoris concessione, & quod fædius, propemodum ante  
 ipsos auxiliarium copiarum oculos, quæ jam Zacynthum  
 appulerant, miserrimam urbem intraverat. At nùm na-  
 vatae operæ merces dicenda? Multos alios egregios Du-  
 ces, transacta in castris ætate, ingentia præmia meritos;  
 nunquam tamen cum iis adeò munificè, adeò feliciter ac-  
 ctum. Puderet, Veneta illa pericula, atque miracula,  
 Enricum Dandulum, Andream Contarenum, Andream  
 Gritium recensere; qui, licet longa prosperarum rerum  
 serie insignes, nunquam eò dignitatis proveci fuissent.  
 Unum Maurocenum, amissa Creta, summum fastigium  
 adeptum. Aliis ne egregia quidem facinora, huic etiam  
 luctuosa quæque laudem, atque honores, hosque supra nu-  
 merum,



1670 merum, & nusquam antea temporibus in quemquam collatos, peperisse. Sed præterea rationem conferendi honoris consuetudini, & legibus adversari. Non ordinem suffragiorum, non instituti vim in ea servatam: omnia per dolum structa, ut Patres ludificarentur. Igitur maturè omnia examini subijcienda; obliterandamque belli ignominiam civis illius pœna, qui, quantum in ipso fuerat, disciplinam militarem, qua steterat ad eam diem Venetae res, solvisset. In eam necessitatem adductos Patres se intelligerent, ut, aut supplicio Mauroceni sancienda forem Reip. imperia, aut impunitate in perpetuum abroganda.

*Per motis  
Patrum  
animis,  
Mauroce-  
nus verū  
gestarum  
postulat.*

*Dein cu-  
stodie sub-  
mittitur.*

*At Joannes  
Sagredus,  
ac Michael  
Fulcarenus  
Corrario-  
ratione re-  
spondent.*

Hinc non leve dignitatis Mauroceni discrimen fuit: rei enim momentum prima fronte multorum animos perturbaverat. Quamobrem, Francisco Eritio Quæsitore in id munus statim declarato, non modò indictum iudicium, quò ad universam bellicam administrationem, sed & actum de Procuratorio D. Marci munere, cum ordo simul, & ratio collati in Maurocenum honoris arguerentur. Placitum indè, ut Franciscus, cum aliquot aliis Patritiis viris jam postulatus, lubens se custodiæ submitteret, ita tamen, ut curia eidem carceris loco inserviret. Sed, qui strenuè propugnatæ urbis, navalis victoriæ, utilissimarum postremò conditionum pacis gloriam æquiùs æstimabant, haud passi sunt illata crimina invalescere. Itaque Joannes Sagredus Eques, ac D. Marci Procurator, moxq; Michael Fulcarenus, integerrimus Historiæ Venetæ Scriptor, defensionem Imperatoris aggressi,

*rem*

rem aliàs pertractatam, denuò in contentionis aleam re- 1670  
 vocari, ostenderunt. Jam clarè perspectum, nec defen-  
 di Cretam ulteriùs potuisse, nec utiliori ratione bellum seda-  
 ri. Falsò criminis materiam in eo constitui, quod Creta  
 esset ditionis Turcarum. Num enim exitus bellorum in po-  
 testate hominum, aut barbarorum more ex fortuna Duces  
 aestimandos? Ideò deditam urbem, quia defensionì impa-  
 res obsessi: ni priùs constaret, ante extremam necessitatem  
 Maurocenum deditionem amplexum, omnia incassum jacta-  
 ri. Creditam illi urbem; at tres fermè annos fortiter propu-  
 gnatam, devictos nocturno navali pralio hostes, centum, &  
 viginti millia Turcarum trucidata. Demum, instante &  
 Cretæ, & classis exitio, annuente viginti celeberrimorum  
 Ducum cœtu, quorum nominis plurimum intererat, urbem  
 illam servari, Thracibus permissam. Non idcirco jactu-  
 ram imputandam Mauroceno, cujus munus erat, ut re-  
 sisteret quoad posset, non quoad vellet. Neminem jure  
 damnari, quòd creditas sibi opes, filias, libertatemve a-  
 miserit, cum vel valida armatorum manus, vel alia  
 quæq; repentina vis thesaurum, pudicitiamque hostiliter po-  
 puletur. Hæc supra animum esse, & quibus nullum vi-  
 giliantæ genus obsistat. Caterùm manere exempla tot ci-  
 vium damnatorum ob malam rei bellicæ administratio-  
 nem: sed ea nequaquam officere Mauroceno, qui deman-  
 dato sibi officio naviter satisfecerat. Immo verti in eo  
 gloriam ipsius, quòd urbem ruinis, luctu, funeribus de-  
 formem, ac ultimò sociorum discessu desolatam adhuc  
 defendisset. Nulli incompertum, aliàs obsidionem à Cre-  
 tensibus toleratam; sed, si vires cum Venetorum, tum  
 Thracum, si tempus, si certaminum genera conferantur,  
 quàm



1670 quàm à postremo belli ordine dissimilem. Tunc aliquot menses, nunc tres propemodùm annos productam oppugnationem. Tunc modicas Turcarum copias, nunc universum robur Orientis in obsessorum excidium advectum. Ipsum præterea Regii sigilli custodem Achmetem tot artibus, tanto armorum apparatu validum convenisse. Nunquam prius eoque proVectos Turcas, ut Ottomana signa Cretenesium muris defigerent. Postremis hisce annis, captis muris, ac propugnaculis, usque ad interiora receptacula penetrasse. Si verò defensorum conatus, si subsidia spectentur, nihil ex his famam ledere Imperatoris. Certo certius esse ultimam aggressionem barbarorum à Venetis repulsam; sed non latere, rem eò redactam fuisse, ut amplius repelli Turcæ non possent. Quid igitur tunc expectandum, nisi ut Creteneses ab ingruente hostium multitudine circumventi, ac veluti obruti, pecudem more ad unum trucidarentur? De subsidiis verò nihil interesse, si aut pararentur, aut non procul abessent; cum horum inopia urbs ad extremum laboraret. Attamen neminem inficias ire, post Gallorum discessum usque ad sexdecim dies urbem propugnatam; atque inde excipiendis auxiliis, quæ ventorum culpa non advenire, tempus permissum. Interea agitasse multa Imperatorem, ut vel novo opere muniret urbem, vel honesto exitu moriendi necessitatem præveniret. Verum, quorum ope extruenda munimenta, cum miles neque ad ostentationem stationes impleret, quàmque temerarium ruere velle ad mortem, cum non haberet, quod morte sua servaret? Igitur, ubi hæc exitiosa Reipublicæ ab omnibus reputata, non modò quid de dedenda urbe quisque

que sentiret, quæsiſſe, verum etiam, an id ex Sena- 1670  
tus literis ſibi liceret, apertius poſtulaſſe: ſinguliſq; li-  
cere affirmantibus, deditam urbem. Caterum, cur ab Lu-  
dovico Galliarum Rege non laudatum Novaleæ Ducis  
conſilium, niſi quòd, cum major discriminis moles, Cre-  
tam deſerviffet? Non latere cauſam mali: ortam ex  
paucitate deſenſorum, & munimenti inopia, neceſſitatem  
deditiois. Igitur, ubi certa urbis jactura, immeritò que-  
ri quemquam de pace. Nec obefſe, eam poteſtatem  
Mauroceno datam non fuiſſe. Siquidem proſpectantem  
Senatum caſum urbis, multò ante Imperatorem monuiſ-  
ſe, ut in extremis proſpiceret claſſi, in qua Imperium,  
libertasque verſabantur. Sed quid ad ſervandam claſ-  
ſem aptius, quàm pacis conſilium; cum, manente bel-  
lo, ob exhaustas vires claſſis ſervari minimè poſſet?  
Neque momentum urbis cum claſſis discrimine conjungen-  
dum. Actum enim de Creta jam erat. Res in eo ver-  
tebatur, ut aliquod feſſis levamentum daretur, ne in  
poſterum pejora contingerent. Ad hoc autem difficillimo  
tempore, victore hoſtium exercitu, nudata viris claſſe,  
comparandum, nihil pace utilius, nihil honeſtius, nihil  
præter omnium ſpem Turcis magis adverſum. Nunquam  
bellantibus opportunum tunc arma deponere, cum hoſtes  
labarint. Utendum inclinatione rerum; minimumque vi-  
ctoriæ primæ contentionis judicium eſſe, ni victor inſtet  
ſuperatis, & victoriæ præmia ſectetur. Nec jactari  
cum periculo Imperatoris nulli unquam civi, maxime  
teſtimonio Romanorum, id licuiſſe. Nam è claris ſcri-  
ptoribus cognitum, commendatam antiquitatem, quories  
fortuna contra daret, ſaluti conſuluiſſe. Manliana ve-

Dd

rò



1670 rō imperia non modò tunc horrenda, sed exempli etiam trīstis in posterum fuisse. Coortas post eadem strenui juvenis libero adeò conquestu exercitus voces, ut neque lamentis, neque execrationibus parceretur. Quamvis Torquati facinus nec ab omnibus pro vero concedi, nec ab iis quidem, qui concessere, laudatum. Sed, T. Manlius imperio parentis ceciderit, multum hæc duo exempla inter se differre. Quippè ferocem juvenis animum detrectandi tantum certaminis pudore ad arma permotum. Maurocenum verò ad ea, quæ pepigerat, agenda, ultimo & urbis, & militum, & classis discrimine compulsus. Quod reliquum, pacis obtinendæ opportunitatem in tam arcto sitam, ut, nisi hujus mentionem cum deditioe urbis callidè conjunxisset Maurocenus, vix unquam quid simile Turcæ concessuri fuerint. Igitur optimè eundem propera occasione usum fuisse, ut Achmetis animum in pacis consilium traheret. Quod si conditiones, antequàm per internuncios firmarentur, deferri prius ad Patres non potuerint, id non Imperatoris, at regionum culpa contigisse. Ubi enim terrarum spatio exercitus longè detinentur, subitis casibus subita præsidia præsto esse debere: alioquin, si consulatur Senatus, intereà corruiere urbes, regnaque, & libertatem. Sed quantò magis augeri præconia Mauroceni, si conditiones pacis æstimarentur. Auro, urbibusque aliàs emptam pacem. Quatuor maxima bella, hoc more finita. Leucadem Bajazeto, Scodram, Tanarium, Lemnonque Mahometi Secundo, Selimo Cæstriam, aliaque Illyrici oppida, demum Solimano Epidaurum, & Naupliam à Republica permīssa. Nunc alium rerum aspectum. Nam, præter Cretam,

quæ

quæ jam Turricam in ditionem transferat, tres Insulæ 1670  
 arces, Clissam, & occupata prius in Illyrico retenta.  
 Ex capta verò urbe transvectas opes, arma, &  
 commeatus. Hæc ergo esse, propter quæ Procuratorius  
 honor illi auferretur, qui post tot præliorum labores,  
 ac trium annorum defensionem, demum in summa re-  
 rum consternatione pacem, tanto Reipublicæ emolumen-  
 to, comparaverat? Pensari his artibus virtutem Im-  
 peratoris, qui, cum, arctis, afflictisque rebus, de Cre-  
 ta sua jam dubitaret, ausus esset in diversa respicere:  
 cumque barbari muros urbis jam insedissent, eodem tem-  
 pore pelago commissus, utrinque victor, absens simul,  
 præsensque pugnaverat? At satis aptè decretam digni-  
 tatem, si cuncta in eo præcessissent, quæ dignitatem  
 merebantur. Patere innocentiam, virtutem, constan-  
 tiamque Mauroceni. Dignum totius orbis laudibus ipsius  
 animum visum: futurumque posteris inter præclarissima  
 exempla, quod ea die exemplis tueri necesse fuisset.

His multiplici utrinque concione exagitatis, Rebus co-  
gnitis,  
Franciscus  
Mauroce-  
nus omnium  
votis ab-  
solvitur  
 nihil aliud effectum est, quàm ut Maurocenus  
 magis inclaresceret. Id enim habent virtutes,  
 & vitia, ut sæpius attrectata clariùs appareant.  
 Igitur altiori indagine repetita Cretæ defensio  
 magis emicuit: immò quædam, ob multitudi-  
 nem rerum præclarè gestarum, prius inaudi-  
 ta, acriori eruta examine, in Francisci gloriam  
 prodire. Nec œconomicæ rei negotium à Patri-  
 bus omissum: aucta, ob pravorum hominum  
 culpam, uti solet, etiam bonorum suspicione.  
 At sicuti nihil ex his pertinere ad Imperatorem



1670 ex certis judiciis Senatui visum est; ita Procuratoriam D. Marci dignitatem potius meruisse sibi, quàm illi Rempublicam dedisse, optimus quisque, omnium votis approbantibus, intellexit.

*De Scri-  
ptione ju-  
dicii.*

Cæterum, quæ hætenus scripta sunt, non expressa signa propugnationis, sed lineamenta quædam æquiùs existimaveris. Primò enim, ne iis quidem, qui aderant, omnia innotuere: deinde bellum ipsum tantum fuit, ac tot acerrimæ virtutis experimentis refertum, ut fortassè maximè memorabile omnium, quæ unquam gesta fuere, meritò appellandum sit. Quippè, si moram ejus inspicias, quinque, & viginti anni fatentur; si constantiam dimicantium, probat octo, & viginti mensium una in urbe toleratum obsidium; si hujus atrocitatem, centum, & quinquaginta millium hominum cædes ostendit. Facta præstantissimorum Ducum, ac Principum, qui demùm inter pericula præliorum vitam fortiter exuerunt, & satis in se laudis habent, & claris plerumque scriptoribus memorata sunt. Mihi quemadmodum singulorum nomina, nedùm res gestas, recensere difficillimum, ita causæ cepti operis procul visum est. At virtutem Mauroceni quàm tot armorum discrimina probarent, facile quisq; ex genere belli, imbecillitate virium, & nequitia temporum colligat. Ego, satis gloriæ ipsius nomini accessisse, dicere ausim, si tantummodò urbem Cretam propugnasset.

FINIS LIBRI SECUNDI.

FRAN-

FRANCISCI  
MAUROCENI  
PELOPONNESIACI,

VENETIARUM PRINCIPIS,

Gestorum

LIBER TERTIUS.

EPITOME.

**M**OTUS Turcarum intra Pannoniam. Vienna  
ab eorum obsidione Caesaris armis vindicatur.  
Hac occasione Veneta Respub. statuit bellum  
barbaris indicere; fœdusque init cum Casare, ac Polo-  
niæ Rege. Franciscus Maurocenus tertio declaratur Im-  
perator; qui continuo Corcyram advectus suos instruit ad  
bellum. Leucadem tentat, ac subigit; in ditionem re-  
cipit Acarnanes, Turcasque regionem infestantes prospe-  
ris præliis cohibet. Nicopolim expugnat, atque iterum  
barbaros Acarnaniam vastantes invadit. Comes Nicolaus  
Stra-



*Strafoldus obit. Tumultus ingens in aula Turcarum exoritur; quo composito, apparatus bellici instruuntur. Comes Claudius S. Pauli Praefectus copiarum à Venetis eligitur. Pestilentia turbat exercitum Christianorum. Maurocenus apud Leucadem cum Turcis congregitur: quibus pulsus, constituit arma ferre in Peloponnesum. Corone urbs primò tentatur. Properant Turcae in subsidium incolarum; atque ipse terrestris exercitus Praefectus magnis cum copiis accedit. Varia praelia utrinque ingenti clade deformia. Frustrà paratur aggressio à Venetis; qui tamen post eruptionem barbarorum sustentatam intra vallum eosdem adoriuntur, & castris exuunt. Fit impetus in urbem; hinc coacta deditio: ante quam nihilominus casu accenditur certamen, captaque urbe, atrox Coronæorum cædes fit. Laurentius Maurocenus, Imperatoris frater, Equestri D. Marci dignitate decoratur. Acceptis Tænariis in commilitium, expugnatur Zarnata; prosperoque praelio cum Turcarum Praefecto apud Abæam Veneti congregiuntur. Abæa, Chielepha, & Gerenia occupantur. Inde properans in Stationes Franciscus Gomenitias evertit. Comes Otbo Konismarchius Praefecturam copiarum suscipit. Tumultus Byzantii denuò excitatur. Obsidentes Chielepham Turcas in fugam agit Maurocenus; continuoque Pylum vetustiorententat, vincitque. Nova Pylus obsidione cingitur; fusiq; subsidiariis hostium copiis, occupatur. Sequitur Pylum Methone; & cum ea universa Peloponnesi regio, quæ Mediterraneo Mari alluitur.*

LIBER

**A**NNO salutis millesimo sexcentesimo 1682  
 octogesimo secundo coeptum est à *Turcarum*  
 Turcis in Pannonia bellum, Duce *motus.*  
 Mustaphà extincto Achmeti in Re-  
 gii Sigilli custodiam subrogato. Is, aut paratu-  
 rus sibi in castris opes, quibus turpiter inhia-  
 bat, aut illorum studia declinaturus, quos ob  
 non imparem divitiarum, ingeniique famam  
 suspectabat, spe proferendi Imperii, in consi-  
 lium armorum Mahometem Regem perduxit.  
 Delecta in Cæsarem expeditione, ad summam  
 victoriarum extulit animum: occupataque Cas-  
 sovia, quæ superioris Hungariæ caput est, ac  
 mox, quæ Leytha fluvius Pannonias dividens  
 cum Istro commiscetur, Posonio urbibus, ad-  
 versus Austriaci Imperii sedem Viennam exer-  
 citum admovit. Urbs est ad Danubium, amplo  
 ambitu, validis muris, vallo, aggereque præ-  
 cincta; quæ in Germaniæ, ac totius Christia-  
 ni Orbis contra Othomanicas irruptiones pro-  
 pugnaculum collocata, aliàs ad acerrima obsi-  
 dionis experimenta barbaros incitaverat. In ar-  
 duum discrimen deducta res aliquandiù ambi-  
 guo eventu Fidelium mentes detinuit; nec mul-  
 tum aberat trepidatio, cum, qui vim copiarum,  
 & belli genus, multò magis insolentiam victo-  
 ris reformidarent. Sed, quod contra pacis jura  
 temerè inchoatum fuerat, in feritatis supplicium  
 desiit: exutoque castris Mustaphà, de universo  
 ejusdem exercitu Austriaca, Sarmaticaque ar-  
 ma

1683

*Mustaphà*  
*Viennam*  
*obsidet.**Sed ingē-*  
*si clade à*  
*nostris re-*  
*pellitur.*



1683 ma triumpharunt. Resp. quæ usq; in eam diem crebris dissidiis cum barbaris disceptaverat, altius initio repentini belli permota, ad custodiendos Imperii fines sedulo conversa est. Præcipuè verò cum tempestas, quæ intra Pannoniam detonuerat, favente fortuna ceptis barbarorum, Fori-Julii faucibus incubaret; imminens necessitas polcebat, ut, auctis Provinciæ præsidiis, solertissimo Duci ejusdem tutela demandaretur. Collatum omnium suffragiis id munus in Franciscum Maurocenum. Qui dum commissa absolvere satagit, opportunaque gerendæ administrationi comparat, solutæ ingenti Turcarum clade obsidionis rumor omnia incredibili Christianorum plausu, lætitiaque perfudit.

*Franciscus  
Mauroce-  
nus mitti-  
tur in Fo-  
rum-Julii*

Tunc Veneti Patres, quæ casus obtulerat, in consilium vertenda rati, ingenita virtute justum bellum Turcis indici opportunum existimave-  
re, quo illatas per tot annos Reip. injurias ul-  
ciscerentur. Nec enim pax adeo invaluerat, ut levibus quibusque de causis à Thracibus non contemneretur: eò progressis contentionibus, ut usque ad licentiam armorum crebrò pervenirent. Quippè immodicè ob debellatam Cretam exultantes, nunquam sæviùs, quàm sub ea amicitia larva odia in Venetos exercebant. Illyricum præcipuè graviùs, quàm bello vexabatur. Namq; barbari per universam penè regionem dilapsi, vicos, oppida spoliare, rapere, excindere; eòque atrociùs in dominos sævire, quia

*Causæ, ob  
quas Ve-  
neta Resp.  
Turcis  
bellum in-  
dixit.*



quia ob fiduciam pacis nihil usquam provisum 1683  
 adversum eorum incursus. Ubi verò repugna-  
 tum foret, arma in promptu, tanquam in a-  
 pertos hostes. Hinc multa Venetæ ditionis in  
 populantium arbitria devenerant. Concessi præ-  
 terea piratis portus, intercepta commercia; tan-  
 ta verò eorum Præfectis, postremò etiam Regi  
 impudentia, ut, nisi expeditius, quæ sibi imme-  
 rito postulabant, munera concederentur, relu-  
 ctantes ferro, & sanguine, nec rarò subiti bel-  
 li minis deterrent. Multò tamen propius ex-  
 tremum malorum accesserat, si barbarorum  
 ausibus Viennæ obsidium respondisset. Potiti e-  
 nim ea urbe, ex cujus libertate Christianorum  
 fata pendebant, auctaque cum dominatu am-  
 bitione, in nostras regiones undique illapsi, u-  
 niversam Italiam quodam quasi diluvio, & in-  
 flammatione corripuissent. Diù adversus Remp.  
 omnia licuere fortunæ. Tandem visum est Su-  
 peris, ut publica illa Orbis lues propriis flagi-  
 tiis, ac mole obrueretur. Ut ergo Senatus, 1684  
 nonnihil instauratis, quas diuturna bellorum  
 incommoda exhausserant, viribus, omni laude  
 dignam in tam nefarios hostes denunciationem  
 animadvertit; eò ipsius studia versa sunt, ut in-  
 fensæ pacis ocium æquioris belli exercitia sum-  
 moverent. Quamobrem illud provisum est  
 primò, ut concordia Principum aptius Turcæ  
 opprimerentur. Nec fuit in arduo societas, po-  
 tentiam magnorum exercituum ostendantibus

Venetorū  
 fœdus cum  
 Cæsare,  
 & Pola-  
 niæ Rege.

E c Leo-



1684 Leopoldo Cæsare, ac Joanne III. Poloniæ Rege; quorum uterque acerrimo bello in Turcas detinebatur. Initum idcirco cum iis à Rep. fœdus; statutumque, ut mari, terraque omni virium nixu barbari divexarentur.

*Apparatus ad bellum.*

Erectis in vindicandi rupti fœderis spem animis Christianorum, subito armorum apparatu Reip. provinciæ strepuere. Urbs ipsa rebus bellicis congerendis intenta, quadam veluti fiducia prosperi eventus agebatur. Nec quidquam defuturum in posterum felicitati Reipub. cives censebant; cum abruptis in exitium suum Thraces, victoriæque, & propagatio Imperii portendi viderentur. Sed, dum consultatur de ducibus, qui terrestri, maritimoque exercitui præficerentur, ereptus è vivorum numero A-

*Aloysius Contare-nus Dux Venetiarum obit.*

loysius Contarenius Venetiarum Princeps, recentem lætitiâ haud modicè inhibuit. Tunc Mauroceno duplex ad gloriæ verticem via patuit, hinc per arma ad decus victoriarum; illinc per actarum rerum memoriam ad Principatum: &, ni fata, quæ tam grande eidem de Peloponneso nomen decreverant, obstitissent, jam assensu unanimi Princeps Reip. declarabatur. At hoc in votis tantum fuit. Quippè, mutatis repente consiliis, M. Antonium Justinianum Equitem, admirandæque moderationis virum, Ducem summum comitia creaverunt. Hinc non hæsere Patres Imperatorem electuri, cui tanti conatus momentum demandarent.

Una



Una omnium vox, solam Mauroceni mentem tan- 1684  
 te molis capacem. Nihil ad bellorum genus accommo- <sup>Francis-</sup>  
 datius indole illius, qui toties terra, marique barbaros <sup>cus Mau-</sup>  
 prosperis praeliis cobibuerat. Neminem aptius in se tra- <sup>rocenus</sup>  
 cturum studia militum; atque è contrà ad tanti Impera- <sup>tertio Im-</sup>  
 toris famam latiore Byzantii consternationem fore. <sup>perator</sup>  
 Innumera adesse fortitudinis, & solertiae experimenta. <sup>creatur.</sup>  
 Cognitum suis, terribilem hostibus, & ut promptum se-  
 cundis, ita immotum adversis. Denique ipsum gna-  
 rum militiae, & regionum, longo usu rerum Turcica-  
 rum peritum, belloque omnimodè suffecturum. Qua-  
 propter, Francisco Mauroceno Imperatore exer-  
 citus declarato, lætati non cives modò, atque <sup>Lætisia</sup>  
 universa Resp. sed externorum quoque Principi- <sup>Principi,</sup>  
 pum plausus, & præconia excitata. Præfer-  
 tim Innocentius XI. Pontifex Maximus in ea  
 rerum inclinatione, ex trium Principum fœ-  
 dere, ac tanti Ducis disciplina, palmas, &  
 triumphos Reip. auspicabatur. Longè tamen al- <sup>& militi.</sup>  
 tiùs electio militem commovit; & præcipuè  
 eos, qui aliàs sub Mauroceno stipendia fece-  
 rant. Experti enim nihil unquam ab eo tenta-  
 tum, undè inglorii, ac sine præmio recessis-  
 sent; ita tirones quoque, & externos in spem  
 erexerunt, ut intraret omnium animos bellicæ  
 rei cupido, æmularenturque publicam picta-  
 tem studia privatorum. Sic tertio Imperato- <sup>Mauroce-</sup>  
 rium fastigium Franciscus consecutus est: & <sup>nus ma-</sup>  
 quamvis penè septuaginta annorum ætate gra- <sup>gno ani-</sup>  
 vis, ne extremum quidem vitæ sibi reservans, <sup>mo Impe-</sup>  
<sup>rium su-</sup>  
<sup>scipis.</sup>



1684 novum ad patriæ gloriam iter sanguinis sui se-  
mita aperire constituit. Itaque devovens se ius-  
sis, utilitatique Reip. iterum, qui in Cretenſi  
bello adeò exarſerant, ſpiritus recaluere. Hinc  
extollere Patrum animos, augere fiduciam ci-  
vium, recentisque adhuc victoriæ æſtu ferven-  
tes barbaros ſubigi poſſe, oſtendere. Nec ab-  
erat certa ultionis ſpes; cum polliceretur ſe in  
eorum viſcera illaturum neceſſitatem armo-  
rum, ut vel, quæ Thracibus ſuperior fortuna  
conceſſerat, honeſto bello repeteret, vel inopi-  
natis motibus incurioſos proſtigaret. Igitur non  
ultrò dilata belli conſilia. Nam, cum conſtitu-  
tum fuiſſet, ut, antequàm æſtiva tempeſtas ex-  
cideret, navales, ac terreſtres copiæ in Græ-  
ciam convenirent, habiti ſedulò delectus mili-  
tum, armaque, ac claſſis celeriter inſtructa.  
Jacobus Cornelio, atque Alexandro Molino,  
Ducibus bello egregiis, præcipua munera de-  
mandata, huic Præfectura Navium, illi Quin-  
queremium. His diſpoſitis, Comes Nicolaus  
Straſoldus, ex nobiliſſima Foro-Julienſium fa-  
milia, optimè de Pannoniæ bello meritus, ter-  
reſtribus copiis præſcitur. Ad cæteros militiæ  
gradus ii maximè, quos exactorum bellorum  
experimenta probaverant, evecti.

*Patres  
cuncta ad  
bellum ſe-  
dulo com-  
parant.*

Jamque Alexandro Molino cum navibus  
præcunte, Mauroceni diſceſſus ornabatur; cum  
ingens tumultus Regiam Turcarum invaſit.  
Hunc propera, & occultis conſiliis inſtituta  
pro-

*Tumultus  
ingens By-  
zantium  
turbat.*



profectio Joannis Capellii à Decemvirorum fe- 1684  
cretis, Byzantii Remp. procurantis, excitave-  
rat. Enim verò ubi rumor denunciati à Rep.  
belli percrebuit, cum adesse novum hostem,  
ac præter spem, moremque, eò audaciæ dedu-  
ctum, ut pacem Imperii ab omnibus expeti-  
tam belli amore turbaret, agnovissent: omnia  
ob acceptas sub Vienna clades ingenti merore  
deprensa, in deterius volvi cœperunt. Hinc <sup>Questus</sup>  
dolor, atque ira: palàm demùm eruperunt <sup>populi.</sup>  
questus, & indignatio. Ideone susceptum in Pan-  
nonia bellum, ut spe victoriæ sædius vincerentur? A-  
missum exercitum, interfectos duces, exhaustas provin-  
cias: interim patere Christianis maritima quæque ditio-  
nis Ottomanorum. Jam, quidquid virtute, ac pacis tran-  
quillitate partum erat, intemperantia armorum corrui-  
se. Obliteranda dedecora Imperii eorum supplicio, qui  
tam exitiosa consilia ingessissent. In præsens verò vali-  
dioribus remediis opus. Supprimendum omni vi ingenii  
bellum; ne id nutantem Imperii sedem quodam quasi  
æstu, & torrente fortunæ comminueret. Instare Vene-  
torum Remp. Maurocenumq; Ducem belli futurum, qui  
toties, ac tam latè nominis sui terrorem circumtulisset.  
Hæc cum crebrò jactarentur, haud longè abe-  
rat aperta seditio, & furor plebis in proceres;  
ni evitandi belli spes ab aliquibus appositè o-  
stentata, primum illum irarum incendium <sup>Hybrai-</sup>  
compressisset. Quamobrem <sup>mus co-</sup>  
Regii sigilli custodia, Mustaphà perempto, <sup>natur re-</sup>  
contigerat, conatus est primò minis ab ince- <sup>vocare</sup>  
pto <sup>Venetos à</sup>  
<sup>consilio</sup>  
<sup>belli,</sup>



1684 pto Venetos revocare: Prospicerent sibi, neu validiores lacefferent, hortabatur. Ubi armis indulgissent, seram pœnitentiam fore. A nemine unquam Ottomanorum Imperium prosperè ad bella provocatum. Esse sibi opes, classem, exercitum, & reliqua, quibus eluderet fortunam Mauroceni. Meminissent dubios semper esse pugnarum eventus, martemque communem. Facile inchoari bellum, at ægerrimè confici. Initia ejusdem penes omnes esse; de exitu casus præliorum judicare. Plerumque tamen iis favere fortunam, qui fide, & viribus præstant. Sed his frustra prolatis, ad blanditias conversus, tentari jubet alia arte animos Christianorum. Detestari se avaritiam extincti, simulat. Nunquam à se violata pacis jura. Posse tutius utrinque cuncta componi, quam in belli discrimen deduci. Utilius esse æquitate, quam sanguine, consilio, quam armis Imperia tueri. Cessurum se quæcunque jure postulasset Resp. (callida hæc barbarorum inventa erant, ut armorum studia torpescerent) dummodò à bello temperaretur.

At Maurocenus cum classe in Græciâ proficiscitur.

Sed æquè & minæ barbarorum, & promissa à Patribus rejecta: cùmque omnia ad professionem in promptu essent, Maurocenus, votis piè persolutis, VIII. Junii die solvit ab littore. Secundis auris provectus in altum, Illyricique oris appulsus, recipere auctoratas cohortes in classem, fabrefactas de novo triremes armare: ibique, prout populi ad belli religionem incitabantur, viros, arma, naves, nec non copiam frumenti, cæterosque commeatus certatim

tatim pendebant. Celerrimè indè Pharia, ac 1684  
 Mēlena transmissis, Kal. Julii Corcyram deven- *Socios*  
 tum est. Additæ hīc classi Pontificis, Meliten- *Navales*  
 sium, atque Hetruscorum triremes, quæ pau- *excipit.*  
 lō antè insulam attigerant. Tunc Imperator  
 bello, cui jam accingebatur, feliciorem viam  
 paraturus, à disciplina militum initium duxit.  
 Placuit educi copias, instrui tirones, ac vete- *Militum*  
 ranorum ingenia pluribus experimentis ad pri- *ingenia*  
 stinum institutum revocari. Ubi verò ita offi- *acuit.*  
 cia ducum disposuit, ut partitus esset ex æquo  
 laborem: sumpta in ultionem Cretensis belli,  
 ac tot indè injuriarum arma, differuit. Si Ve-  
 netos se viros in posterum præstitissent, nobi-  
 lissima Græciæ littora victrici classe brevī per-  
 agraturos. Incorruptam fidem, ac prompta mi-  
 nisteria cunctis offerentibus, de ordine agendo- *Scrutatur*  
 rum incessit cogitatio. Nec parū profuit co- *consilia*  
 gnovisse motus Turcarum, ut tutiūs in impro- *hostium.*  
 vidos bellum dirigeretur. Itaq; per idem tem-  
 pus, qui certiora de consiliis hostium referrent,  
 adfuerunt: acceptumque ab iis Præfectum ho-  
 stium classis Cretam quadraginta cum triremi-  
 bus contendisse. Nihil apud barbaros magis in-  
 valuisse, quàm Venetos spe repetendæ Insulæ  
 in armorum studia deductos. Igitur, ut auge-  
 rentur locorum præsidia, congereretur annona,  
 & quodcunque bellorum occasio exigit præsto  
 esset, imperatum; ne immunitæ Regni urbes  
 deprehenderentur. Aliquot prætereà naves ab  
 Helle-



1684 Helleſponto nuper emiſſas Chium, Mitylenem, Tenedon, præcipuaſque Ægæi maris inſulas militum copiis confirmafſe. Quamvis hæc omnia non ſine ingenti Turcarum pavore conficerentur, Alexandro Molino, ac Hieronymo Delphino navium Præfectis Pelagum percurrentibus. Cæterum ipſo ſpatio glifcere famam recenter inſtructę classi; & quamvis Venetis modicę vires eſſent, majora credi de abſentibus. Intellexit Maurocenus, diſtractis viribus hoſtium, animiſq; ſubito imminentis belli pavore perculſis, patere ſibi aditum ad facinus aliquod antè patrandum, quàm ceptum à ſe bellum Turcæ dignoſcerent. Igitur, dùm copias æſtimat, & tentanda ſcrutatur, in ingentis victorię ſpem inopinatò deducitur. Quippè cùm paucos ante dies Hieronymus Cornelius D. Marci Eques, claſſiſque Præfectus, Leucadem tenui præſidio cuſtoditam, à transfugis Turcarum accepifſet, eò, primam manum bello impoſiturus cum iis, quibus præerat, roſtratis navibus trajecerat. Verùm contemplatus validam arcis ſtructuram, ubi ingentem quoque barbarorum multitudinem prælio paratam in loci cuſtodiam aſſervari deprehendit, ne primis auſibus, ex quibus futurarum rerum auſpicia captari ſolent, triſtiores eventus ſuccederent, retroactis navigiis, Corcyram denuò reverſus. Cognito Cornelii conatu, arduam Leucadis oppugnationem, cùm ob præſidii vires, tum

Alexander  
Molinus,  
& Hiero-  
nymus  
Delphinus  
in Ægeo.

Hierony-  
mus Cor-  
nelius  
Leucadem  
oppugna-  
re ſtatuit.

Sed, viri-  
bus hoſtiū  
cognitis,  
recedit.



tum ob majora munimenta, quæ ob suspensionem 1584  
 eò inclinantis belli properè extrui constabat,  
 reliquorum sententia ferebat. Memorabant præ-  
 terea incolæ, Piratas eò loci crebrò confluentes,  
 nusquam occasione defuturos, ut mutua ope so-  
 cios adjuvarent. Sed has difficultates vicere con-  
 silia Imperatoris. Hic namque, jam expertus fa-  
 tius multò non indicari Turcis bellum, quàm  
 omitti motum, incolas veluti inexpugnabiles  
 in posterum pervicaciores futuros animadver-  
 tens, quoquo modo moliri oppugnationem con-  
 stituit. Itaque in propiorem spem erectis mili-  
 tum animis, & classe haud cunctanter instru-  
 cta, Leucadem contendit.

*Nihilomi-  
 nis Mat-  
 rocerus  
 arcem op-  
 pugnatu  
 ire pergit.*

Inter Cephalleniam, Epirumque, non longè  
 ab Ambracio sinu, multiformis magnitudinis in-  
 sulæ jacent, duorum navalium certaminum mo-  
 numentis insignes; quorum primum ab Augu-  
 sto Cæsare adversus M. Antonium, & Cleopa-  
 tram, alterum anno salutis 1571. à Christiano-  
 rum classe adversus Thraces, vigente bello Cy-  
 prio, gestum est. Insularum aliæ accolarum o-  
 pera, alluvione maris aliæ effictæ sunt; ac ve-  
 luti terminos Naupactæi sinus, Jonique pelagi  
 constituunt. Præstat cæteris magnitudine Leu-  
 cadia, quæ Neritis à veteribus nuncupabatur :  
 juxta quam Leucas sita est, crebris rupibus in-  
 æqualis, atque ab adjacentibus insulis tenui u-  
 trinque freto discreta. Qua parte hæc in tumor-  
 em excrescit, tumulus latè eminet conditorum

*Leucadis  
 descriptio,  
 & sinus.*

Ff opera



1684 opera productus in arcem; ubi antiquitus Fa-  
 num Apollinis constructum fuisse tradunt. Ro-  
 bustus illi mœnium ambitus, ac quinque non  
 exiguæ molis propugnacula; deindè ingentis  
 magnitudinis turrets, quas arte comparata mu-  
 nimenta tuentur. Imminent utrinque in extre-  
 mo Leucadiæ, & continentis latiores vici, qui  
 Leucadi pontibus juguntur. Cæterùm proxima  
 arcis vadis simillima sunt, paludibusque referta:  
 ima loci plana, & quâ Leucadiam spectant, in-  
 teriore receptu permunita. Ubi ergo Mauroce-  
 nus, latè explicata ad terrorem classe, in con-  
 spectum arcis deductus est; ii omnes, qui vicos  
 incolebant, vix ora hostium sustinuerunt. Itaque  
 in ultimos metus spontè conversi, intra oppidi  
 muros confugiunt. Tunc Veneti non statim  
 procurrunt ad arma; nam priùs indici bellum,  
 ac tentari more legitimo Leucadios placuit;  
 ut vel invitamentum consequeretur deditio, vel  
 saltem, quantum viribus confiderent, deprehen-  
 di posset. Igitur, si incolumes esse vellent, ut migrarent  
 mœnibus, imperatum. Sin minùs, igne, ferroque mox  
 Venetos cuncta populaturos. Meritò eam arcem in pri-  
 mam belli sedem eligi, cujus incolæ icti cum Rep. fæde-  
 ris immemores, toties Piraticam classem commercio, por-  
 tu, domibus ipsis juvissent. Adefse ultionis tempus, &  
 vindicem contemptæ pacis exercitum. Patere condiciones  
 honestæ deditiois, & belli; utrum satius esset, illicò am-  
 plecterentur. Sed oppidani partim ira, partim ti-  
 more pœnarum ad resistendum parati, incorru-  
 ptum

Mauroce-  
 nus, indi-  
 cto Leuca-  
 diis bello,  
 eosdem ad  
 deditio-  
 nem vocat.



ptum jus pacis penes se fuisse, respondent. Si per 1684  
 hæc commenta abrumpere fœdus placeret, rem armis per-  
 agendam. Se pro Imperio, patria, ac liberis usque ad  
 extremum spiritum dimicatu-<sup>At Turcæ  
 prælio  
 parati re-  
 armis a-  
 gendam  
 respon-  
 dent.</sup>ros. Quamobrem, ubi de  
 ditione non convenit, ad arma milites discurre-  
 re. Hæc initia belli, cujus novitas totius or-  
 bis expectationem erexerat: mirum enim vide-  
 batur, quod Venetorum Resp. validissimum ho-  
 stem, & vix antea à quoquam laceffitum modi-  
 cis viribus ad arma provocasset. At felicitas se-  
 cundum jus, fasque melioribus affuit. Quippè o-  
 mni spe celerius victoriarum iter prima omnium  
 Leucas aperuit. Hanc comitata Nicopolis, ac  
 deinde materia tot triumphorum Peloponne-  
 sus: & quæ antea tantorum bellorum semina  
 aluerat, clara sedibus Regum, nominibus cele-  
 berrimarum urbium, atque ingentium exerci-  
 tum excidio, nunc trium annorum curriculo  
 ita debellata est, ut vix virtuti unius Ducis suf-  
 fecerit.

Igitur Maurocenus, effuso in littus milite,<sup>Mauroce-  
 nus n-  
 trinq-  
 Leucadæ  
 oppugnat.</sup> continuo aciem ab Comite Nicolao Strasoldo,  
 quæ continens est, quæ verò Leucadiæ littora  
 porriguntur, ab Comite Francisco Sylvatico pri-  
 mo ordinum ductore, instrui jubet. Octo mil-  
 lib; & ducentis peditibus, equitibus fermè ter-  
 centis, & quinquaginta exercitus constabat; per-  
 que proximas oras, tanta Ducum solertia dispo-  
 situs est, ut loci ambitum oppugnantium corona  
 circumdaret. Accessere Cephalenium præ-  
 fida



1684 fidia ( mille, & quingenti erant ) qui spontè incommilitium adventarant ; ob commoditatem enim navigationis, permagni eorum intererat, ut Leucas caperetur . Tormentarii deindè suggestus licèt defigi limosa humo haud posse viderentur, haud priùs à labore cessatum, quàm super ultima Leucadiæ, continentisque littora duo exiguae magnitudinis aggeres assurgerent . Huic obsidionis generi addita classis, cujus ictibus, quæ Jonio mari oppidum perfunditur, mœnia jugiter infestabantur . Demùm, ollarum incendiariarum jactu, omnia atrocioris certaminis faciem induerunt . Sed adversus hæc omnia paria barbaris vota . Magna viribus, haud modica animis, subsidiiis verò, quæ in dies opperiebantur, maxima spes inerat . Indè non miles modò, iique, quibus satis efficax incitamentum ad bellum, servandarum opum sollicitudo, sed colonorum turba, omnesque, quos ad Venetorum adventantium famam, missis passim nuntiis, à finitimis locis principes arcis convocaverant, propugnantium munera alacriter subibant . Primi motus eò contenderunt, ut machinamenta Christianorum adversis operibus eluderent . Et quamvis non ausi de eruptione cogitare, abscissis tamen pontibus, ac mox omni tormentorum genere instructis muris, perrumpere objectos aggeres, illatamque sibi perniciem summa vi depellere conabantur . Interim diebus, noctibusque nova aliqua moles,  
nova

*At barbari  
sirenæ  
resistunt.*



nova molimina ex insperato prodibant: utque 1684  
 spem hostibus demerent, tanquam in summa  
 rerum affluentia, missilia cujuscunque generis,  
 & maximè ignem, ferrumq; tam prodigè à mu-  
 ris jaculabantur, ut aliquot nostrorum, licèt  
 multiplici vinearum nexu contexti, ceciderint.  
 At Maurocenus non tam de quatiendis muris,  
 quàm de intercipiendis subsidiis cautè sollicitus,  
 quàm mare se se in insularum latera insinuat, i-  
 doneas naves locavit, ut suppetiæ utrinque pro-  
 hiberentur. Ita sublato continentis commercio,  
 expeditiori navigio exceptus, quotidie opera  
 suorum invisebat; addens ducibus stimulos, ut  
 antè facinus patraretur, quàm nova certami-  
 num occasio à properantibus in obsessorum o-  
 pem occurreret.

Mauroce-  
 ni soler-  
 tia;

Jamque terra simul & mari fervebat obsidio;  
 productis aggeribus, ad labrum fossæ perven-  
 tum erat; suffodiendisque murorum fundamen-  
 tis ingens epibatarum multitudo vacabat: cum  
 ab exploratoribus nunciatur, lectam ab iis,  
 qui Ambraciam incolebant, octingentorum pe-  
 ditum, quingentorum verò equitum cohortem  
 apud Nicopolim congestam, mox Leucadiis au-  
 xilio venturam. Gnarus Imperator verti in eo  
 victoriæ summam, statuit accessum his subsidiis  
 auferre; ne quos obsidionis pertinacia paulùm  
 dejecerat, fiducia opis rursus erigeret. Itaque le-  
 vis armaturæ manum à peritis viarum ductam  
 adversus Thraces illicò immittit: Exindè inten-  
 di

qui substi-  
 dia hostiū  
 interci-  
 pit.



1684 di suorum molimina præcipit, ne oppidani diruta mœnium reficere possent. Hæc ubi paulum processere, cum utrinque diductus ruinamur latè corrueret, orta fiducia aperto impetu arcis expugnandæ. Igitur non ultra supremum prælium dilatum est. Nam Maurocenus ad ultimos nixus hortatus suos, promptissimum quemque nocte instruit, ut summo mane oppidum adorianur. Verum Leucadii, qui hætenus egregiè vim repulerant, nunc, veluti emisso aculeo, adeò obtorpuere, ut consilia Venetorum propea deditione antevenirent. Maximum iis pavoris incitamentum, quod præclusæ undique viæ essent, undè subsidiarius miles accederet. Indè Præfectus ipse arcis aut extremas clades, aut servitutem imminere sibi, suisque sentiens, mentem à belli studiis ad subitam deditionem convertit. Id ubi per caduceatores cognitum, faciliè de conditionibus utrinque convenit. Quippè Imperator, ut integras suorum vires servaret, satius duxit liberos oppidanos dimittere, & aliò armorum impetum ante convertere, quàm eduxisse se exercitum hostes cognoscerent. Itaque sancitum est, ut incolæ statim arma deponerent; permissumque, ut quisque ea, quæ vehere posset, ex arce transferret: reliqua essent ditionis Venetorum. Dati utrinque obsides, ut tutò præsidium egrederetur. Hoc dimisso, acta præda à victoribus. CXXVI. Tormenta inventa sunt, præter permulta alia instr-

Aggref-  
sioni se  
Veneti  
accingunt.

Leucadii  
de deden-  
da arce  
cogitant.

Imperator  
dimissis  
incolis, ar-  
cem occupa-  
vit.



frumenta bellica, quæ colligi à barbaris subi- 1684  
ta profectio non potuerunt. Opum, commea-  
tuumque exigua portio. Nam, cum penè usque  
ad famem obsidium tolerassent, divitias secum  
asportaverant. Maurocenus, jam expertus pri-  
mis ex eventibus spem, aut metum gigni, læ-  
tus secundo armorum exitu, magnitudine, for-  
maque cæteris spectabiliorem ædem, impio di-  
catam prius cultui, tunc veræ religioni restitu-  
tam, Salvatoris Dei nomine insignivit. Ibi gra-  
tes solemniter Superis actæ. Loci deindè natu-  
ram contemplatus, quantiq; ipsius possessio Reip.  
foret simul reputans; refectionis primùm muris,  
mox in custodiam insulæ strenuis Ducibus Lau-  
rentio Venerio, ac Philippo Paruta Patritiis  
Venetis, Ludovicoque Gratiano Scriptoris Pa-  
tre in armorum Præfecturam constitutis, aptè  
permunitum oppidum Reip. ornamento, utili-  
tatiq; servavit.

Muros  
refecit;  
præsidii-  
que impo-  
nit.

Dùm hæc aguntur, non modò Leucadii, sed  
qui finitimi ex Epiro, & præcipuè ex Acarna-  
nia erant, populi, in Venetam ditionem susce-  
pti. Hique insuper, ne armis infestarentur, spon-  
tè se fide, ac vectigalibus obstrinxere. Non ideo  
tamen tuta penitus regio; cum ex propinquis  
locis redacti in unum Thraces, ac veluti con-  
flato exercitu, acquisitas à Fidelibus terras assiduis  
excursibus perturbarent. Id cum Mauroceni a-  
nimus incitasset, OEniadas profectus, (locus  
est haud longè ab ostio Acheloi fluminis, quod  
Acar-

Acarna-  
nes in Ve-  
netorum  
ditionem  
trāsierunt.

Sed Tur-  
cæ occu-  
patâ re-  
gionē cre-  
bris recur-  
sionibus  
turbant.



1684 Acarnaniam ab Ætolia dirimit) expositam levis  
 armaturæ manum in hostem ducere statuit.  
 Sed quia barbari populationibus tantum intenti,  
 passim per agros vagabantur; traditis Præfecto  
 copiarum Strafoldo militibus, eosdem sibi vinci  
 iussit absenti. Igitur Strafoldus, mira velocitate  
 occupatis compendiis viarum, ubi Thraces ve-  
 luti indagine clausos affecutus est, optimo ordi-  
 ne manipulos ad ripam fluminis explicuit. Tunc  
 miles quidam conspecto haud procul hostium  
 agmine, præclarum facinus ausus, fluvio se cre-  
 didit; nandoque in alteram ripam transgressus.  
 Continuo, ense districto, unum ex Turcarum  
 exercitu, quem incessu, & cultu armorum præ-  
 cipuum adnotaverat (hic copiarum Ducis fra-  
 ter erat) aggressus, multis ictibus eundem con-  
 fecit. Exin, amputato in conspectu hostilis a-  
 ciei interfecti capite, denuò in adversum littus,  
 ingenti nostrorum plausu, incolumis transnata-  
 vit. Præfectus, captato omine, ubi propius  
 Thraces advenit, edito pugnae signo, duplici ex  
 parte in barbaros invehit. Concursum u-  
 trinque magno impetu, sed imparibus postea a-  
 nimis. Nam, ubi Turcæ strictius venere ad ma-  
 nus, vix paucorum cædem sustinuerunt. Hinc  
 femiæ, palantesque partim trucidati sunt,  
 partim, arrepta fuga, usque ad Naupaëti oppi-  
 dum compulsi. Tunc ad Halyzeam, Antigoni-  
 am, & proxima iis oppida, cum suis Strafol-  
 dus processit. Neque locorum custodes copiam  
 cer-

*Mauroce-  
nus mis-  
sit in eos  
Strafoldu  
cum par-  
te copia-  
rum.*

*Militis  
cujusdā  
facinus.*

*Strafoldus  
Turcas in  
fugam a-  
git.*



certaminis fecere, ad rumorem adventantis dif- 1684  
fugientes : indè, quantum Naupactum, Ache- <sup>Totam re-  
gionem  
pervae-  
stat.</sup>  
loumque amnes inter, vastatum. Ita potior Acar-  
nania pars in Venetorum prædam concessit; at-  
que unà prope Leucadem consite Echinades (e-  
xiguæ insulæ sunt, ad ostium Acheloi, ex a-  
rena, limoque impulsu maris eo loci congesto,  
effiecte) quæque omnes Leucadiam circumstant,  
dominium Reip. subierunt.

Eodem tempore, quo Turcæ Acarnaniae fini- <sup>Latiria-  
Venetorum  
ad nun-  
tios ca-  
pitæ Leu-  
cadis.</sup>  
bus pellebantur, expugnatae Leucadis nuntii  
Venetias pervenere. Tunc gaudio perfusus Se-  
natus Francisco victori plausit, donatisque mul-  
tiplici præmio nuntiis, ac dictis Immortali  
Deo laudibus, in majorum spem erectus est.  
Continuò gaudium in cæteros dimanavit. Et  
cùm usque in illum diem anceps exitus belli  
animos dubia spe detinuisset, subitus partæ vi-  
ctoriæ rumor tam altè singulos commovit, ut  
fatale Turcis Mauroceni nomen esse, cunctaq;  
in posterum hostibus adversa una voce prænun-  
ciarent. Nec tamen in communi plausu una  
cuique exultationis ratio. Quippè sicuti quidam  
prospero belli initio, inflicta hostibus cæde, fe-  
racisque regionis possessione lætabantur, ita à  
plurimis commodius navibus iter redditum, e-  
reptus Piratis portus, tutumque inter Corcy-  
ram, ac Cephaleniam commercium gestæ rei <sup>Mauroce-  
nus captæ  
regionem  
præsidio  
firmat.</sup>  
præconia evocabant. At Maurocenus ex præ-  
senti proventu occasionem novorum conatuum

G g      quæ



1684 quærens, cum ad tutanda, quæ subegerat, loca prædiciarias cohortes collocasset; antequam bellandi opportunitatem hyems penitus auferret, prosternere latius vires, animosque hostium institit. Quapropter Naupactæum Sinum emensus, ut eò, simulato motu, agmina Turcarum derivaret, demùm Nicopolim oppugnaturus, cuncta ad obsidium raptim instrui curat. Verùm, quia à transfugis acceptum fuerat, validum in arce præsidium, promptum manu, & consilio Præfectum, cæteraque ad bellum apprimè provisa, constituit honesta fraude victoriam referre. Igitur arcem, qua parte Ambracio sinui imminet, tentare decernens, delectas ex omni exercitu militum copias aliquot parvis navigiis imponi, ac noctis ope in sinum, insciis hostibus, deduci jubet.

*Hinc Nicopolim oppugnatum ire pergit.*

*Nicopolis descriptio.*

Eminet in faucibus sinus Ambracii Aëtion promontorium; cuius in excessu Nicopolis, arx vetustate nominis clara protenditur. Hanc Octavius Cæsar Augustus in Aëtiacæ victoriæ monumentum, trophæi instar condidit: ibique instituisse Quinquennales ludos, ampliatoque Apollinis templo, locum castrorum navalibus spolis exornatum Neptuno, ac Marti consecrasse, dicitur. Urbem satis amplam olim fuisse, abundè constat: Nunc temporum injuria, arx tantùm cernitur, quæ forsitam, ubi Nicopolis fuerit, solummodò ostendit. At quia situs ingenio ars quoque recenter accessit, multiplici adeò



adeò munimentorum vi locus hodie pollet, ut 1684  
 difficillimè terra, marique obsideri queat.  
 Summum illi ex pelago robur. Ea enim potif-  
 simum parte aquas respicit, qua se Jonium ma-  
 re in Ambracium sinum insinuat. Indè, cùm  
 Epiri littora satis producta angustius ibidem  
 fretum efforment, sicuti facillimè muniri utrin-  
 que subsidiis, ita ob ingentem ambitum vix ma-  
 gno cum discrimine tentari ab oppugnantibus  
 potest. Maritimis viribus terrestres structura  
 respondet. Edita hinc quoque mœnium, ac  
 propugnaculorum moles. Tanta deindè agge-  
 rum congeries, ut non modò subjectos vicos,  
 sed apertam latè planitiem incolæ haud diffi-  
 cilè tueantur. Sed Imperator, qui cum præmis-  
 sis cohortibus ita convenerat, ut tamdiu in in-  
 teriori sinu latitarent, dùm occupandi sine di-  
 scrimine littoris tempus adesset, conficiendi prom-  
 ptius doli gratia, aliud iter exorsus est. Adfuit  
 ergo prima luce non exigua liburnicarum ma-  
 nu suffultus contra oppidum: Cùmq; intentum  
 se exponendis militibus composito ad fraudem  
 motu proderet, incitati Thraces, tùm quia plu-  
 rimùm multitudini suorum fidebant, tùm quia  
 impares occupando littori Veneti videbantur,  
 stipatis manipulis ocyùs dilabuntur ad littora.  
 Ut verò magis eò concurrerent, simulacrum pu-  
 gnæ edidit: specieque succumbentis universum  
 arcis præsidium, victoriæ dulcedine plectum,  
 ad extremas oras evocavit. Dùm hoc simulato

Impera-  
 tor simu-  
 lato cer-  
 tamine e-  
 vocat op-  
 pidanos.



1684 certamine incolæ detinentur, qui prætergressâ  
Inserent  
 Veneti  
 littus ad-  
 versum  
 occupant. nocte in sinum evaserant, ad oram Nicopolis  
 interiorem accedentes, universam planitiem ex-  
 plicando exercitui peropportunam, obstante ne-  
 mine, infederunt. Nondum, occulta adhuc frau-  
 de, Thraces reliquerant littoris custodiam, cum  
 Veneti jam occupatum à fociis locum rati, sub-  
 duxere navigia. Sed quæ inter barbaros, ut se  
Turcarum  
 pavor. nostrorum stratagemmate captos cognoverunt,  
 consternatio? Jam pristini furoris obliti non  
 modò committere se prælio, se ne tutandæ qui-  
 dem arcis discrimini audebant. Multi signa de-  
 ferere, fundi per agros, portas adire; & dum-  
 modò vitam in tuto reponerent, ita latebras quæ-  
 rere, ut revocantium ducum vocibus vix dimi-  
 dium copiarum paruerit. Igitur, qui remanse-  
 rant, assidua hortatione permoti, rursus in a-  
 ciem redeunt, colligunt animos, armaq; in Ve-  
Dein de-  
 scendunt  
 in pugnam. netos (pudebat enim immanem populum occu-  
 pati nullo discrimine littoris possessionem penes  
 hostes esse) ferociter dirigunt. Tunc, collatis ut-  
 rinque signis, in aciem miles descendit: stetit-  
 que diù pugnae iudicium anceps. Nihilominus  
 prius Thracum, quàm nostrorum animi, viref-  
 que defecerunt: Et quamvis illi nondum fuge-  
 rent, apparebat tamen, necessitate magis, quàm  
 virtute resistere. Cessit demùm conatus in vi-  
 ctoriam Venetorum; qui, cum littora, vicum,  
 imminentemque arcis collem crebris manipulis  
 obsedissent, verti retrò amplius haud potuerunt.  
 Ita-



Itaque pulsi Thraces; nec antè temperatum à 1684  
cæde, quàm, qui evaserant, se castello claude-  
rent.

Domita hoc eventu oppidanorum ferocia, fa-  
lutis, ac bonorum servandorum spe eos ad de-  
ditionem vocat Maurocenus; detrectantesque o-  
mni machinamentorum genere invadit. Jamque  
quatuor dierum spatio nunquam intermissis i-  
ctibus mœnia quatiebantur, cùm tanto studio,  
secundisque initiis cœptum opus, haud respon-  
dere voto videbatur. Quippè muri pervetusta,  
sed validissima mole suffulti, ferrearum glan-  
dium impetum eludebant. Nihilominus, cùm  
ingeminarentur tormenta, & ductis in varios  
flexus fossis, obfessores se propius arcem infi-  
nuarent, minùs fortè horum oculis arcis detri-  
menta patebant. Cuncta enim interiùs ollis in-  
cendiariis devastabantur, quamvis mœnia resi-  
sterent. Ad hæc Imperator jam fossa potitus,  
lectam suorum manum nocte dimisit ad mu-  
ros; atque, ubi protegendis militibus raptim tu-  
muli extructi sunt, edixit, parandis cuniculis  
operam navarent. Veruntamen, dùm hi suffo-  
diunt mœnia, egerentesque humum multiplici  
ex parte caveas effingunt; lassatis Turcarum a-  
nimis petendæ libertatis sollicitudinem belli ter-  
ror injecit. Itaque summo mane caduceatores  
Maurocenum adeunt, Nicopolim dedentes,  
dummodò incolis parceretur. Instabat hyems,  
deque paucorum libertate agebatur. Ne igitur  
inu-

*Mauroce-  
nus arcē  
oppugnat.*

*Interiora  
loci boli-  
dibus dis-  
jicit.*

*Turce  
dedendæ  
arcis con-  
siliū am-  
plectuntur.*



1684 inutili, & periculosa cunctatione exercitus vires tererentur, concessa oppidanis incolumitate, sancitum, ut triginta tantum eorum cum armis, reliqui omnes præter Christianos captivos egrederentur inermes. His mutuò consensu constitutis, altera à pactæ deditiois die, relicta arce, Ambraciam, uti convenerant, Turcæ trajecere. Dives bonorum præda fuit, quæ inter pacis ocia, & prædandi licentiam jamdiu barbari cumulaverant. Tormenta muralia XLIV. reperta. Quatuor annonariæ naves quoque in classis commodum transierunt.

*Novæ  
præliorū  
occafio, ubi  
Turcas  
per finiti-  
ma loca  
concursum  
fecit.* Oppugnatione Nicopolis prosperè ad exitum perducta, ubi Franciscus instauravit arcis munitiones, cum adessent Kal. Octobris, navales socios ad hyberna dimisit. Tunc Venetas quoque cohortes in stationes deduxisset, ni crebræ concursiones barbarorum majorem discriminum molem obtulissent. Etsi enim Thraces, qui eas Epiri oras incolebant, subito belli rumore perterrefacti, actum de regionis libertate animadverterent; nihilominus variis populationibus, iisque ob pernecitatem inultis occupata à Venetis assidue perturbabant. Non distulit Franciscus infringendæ audaciæ remedia. Sed prius custodię Nicopolis egregiis ex Patritiorum ordine viris, Nicolao Leonio, Petroque Zagurio, armorum verò Præfecturæ Petro Gabrielio centurioni destinatis, accingi suos prælio, imperat. Primum ergo Anactorium, oppidum  
in

*Revertitur  
Anactorium.*



in Acarnaniæ finibus, proficiscitur, & quia 1684  
 ejusdem custodes paulò antè trepidi decesserant,  
 vastatum est, ac funditus excisum. Indè sex-  
 centis armatis in triremes coniectis, incessit cu-  
 pido adeundi, visendique Ambracium sinum,  
 ita ab Ambracia urbe Ambracis Regis jussu con-  
 dita (hæc olim Pyrrhi regia) dictum: quo ni-  
 hil in tota regione clarius extat. Veruntamen,  
 prodito ab accolis loco, quem sæpè transmittē-  
 re prædones assueverant,educta statim cohors:  
 cūque crebri hinc indè tumuli itineri immi-  
 nentes, in ingensque spatium effusæ arbores ad  
 insidias surrexisse viderentur, dispositis per in-  
 tervalla ordinibus, miles delituit. Vix clām Ve-  
 neti aciem composuerant, cū repente venien-  
 tium clamor, & arma ad propius certamen eos  
 advocarunt. Igitur egressi opportunè è saltubus,  
 inque prætereuntium turmas audacter invec-  
 ti, incautos valido impetu aggrediuntur, ultrāque  
 nitentes ferro, atque igne proturbant. Turcæ ni-  
 hil tale opinantes, confertis primū, mox tur-  
 batis equis, in diversa aguntur. Nec primum  
 concursum sustinuis-  
 sent, ni, nullo circa ad eva-  
 dendum relicto spatio, à fronte, ac lateribus  
 partim Veneti, partim crebræ arbores iter clau-  
 sissent. Itaque, ut quisque à nostris impelleba-  
 tur, variè certabat, multique, confossis equis,  
 graviori discrimini subiciebantur. Impar nihil-  
 ominùs pugna erat, cū velocitate, ac robore  
 equitatus Venetos hostis superaret. Diū compli-  
 catis

*Pugna  
 cum Tur-  
 cis, eaque  
 ambigua.*



1584 catis corporibus ob arctam semitam ambigè dimicatum. Utrunque in situ necessitas, spes ex virtute, incolumitas ex victoria. Tandem barbari, quorum permulti ceciderant, vel alias insidias reformidantes, vel ob auditam extremæ cohortis fugam prorsus dejecti, terga dantes, in præceps versi sunt. Tunc ad cædem victores latè discurrerunt. At, cùm eadem pernecitate Veneti pedites assequi dilabentem equitatum minime possent, collectis fugentium spoliis, CCCL. Turcarum clade certamen penitus absolverunt. E nostrorum numero vix quadraginta milites interfecti.

*Iniquita  
nihilomi-  
nùs A-  
carnania.*

Non ideò tamen diuturna finibus Acarnaniæ quies fuit, nunquam remissis vexationum, ac rapinarum motibus. Quippè non impunè futurum rati Thraces, quòd Maurocenus Leucade, ac Nicopoli potitus fuisset; assiduis terroribus finitimarum gentium animos detinebant, ut, si ad recuperanda oppida, quemadmodum spes invaluerat, Præfectus terrestris exercitus convenisset, faciliiori negotio à Venetis deficerent Acarnanes. Sed Franciscus, intelligens prædonum pertinaciam nonnisi ingenti conatu perfringi posse, cùm jam hyems imbribus fæda desæviret, deducere in hyberna exercitum constituit, opportuniiori motu hostem mulctaturus. Accessit morborum omne genus, quod facile animos avertebat à belli consiliis. Etenim intoleranda adeò pestis vis multorum corpora invasit,

*Pestis ex-  
ercitum  
inficit.*



sit, ut temporis, ac regionis vitio primùm mi- 1684  
 lites morentur; contactus deinde infectorum  
 morbos latè vulgaret. Hanc calamitatem auxit  
 Comit̃s Nicolai Strasoldi copiarum Præfecti e-  
 gritudo; qua demùm victus, præmaturo fato  
 concessit. Id non sine magno exercitus mēore  
 latum est; cū vir esset belli, omniumque mi-  
 litarium artium peritissimus, paremque gloriæ  
 animum gereret. Eodem fato absumptus Co-  
 mes Franciscus Sylvaticus Equitum Dux, Pa-  
 tavina nobilitate conspicuus; qui passim, sed præ-  
 fertim in Cretensi bello præclara fortitudinis  
 specimina ediderat. Suffectus in ejusdem locum  
 Comes Aloysius Benedictus filius; qui vestigia  
 parentis insistens, toto Peloponnesiaci belli cur-  
 su, egregiam virtutem animi fortibus gestis  
 comprobavit. Ne igitur majori clade copię in  
 dies exhaurirentur, munitis apprimè oppidis,  
 plurimisque Acarnanum, ne infestarentur à  
 barbaris, in Leucadiam insulam transmissis, re-  
 liquam classē Corcyram ad hyemandum per-  
 duxit. Eodem anno, discedente Alexandro Con-  
 tareno D. Marci Procuratore, qui Legatione  
 fungebatur, Petrum Maurocenum Nepotem  
 suum, quamvis juvenili ætate, opere, & consilio  
 veteranorum studia æquantem eadem dignitate  
 decoravit. Dū hæc à Mauroceno aguntur,  
 cū Thraces diū victoriis florentes ab suo tan-  
 dem axe fortuna videretur excussisse, ingens  
 Byzantii terror animos primorum occupaverat.

Comit̃s  
 Nicolai  
 Strasoldi  
 mors,

& Fran-  
 cisci Syl-  
 vatici.

Populi  
 motus in-  
 gens in  
 Regia  
 Turcarū.

Hh

Ne-



1684 Neque ullum satis validum imperium erat cō-  
 ercendis motibus populi, detrimenta bellorum,  
 avaritiam Principis, Præsidumque oppidorum  
 ignaviam incusantis. Idcirco Mahometes Rex,  
 ut declinaret iram plebis, atque unà studia pri-  
 vatorum promptius eliceret, magnum argenti  
 signati pondus obtulit, quo stipendia exsolveren-  
 tur. Secutus exemplum Sigilli Regii Custos Hy-  
 braimus: ceteri, ut cuique opes suppetebant, tri-  
 butis majoribus obstricti. Sed, ne altiores radi-  
 ces conceptus pavor in animis ageret, cum Leu-  
 cadis Præfectus, cujus vecordiae oppidi jactura  
 imputabatur, inter carnifices exspirasset: ex Re-  
 gis edicto, novis Ducum, militumque delecti-  
 bus, atque omni armorum apparatu ingruenti  
 bello provisum. Prætereà, cum non exigua na-  
 vium manus, cui Alexander Molinus, Hie-  
 ronymusque Delphinus, ut superius memora-  
 tum, præerant, commercium adeò intercepis-  
 set, ut caput ipsum Imperii rerum penè omnium  
 inopia laboraret: ad augendam quoque classem  
 studia conversa sunt. XXVI. triremes, ac X.  
 naves de novo constructæ: missi ex primoribus  
 aliquot ad conducenda ex Africa navigia, Pi-  
 rataque in subsidium convocandos. Hæc, cum  
 Rex languentem militiam novis stimulis exci-  
 taturus raptim in unum redegisset; Classis u-  
 niversæ Præfectura Hosmano, ingentis expecta-  
 tionis Duci, demandata. Par tempori animus  
 hujus est visus. Quippè inter cæteras, quas sibi  
 de-

*Qui, pau-  
 lulum vi-  
 etia avar-  
 itia, a  
 Rege se-  
 datur.*

*Molini, ac  
 Delphini  
 facinora.*



designaverat, victorias, altior primò repetendę 1684  
Leucadis cupido inerat; mòx detinendorum in  
fide Græcorum, ne assueto gentis crimine fides  
labefactaretur.

Tanto rerum bellicarum provisui haud im-  
parem terrestrium, & maritimarum copiarum  
molem objiciebat Respub. Quippè læti ob prof-  
perè gestum bellum Patres, adesse tempus non  
ignorabant, quo, cælo auspice, ultimus terro-  
ris cumulus Turcis adderetur. *Igitur non laboris ,  
non sumptus magnitudine retardandum incæptum: congeren-  
das opes, augendum exercitum, & supplementum cum sti-  
pendio, & commeatu quamprimum in Græciam mittendum .*  
Hæc nunquam dilata. Nam, habitis passim  
delectibus, convocato ab externis nationibus  
milite, instructisque navibus, edictum, ut om-  
nia celerrimè Imperatori transportarentur.  
Optimum quoque Patribus visum, insignes a-  
liquot bellicæ rei peritia viros è Patritiorum or-  
dine eligere, qui præcipuis armorum muneri-  
bus, prout occasio postulasset, à Mauroceno  
præficerentur. Hi Marinus Gritius, Andreas  
Navagerius, Georgius Benzonius, Laurentius-  
que Venerius fuere. Qui vigilantia, consilio,  
& fide inter præstantissimos eminebant. Comi-  
te deindè Claudio S. Pauli, longo militiæ usu  
in Germania, aliisque regionibus probato, in  
Præfecturam copiarum suffecto, cum de in-  
cunctis anni profectu ageretur, Senatus Consul-  
to decretum, ut ex Imperatoris consilio ea ten-

*Appara-  
tus Resp.  
ad bellu.*

*co. clau-  
dius S.  
Pauli  
copiaru  
Præfe-  
ctus eli-  
gitur.*



1684 tarentur, quæ belli opportunitas, utilitasq; Reip. postularent.

1685 Verùm fedi anni principium incescit. Ulteriùs enim pestilentia militem depopulabatur; neque ulla ex cohortibus intacta à morbi seminibus evadebat. Diù lues hæc crebris funeribus deformis, cuncta luctu, & mœrore complevit.

*Pestilentia  
sevis-  
sia exer-  
citiis Ve-  
netorum  
adhuc tur-  
bat.*

Multæ ex navibus remigum, nautarum, militumque præfidiis penè exhaustæ sunt; quæ restitutæ, veluti novâ grassandi materiâ malignitati aeris præbita, sæviùs devastabantur. Tandem, ubi morborum vis cessit, reparataque damna cohortium parem præliorum incommodis exercitum reddiderunt, illud in primis Francisco curæ fuit, ut navales copię, quas hyeme congefserant barbari, procul detinerentur. Huic dilectus muneri Hieronymus Delphinus, Na-

*Delphi-  
nus mit-  
tur in  
Ægæi cu-  
stodiam.  
Dein Mo-  
linus.*

vium Præfectus, consilii prudentiâ quammaximè pollens, nec multò post Alexander Molinus; qui, junctis superiore anno viribus, multa in Turcarum exitium strenuè perpetraverant.

Preoccupato ita hostium consilio, antequàm expectata auxilia convenirent, Leucadem, Nicopolimque invisurus, Kal. Maii solvi ab Corcyrà imperavit. At vix Leucadem advectus, loci munimenta explorabat; cùm propinquantium barbarorum turbo animum ejusdem ad inopinatum certamen convertit. Nam, cùm

*Mauroce-  
nus Leu-  
cadem  
advectus  
multas  
prelio eos,  
quæ A-  
carnaniã  
urbabat.*

Thraces nusquam à concurfionibus in Acarnaniã temperassent; audacioribus demùm erecti con-



consiliis, colonos terrore, ac cēdibus, vicos rapinis, incendiisque vexabant. Quamobrem à belli semine regionem vindicaturus, lectam cohortem per obliqua viarum ducit, jubetq; militem in propinquis lucis latere, ut ingressis sylvam hostibus à tergo foret. Et quidem perutili fraude: nam Turcæ incauti advenerunt, & quamvis propinquo hoste, ultrà insidiarum nescii processere; conspectus enim armorum crebris arbustorum cumulis prohibebatur. Ubi ergo in procurentes barbaros primorum ordinum centuriones invaserunt, impar illis animorum ardor, ob subitæ rei faciem, fuit. Nihilominus aliorum accessu conglobati, paulò post dedere impetum in sylvam. Primo ex concursu magna cēdes. At diù pugnatum non est incerto eventu: nam Thraces prædonum more certare assueti, ubi instare sentiunt acriùs Venetos, fundi suorum ordines, multosque prosterni; equos præcipitem in fugam convertunt. Pulsis hostibus, diligentius curatæ arcium excubiæ, aucta præsidia, novisque munitionibus fines confirmati; ne, dùm aliis motibus detinebatur exercitus, imparatos Turcæ aggrederentur.

Vix ab hujusmodi curis collegerat animum Maurocenus, cùm XIII. navigia ab Italia adventantia, quæ strenuus Dux Ambrosius Bembus, Pat. Venetus, Adriaticique sinus custodiæ præpositus, ducebat, excepit. His præter delectos ex provinciis Venetorum milites, omnemque

*Ambrosius Bembus cum aliquot navibus advenit;*



1685 que apparatus bellici copiam, bis mille, & quingenti pedites vehebantur, quibus Maximilianus Vulielmus Brunsvicensis Princeps, optimè de Repub. meritis, præerat. Studio quoque militaris gloriæ, ac Mauroceni fama exci- tus Philippus Sabaudia Princeps, ingentis ex- pectationis, erectique animi juvenis, sub idem tempus adfuit. Reliqui sociorum auctiore co- piarum robore convenerunt. In iisque flos ju- ventutis, ac notæ fortitudinis duces; quorum nonnulli virtutem Imperantis Cretensi bello ex- perti, multis in gloriæ societatem advocatis, læti ad ejusdem exercitum confluxere. Auctus his subsidiis exercitus, undecim fermè armato- rum millibus constabat: Classis verò Quinque- remibus V. XXXVII. triremibus, ac XXIV. navibus. Accessere his permulta oneraria na- vigia, ad impedimenta, & commeatus com- portandos. Hunc virium apparatus quò verte- ret, non modica Mauroceni cura fuit. Siqui- dem modò de Creta insula, modò de Peloponne- so cogitans, variis utrinque stimulis agebatur. Summum hîc emolumentum Reip. futurum, ob- ditissimam, finitimamque regionem; non im- par illic decus, si redigi denuò in potestatem insula posset, cujus possessione hostes adeò intui- muerant. Verùm sua ubique discrimina non deerant. Arduum quippè Cretam invadere, cujus munimenta, præsidiumque tam sedulò ab hostibus curabantur. Situs præterea procul à fini-

atque u-  
na Maxi-  
milianus  
Vuliel-  
mus,  
Princeps  
Brunsvi-  
censis,  
& Phi-  
lippus  
Sabaudie  
Princeps.

Impera-  
toris sen-  
sus circa  
tentanda  
ea tempe-  
state.



finibus locus, intuta itinera, urbs demùm qua- 1685  
 cunque sui parte per occasiones opem exceptu-  
 ra. Neque adeò fidendum viribus videbatur, ut  
 tantæ molis urbem aggrederetur: nec ulterior  
 spes, si primis fortuna conatibus abfuisset, ut in  
 unum denuò exercitus, multò barbaris & ma-  
 gnitudine, & robore inferior redigi posset. Hec  
 de Cretâ succurrebant; cùm altera, sed utilior  
 cogitatio de Peloponneso successit. Quamquam  
 enim amplior regio, plures urbes, promptaque  
 Turcarum subsidia; juncta nihilominus Veneti  
 Imperii limitibus tellus, munitioraque loca ma-  
 gis ab rudi incolarum turba, quàm auctorato-  
 rum militum ope defensa. Græcos verò, bar-  
 barorum jugo excusso, jucundior sibi liber-  
 tatem, ac possessionem bonorum libenter vindi-  
 caturus, sperabatur. Immò horum aliquot, &  
 præcipuè, qui Tēnarium incolebant, missis nun-  
 tiis, testabantur, se eadem erga Venetam Rem-  
 pub. constantiâ non modò Thracum irruptiones,  
 uti ceperant, perlaturos; verùm etiam sumptis  
 armis in societatem laborum mox affuturos. Cē-  
 terùm, si Superi favissent inceptis, cùm ad Cre-  
 tæ Regnum, tùm ad præclara quæque facinora  
 tutiorem viam parari. Hæc anxia solitudine  
 versanti Mauroceno in proximam Peloponne-  
 sum transferri exercitum placuit. Cùmque sen-  
 tentia in militem dimanasset, fortissimo consi-  
 lio statutum fuisse omnibus visum est, ut desti-  
 nata regio bello, atque armis peteretur. Ani-  
 mis

*Demum  
statuit  
Pelopon-  
nesum in-  
vadere.*



1685 mis nobilissimæ provinciæ occupandæ spe incitatis, notæ fortitudinis Ducibus Nicopolis, Leucadisque tuendæ munus demandavit; continuoque, favente aura, iter ceptum est.

*Descriptio  
Pelopon-  
nesi.*

Peloponnesus, ita à Pelope Tantali Phrygiæ Regis filio dicta, amplissima est totius Europæ peninsula. Angustissimo Isthmo eidem annectitur; quodque exindè CCCLXIIIM. passuum circuitus habet, continuo passim, quamvis mutatis per intervalla nominibus, pelago alluitur. Creticum, quæ Oriens est, eam mare ambit, ex adverso Jonium: quæ verò Septentrionem spectat, Corinthiaco, Saronicoque sinu, quos Isthmus intercedit, è contra Mediterraneo mari clauditur. Pluribus non exiguæ magnitudinis sinibus regio scatet, inde platani folium dicitur eleganter æmulari. In ea verò tanta urbium, oppidorum, montium, ac fluminum diversitate lufit natura, ut in illum telluris ambitum retulisse omnes formas videatur, quibus amplissimæ quæque regiones variantur. Hic Musarum sedes effinxere Poetæ, hic literarum honor haud commentitiè. Plura tamen temporum injuriâ collapsa sunt, ut vix sola nominis gloria supersit. Multi populi, provinciis inter se distincti olim nobilitate, opibus, & prefertim bellandi arte insignes Peloponnesum incolunt; quorum præcipui ab Elide, Tænario, Corinthia, Argia, Laconia, Messeniaque nomina sumpserunt. Cæterum dices ibi cum ob soli  
uber-



ubertatem, tùm mercatorum frequentiam civi- 1685  
tates, inter quas Methone: quam propterea pri-  
mùm obsidione tentare designaverat Imperator.  
Jamque die XXV. Junii ad OEnussas insulas, *Ad OE-  
nussas  
classis  
pervenit.*  
quæ haud procul ab Acrita Messeniæ promon-  
torio jacent, deventum erat, cùm, antequàm in  
urbis conspectum classis deduceretur, certiora  
de naturâ, ac munimentis loci qui referrent,  
mittendos censuit. Parata quædam triremium  
manus erat, qua Comes S. Pauli Methonem i-  
turos præcessit. Hic, loco naviter inspecto, cùm  
difficillimam obsidionem futuram ob magnum  
urbis ambitum, angustum littus, atque impor-  
tuosum mare detulisset; ad Coronem oppugnan-  
dam studia Mauroceni conversa sunt.

Qua parte Peloponnesus Meridiem versus pro- *Corones  
sunt, atq;  
urbis de-  
scriptio.*  
tenditur, in angustiore telluris tramitem de-  
sinens, Acritam promontorium efformat. Hu-  
jus penè in excessu, non longè à Pomili flumi-  
nis ostio, sita est Corone; imminetque sinui cui-  
dam, qui ab Acrita usque ad Tænarum Laco-  
nici agri promontorium pertinet. Messeniæ cum  
veteres, nunc de nomine urbis, Coronæum si-  
num appellant. Antiqua ejusdem, at valida pror-  
sus structura, internisq; receptibus scatens. Trian-  
gularem fermè figuram habet, firmoque muro-  
rum nexu circumducta est; quorum ambitum  
crebræ turres, aptèque permunita propugnacu-  
la tuentur. Quà verò respicit interiora Pelopon-  
nesi, in acutiorem apicem desinens, non exiguè  
Ii ma-



1685 magnitudinis arce pollet; cuius ope, anterioribus munimentis amissis, diu obsidentium conatus sustinere incolę queunt. Ibidem robusta turris extollitur, commoda obsessis; cui, sicuti & menibus, confragosę rupes fundamento sunt. Sinum ergo Messeniacum ingressus Franciscus, ubi, educto milite, instructa à copiarum Præfecto acies fuit, sexcentos ab urbe passus castra locat. Processum est postera die in suburbium; cumque, vix ostentatis copiis, sese incolę intra muros recepissent, omnia diripienda militibus concessa. Quibus peractis, fossam, loricamque contexens, vicos omnes complexus est, resectis dein fontibus, tormentarios suggestus attolli imperavit. Ut verò accuratiùs procederet obsidium, expertissimis ducibus Georgio Benzonio, & Laurentio Venerio, Patritiis Venetis Præfectura castrorum demandata. Cœpta exindè triplici ex parte urbis oppugnatio. Quà etenim mare est Occidentem versus, Melitensium, ac Brunsuvicensium copię littus occupaverant; quà in apicem urbs excrescit, lectę Ultramarinorum, Italarumque cohortes aciem componebant: demùm, quà suburbium, reliquę Venetorum turmę cum auxiliariis affundebantur. Hęc verò eo inter se ordine conjuncta, ut continuus ab utroque littore mille passuum agger excurreret. Provisis, quę ad terrestres copias pertinebant, velut maritimam quoque ostentans obsidionem Maurocenus, pelagi custodiam

*Veneti  
hand pro-  
cul ab ur-  
be castra  
ponunt.*

*Fidelium  
copiarum  
ordo.*



diam minimè neglexit, cùm ne subsidia ad Co- 1685  
ronæos furtim commearent, tùm ut nulla ur-  
bis pars intacta ab oppugnatione evaderet. Mis-  
sæ idcirco Etruscorum, Benedictique Sanuti  
Adriatici sinus Præfecti triremes, quæ muros,  
quà urbs in Orientem versa est, concuterent,  
& simul, ne raptim quis Turcarum egredere-  
tur, prohiberent. Siquidem prope mœnia qua-  
tuor liburnicæ erant, intra exiguum admodum  
finum arte paratum tutæ: indè suspicio, ne  
Coronæi per incustoditum mare subsidia à fi-  
nitimis petitem mitterent. Ipse, in custodiam  
adversæ littoris Melitenis, Pontificiisque tri-  
remibus locatis, quotidie circumvectus clas-  
sem, suorum stationes invisere, monere du-  
ces, ut vigilias nocturnas diligenter servarent,  
terrestres munitiones circuire, demùm nulli la-  
bori, aut periculo parcere, ut & accenderet  
militem exemplo, & fiducia spem potiundæ ur-  
bis eidem faceret. Dùm sedulò ab eo terra, ma-  
rique res geritur, non fatiscebant Coronæi, as-  
siduè reficere quassata murorum intenti: cùm-  
que, incensis pontibus, congesta tellure firmas-  
sent portarum munimenta, ingenti tormento-  
rum apparatu jugiter Christianorum vallum  
turbare adnitebantur.

Sed in ipso obsidionis exordio nova Mauroce-  
num tetigit sollicitudo, non tantum pertinaciori  
bello ad extremum Thraces redigendi, verum  
etiam vindicandi exercitum ab insidiis. Non i-

*A qui-  
busdam  
mulieri-  
bus statim  
urbis de-  
scribitur.*



1685 gnobilis enim cujusdam Tænarii hominis uxor tribus cum aliis mulieribus captivis, quibus intentior belli cura inter obsessos fecerat fugæ facultatem, demissis per noctem à mœnibus scalis, ausa cum sociis clàm in Venetorum stationes evadere. *Invisum Coronæorum jugum effugisse, simul referunt, ad patrias domos, dummodo id pateretur Imperator, redituræ. Permulta in urbis, atque arcis munitionibus consternata; at nequiquàm idèò incolarum animos concussos esse. Ex tribus millibus, & ducentis Turcarum, quingentis verò Græcis urbis præsidium componi, at per-vicaciter adeò ad tuendam patriam omnes paratos, ut nonnisi cum morte libertatis commutandæ consilium inter eos versaretur. Immo cuidam vel incautè de querenda per ditionem libertate locuto, stipitem per obscæna in reliquorum exemplum exegisse. Verum, quòd aliis animos agebat, expectari in dies à finitimis regionibus subsidia, ipsumque Turcarum Præfectum, comperto Venetorum ausu, prælio accingi, ac mox cum sex millibus armatorum ad solvendum obsidium affuturum. Cæterum non commeatibus tantum, sed cujusvis generis bellicæ rei copia Coronæos affluere, opulentos cives, ditissimas merces; verum firmos adeò animos esse, ut nonnisi longævo opere vinci possent. His incitatus Maurocenus ad maturandum summæ rei discrimen, ante omnia muniendo adversus inopinatos casus exercitui operam dedit. Et, ne suspectæ in posterum insidiæ forent, cædi passim arbores jussit. Pone tergum enim sylva insurgebat, oleis adeò referta, ut per eas adventantium Turcarum conspectus adimere-tur.*

*Indicatur  
mox ad-  
venturos  
Thracæ  
in auxi-  
lium.*

*Obsidium  
asperatur.*

tur. Omnia, quæ firmanda erant, cum per- 1685  
fecisset, in exitium obsessorum animum vertit.  
Inter reliqua verò machinamenta parandis cu-  
niculis insudatum, ut, quæ ferreis globis concu-  
ti vix poterant, majori ruina ab imo verteren-  
tur. Veruntamen pugnabat natura loci pro ob-  
fessis, cum vix aditus inter saxa aperiri posset,  
quibus murorum fundamenta altè inniteban-  
tur.

Interea duplicem vigilum numerum esse, le-  
ctiores cohortes utrinque ad cornua locari, ag-  
geres demùm ulteriori mole à tergo obduci pla-  
citum. Neq; hæc incassum comparata. Enim-  
verò paucos intra dies ingens barbarorum ag-  
men imminet Venetis collem infedit. Im-  
perator, cum jam omnibus, quæ pugnae neces-  
saria erant, provisum cerneret, ubi circumire  
hostem, ac prælium poscere animadvertit, edu-  
ctos manipulos opportunè objectat irruentibus.  
Cuncta continuò exsonantium armorum tumul-  
tur completa: præruptis quaquaversum ordini-  
bus, impetu magis, ac furore decurrentium, quàm  
iusto prælio decertari ceptum, nec pauci in ipso  
pugnandi limine interfecti. Multum tamen non  
stetit certaminis iudicium anceps. Ubi enim  
suos monuit Franciscus, ut, relicta prælii fron-  
te, leviter hostium latera obirent, & quamplu-  
rimos à recto pugnandi ordine distraherent, in-  
gens barbaris terror, ac clades injecta. Frauda-  
to ità primo hostium conatu, viginti dierum  
spa-

*Prelium  
cum co-  
piis sub-  
sidiariis  
barbaro-  
rum.*



1685 spatio modò eminùs tormentis, cominùs modò cum obsessis omni armorum genere dimicatum est, dùm verò remissiora ob exhaustas illorum vires consilia videri ceperant, major repentè certaminum moles invaluit. Quippè cùm barbari, collectis ab universa Peloponneso manipulis, ad ferendam opem Coronæis confluxissent, vires nostrorum jam coæquantes, in certamen apertè descenderunt. Lecta equitum cohors properè ad stationes accessit, ita incitatis in cursum equis, tanquam ad certam victoriam properarent. Cùmque sub idem tempus Comes S. Pauli, acie raptim instructa, prodiiisset è septis, collatis signis, magnum primo concursu fortitudinis specimen utrinque pugnautes edidere. Verùm, ut invicem complicati magis sunt, tantam dextero Turcarum cornu cædem Venetus miles intulit, ut, profligata illius partis ala, impetuque in reliquam aciem converso, non fuderit tantum ordines hostium, sed, quamplurimis trucidatis, reliquos penè usque ad vallum assidua cæde compulerit. Ubi victorum agmen penè usque ad objectos aggeres institit fugientibus, signum receptui datum, ne ultionis ulterioris spe deduceretur in insidias. Igitur difficilior ea parte futurum in dies discrimen cognoscens Imperator, omnem curam firmandis loricis post circitorum viam impendit. De novo circumsepta munimenta, producti aggeres, auctus numerus tormentorum: denique pro-

*Pugna  
rursus  
innovatur.*

*Vincen-  
sibus Ve-  
netis, ho-  
stes pellū-  
tur intra  
vallum.*



probatae virtutis militibus prima receptacula cu- 1685  
stodienda tradidit.

His rerum vicibus adeò sub Corone bellum  
incaluerat, ut obsessor ipse intra vallum suum  
obsideretur. Hinc periculi moles, & desperatio  
victoriae animos Venetorum dejecerant. Neque  
decerant inter Duces, qui, *satius esse omitti incæptum,*  
*quàm exitiabili præliorum experimento exercitum conteri*  
suaderent. Addi quotidie hostium castris copiarum supple-  
mentum, obsessis pertinaciam. Strepere passim finitimas re-  
giones delectibus militum, atque apparatibus armorum. Ve-  
netos verò impares crescenti in dies Turcarum robori mox  
futuros. Tunc non modò solvendum obsidium, sed extrema  
necessitate compulsis turpi fuga salutem quærendam. Interea,  
si operi adhuc institissent, irrisoris materiam barbaris præ-  
bituros; hinc munimenta urbis, illinc valida obsessorum sub-  
sidia frustra mirantes. Quapropter, antequàm confirmaren-  
tur hostes, & dùm tutò liceret, retrahendas copias.  
Id saltem obtenturos Fideles, ut nondùm extremos nixus  
experti, antè opus defererent, quàm palàm fieret, cuinam  
facinori impares essent. Non ignorabat Imperator  
jactari hæc à peritioribus, & modum posci; verum nunquam magis sollicitus, quàm ubi de  
fiducia, aut pavore suorum ageretur, invisens  
manipulos, nihil profuturam Thracum multitudinem,  
subindè differebat, ubi Veneti strenuè castra defendis-  
sent, atq; ad occasiones in illorum aggeres impetum fecissent.  
Aliàs rem eventu probatam. Fusas toties modico agmine  
ingentes Turcarum copias. Igitur ad opportunitatem pugnae  
servarent vires. Interea quid præter breves concursatio-  
nes,

*Timor  
Venetorum  
ob auxilium  
quotidie  
hostium  
vires.*

*At Mau-  
rociens o-  
ratione  
denuò e-  
riguntur  
in spem.*



1685 nes, & inanes tumultus ausuros & barbaros, ubi vallo munita Christianorum acies artem inconditis, constantiam trepidantibus, virtutem ignavis objecisset? Præterea neque hostium exercitum, tumultuario delectu auctum, terro-ri esse debere. Ex tyronibus, captivis, & rudi agrestium multitudine gregem illum coaluisse. Hinc specie ampla, re autem infirma, atque indocta Turcarum agmina, nec servatura ordinem præliorum, nec incommoda belli, cælique, & tempestatis diu perlatura. Dejectos jam, ob superioris anni clades, animos Præfectorum: invalida subsidia, fessos murorum propugnatores. Ceterum, ad unius tantum urbis oppugnationem adductos se esse, ne crederent. Oppugnatos enim verè mœnia unius urbis; sed una in urbe totam ferè Peloponnesum subacturos. Addidere his vim exempla Mauroceni, eadem penè, quæ gregarius miles, tolerantis. Hinc adire insuper manipulos, classem, Præfectos: strenuos præconio, pavidos spe, ac fiducia incitare; vecordiam magis militum, quàm fortitudinem dissimulans, ut hi præmio, illi clementia, & promptiorum studio acuerentur. Ita suis in spem restitutis, nusquam urbis oppugnationi intermittebatur. Quippè modò tormentorum conatu, modò cuniculorum vi muri decussi corruiebant.

*Ardor  
Coronæo-  
rum.*

Sed Coronæi, qui hætenus defensione murorum contenti obsidium fortiter sustentaverant, auctum recens exercitum suorum cum cognovissent, audacioribus consiliis mentes aperuerunt. Præcipuè urbis Præses, lætus armorum Præfecti adventu, quo cum quinque mi-  
litum



litum millia adventarant, non desperavit posse subito certamine fundi copias obsessorum. Igitur magno, elatoque animo Coronæos incitavit ad pugnam: *Quid timerent tam diuturna, ac strenua propugnatione clari, præsertim cum validissimæ cohortes convenissent in subsidium?* Undique Christianos hinc civibus, illinc recenter adducto exercitu circumventos. Ne effugium quidem, nisi ingentis cladis pretio, inventuros. Nihil minus reformidare Maurocenum, quam ne suorum castra turbarentur ab obsessis. Audendum ergo opportunè, quod ille haud crederet Coronæos ausuros; quod difficillimum reputabatur, futurum facillimum: urbemque à tam infesta obsidione paucas intra horas evasuram. Excepere obsessi Præsidis orationem alacres; continuòque curant corpora, capiunt arma, & parantur ad prælium. Profecta dies erat, instructaque cohors nutum ducis expectabat, cum, dato signo, ferox è portis erumpit, & quò latiori terrore hostem aggrediatur, bipertito agmine in Venetorum stationes ruit. Imperator intelligens subitam eruptionem plus timoris, quam periculi allaturam, magisq; ex subsidiarii exercitus, quam suarum virium fiducia motos ad id Coronæos, dispositis raptim cohortibus, quæ res, tempusque postulabant, impavidè decurrentes sustinet. Invalet subinde multitudo, campumque confertissimæ phalanges undiq; complent. Diù igneis fistulis, telisque eminùs pugnatum: ut verò strictioris prælii copiam barbari fecere, immix-

K k tis

1685

Qui de-  
mù cogi-  
tant de  
eruptione  
in Vene-  
tos.

Erum-  
pentibus  
Turcis  
suos stre-  
nuè obie-  
cit Mau-  
rocenur.



1685 tis utrinque ordinibus, seuiorem aspectum induit certamen. Vulnera vulneribus, cædibus cædes pensatæ; effusisque in rabiem animis, suo quisque corpore extremos nixus metitur. Nutantia exindè agmina variis terroribus spem victoriæ turbant, neutro inclinante fortuna. Tandem, egregiè resistentibus Venetis, fundi Thracum ordines cœperunt. Idcirco ii, quorum permulti in acie ceciderant, inutile molimen disjiciendi hostiles ordines experti, ne ulteriori sanguinis iactura animum nostrorum augerent, arrepta fuga, ad urbem informi acie properavere. Paucissimi fugiendi velocitate servati, iique intra muros valido impetu compulsi: econtrà à Venetis modicum sanguinis fufum. At, licèt Franciscus suorum fiduciam hac obsessorum strage auctam animadverteret; instabat nihilominus altera ex parte major sollicitudo arcendorum à castris hostium, assiduis concursibus stationes infestantium. Neque ii tot copias dubiis motibus hætenùs detinuissent, ni magnos, quos Præfectus exercitus paraverat, conatus, præpropera ejus mors intervertisset. Ingens hac de causa consternatio in Turcarum castris, dilataq; in dies prælii consilia.

Nihilominus Imperator nihil tutum ab hostium multitudine ratus, ut sua magis firmaret, modicæ altitudinis collem, castris penè contiguum, in exercitus opem verti iussit; quingentorumque Illyriorum militum cohortem, quæ  
 absul-

*Post aciem  
 eadem a-  
 diguntur  
 in fugam  
 barbari.*

*Præfectus  
 Turcarum  
 obit.*

*Mauroce-  
 nus nova  
 munimen-  
 ta orditur.*



affultantium Thracum terga lacefferet, ibidem 1685  
 locari. Hoc peracto, nihil de obsidionis ardore  
 remissum. Diu, noctuque in effodiendis cuni-  
 culis, latiusque prosternendis mœnibus opera  
 Venetorum versabantur. Cùmque unus ex illis *Aggres-*  
 ad prægrandem caveam redactus amplam mu- *sonis im-*  
 ris ruinam allaturus machinariorum iudicio vi- *petum cō-*  
 deretur; urbem eadem parte tentare constituit. *paras.*  
 Id munus Equiti à Turri Melitensium, & Mar- *Eques à*  
 chioni Corbonio trabeatorum equitum Ducibus *Turri, &*  
 demandatum. Hærum fortitudini, ac vigilantia *Corbonius*  
 plurimum Maurocenus confidebat. Siquidem *Marchio*  
 ille inter Cræti belli discrimina probatus, hic *paratur*  
 longo militiæ usu, & exacta suorum disciplina *ad pugna.*  
 insignis, uterque consilio, & fide præcipui, in-  
 gentem de se spem præferebant. Igitur, iussu  
 Mauroceni, impressionis ordinem inter se parti-  
 ti sunt; id potissimum ad excitandam fiduciam  
 militum ostentantes, ubi paulum defensorum ni-  
 xus sustinuissent, partim ex imbecillitate virium,  
 quas proxima eruptio dissipaverat, partim ex de-  
 speratione subsidiorum, quibus non diu, non no-  
 ctu aditus dabatur, eisdem cessuros. Extrema  
 tunc fata Coronæorum advenerant, ni immanis  
 saxorum, invicem nimis altè coeuntium moles, *Sed fru-*  
 cuniculi vim eluisset. Erupit enim flamma mo- *stra ob*  
 dicè muris concussis; præclusoque evadendi in *fractam*  
 urbem aditu, à conatu exercitum Duces conti- *vim cu-*  
 nuere. Verùm sicuti omnia Fidelium studia ad *nicali.*  
 evertendam urbem conversa erant; ita ex adver-



1685 *Barbari ab aggre-  
ribus e-  
rumpunt in  
Venetos* so non deerat in hostium castris ad cavendum  
solicitude. Ubi namque comparari Venetos ad  
aggressionem animadvertunt, eductis copiis, in  
eorundem vallum equites, peditesq; pervoluunt.  
Primo concursu pelli Thraces videbantur: at,  
ubi maiorem sibi noxam ab iis, qui collem insi-  
debant, assiduis enim ictibus desuper conflictaban-  
tur, infligi senserunt; relicta praelii fronte,  
*& primo  
prospero  
eventu.* in munimenta collis impetum dedere. Neque  
diu cum Illyriorum cohorte dimicatum. Si-  
quidem hi barbarorum ululatu, ac furore perter-  
refacti, post brevem pugnam propè ad unum  
occisi sunt. Interim Thraces loco potiti ita Ve-  
netis imminebant, ut cuncta terrore, & ferrea-  
rum glandium procella complerent. Sed Impe-  
rator, antequàm se hostis in collis possessione con-  
firmaret, eundem loci fiducia exuere statuens,  
quas paulò antè ad aggressionem destinaverat,  
cohortes, ad repetendum collem admovet. Nec  
mora: adoriuntur Veneti barbaros; atrox utrin-  
que pugna confertur. Præstant hostes loci e-  
minentia; haud tamen recedunt Veneti, in te-  
stitudinem conglobatis manipulis vicissim ad  
culmen succedentes. Multum sanguinis hoc  
*Tandem  
depellun-  
tur à Ve-  
netis.* certamine effusum; victoria verò melioribus  
affuit, quamvis eventu admodum difficili.  
Non enim antè in nostrorum potestatem re-  
stitutus est locus, quàm, penè omnibus, qui  
resistebant, interfectis; reliqui præcipites age-  
rentur. CCCC. Turcarum cecidere; totidem  
fau-



fauciati: capta militaria signa quatuor. Qui è 1685  
 septis prodierant, usque ad vallum assidua cæ-  
 de à Venetis compulsi sunt. Ex horum verò  
 numero, quamvis centum, & triginta milites  
 tantum desiderarentur, aucta clades morte E-  
 quitis à Turri. Hic trium vulnerum labore non  
 fractus, dum strenuè discrimina subit, mili-  
 temque ad victoriam integro animo hortatur;  
 excitato (incertum casu, an hostium fraude)  
 ex nitrato pulvere igne, in ipso ardore certa-  
 minis absumitur. Juxta eundem quatuor Meli-  
 tentes Equites, inopinato discrimine deprehensi,  
 haud ablimili eventu è vivis erepti.

*Eques à  
Turri  
moritur.*

Cæterum singulis diebus simul in frontem,  
 simul & in latera vario eventu certabatur: den-  
 sæ hostium cohortes inæqualibus, editioribusq;  
 locis hærentes variis motibus expectationem  
 Christianorum fallebant. Cumque robur acce-  
 dentibus quotidie præsidiis augeretur, instarent  
 acrius laceffentium cohortes, ac plerique fidu-  
 cia virium temerè sese discriminibus offerrent;  
 meritò suspectabat Imperator, ne tandem in-  
 gruens Turcarum turbo lassati exercitus reli-  
 quias penitus dissiparet. His de causis nunquam  
 tutandi valli cura soluta, sicuti & producendis  
 aggeribus assidua opera navabatur: & ni con-  
 gesta tellure confirmatæ munitiones impetum  
 assultantium crebrò confregissent, haud longè  
 ab exitu hostium consilia erant. Inter hæc ne-  
 que obsessi munia belli segniùs obibant. Hi  
 nam-

*Nihilo-  
minus  
pervica-  
citer pro-  
ducitur  
obsidio.*



1685 namque extremis veluti malis firmati, multa simul moliri, Venetis insidias astruere, arma, ignesque parare, suspectiora loca armatis communire; ita demum infestandis oppugnantibus operam locare, ut non vigiliis, non labore, aut vulneribus fatigarentur. Jamque quadraginta dies obsidii conatus absumpserat; cum, veluti integro penitus bello, eò res devenerat, ut acrius, non de victoria modò, sed de salute quoque decertandum videretur.

*Mauro-*  
*nus de-*  
*cernit in-*  
*tra val-*  
*lū Thra-*  
*ce, aggre-*  
*di.*

Sed Franciscus incolumi barbarorum exercitu inexpugnabilem urbem fore animadvertens, in postremi praelii experimentum animum vertit. Non enim spes erat, eo decertandi ordine crescentem in dies multitudinem vinci posse; cum interea Venetas cohortes quotidiane cædes magis exhaurirent. Accedebat trepidatio quorundam, qui duritie laborum, ac desperatione victoriæ in dies magis eneruabantur; ardor prætereà cœli, ac molimina Coronæorum, quibus, si longius opus processisset, brevè impares omnino Fideles futuros intelligebat. Igitur, quamvis terreret hostium multitudo, & ut in arduis rebus solet, suspecta omnia viderentur; cunctis diligenter pensatis, nec spernenda omnia, nec metuenda ratus, inopinato, eoque nocturno motu irruere statuit in castra barbarorum. Aucto idcirco exercitu novis hominum copiis, quas educi raptim è triremibus imperavit, M. D. militum cohortem, Jo:



Jo: Aloysio Magnanino duce, inter tenebras, 1685  
 VII. die Augusti adventante, dimisit, jussitque  
 non procul ab hostium tergo in dumetis deli-  
 tescere, atque ibi pugnae signum opperiri.  
 Interea ipse, sumptis armis, obequitans copiis,  
 milites hortari, uti memores pristinae virtutis  
 intenti, paratique essent. Quosdam supra val-  
 lum in munimentis locare, vigilias ipse circui-  
 re, cunctaque praelio opportuna sedulo compa-  
 rare, ne in tanto rerum discrimine laborem ab  
 Imperatorio munere separaret. Jussae praeterea  
 quinquereemes adverso littori propinquare, ut ex  
 multiplici motu latior Turcarum formido se-  
 queretur. Ubi verò, edito, incerta adhuc luce,  
 signo, impetus ab iis, qui praecesserant, ad ho-  
 stium terga factus est; Maurocenus quoque, de-  
 ducto è septis exercitu, à fronte in barbaros bi-  
 partitò invadit. Lævum aciei cornu Eques A-  
 lexander Alceniacus, dexterum Jovius, primi  
 ordinum ductores, optimè in hoc bello de Rep.  
 meriti, ductabant. Reliquæ copiae expertæ vir-  
 tutis centuriones sequebantur; hæque certatim  
 lateribus hostium assultantes, primo impetu ex-  
 ternas eorum munitiones conscenderunt. Vix  
 vigilum caedes excitaverat Thraces, cum tantus  
 repente pavor eosdem occupavit, ut non arma  
 capessere, non propellere irruentium manipulos,  
 sed utpote nondum veterno excusso semiermes  
 adhuc, perrumpere ordines, fugamque arripe-  
 re conarentur. Hinc concursatio, & tumultus  
 alio-

Confer-  
 tur va-  
 nus cum  
 hoste, &  
 prospero  
 eventu.



1685 aliorum incidentium in alios augebat terrorem, ploratus metuentium totis personabat castris, atque interea à nostris passim hostes fundebantur. Haud multum tumultuario hoc prælio decertatum. Adeò enim fuit victoria in proclivi, ut præter invadendi consilium, cædisque laborem, vix fortitudinis experimentum Turcarum formido reliquerit. Tria hostium millia partim cæsa, partim capta; & præter viginti militaria signa, ablatum Vexillum Regium, Caudæque Equinæ, insigne in præliis imperii, secundique ominis symbolum, quod casu quondam ceptum, facile in religionem apud barbaras gentes transiit. CCCL. equi, VI. Tormenta, tentoria demum omni armorum, atque opum genere affluentia in victorum prædam concessere.

*Turcarum  
cedes.*

*Caudæ  
Equinæ  
& Vexil-  
lum re-  
gium Pe-  
nesi diri-  
piunt.*

*Continuò  
paratur  
impetus  
in urbem.*

*Joannis  
Bassigna-  
ni virtus.*

Latiùs victoriæ lætitiâ lux proxima aperuit, cum, pulsis Thracibus, confractisque eorum receptibus, ubi prius tanta periculi moles, vastum modò silentium, ac latè dispersa hostium cadavera cernerentur. Accedebat, ut incerta essent fugæ vestigia, fusaque per patentes campos multitudo rursus conglobari nequaquam posset. Quamobrem Imperator, piè votis pro felicis certaminis exitu per solutis, laudatisque pro concione victoribus, non dubitavit, quin postremam obsidioni manum imponeret. Contemplatus, quâ promptior pateret capiundæ urbis opportunitas, Joanni Bassignano parandi cuniculi munus demandavit. Hic in machinis bellicis admo-  
dis



dis probatę discipline vir, ingentibus cuniculis, 1685  
 ignibusque vario artificio conflatis, multa in ho-  
 stium perniciem molitus fuerat. Itaque, quā le-  
 viter convulso propugnaculi pectore, concussa  
 mēnium pars erat, ingentis caveæ aditum effo-  
 dit, atque ita subter fundamenta folsam deduxit,  
 ut ea ingentem muri loricam amplecteretur.  
 Dūm instat operi, atque aggressionis conatus ab  
 Imperatore exornatur, non defuere ē subsidia-  
 riis copiis, quæ tædio laboris, ad patrios portus  
 rediturae, vela in altum darent. Hæ Etrusco-  
 rum Triremes fuere: quarum ductor tempesta-  
 tem, cædemque causatus, suis ē vallo in navi-  
 gia convocatis, Venetorum castra deferuit. Ve-  
 runtamen Franciscus nequaquam à consilio di-  
 motus, ubi apprimē militem de agendis admo-  
 nuit, XI. Augusti die facinus exorditus est. *Impera-*  
 Cūmq; soluta murorum compage, ingenti im- *tor urbem*  
 petu cuniculus erupisset, continuò Italogum *aperto*  
 cohortes, quas Jovius ducebat, urbi propinqua- *certami-*  
 runt. Eodem tempore, quā mare est, Brunfu- *ne adori-*  
 vicenses, Melitensesque fractis mēnibus affun- *tur.*  
 duntur; quamvis hi postea, ob majus hostium  
 robur eadem parte congestum, atque angustio-  
 rem viam, vix murum conscenderint. At Itali  
 prospero incepto ruinæ tumultis potiuntur; cæ- *Acriter*  
 lisque defensorum permultis, alii aliis succede- *pugnatur*  
 re, & quā patentior aditus erat, stipatis mani- *utrinque:*  
 pulis ad turres capiendas festinare. Contrā ob-  
 fessi umbonibus, hastis, telis decertare, in pro-  
 ximos



1685 ximos faxa volvere, pice, ac sulphure mixtas  
tēdas in confluentium catervas immittere. Nec  
ii quidem, qui procūl aberant, ictus hostium de-  
clinabant. Quippè minoribus tormentis per sclo-  
petarios confossi interibant.

Quatuor fermè horas, instaurato sæpè certa-  
mine, ea cædes copias utrinq; confecerat; cū  
Maurocenus lassatos milites cernens, paulūm  
differre extremum prælium constituit. Interea  
*Imperator  
suo s erigit  
spe victo-  
ria.* singulos acuens ad pugnam, ut strenuo animo es-  
sent, omnesque virium, ac consilii nervos intenderent,  
hortabatur. Satis jam pro salute, ac victoria certa-  
tum; reliquos conatus pro præda fore. Invaderent ergo  
fessos, ac primo congressu paritantes obruerent. Adesse  
tempus, quo pertinacissimæ gentis sanguine imbuerent gla-  
dios; incubatamque hostium fugam gloriam perficerent. Ad  
hæc superiore in pugna meritis publicis largi-  
tionibus donat; eosque præcipuè extollit, in qui-  
*Sabaudia  
Principis  
facinus.* bus clariora virtutis specimina adnotaverat. In-  
ter cæteros emicuit Sabaudia Principis virtus,  
qui, ubi prælium incaluerat, primis nostrorum  
manipulis immixtus, operæ strenuè navatæ,  
relatique vulneris gloria studia militum, lau-  
desque Imperatoris evocavit. Ceterum, omnibus  
ad tentandam denuò aggressionem paratis, du-  
ctori ordinum Alceniano præcipuum munus  
committit. Indè multiplici opere tutiùs obsessos  
subacturus, epibatarum turbam ea parte expo-  
nit, qua continens in apicem desinens nonnihil  
ab urbe mare versus porrigitur. Curatis corpo-  
ribus,



ribus, vix duas horas calentes pugna cohortes 1685  
quievere.

Verùm longè magis obsessis, qui jam tuendis <sup>Obsessi di-</sup>  
muris impares erant, actæ eo die cædes anxias <sup>scrimine</sup>  
mentes reliquerant. Extremum opus, mors, <sup>salutis</sup>  
restabat; strenuis remedium, pœna ignavis. Sed, <sup>dejecti de</sup>  
cùm de salute urbis desperatum animadverte- <sup>dedenda</sup>  
rent, mutare consilia, frangere audaciam, sue- <sup>urbe co-</sup>  
que incolumitati prospicere universi ceperunt. <sup>gitant.</sup>  
Itaque tacitis curis primùm optata libertas; mox,  
palàm prolatis votis, impetrandam urbis dedi-  
tione salutem una Coronæorum vox secuta est.  
Ut ergo Venetus exercitus certamini accinctus,  
ostentatione virium altiùs obsessorum mentes  
permovit, paratos se ad proferendas dedendæ  
urbis condiciones albenti vexillo, ut moris est,  
significarunt. Non detrectavit consilium Impe-  
rator, cui jam satis sanguinis effusum videbatur:  
immò, cùm, cessaretur undique ab armis, edixit  
let, omnia, veluti obtentâ victoriâ, compositis a-  
nimis quievere. Sed, dùm caduceatores deligun- <sup>At ca-</sup>  
tur, totî victoriæ exitum, quem datura virtus <sup>su certa-</sup>  
fuit, casus dedit. Quippè, cùm fortè inter Ve- <sup>mè atro-</sup>  
netos excitatus ex militis cujusdam incuriâ i- <sup>accendi-</sup>  
gnis exiguo tumultu quiescentem exercitum <sup>tur.</sup>  
pervertisset, veriti exindè insidias Coronæi,  
vel desperatione immaniter acti, non modicam  
plumbearum glandium grandinem continuò ex-  
onerarunt in Venetos. Tunc, præter multos in-  
terfectos, nonnulli ex Ducibus fauciati: inter

L1 2 quos



1685 quos præcipue Corbonius Marchio vix necem effugit. Horridum pugnae initium. Spontè incitatus in rabiem miles atrox prælium init: multoque efferatis mentibus in extremam hostium perniciem pugnantes effunduntur. Quis referat truculentæ cædis ordinem, tristissimumq; spectaculum, quod de se barbari præbuere. Multiplici ex parte Veneti in muros evadunt, cédunt obices, momentoque mœnia occisorum corporibus obteguntur. Captis muris, in interiora urbis agmina pervoluunt; indè, seorsim divisim manipulis, passim pugnatur per viarum angustias, sine ordine, sine Ducibus; ut quisque obuius, trucidatur. Peracta palantium clade, in domos irruunt, victos implacabili odio consecrantur, protrahunt abditos. Fugientium alii intentatis jugulo mucronibus cadunt, nonnulli aguntur à tectis; viæ, fora, domus, cædibus plena. Non ætati, non generi, non formæ, sexuive militaris licentia hac die indulget. Cuncta ferrum hausit: enimverò nulli ex iis, quos fors victoribus obtulit, incolumes evaserunt. Extant quoque exempla mulierum, quæ comprehensis liberis à tectorum culmine præcipites se dedere.

Ubi ultione exsatiata militis ira deferbuit, discursum ad rapinas; præter quas ingens quoque captivorum numerus extitisset, ni furor, & indignatio immemores prædæ Venetos reddidisset. Mille nihilominus, & quingenti Turcarum, quos ætas, sexusque impares laboribus effi-

Veneti  
posiuntur  
muris.

Arox ad-  
modum  
fures  
Turcarum  
sunt.



efficiebat, paulò post è tectorum penitioribus  
 eruti, in potestatem victorum vivi transiere.  
 Ditissima præterea spolia auxerunt ex oppugna-  
 to loco lætitiā; nullius namque rei inopia  
 urbs laborabat. Ad hæc CXXVIII. Tormenta  
 inventa, ac CC. captivi corpore validiores Im-  
 peratoris jussu in supplementum remigum re-  
 cepti sunt. Cæterum, ubi publicis supplicationi-  
 bus actæ Superis ob prosperæ rei eventum gra-  
 tes fuere, lætis ubique sermonibus prolixum de  
 victoriæ momento colloquium inter Duces fuit.  
 Maurocenus, ut par reliquis in rebus animus  
 cuique esset, neminem sine præconio præterit,  
 hujus fortitudinem, alterius prudentiam extol-  
 lens. Ubi verò Brunsvicensi, ac Sabaudia  
 Principibus, cæterisque fociis gratulatus, de ge-  
 stis optimè rebus latius differuit; copiarum, ca-  
 strorumque Præfectos, ac mox primos ordinum  
 ductores viritim extulit: non omisso Bassigna-  
 no, quem aureo torque decoravit. His peractis,  
 dum consultatur de reparandis urbis detrimen-  
 tis, ejusdem Præfecturam Georgio Benzonio,  
 Justinoque Ripæ Pat. Venetis committit. Reli-  
 quis ad egerenda cadavera, ac reficiendos mu-  
 ros maturè dispositis, aliquot dies ibidem ab ex-  
 exercitu insumpti. Interea, cum per expeditissi-  
 mos nuntios fusi primùm exercitus, mox de-  
 bellatæ urbis rumor Venetiis percrebuisse, tan-  
 ta civium animos lætitiā cepit, ut nemo ab Im-  
 peratoris laudibus temperaret. Neque enim ad-  
 um-

*Mauroce-  
nus suos  
laude  
præconisq;  
afficit.*

*Ingens  
Venetia-  
rum urbis  
lætitiā.*



1685 umbrato gaudio Francisci gesta tunc celebrari poterant, cum nobilissimam victoriam, septem millibus hostium celsis, fama passim in omnium aures expanderet. Verum inter populi plausus munificentissima Patrum studia in Franciscum Maurocenum altius conversa sunt. Siquidem fratrem ejusdem Laurentium, cujus in moribus mira moderationis, ac consilii vis enitebat, D. Marci Equitem declaravere: ac mox non ignari quantum unius in urbis expugnatione adempta esset Resp. virtutem Imperatoris publicarum tabularum testimonio ultrò commendarunt. Inde suspensum in triumphi morem vexillum barbarorum, Caudæque Equinæ. Et, cum eadem die, qua D. Cajetani festum colitur, victoria contigisset, ex edicto in ejusdem æde, quod Princeps, Patresque convenerant, reposita omnia solemniter fuerunt, inque debellati hostis memoriam sacrata.

*Laurentius Maurocenus Eques D. Marci creatur.*

*Signa Turcarum in D. Cajetani templo reponuntur.*

*Maurocenus vocatur Tænariorum in commissum.*

Hæc dum Venetiis agebantur, Imperator sedulo urbe, copiisque relictis, antequam hyems ingrueret, recenti pavore permotos incolas arcium, quæ circa Coronem erant, deprehendere statuerat. Verum, cum abscedentibus sociis, imminutoque ob diuturnam obsidionem exercitu, non satis viribus fideret, statuit opperiri nova præsidia, quæ nuper Corcyram appulisse tunc fortè nunciabatur. Interim captaturus animos, atque opera Tænariorum, quos societate Veneta obstrictos aliàs retulimus, nuntios dimisit, qui



qui de capta Corone, deletoque Turcarum ex- 1685  
ercitu eos admonerent. Ubi collectis viribus  
arma in barbaros sumpſissent, ſe mox cum ro-  
bore copiarum ad juvandos ipſorum motus af-  
futurum. Erexerunt hæc cupidos excutiendæ  
ſervitutis; continuòque, habitis delectibus, fini-  
timam arcem, quam Zarnatam vocant, cir-  
cumſederunt. Locus eſt non procul ab Abæa  
validæ ſtructuræ; ſedulòque tunc temporis à  
Turcis custodiebatur, utpotè qui ad coercendos  
intra limites Tænarios extructus fuerat. Sub i-  
dem tempus, quo hi ceptant obſidium, Præfe-  
ctus Turcicę classi de accepta clade, amiſſaque  
urbe certior factus, ſentiens imminere ſibi de-  
fectionem Tænariorum, Naupliam celerrimè  
advolat. Locatâ intra portum claſſe, diſpoſitiſ-  
que custodiis, levis armaturæ manum educit,  
qua primùm reliquias fuſi exercitus colligere,  
mox, audita Zarnatę obſidione, avertere à con-  
ſilio Tænarios adnititur. Ut verò promptiùs in  
ſe gentis favorem traheret, remittere in trien-  
nium tributa, ingentes copias ad reparanda e-  
xercitus damna ocyùs adventuras oſtendere, o-  
bliviſci injuriarum, & violati fœderis; vulgare  
demùm, agi cum Venetis de firmanda pace, qua  
ſuas quiſque intra Provincias jucundâ bonorum  
poſſeſſione tutò fruereſſetur. Non diſtulit Mauro-  
cenus, ubi hæc innotuerunt, opem ferre obſeſ-  
ſoribus; cùm ut arceret Præfectum Turcarum,  
tùm ut ceptæ proſperè rei, atque exhibitæ fi-  
dei

Qui Za-  
natam  
obſident.

Conatus  
Præfecti  
clasiſ  
Turcarum,  
ut revo-  
cetur ab  
incepto  
Tænarios.

Sed Mau-  
rocenus eò  
advolat.



1685 dei Tænarios non pœniteret. Igitur ad Leuœtri  
 oras provectus, dùm educto milite, auctisque  
 animis oppugnantium, omnia extrema in exi-  
 tium loci molitur, XXII. naves cum expectatis  
 copiis ab Italia convenere. Has Aloysius Mar-  
 cellus, Patritius Venetus, notæque prudentiæ  
 vir ducebat, cui Hieræ Præfecturam Senatus de-  
 mandaverat. Numerus advectæ militiæ ad tria  
 armatorum millia, ex Saxonia collecta, ascen-  
 debat. Sed fama Veneti exercitus adaucti, lon-  
 gè magis defixit formidine animos oppidanorum.  
 Quippè, ubi omnia ad examen sedulò revocave-  
 re, partim finitimorum defectione, partim rui-  
 nis loci, atque hostium multitudine permoti,  
 deditionem arcis, quàm extremum perviciaciæ  
 consilium experiri maluerunt. Imperator, con-  
 cessâ incolis libertate, atque occupato oppido,  
 annonâ, armis, ac milite illud communivit: Ver-  
 tissetque continuò exercitum adversus regionis  
 caput Abæam, ni infringere priùs Præfecti Tur-  
 cicæ classis audaciam utilius reputasset.

*Zarnavā  
 in pote-  
 statem  
 recipit.*

*Præfe-  
 ctus Thra-  
 cum se ad  
 prælium  
 parat.*

Is etsi angeretur quammaximè, quòd in con-  
 spectu suo arx caperetur; nihilominus aut nu-  
 mero, aut studiis suorum diffusus, nihil adver-  
 sus nostrorum vallum intentare ausus est. Ve-  
 runtamen, ubi concursu ex finitimis populis fa-  
 cto, repentina exercitus moles excrevit, quæ no-  
 vem millibus peditum, duobus verò equitum  
 constabat; locum deligit pone tergum Abææ, u-  
 trinque montibus, & sylvâ clausum, ita ut ni-  
 hil

hil nisi à fronte instaret. Tunc expedito agmine 1685  
 ne sylvam, arctasque collium fauces obsidet, ubi-  
 que inæqualitate loci tutus; ibidemque à me-  
 tatoribus poni castra jubet. Franciscus consilia *Nec de-*  
 hostis, eumque ad conferendas manus paratum *trebat*  
 intelligens, certaminis fortunam tentare consti- *discrimen*  
 tuit. Itaque, in Abææ fines deducto exercitu, *Mauroce-*  
 opportunam explicandis copiis planitiem occu- *nus.*  
 pat; quæ torrente quodam ab hostium vallo di-  
 rimebatur. Indè ita cum agmine progreditur,  
 ut vix quingentorum passuum intervallo ab  
 hostium castris distaret. Ut autem ex utilitate  
 situs, prout loci natura ferebat, aptius à suis pu-  
 gnaretur; Tēnarios præmittit ad inæqualia mon-  
 tium, qui ubique Turcis prætereuntibus objice-  
 rentur, & ubi res posceret, impetum darent  
 in subjectos. Ceterum dexteram exercitus alam  
 Brunsvicensis miles, lævam Saxonum cohortes  
 obtinuerant. Inter has medius Eques Alce-  
 niacus cum Venetarum copiarum robore, quas  
 Corbonii equitatus tuebatur. Utrunque verò ex-  
 tremis alis lecti equites astant, prompti ad  
 opem, quæ acies labare incēpisset. Rebus hoc or-  
 dine ad pugnam instructis, opportunum duxit  
 aliundè etiam prælium simulare, ut barbarorum  
 vires ducerentur in contrarios nixus. Quamob-  
 rem illam præcipuè oram, quæ ad exitum syl-  
 væ pater, longis navibus obsidet: Quinqueremi-  
 bus haud procul locatis, ut, quo tempore certa-  
 men committeretur, à tergo majora discrimina

M m      osten-



1685 ostentarent. Cēptum est primò concursibus præ-  
*Menus*  
*utrinque*  
*conferunt.*  
*int.*  
 lium; cū etenim expeditius Venetorum equi-  
 tum agmen trans torrentem incederet, in Tur-  
 carum emissarios, qui è sylvæ latere eruperant,  
 ex insperato incidit. Ubi paulū armis certatum  
 fuit, cessere Christiani instantibus Turcis, do-  
 nec suorum cohortibus, quæ paulū aberant,  
 jungerentur. Tuncq; pedestri acie irruentibus  
 objectâ, non antè remissa est cædes, quàm Tur-  
 cæ ad suorum castra confugerent.

*Instaura-*  
*tur pu-*  
*gna.*

Proxima, quæ affulsit, die, totis utrinque  
 viribus descensum est in aciem; cūque sum-  
 mo mane Veneti torrentem transgressi, equè per  
 planitiem, atque inæqualia collium juga pro-  
 grederentur, Præfectus Turcarum potiorē pe-  
 ditatus partem ad insidendos colles, mille, &  
 quingentos equites ad inferiora venientibus op-  
 posuit. Equites primū cum levā Veneti exer-  
 citus ala, mox pedites certavere. Inter primi-  
 pilos nostrorum, Princeps Vulielmus fortius  
 stetit, atque ita elusit Thracum impetum, ut  
 nusquā in suorum ordines evaserint. Pro-  
 spero magis eventu fusus hostium equitatus.  
 Hic, licet post acrem contentionem disiectus,  
 denuò restitutis ordinibus Venetorum agmen  
 circumvaderet; brevī à Saxonum manu ingen-  
 ti clade pulsus est. Interea Tænarii colla-  
 to gradu prominentia montium ulterius oc-  
 cupabant, ut hosti desuper incurrerent. Sed  
 Thraces, ubi completam undique planitiem,  
 mon-



montiumq; juga confertis hostium agminibus ob-  
fessa cognovere, remissis conatibus, ambigüe præ-  
liabantur. Plurimum sanguinis hac die fufum  
fuiſſet, dummodò barbari ultrà laceſſentibus  
præbuiſſent copiam decertandi. At, vix ſexcen-  
tis ſuorum interfectis, etſi peditum multitudine,  
& turmis equitum longè Venetis præſta-  
rent, terga dantes, in turpiſſimam fugam con-  
verſi ſunt. Tunc eorum agmina diverſo motu  
agebantur. Quippè, qui ſylvam tenuerant, ad-  
nitebantur conſcendere colles, qui verò inter  
colles adſtiterant, in ſylvam turmatim rue-  
bant. Hinc, commixtis procurſando ordinibus,  
patebant iſtibus Chriſtianorum. Neque tutum  
prorsùs effugiendi conſilium fuiſſet; ſi æquali  
pernicitate aſſequi decurrentem equitatum Ve-  
neti potuiſſent. Verùm, quia cùm impares cur-  
ſui erant, tùm quia ſuſpicio quædam inſidia-  
rum invaluerat, receptum à pugna militem in  
Abææ conſpectum duxit Imperator, quingen-  
toſque ab urbe paſſus caſtra locavit. Speculatus  
naturam loci, & quâ promptior obſidendæ ar-  
cis occaſio aſeſſet, Illyriorum, Tænariorum-  
que turmas præire juſſit; ut, quo animo, viri-  
busque pugnaturi eſſent Abæatæ, deprehende-  
ret. Verùm, cùm hi ſubſidiarii exercitus fidu-  
cia primùm erecti, ad ſtrenuam deſenſionem  
cuncta paraviſſent, ubi debellatas ſociorum co-  
pias, auxiliiſque ſpem nullam animadverterunt,  
obſidionis diſcrimen ſubire auſi non ſunt. Qua-

1685

*Ventis  
victoria  
in Vene-  
tos.**Barbari  
diſſugiunt.**Pictor  
Mauroce-  
cenus ad  
Abæam  
progredi-  
tur.*

Mm 2 pro-



1685 propter, deserta raptim arce, avectisque iis, quæ  
 profugientibus oneri futura non erant, fusi e-  
 xercitus vestigia secuti. Ita Abœa in potestatem  
 redacta, cum optimè novisset Maurocenus, in-  
 ceptum tuendis Leuctri limitibus locum, situmque  
 procul à regione, quam permunire diligentius  
 destinaverat; ablatis XIV. Tormentis, direptis-  
 que ab exercitu mercibus, atque annona, equa-  
 ri solo eundem imperavit.

Eandem  
 occupat  
 evertitq;

Jamq; duo oppida supererant, quibus Provin-  
 cia penitus claudebatur: igitur eadem extemplo  
 oppugnare decrevit. Sed difficilis eventus vide-  
 batur ob naturam locorum munitissimam, con-  
 gestasque profugientium copias, quas incolæ in  
 præsidium receptaverant. Nihilominus inquires,  
 donec regione integrè potiretur, statuit defen-  
 sores aut opinione clementiæ, aut apertâ vi, ar-  
 misque in ditionem redigere. Idcirco hortatus  
 Tænarios, ut proximam arcem, Chielepham inco-  
 læ appellant, obsidione cingerent; ipse quoque,  
 missis primùm quibusdam copiis, mox cum re-  
 liquo exercitu ad conficiendum inceptum ad-  
 fuit. Arx est mille, & quingentos passus di-  
 stans à mari, præcincta muris, præaltisque ru-  
 pibus insita; quam ipsa situs inæqualitas vix ex-  
 pugnabilem reddit. Non armis præterea, non  
 milite, non quocunque munitionum genere in-  
 digebat; aliàs sedulo servare, tanquam Leu-  
 ctri propugnaculum Thraces consueverant. Ve-  
 rum priorum exemplo commoti oppidani, a-  
 deo

Chielepha  
 arx.

deò ad Imperatoris adventum trepidaverunt, ut 1685  
omnia extrema, vix dùm obsidionis detrimenta  
experti, reformidarent. Igitur oppidum traden- *Recipitur  
in ditio-  
nem.*  
tes Mauroceno postremæ arcis, quæ Gerenia à  
veteribus, nunc verò Passava ab incolis nuncu- *Continuò  
etiam Ge-  
renia, id-  
est Pas-  
sava.*  
patur, documento fuerunt. Enimverò hujus cu-  
stodes arcem antè deseruere, quàm ad eam op-  
pugnandam exercitus duceretur. Sic intra pau-  
cos dies cum Abæatis, finitimisque debellatum  
est. Franciscus verò, cùm unicuique captarum  
arcium præsidium, præfectumque armorum  
imposuisset, universæ regioni Laurentium Ve-  
nerium præfecit. Hæc in excessu autumnalis  
tempestatis cùm acta essent, non tam belli in-  
commodis, quàm sævientis frigoris vi miles in-  
festari cœptus. Quapropter, ut ad reliquum  
belli cursum resumeret vires, ab Imperatore di-  
missus est in hyberna. Ex copiis permultæ  
Leucadem, aliquot Nicopolim, reliquæ Cor-  
cyram, ad quam etiam Maurocenus paulò post  
contendit, profectæ sunt.

Sed, dùm Leucadem advectus, munitiones,  
præsidiumque oppidi invisit, procurfantium ho-  
stium audacia incitatus, dissipare omninò reli- *Dùm pro-  
perat in  
stationes  
Francis-  
cus, ve-  
primit  
motus  
Turcarum.*  
quias nupèr victi exercitus constituit. Verunta-  
men barbari deprehendi se à Venetis passi non  
sunt; quosque populandi libido rursus conglo-  
baverat, adventantis Mauroceni rumor extem-  
plò submovit. Ut cognitum, frustra tentari ho-  
stem, satisq; muniendis oppidis provisum, trans-  
missa



1685 missa Nicopoli, Ambracium sinum ingreditur. Tunc ex re consilium fumens, statuit occasione uti, consternatosque belli tumultu Gomenitiarum, ut vocant, custodes invadere. Igitur e ductus ab Equite Alceniano miles, dispositæ cohortes, cuncta prælio parata: dum verò naves maritimam quoque oppugnationem moluntur, incolæ trepidi imminentem necessitatem spontè antevenere. Horum alii sectati sociorum copias, plurimi in juga montium recesserunt. Oppidum, quia Piratis Acarnanes instantibus tutum perfugium præbebat, asportatis armis, commeatuque, à fundamentis excisum.

*Gomeni-  
tias subi-  
git.*

*Molini  
& Del-  
phini fa-  
cinora.*

Dum hæc in Epiro geruntur, mari quoque Ottomanica classis turbabatur; nec quidquam intentatum prætermittebant Præfecti Navium, Alexander Molinus, ac Hieronymus Delphinus, ut vagum hostem ad prælium provocarent. At licet formido latebras quæritantis frustraret sæpè consilium decertandi, nunquam tamen Præfectus Thracum, aut Piratæ incolumi classe aufugerunt. Quamobrem sicuti non Venetorum tantum, verum exterarum quoque gentium mentes in tam prosperè gesti belli admirationem deducebantur; ita præcipua Senatus consilia eò collimabant, ut auctiores cum terrestrium, tum maritimarum rerum apparatus congererentur. Fusi toties hostes, urbs Peloponnesi præcipua Corone perdomita, multa oppi-



oppida partim vi, partim factione, ac metu in 1685  
 potestatem redacta, ita cunctorum animos mi-  
 litaribus studiis incendebant, ut audenda o-  
 mnia, ne intercideret bellandi occasio, univer-  
 si differerent. Quare convocari denuò milites  
 ad stipendia, delectus haberi placuit per pro-  
 vincias, ac cætera, quæ bellorum usus exigit,  
 raptim comparari. In Præfecturam copiarum  
 Comes Otho Vulielmus Konismarchius ex Sve-  
 via, qui gloria nominis invidiæ, temporisque  
 pericula supergressus, egregia militaris discipli-  
 nę specimina passim ediderat, suffectus. Instau-  
 rata classis; naves, ac triremes de novo constru-  
 ctæ; missi Corcyram commeatus: Mauroceno  
 demum administrandi belli ratio integrè per-  
 missa, cujus consiliis Senatus penitus acquiesce-  
 bat. Sed Imperator cum ob ætatis laborem, tum  
 ob discrimina cœli, tempestatis, & præliorum,  
 corpore æger necessariam sibi quietem osten-  
 dens, reditum in patriam poscebat; ne mox  
 diuturna vexatione invalidus, subita morbi sæ-  
 vitia opprimeretur. Verum nimum Reip. in-  
 tererat, Maurocenum Venetæ Classi præesse:  
 nec Patres, hoc Duce certi victoriarum, Fran-  
 cisci votis annuerunt. Itaque eundem honorifi-  
 cis verbis solati, ut alacri animo ageret, hor-  
 tati sunt. Non conducere, in votorum fasti-  
 gio relinqui exercitum ab eo, qui tam prospera  
 belli initia fecisset. Omnia secunda portendi in  
 posterum, Thracesque justissimi belli ruinis in-

Veneri  
 insentiis  
 armis  
 parant.

Co. Otho  
 Konis-  
 marchius  
 Præfe-  
 ctus co-  
 piarum  
 declara-  
 tur.



1685 volutos, ultorem violati foederis Maurocenum timere, didicisse.

*Tumulus  
Byzantii  
exoritur.*

Sed eadem, quæ Venetis ad gloriam, incitamenta irarum apud hostes erant. Incesserat enim Byzantii indignatio inter primores, nec multò post penè aperta reliquæ plebis seditio. Hanc rerum omnium inopia, illos adversus belli exitus in tumultum concitaverat. Undique civitas annonæ egestate, pavore, atque amissarum urbium famâ inhorruerat: cuique ex Ducibus, quòd non vicerant, supplicia stolidè decernebantur. Minæ æquè in promptos, atque abnuentes; cuncta subeunte desperatione prorsus dejecta: & ut in ea rerum consternatione sævitici quoque locus esset, cùm victori Mauroceno concedere cogerentur, inter se ipsos vindictam malorum per civium sanguinem quærebant. Hæc enim Turcarum indoles est, ut si cuti superbiæ nullus modus in secundis, ita adversis nequaquam firmare animum queant. Interea vulgus adstrepere, imperia principum aspernari; ad extremum deducta famis detrimenta, claudicare: Militiam verò gravem, & infructuosam; bellum in dies ærumnosius futurum. Ergo revocanda ab armis studia, antequàm majori inopia Imperii sedes ultimò conficere-

*Sed omnia  
ab Rege  
componi-  
tur.*

tur. Hæc palàm objectantem populum Rex simulata fiducia, evectoque ad Regii Sigilli custodiam Solymano, cujus ingens penes barbaros existimatio, ægrè compescuit. Coactis dein opibus, quas Thraces austerâ serviendi disciplina refun-



refundere in Regis commodum consueverunt, 1685  
 reparare naves, conscribere exercitum, gauden-  
 temque novis plebem immutatione præcipuo-  
 rum ducum demulcere. Accessit augendę ſpei,  
 ut Classis Præfecto, vafri ingenii, ingentisque  
 audacię Duci in Peloponnesum miſſo, præcipua  
 turbandorum Mauroceni conatuum cura inten-  
 tius demandaretur. Franciscus è contra, postquàm  
 Corcyram tenuit, suosq; quiete refecit, & præ-  
 miorum largitione extulit, novi aliquid molien-  
 di cupidine agebatur. Cùm autem, asperata hye- 1686  
 me, præliandi opportunitas demeretur; ne miles  
 tranquillitate loci ad inertiam declinaret, assi-  
 duis belli officiis ita eundem exercebat, ut nus-  
 quam per ſocordiam vires, tempus, aut discipli-  
 na defluerint.

Has inter curas vix Martii mensis exceſſerat,  
 cùm Turcarum Præfectum decem cum millibus  
 armatorum in Abęæ regionem per Tęnariorum  
 fines penetraſſe, ac Chieſam oppidum obſidio-  
 ne tentare, allatum eſt. Subiti motus cauſa  
 paratę triremes, cœptum properè in Pelopon-  
 nesum iter, deductaq; ſecundis auris intra qua-  
 triduum in ſinum Meſſeniacum navigia. Tunc,  
 effuſo in littus milite, ultra Abęam proceſſum  
 eſt; inſtruique ibidem aciem juſſit Maurocenus,  
 brevì cum hoſte congreſſurus. Jamque, proce-  
 dente obſidione, Thraces undique aggeribus lo-  
 cum circumſepſerant; extructiſq; cominùs tor-  
 mentariis ſuggeſtibus, muros multiplici ex par-

*Turca  
Chieſephã  
obſident.*

*Franciſ-  
cus in  
ſuorum  
opem pro-  
perat.*

N n te



1685 te verberabant. Igitur, explicatis haud procul  
 ab hostium vallo manipulis, cum, vergente  
 in Occidentem Sole, certamini locus non esset,  
 in proximam lucem discrimen dilatum est. No-  
 cte vigiliis transacta, dubia etiamnum luce ag-  
 men movit, productisque utrinque alis, dupli-  
 plici ex parte impetum in vallum fieri impe-  
 ravit. Verum, cum penè ad hostiles aggeres de-  
 ventum esset, qui in prima acie erant, abesse  
 emissarios, mox vacuos armatis obsidionales ac-  
 cessus animadverterunt. Cognita Turcarum fu-  
 ga, captisque tentoriis, VI. tormenta indè abla-  
 ta, verlaque in arcis munimentum. Cæterum,  
 Turcis longius pavore actis, confirmatoque pre-  
 sidio, reversus Leucadem, Venetorum ibi, fo-  
 ciorumque copias opperiri decrevit. Singulis  
 fermè diebus subsidia conveniebant, quæ par-  
 tim à finitimis locis ex edicto, partim ab Italia  
 colligebantur. Demùm, Pontificis, ac Meliten-  
 sium copiis adventantibus, in eam sententiam mi-  
 gravit, ut quàm accerrimo bello Turcas detine-  
 ret; quodque prosperè inchoaverat, elapso anno,  
 in Peloponneso bellum, ea tempestate prosequeretur.  
 Igitur ex ordine iis regionibus potiturus,  
 antequàm præcipuam ejus littoris urbem Me-  
 thonem oblidione perstringeret, utramque Py-  
 lum invadendi consilium incessit. Verum ob-  
 stabat ingens armorum apparatus sedulò à bar-  
 baris, hyeme superiore, congestus. Præcipuè  
 verò XII. M. Turcarum, quæ circa Peloponne-  
 si si.

*Sed, dum  
 pugnare  
 statuit,  
 hostes au-  
 fugiunt.*

*Auxilia-  
 res copie  
 excipiun-  
 tur.*

*Impera-  
 tor decer-  
 nit Pyli  
 tentare.*



si fines castra posuerant, ut per occasiones, 168  
quà bellum indicaretur, urbes præsidio confir-  
marent. Plurimi hac de causa ex Venetis chi-  
liarchis fatius rebantur, unica acie rem dirime-  
re; ut, si exui castris barbari potuissent, animi  
incolarum Peloponnesi urbes custodientium ul-  
timò frangerentur.

At non passus est Maurocenus ambiguo cer-  
tamini Reipub. spem committi. Igitur, ut tutius  
voti compos redderetur, ingenio magis, quàm  
vi utendum intellexit. Solvi ergo extemplò  
ab Leucade classẽ imperat, Navesque, ac  
Quinqueremes ad Messeniẽ promontorium pro-  
gredi. Ipse reliqua cum triremium manu  
Anthyrrium, & Rhium proficiscitur. Erat Anthyr-  
rium, &  
Rhium  
cõsuetudis.  
autem huiusmodi fraudis ingenium, ut, si  
mulata Naupacti, Patrarumve obsidione, eò  
Turcarum agmina pertraheret. Neque inuti-  
li consilio: Siquidem universus hostium exer-  
citus, simul ac vulgatum est, adventare Vene-  
tos, ad extrema Patrarum, Naupactique litto-  
ra confluit. Biduum detentis ibidem navigiis,  
veluti jam jam arcem oppugnaturus hostium ex-  
pectationem fefellit. Tandem, ne rebus, quas  
furtim agitabat, submissus quis inspector acce-  
deret; subductis ex insperato inter noctis silen-  
tia triremibus, Pylum, quam Abarinum qui-  
dam, vulgus verò Navarinum vocat, celerri-  
mè contendit. Iter erat XC. Milliarium, quo  
brevi confecto, in loci conspectum naves simul,

Et paulò  
post Pylũ,  
seu Abari-  
num.



1686 triremesque convenere. Decem armatorum mil-  
lia universa classis vehebat; inter quos mille,  
& ducenti equites erant, quos effundi statim in  
littus, ducique ad proximum oppidum, quod  
antiquam Pylum nuncupant, Maurocenus im-  
peravit. Arx est pervetustæ structuræ, ver-  
sa in Septentrionem, ingenti celebris clade, quam  
Peloponnesiaco bello Lacedæmoniis Athenienses  
olim inflixere. Aliàs subjecta Venetorum do-  
minio fuit; oppugnataque demùm à barbaris, an-  
no salutis 1501. in Turcarum potestatem tran-  
sivit. Imminet locus partim Jonio mari, partim  
amplissimo sinui, cujus aditum ingens primùm  
scopulus, aliæ deindè modicæ magnitudinis ru-  
pes ita undiq; claudunt, ut nonnisi ex arcis ad-  
verso recipiendis navibus iter exhibeant. Com-  
modum, capacemque cujuscunque navigii por-  
tum novæ arcis structura incolæ tutiorem red-  
diderant; quam cùm ex antiquæ Pyli adverso  
construxissent, sumpto ab eadem nomine, no-  
vam Pylum appellavere. Hæc, licèt interiore  
portus parte sita sit, ita nihilominus utrumque  
mare respicit, ut iis invitis, à quibus locus cu-  
stoditur, nec subire navigia possint, nec diù ibi-  
dem detineri. E'contra verò, quæ antiqua Py-  
lus confurgit, plurimùm recentioris arcis mu-  
nimentis fidentes incolæ, ita maris aditum, un-  
dè infestari locus potest, saxorum mole obstru-  
xerant, ut vix minores lembi eadem parte ex-  
cipiantur. Ceterùm utrumque oppidum specta-  
bilis

*Antique  
Pylus de-  
scriptio  
& situs.*

*Novæ Py-  
lus.*



bilis structuræ munimenta præferebat, quamvis 1686  
rectius alterum arte, alterum munitius natura  
dixeris.

Eductis, nemine obstante, cohortibus, extem- *Impera-*  
plò aciem Konismarchius instruxit. Antequàm *tor inco-*  
verò ceptaretur oppugnatio, ex re visum Mau- *las vete-*  
roceno, quosdam ad obsessos mittere, qui inco- *ris Pyli*  
lunitatem, libertatemque promitterent, si, facta *vocat ad*  
deditione, loco statim decessissent: Sin verò re- *deditio-*  
luctari ausi, sustinere oppugnationem mallent, *nem.*  
inopiam, ferrum, atque extrema quæque pas-  
suros, minitarentur. Neque ii perniciem, quam  
bellum allaturum erat, adeò negligebant, ut a-  
pertè à dedendæ arcis consilio abhorrerent. At,  
quia nec omninò diffidebant loco, multòque  
minùs subsidiis, quæ longè non aberant; indu-  
cias per quadriduum petiere; ut, ni interim ad  
ferendam opem Præfectus armorum accessisset,  
arcem traderent Mauroceno. Non tulit hic  
primum armorum motum ancipiti spe torpere;  
expertusque moras paratis semper nocuisse, o-  
mnem exercitus vim in oppidanos extemplò con- *Nondum*  
vertit. Sed, dùm ponuntur castra, construitur *cepto bel-*  
que vallum, defensores, versis in melius consi- *lo, oppidum*  
liis, rati fortunam suam in arduo sitam, hostes *occupat.*  
validos, dubiamque subsidii spem, rerum deni-  
que, ac propugnatorum inopiam pensitantes,  
oppidum, libertate, opibusque servatis, obtule-  
runt Imperatori.

Impletus hilari fiducia exercitus ad novam *Recens*  
Py- *Pylii ob-*  
*sidetur.*



1686 Pylum oppugnandam progreditur. Verùm cuncta, cùm ob auctius præsidium, tum ob difficultatem evadendi in sinum, hìc difficiliora. Turcarum prætereà Præfectum octo cum milibus armatorum in dies affuturum, deferebant exploratores. Exindè geminatum discrimen, incertaque prorsus victoria. Sed quod magis arduum ea in obsidione tentandum, antequàm contra oppidum quidquam Veneti molirentur, vel redigendus erat in potestatem portus, vel a superiore regionis parte cohortes admovendæ. Is namq; Pyli situs est, eaq; structura, ut nemo in ejus unquam portum penetrarit, nisi gnaris custodibus; atque, ubi prohibere ab ingressu hostem velint, faciant id quàm facillimè. Franciscus his curis circumventus, eludenda arcis munimenta ratus, arrepta noctis opportunitate, naves aliquot lectioribus copiis onustas in portum immisit. Hoc idem sequenti quoque nocte cùm tentatum, peractumq; fuisset, hostibus insciis; non longè ab oppido Veneti castra posuerunt. Verùm, cùm nonnisi per noctis silentia deferri eò opportuna possent; ne annonæ, aut armamentorum inopia obsessores in posterum laborarent, Hieronymo Delphino inter belli pericula, post optimè gestam navium Præfecturam, studio virtutis adhuc degenti, id muneris à Mauroceno demandatum, ut sedulò, quemadmodum ubiq; consueverat, ardorem, ac vires adderet oppugnantibus. Sub idem tempus Etrusco-  
rum

Hieronymus Delphinus  
Præfectus castrorum.



rum triremes apparuere, quibus DCCC. milites 1686  
 vehebantur; dispositique, quâ tempus, & occasio  
 postulabant. Inchoata tunc omni tormentorum  
 genere oppugnatio: quæ, dum terra, marique  
 intenditur, colligi à conterminis oppidis præsi-  
 dia, Turcarumque Præfectum ingenti cum ex-  
 ercitu appropinquare, nunciatur. Non negle-  
 xit, ubi hæc comperta, conatum hostium Im-  
 perator; & ne expectaret eorum adventum,  
 validiorem sibi interim stationem captantium,  
 septem millia peditum, ac sexcentos equites  
 Konismarchio tradidit, quibus barbaros lacef-  
 feret; se cum cæteris copiis venturum auxilio,  
 pollicitus. Ille haud segniter Imperatoris man-  
 data exequitur, superatoque callium flexu, in  
 conspectum hostium agmen ducit. Ubi parum-  
 per acies immotis ordinibus steteret. Thracum  
 Præfectus seu loco diffusus, seu nostrorum vi-  
 res reformidans, sensim retroagi suorum ca-  
 tervas jubet, donec, intra tutos saltus redacto  
 milite, certaminis copiam penitus auferret.  
 Præbuit ea res novum suspicionis genus, ne sci-  
 licet nocturno aliquo motu castra hostis inva-  
 deret. Quapropter duplex excubiarum nume-  
 rus institutus, munitus agger, cunctaque præ-  
 lio, quod impendebat, cautè provisa. Imperator  
 autem in prima acie versari, succurrere labo-  
 rantibus, cunctos spe, atque exemplo incende-  
 re, strenui militis munia, incorrupto honore  
 Ducis, obire.

Has

In Tur-  
cas ad-  
ventantes  
Konis-  
marchius  
mittitur.

Sed illi  
prelium  
detrectat.



1686 Has inter sollicitudines quotidie asperabatur obsidium, crebrisque preliis obsessi fatigabantur: cumque ollarum incendiariarum jactu arcis interiora exarsissent, placuit incolas vocari ad deditionem. Verum nemo eorum ad id flectebatur: Sed adventantis exercitus fiducia pertinaciores, omnia se in armis reposuisse, modo objectos aggeres tormentis infestando, modo facces, tela, saxaque ingerendo, significarunt. Interea Praefecti Turcarum cohortes supervenere, quarum robur ad DCCC. M. peditum, ac II. M. equitum creverat. Hæ non procul ab exercitu nostrorum steterunt, ut per occasiones descenderent in certamen. Novit Franciscus astum barbarorum, pugnandique necessitatem; utilissimum præterea fore, si præmaturo prælio eorum consilia aut eluderet, aut præveniret. Quare ad custodiam aggerum, quibus oppidum obsidebatur, parte copiarum ductori ordinum Alceniano commissa, adoriri propero agmine Thracæ constituit. Delectæ hac de causa cohortes. Theodori Lascari, Comitisque Aloysii Benedicti Sylvatici, equites frontem, Brunsvicensium, Saxonumque copiarum tergum firmant: medium Corbonii, & Comitis Barnabò Vicecomitis Mediolanensis equitatus, cæteræque Italarum phalanges tenent. Reliqua ad latiore hostium metum callide disposita. Ubi verò, ita instructa acie, paulum processum fuit, objectumque collem Venetus miles insedit, in arctius discrimen in-

*Paratur  
certamen  
à Venetis.*



inæqualitas loci rem inclinavit. Quippè, cùm 1686  
 subjecta planities in vallem defineret, hostium  
 castra in ejus excessu aggere, valloque firma si-  
 ne periculo peti ex imo non poterant. Nihilo-  
 minus versa necessitas in virtutem: & quò magis  
 situs asperitas obstare videbatur irruentibus, eò  
 majori formidine affecit hostem fortitudo Chri-  
 stianorum, per abrupta locorum, adversus in-  
 congruentia tela validiùs decurrentium. Corbonius  
 suos provehere jussus in pugnam, tanta vi Tur-  
 carum ordines disjecit, ut ipse, paucis comitan-  
 tibus, ad interiora hostilis aciei pervenerit. E-  
 jus impetum plures cohortes subsecutę. Pugnan-  
 tium verò multitudo brevì tam arctè coivit, ut  
 corpora obstarent corporibus, & quamplurimi  
 intra hostiles lacertos laborarent. Duas horas  
 ambigüè dimicatum est, non sine Corbonii di-  
 scrimine; quem ab hostibus penè undiquè cir-  
 cumventum, lecti equites Vicecomitis, properè  
 ab Konismarchio emissi, exemerunt. Jamque  
 sanguinis utrinque fusi copia prælium incalue-  
 rat, cùm aliud periculi genus Thracum fero-  
 ciam repentè confregit. Siquidem, cùm Hiero-  
 nymus Delphinus idoneo tormentorum fugge-  
 stu imminentem certamini collem instruxisset,  
 gravibusque ictibus Turcarum agmina supernè  
 impeterentur, ingens horum cædes, ac conster-  
 natio exorta. Indè remitti paulatim resistentium  
 pertinacia cepit. Neque multùm laboratum à  
 Venetis, ut integrâ potirentur victoriâ. Cùm e-  
 nim,

*Auda-  
 cter à  
 Marchio-  
 ne Corbo-  
 nio iniecit  
 ante o-  
 mnes.*

*Hierony-  
 mi Del-  
 phini o-  
 pus ju-  
 vās suos:  
 inde ve-  
 netorum  
 victoria.*

O o nim,



1686 nim, multis hostium interfectis, vulnerato plumbeâ glânde latere, Præfectus ipse in castra referretur; adeo pudorem reliquorum metus vicit, ut, abjectis turpiter armis, effractisque passim ordinibus, omnes in præceps agerentur. Major tunc in fuga barbarorum cædes fuisset, ni extremos Saxonum, Brunsvicensiumque manipulos falsus rumor aliò incurrentium hostium turbavisset. Octingenti Thracum hoc prælio cecidere; nostrorum tercenti, & quinquaginta. Castra quoque hostium direpta: capta militaria signa XXX. CC captivi, præter ingentem equorum, camelorumque numerum, in potestatem redacti.

Acta præda, miles reversus ad vallum; continuòque data opera, ut locus quàm acerrimo bello detineretur. Veruntamen oppidani, amissis magna ex parte, quæ propugnationi necessaria erant, ita sociorum clade commoti sunt, ut vix fidei, editarum rerum, ac pristinae feritatis recordarentur. Una militum, præfectique vox: *decussos muros, numerum defensorum imminutum, facile excidium. Impendere honestam concessionem detestantibus turpem servitutem. Immo, si diutius reluctarentur, neminem iram victorum evasurum.* Hæc cum pavor, uti solet, fingeret in deterius, statuerunt tradere Venetis arcem; antequàm hi, superatis muris, armorum vi, & licentia victoriæ uterentur in victos. Quapropter, cum ita Maurocenus cum caduceatoribus convenisset, ut

*Obsessi locum stant cum statuere.*



ut tutò egrederetur præsidium, iis asportatis, <sup>1686</sup>  
 quæ quisque vehere ex se posset; acceptis ob-  
 sedibus, ab armis utrinque temperatum est. Di-  
 gressi intra quatrimum oppido Thraces, navi- <sup>Pylus oc-</sup>  
 busque impositi, ut Alexandriam trajicerent. <sup>cupatur.</sup>

LIII. Tormenta reperta, ingens captivorum nu-  
 merus redditus libertati: CCC. equos, & re-  
 liqua in longinquam regionem contendentibus  
 impedimentum allatura, inter se victores par-  
 titi sunt. Ceterum Imperator, instauratis sedu-  
 lō muris, demandataque Petro Basadonnæ, ac  
 Stephano Lippamano Patritiis Venetis oppidi  
 præfectura, ingentia se eousque permodicis vi-  
 ribus affecutum non ignorans, ardua omni-  
 nò superesse intelligebat, quæ tamen pruden-  
 tia, ac consilio, eadem felicitate confici pos-  
 sent.

Itaque de oppugnandæ Methones momento  
 agebatur, quæ sicuti terra, marique prorsus  
 difficilis obsidentibus, ita ad contundendam fe-  
 rociam hostis, integramque illius provinciæ  
 possessionem comparandam sola supererat. Hæc <sup>Methones</sup>  
 littoralis Messeniæ regionis urbs est, clara <sup>descri-</sup>  
 Philippi Macedonum Regis, atque Alexandri <sup>ptio.</sup>  
 Magni patris obsidione, in qua ictu sagittæ o-  
 culum amisisse, memorant. Non amplius decem  
 millibus passuum à Pylo distat; modicæque ex  
 continenti prominens, qua parte inter Meri-  
 diem, Occidentemque porrigitur Peloponnesus,  
 promontorium veluti effingit. Utrunque Me-  
 Oo 2 thone



1685 thone Messeniaco mari alluitur; productis de-  
indè mœnibus, Septentrionem versus jungitur  
continenti, ibique valida admodum arce defen-  
ditur. Loci munitiones fossa, elatusque agger  
ambit: contigua muris omni tormentorum ge-  
nere pollent, licètque congestitia tellure non  
firmata sint, ita tamen constructa sunt, ut sic-  
uti ad fallendos, ita ad infestandos oppugnantes  
multum conferant. Reliquam urbem, quam  
fluctus contingunt, robustiora mœnia, proce-  
ræque turres circumstant. Ubi verò ad extre-  
mum ejus ambitus pervenit, exiguum, eumque  
arte paratum portum habet; quem exigua quæ-  
dam arx, triginta ferme ab urbe passus in vadis  
locata, tuetur. Ditissimus circum ager, felicis-  
sima ob salubres herbas loca; quæ multis, va-  
riisq; arboribus, & præsertim cedro, com-  
meantium oculos pulcherrima viriditate, ac  
fructuum copia demulcent. Cætera regio mo-  
dò exiguis collibus tumens, modò in planitiem  
feracem, extensa, numero colonorum, commer-  
cio gentium, annuumque opportunitate scatens,  
jucunda ubique amœnitate exultat.

*Mauvoce-  
nus loci  
oppugna-  
turus eo  
progredi-  
tur.*

Franciscus multum militi, quem victoria re-  
cens incitaverat, plurimum menti fidens, ac si-  
mul felicitate regionis permotus, in debellandæ  
urbis consilium deducitur. Igitur, cunctis sedu-  
lò instructis, præmissaque classe, ipse agmine  
propero iter dimensus est. Ubi verò in editiora  
perductus naturam loci, ardua, utiliaque con-  
tem-

templatus, quâ facilius cingi obsidione posset, <sup>1686</sup>  
 animadvertit; fatius duxit ea primùm ostenta-  
 re, per quæ animos civium emolliret, clemen-  
 ter eos ad deditionem vocando. Verùm hi esse  
 sibi Mahometem Regem, pro quo fidem, &  
 arma usque ad extremum retenturos jactantes,  
 conditionibus non assensere. Accesserat, quòd  
 non ignari commune periculum concordia elu-  
 dendum, præfidiis finitimorum convocatis, omne  
 armorum genus, nec non ingentem annonæ co-  
 piam ex agris cautè congefferant. Præfectus ve-  
 rò copiarum, quamvis toties aperto certamine  
 superatus, dispersas tamen colligens cohortes,  
 non consilium, opemve defuturam resistenti-  
 bus, pollicebatur. Novit Franciscus unam sibi  
 spem in vi, atque armis; nec cessuros Metho-  
 nenses, nisi aut interceptis subsidiis, aut muris  
 ab imo convulsis. His de causis, ubi, pervasta-  
 tis agris, obductoque aggere, tutam exercitui  
 stationem paravit, tripartitò urbem pertentare  
 aggressus est. A mari primùm, mox utrinque,  
 quâ arx continentem respicit, hinc Venetis, il-  
 linc Sociis per intervalla locatis. At sicuti de-  
 cus victoriæ, atque æmulatio virtutis incende-  
 bant mentes Christianorum; ita auxiliorum spe  
 elati Thraces, ubi plurimum periculi, ac labo-  
 ris ostendebatur, ibi vi majore obsistebant. Hinc  
 non modò obstruere fracta murorum, missili-  
 busque tormentis summovere hostem, sed tan-  
 ta telorum, igniumque vi stationes, operaque  
 cuni-

*Primum  
tentat a-  
nimos in-  
colarum.*

*Sed ab-  
nuentes  
armis in-  
vadit.*

*Barbari  
acriter  
resistant.*



1686 cuniculariorum turbare, ut nihil tutum munientibus paterentur. Plures dies eadem ferocia sustentatum est à barbaris obsidium; & quamvis, nunquam oppugnatione intermissa, paulatim Veneti muris propinquarent, nihilominus augeri in dies magis, quàm dejici Turcarum animi videbantur. Jamq; nostrorum cohortes diurnis, nocturnisque operibus fessæ vix laboribus sufficebant; & cum sæpè tentari cuniculorum vim placuisset, ubi ad effectum operis ventum esset, haudquaquam prosperè ceptis res succedebant. Metus indè, ne ex irritis Christianorum conatibus cresceret barbaris animus, Præfectusque Turcarum in obsessorum auxilium properaret. Nihilominus diù anceps fortuna non stetit: namque hostes, cum ad omnia tuenda, atque obeunda multimoda arte distinerentur, demùm labore, cædibusq; fatigati, atq; ipsa munimenti inopia, jam enim multæ urbis partes quassatæ erant, dejecti, haud procul exitio redactam rem cognoscebant. Hinc alii alia arte quærendam salutem. Sed eorum sententia vicit, qui, simulato deditiois consilio, dandum subsidiis tempus, atque intereà reficiendos muros, censebant. Neq; ea spes vana penitus fuit. Quippè differentes non abesse se à sententia dandæ urbis, compositis ad fraudem precibus, unius diei inducias petiere. Maurocenus ex temporis postulati angustiiis dolum minimè suspicatus, cum præterea deferrent exploratores, lon-

Maurocenus  
unius  
diei indu-  
cias conce-  
dit obsessis.



longiùs Præfectum Turcarum cum exercitu de- 1686  
tineri, lubens petentibus annuit. Attamen mit-  
ti ad obsidenda viarum compendia, curari di-  
ligentiùs excubias, turmas esse in procinctu, o-  
mniaque ad prælium naviter instructa haberi  
iussit.

Sed Thraces, ubi intercepta sunt molimina *Verùm ii  
se inten-  
tius mu-  
niant.*  
Venetorum, reparandis murorum detrimentis  
summoperè intenti, quam, specie concedendæ  
urbis, quietem imperaverant, in majoris per-  
tinaciæ materiam convertunt. Igitur pro disje-  
cto muro alium tumultuario opere ex ruderibus  
extruunt, curant corpora, arma parant; &  
quæ faciliùs intentari adversus obsessores tran-  
sactis præliis experti fuerant, raptim congerunt.  
Ita victoriæ fiducia in atrocius discrimen desuit; *Aspera-  
tur obsi-  
dio.*  
atque, ubi prima luce intraturos se urbem Ve-  
neti speraverant, hostiliter ab obsessis habiti, re-  
pentè in rabiem exarserunt. Acrius idcirco de-  
integro obortum est bellum; auctaq; simul utrin-  
que decertantium sollicitudo. Quippè, nec igno-  
tum Imperatori, si diutiùs protraheretur obsi-  
dium, affuturum Turcarum exercitum; nec Me-  
thonensibus incompertum, victores clementiæ  
immemores fraudem severitate pensaturos. In-  
tra spem, metumque aliquandiù pugnatum est;  
& ni Franciscus, qui cuncta per se invisens  
nihil intentatum patiebatur, terra simul, & ma-  
ri audaciam incolarum assidua cùm murorum,  
tùm hominum consternatione cohibuisset, for-  
talsè



1686 talsè, in arctius discrimen, vel adventu hosti-  
 lium copiarum, vel nostri exercitus jactura,  
 res deducta esset. At, cum dies, noctesque ob-  
 fessi tormentis, ligone, cuniculis, impressioni-  
 busque turbarentur, atque interea multos quo-  
 tidianè cedes eriperent; nunquam magis fracti,  
 ipsorum animi sunt, quàm ubi interemptorum  
 multitudine commoti suæ saluti prospicere cœ-  
 perunt. Siquidem, absumptis viribus, angebat  
 summoperè mentes tristis captæ urbis cogitatio:  
 non enim exciderat memoria Coronæ exitus,  
 atrox ad recordationem spectaculum.

*Tandem  
 frangun-  
 tur animi  
 barbaro-  
 rum.*

*Dedunt  
 urbem, o-  
 rantq; ut  
 sibi igno-  
 scatur.*

Igitur crebra funera, stratas munitiones, in-  
 certa subsidia, atq; impendens vitæ periculum de-  
 misso animo circumspicientes barbari, egregiam  
 defensionis laudem tuto consilio junxere. Missi  
 ergo caduceatores, qui Imperatori, servato præ-  
 sidio, traderent urbem; peterentque, ne iis liber-  
 tatem denegaret, quibus vitam largiretur. Decertasse se  
 pro Imperio, pro sua, liberorumque salute. Non igitur  
 verti in eo gloriam Imperatoris, ut virtutem defensionis  
 debellatorum sanguine mulcetur. Verè egregium belli fi-  
 nem illum esse, qui ignoscendo transigitur: quanta vi ar-  
 morum in hostes, tanta beneficentia in supplices uten-  
 dum. Relatam ex Methone victoriam, immortalis lau-  
 dis materiam fore; magnanimitatis verò testimonium, se  
 clementiam exercuisset. His delinitus Maurocenus,  
 &, qua pollebat, animi magnitudine incitatus,  
 incolas cum bonorum parte salvos dimisit; his  
 tamen legibus, ut non Christianorum tantum,  
 sed,



fed, qui ex Africa eò congesti fuerant, captivi, 1686  
 spolia, atque arma illicò Venetæ ditionis essent.  
 Continuo, urbe in potestatem accepta, imminis-  
 sum est cum Ducibus præsidium. Philippus Pa-  
 ruta Patritius Venetus Præfecturæ loci, Ludo-  
 vicus Gratianus cum octingentorum armato-  
 rum cohorte, cui præerat, custodiæ destina-  
 tus. Interea, dum Thraces, ut discederent, navi-  
 bus imponuntur, cæteraque instaurationis mu-  
 nia sedulò Veneti subeunt, relatæ victoriæ nun-  
 tius, idem Ludovicus Gratianus ad Sena-  
 tum mittitur, quem deindè Patres aureo torque  
 decoraverunt. Hujus à me nomen præteriri, non  
 studia ipsius erga Rempublicam, non accepta  
 toties in bello, & præsertim Cretico, vulnera,  
 ac demùm mors, non filii pietas passa est. Quam-  
 vis neque indoluerim præproprio fato parentis,  
 cui pro Augustissima Republica cecidisse præ-  
 clarum.

Cæterùm in urbe XCVI. muralia tormenta  
 inventa fuerunt: ingens captivorum numerus  
 receptus est in naves; reliqua miles passim di-  
 ripuit. Hoc belli eventu parta Reipub. insignis  
 victoria, spoliis, armis, ac terris, quodque ma-  
 gis est, tuta locorum possessione. Neque enim  
 spes hostibus erat regionis ampliùs repetendæ,  
 perturbandæve, cum omnia circum Venetorum  
 præsidiis clauderentur. Itaque unum, quod su-  
 pererat, firmandæ urbis negotium diligenter ab-  
 solvi jussit Maurocenus; hinc reparatis mœni-

P p bus,

Urbs occu-  
patur.

Ludovi-  
cus Gra-  
tianus  
Venetias  
mittitur.

Methone  
commu-  
nis.



1686 bus, quâ corruerant, illinc novis additis munitionibus, quibus facilius defendi possent. Interim non temperare lætitiæ, ac laudibus Patres, ubi de gestis rebus admoniti sunt. Namque multa de Francisci virtute in medium afferentes, non amplius ob suas acies, capta oppida, expugnatasque urbes, sed ob subactas provincias addendos victori honores discebant. Contrâ hæc ingenti mœrore animos Thracum affecerunt: qui, cum nobiliorem Peloponnesi partem, lectioresque Imperii cohortes succubuisse accepissent; nihil tam exitiabile timor fingeat, quod, ne sibi jam prope immineret, non pertimescerent.

*Praconia  
Venetia  
in Mau-  
rocentum.*

FINIS LIBRI TERTII.



FRAN.

FRANCISCI  
 MAUROCENI  
 PELOPONNESIACI,  
 VENETIARUM PRINCIPIS,  
 Gestorum  
 LIBER QUARTUS.  
 EPITOME.

**F**RUSTRA provocatis Turcis ad prælium, Imperator Naupliam obsidet; properantemque in urbis auxilium exercitum barbarorum bis fundit. Urbs demum expugnatur. Argos, & Thermis rediguntur in potestatem. Equestris dignitas in Petrum Maurocenum confertur, duratura deinceps in maiorem huius familie natu. Budam à Cæsare debellatam sequuntur frustra agitata pacis consilia. Pestilentia Peloponnesus inficitur. Franciscus, exposito haud à Patris exercitu, hostem prælio superat. Patras, Rhium, Amyrrhium-  
 Pp 2 que



que, ac mox Naupactum subigit. Ideò area ejus effigies in Decemvirorum aede locatur, ac Peloponnesiaci cognomentum adipiscitur. Honores in Maurocenorum familiam. Corinthus, Sparta, Thyrea, Chelonates, demum expugnantur Athenæ. Marmorei Leones Venetias transmittuntur. Pestis iterum Peloponnesum vexat. Castrum novum subigitur ab Hieronymo Cornelio. Cædes Turcarum ad Dravum agitur à Cæsare. Pulso Mahomete Rege, evehitur ad solium Solymanus. Marcus Antonius Justinianus Dux obit; ac Franciscus Maurocenus Princeps Venetiarum declaratur. Ingens lætitia Venetorum. Cretenses seditione perturbatos statuit invadere Maurocenus; sed frustra. Evertuntur Athenæ. Eubæa tentatur: Konismarchius, ac Hieronymus Garzonius, fato concedunt. Externis captis munitionibus, sed adversum eventum nacta aggressione, obsidium, instante jam hyeme, solvitur. Princeps Naupliæ agrotat. Hieronymo Cornelio Præfectura classis committitur. Restitutus valetudini Princeps Turcarum motus intra Peloponnesum cobibet. Epidaurum arcta obsidione cingit. Laurentius Venerius obit. Maurocenus in Ægeum proficiscitur: sed iterum agrotans revertitur Epidaurum. Accedente Hieronymo Cornelio, auctaque morbi sevitia, Venetias contendit. Spalatum advectus, mirifice ab casu quodam servatur. Transmisso dein Adriatico, à duodecim Legatis exceptus, ingenti pompa palatium ingreditur: continuoque solemnia Principatus peraguntur. Ense, ac Galea ab Alexandro VIII. Pont. Max. decoratur. Epidauri deditionem prospera Hieronymi Delphini navalis pugna consequitur. Cornelius, expu-

expugnata Aulone, moritur. Quarto Franciscus Imperatorium Classis munus subit, profectusque in Græciam, conatur provocare hostes ad pugnam. Æginam insulam, arcemque milite, atque armis confirmat. Cætera dum disponit, media hyeme, acerrimo morbo correptus, summo cum omnium dolore, exanimatur. Funeribus Naupliæ, mox Venetiis solemniter persolutis, multa in ejus memoriam à Patribus decernuntur.



LIBER



1686

*Status  
utriusque  
exercitus.*

**E**Xpugnata Methone, paulum constitit Maurocenus, ut hostium vires, consiliaque, & quantum spei sibi ex copiarum robore ea tempestate superesset, diligenter scrutaretur. Postquam nec invalidum exercitum, nec multum abesse auxilia suorum, omnia verò penes Thraces consternatione depressa animadvertit; sumptis armis, statuit acrius in deterritos incumbere. Urgebat Imperantis mentem demissa indoles, abjectusque pavor Præfecti Turcarum; qui apertè congredi non ausus, huc, illuc ferens arma, prædonum more bellum gerebat. Hic postremò debellatæ urbis jactura altius concussus, ne militum animi omnino frangerentur, promptiusque socios detineret in fide, finitimam regionem incurfare, prædas agere, ac Venetorum præsidia donis tentare; ut vel suspecta omnia redderet Mauroceno, vel novum præsentibus malis remedii genus ex multiplici conatu exoriretur. Imperator nihil accomodatius ad reprimendam hostis audaciam reputans, quàm ut eum prælio superaret; locum certamini instituit septum agresti aggere, adituque permodico, ut ex insperato Thracem deprehenderet, deprehensumque redigeret ad pugnae necessitatem. Verùm, ubi tempus frustra conteri, dolisque se fatigari ab eodem videt, neque decertandi materiam præberi; perdomita ea Peloponnesi parte, quæ Mediterraneo mari aluitur, in alteram Peninsulæ regionem, Aegæo pela-

*Impera-  
tor parat  
se ad præ-  
lium: sed  
frustrà ob  
minorem  
hostium.*



pelago contiguam, deferre arma decrevit. Igitur <sup>1686</sup>  
 Argolicæ regionis urbem, nomine Naupliam, <sup>Statuit</sup>  
 oppugnandam deligit; ratus, quod belli ratio <sup>Naupliā</sup>  
 poscebat, Præfectum barbarorum laborantibus <sup>invadere.</sup>  
 Naupliæ defensoribus venturum auxilio, ibique  
 certissimum prælium futurum. Corone idcir-  
 cò, ac Methone omni bellico apparatu commu-  
 nitis, impositoque in naves milite, eò, adjuvan-  
 tibus auris, brevè perventum est. Latitantibus  
 intra muros hostibus, instructa in proximo lit-  
 tore acies; eaque in urbis conspectum deducta.  
 Continuo propior Palamidis montis pars cum  
 lecta cohorte à Konismarchio occupata; quæ ex  
 commodo obsidentibus loco urbem prospectat.

Nauplia, urbs antiquissima Peloponnesi, con- <sup>Naupliæ</sup>  
 tra Orientem sita, Argolicoque mari contigua, <sup>stus, &</sup>  
 Regni arx quondam vocabatur. Ejus structura <sup>descri-</sup>  
 ea præcipue parte eminet, qua præruptus collis <sup>ptio.</sup>  
 in continentis excessu verticem modicè extollens,  
 Argivi sinus fluctibus pulsatur. Non conditorum  
 industria, non situs opportunitas urbis munimen-  
 ta defuere. Si namq; naturam inspicias, aptè pela-  
 gi, ac continentis commercio fruitur, difficilemq;  
 oppugnantibus ascensum per confragosas rupes  
 præbet. Artis verò ingenium in eo potissimum  
 apparet, quòd prævalido mœnium ambitu, in-  
 ternis, externisque munitionibus, robusta de-  
 mùm arce pollet, quam ingens militum, atque  
 armamentorum cujusque generis apparatus cu-  
 stodire consueverat. Eadem parte, qua ad ma-  
 re



1686 re collis pertinet, capax plurium navium portus inæqualiter se inter saxa insinuat; cujus ostio hinc urbs, indè appositè constructa arx ita imminet, ut invitis incolis subire navigia minime queant. Ex adverso dites sunt vici, ad quos tamen nonnisi per angustissimum tramitem datur evadere: reliquum montis invia saxa circumstant. Cæterum Palamedes mons in urbis conspectum assurgit; cujus verticem cum pars Venerarum copiarum jam infedisset, reliquæ intereà cohortes ad ipsius radices castra posuere. Incolæ ad primum nostrorum adventum nonnihil territi, cum erectis deindè animis arma sumpsissent, ausi è mœnibus erumpere, expedito agmine in objectos aggeres inopinanter irruerunt. Edita tamen vix species certaminis: ut enim in hos levis impetus à Venetis est factus, versis ordinibus, longiorem pugnam detrectaverunt. Auxit barbarorum pavor fiduciam Imperatoris; quamobrem raptim communita castra, obducti aggeres, omne armorum genus intra munimenta redactum. Nec segniùs Konismarchius rem gerebat. Quippè, cum montis cacumen in valli modum aptasset, tormentorum suggestibus ibidem constructis, parare suorum animos ad discrimina, petere urbem tormentis, demùm, additis ollis incendiariis, ingenti terrore obsessos adoriri. Intereà navalem quoq; oppugnationem classis exorsa est. Quinimmo naves pontibus stratae, tormentisque instructae aderant, quibus oppor-

Occupatur  
Palamedes  
mons.

Incolæ  
erumpunt  
de muris,  
sed  
pelluntur  
à Venetis.

Obsidio  
cuius in  
statum.



opportunè dispositis, ita urbs infestabatur, ut nulla parte discrimine vacaret. 1686

Dùm hoc ardore prostrernere latiùs muros Maurocenus adnititur, Præfectum Turcarum cum valido exercitu, quem coactis delectibus auxerat, Argos tenuisse, atque, ubi novas ab Eubœa copias excepisset, ad solvendum obsidium adfuturum, nunciatur. Attulit Venetis non levem tutandi exercitum, præcavendique certaminis curam proximus hostium adventus; cùmque multiplici ex parte ob varietatem viarum alios alii conatus suspicarentur, confirmari novis aggeribus obsidionales accessus, & curari diligentius excubias visum est, ne vel improvise ruere, vel faciliè perfringere vallum barbari possent. Veruntamen Maurocenus aut nocturnam castrorum oppugnationem, aut inopinatum aliquem hostium impetum imminere intelligens, nihil cunctandum censuit, sed, antequàm novum iisdem robur adderetur, in aciem descendendum. In hanc mentem compositus instrui jubet exercitum, cohortes in limite locat, & ne interim obsessi subsidiis levarentur, jam enim trecenti milites prætoriani à Præfecto Turcarum submissi clam urbem intraverant, suspectiora loca hinc levis armaturæ manipulis, illinc triremibus claudit. Reliquum gerendæ obsidionis munus Præfecto castrorum Hieronymo Delphino mandat; quo in bellicis rebus administrandis neminem manu, consilio-

*Turca  
vallo  
Christia-  
norum  
propin-  
quant.*

*Mauroce-  
nus de-  
certare  
statuit.*

*Delphino  
obsidionis  
negotium  
commen-  
dat.*

Qq que



1686 que promptiorem expertus fuerat. Conuersis ex-  
indè ad certamen studiis, ut simulatis quoque  
motibus distraherentur vires hostium, è trire-  
mibus duo armatorum millia exponit, qui sub  
concurfionis initium terga Turcarum aggredian-  
tur. Dispositis manipulis, optimo ordine extra  
vallum processum est. Ubi verò castra castris  
collata sunt, pugne signum Venetis datum. Id  
ubi Thraces animadvertunt, properantes arma  
capiunt, parati primùm pro castris consistere.  
Verùm, ubi propiùs nostrorum cohortes acces-  
sere, utrinque magno clamore concurritur.  
Turcæ objecto equitatu perturbare hostium cor-  
nua conantur; Veneti sub signis esse, conferta-  
que acie repellere irruentes. At via erat inas-  
fuetis minimè opportuna. Namque Turcarum  
equi facilè inter virgulta evadebant; peditum  
verò Venetorum gressus inæqualitas loci pluri-  
mùm remorabatur. Varia idcirco certaminis  
facies, diùque ancipiti exitu dimicatum. Tan-  
dem, ubi turbæ fluctuantis impulsu in objectos  
ordines nonnihil nostri penetravere, Turcarum  
Præfectus lævam exercitus alam undique cir-  
cumventam à Venetis, militesq; nec signa, nec  
ordines sequi, multos cedere, paucos instare,  
denique discrimine, ac cladibus plena omnia  
cognoscens, tutius consilium sequi decrevit.  
Dùm enim colligi raptim sarcinas, ac tentoria  
jubet, prior ipse fugam exorditur: Nec defue-  
re, qui statim abeuntem ducem, abjectis armis,  
seque-

*Prælium  
conferri-  
tur.*

*Præfectus  
copiarum  
Turcica-  
rum su-  
git.*

sequerentur. Ut sensere Veneti hostem minùs 1686  
 incurrere, stipato agmine in perterritum inve-  
 cti. Neque cunctatum apud latera; quippè glo-  
 bis armatorum utrinque immixtis, undique ag-  
 minibus Turcarum, prosternendo objectos,  
 circumfunduntur. Turbavit ea res hostium mul-  
 titudinem: mox, invalescente ob metum tumul-  
 tu, quidam apertè terga dantes, ut sit, etiam  
 integros averterunt. Tunc Venetus miles diffi-  
 patos diù persecutus est. At, ubi labore, æstu,  
 locique asperitate languidos suos Maurocenus  
 sentit, ne eos in majus discrimen per angusta  
 viarum impellat, signum dari imperat rece-  
 ptui. Multi à Turcis, pauci à Christianis hoc  
 prælio desiderati. Inter hos tamen Comes Ca-  
 rolus Konismarchius, Præfecti copiarum ne-  
 pos, fortiter pugnando, sauciati equi ungula  
 penè protritit. Non ideò tamen diù serva-  
 tus, paucos enim intra dies feto concessit.

*Christia-  
ni de ex-  
ercitu ho-  
stili vi-  
ctoria re-  
ferunt.*

*Co: Carol.  
Konis-  
marchii  
mors.*

Relata à nostris victoria moverat quidem, at  
 non fregerat animos obsessorum: vocati enim  
 ad deditionem, defensionis, quam paraverant,  
 exitum, aut victoriam, responderunt, aut mor-  
 tem futuram. Ob id obsidionales accessus ad ex-  
 trema usque munimenta producti, aucti tor-  
 mentorum suggestus, quorum ope ingens mœ-  
 nibus ruina inferebatur. Inter reliqua tamen  
 Christianorum molimina unus erat Palamedes  
 mons, ex quo obsessi excidium pertimescerent.  
 Enimverò tanta ollarum incendiariarum gran-

*Obsidium  
exaspera-  
tur.*



1686 do in urbem indè depluebat, ut cuncta intra  
muros incendio, cladibusq; involverentur. At  
neque in Venetorum castris rara cedes. Non-  
nulli obsessorum opera, multi æstus vi conficie-  
bantur. Demùm, quęcunq; tentarentur in per-  
niciem Turcarum, nonnisi ingenti labore, vi-  
riumque jactura ad exitum perducı poterant.  
Haufit inter reliquos propera mors strenuos du-  
ces Barbonum Bragadenum, Patritium Vene-  
tum, Comitemque Barnabò Vicecomitem: nec  
multò post Equitem Alceniacum, qui, dùm,  
effractis hostium claustris, in urbis folsam cum  
armatorum copiis evadit, plumbea glande con-  
fossus est. Sub idem tempus, quo hæc ageban-  
tur, opportunum fessis subsidium, aliquot na-  
ves Venetorum advenere: quibus, præter quan-  
dam militum manum, & rei omnis bellicę in-  
gentem apparatus, Gaspar Bragadenus, An-  
gelus Michaelius, ac Hieronymus Priolus ad  
obeunda armorum munia destinati ab Senatu,  
vehebantur.

*Præfectus  
Turcarum  
rursus ad-  
venis in  
subsidium  
obsessorum.*

Dùm adversus Naupliam sic certatur, Tur-  
carum Præfectus intelligens ex tantę urbis ex-  
pugnatione extremum Peloponnesi fatum pen-  
dere, collectis denuò novem armatorum milli-  
bus, quibus mille, & quingenti velites ab Eu-  
bœæ Præfecto missi recenter accesserant, im-  
minentem nostrorum castris collem conscendit.  
Neque diù pugnæ discrimen dilatum est. Quip-  
pè, ut fidentis speciem daret, ingenti impetu  
in

in obsessorum vallum irruens, omnem resisten- 1686  
 di spem iisdem demere aggressus est. Incertus *Exemplō descendit in aciem.*  
 primò Venetus miles, quidnam inopinata pug-  
 nae facies minaretur, immoto agmine, torpen-  
 tibus veluti viribus, paulum stetit. At, ubi hor-  
 tantibus tribunis, ac centurionibus, quos Impe-  
 rator alacri oratione erectos per suorum ordi-  
 nes properè miserat, objectae hosti Ultramari-  
 norum cohortes fuere; haud impari ardore à  
 reliquis quoque coeptum est praelium. Eodem  
 tempore Maurocenus, *Mauroce-  
nus exem-  
plō suos  
accendit.* cuius latus Petrus Lega-  
 tus stipabat, ad pugnae locum festinavit. Ut-  
 que, vim hostium avertendo, discrimen suorum  
 molliret, educi raptim è triremibus epibatas ju-  
 bet, ac decurrentem equitatum hostis lacessere.  
 Ipse equo insidens circuire agmen, subsidiarios  
 manipulos, quà res postulabat, emittere, ad-  
 versus prominentem hostium aciem milites a-  
 criùs impellere: hortari simul, *ut incondito barba-  
rorum agmini strenuè resisterent; neve ab iis, quos nuper  
deformi clade affecerant, fundi se modò paterentur.*  
*Maturarent requiem operum, praeiumque laborum: eam  
enim pugnam exitum tam diurnae obsidionis allaturam.*  
 Jamque efferatis dimicantium animis, atrociter  
 hinc indè pugnabatur. Non frons, non terga,  
 laterave exercituum discrimine immunia. Un-  
 dique hostis immani spe ferox decurrens, ordi-  
 nem praelii variis terroribus miscebat. Absum-  
 psit utrinque haec acies agminum robur; ver-  
 teratque demùm periculum in Venetos, ni Im-  
 pera-



1686 perator sitam in lēvo cornu cohortem adversus disiectam ejus partis barbarorum alam provehens, improvisam victorię spem intulisset. Retroagi tunc Thraces ceperunt, quamvis alterius partis ordines in integro adhuc permanerent. Ubi autem ad proximi collis radicem redacti sunt; veriti loci angustias, terga vertere, niti, ut ad montis culmen evaderent, ipsaque multitudine officiente, quaquaversum dissipari. Tunc cæsi barbari ad Venetorum satietatem: multique, cum nec ultrò progredi, ob inaccessas cautes, nec retrorsum verti, instantibus Christianis possent, atrox spectaculum præbentes, ab insequentibus veluti per ludibrium hastis fgebantur. Reliqui partim aditu facto per proximam planitiem fusi, partim in juga montium concedentes, eluctati locorum difficultatem, stragibus se subtraxere.

*Manroce-  
ni India.*

*Konismar-  
chii vir-  
tus.*

Fusis hostibus, ad vallum reversus Imperator, Immortali Deo grates persolvit, suos sedulo reficit; addens præterea munificentiam, meritos ingentibus præmiis donat: universos, & præcipuè Prefectum copiarum Konismarchium laudibus effert, quem opportunam opem suis afferentem immani vulnere exceptus equus præcipiti casu in humum effuderat. Cætera, quæ ad excitandos militum animos valent, nusquam omissa. Ubi verò quieti parum indultum est, exercitusque viribus sufficere visus; ad coarctandam obsidione urbem copię processerunt.

Addi-

Addita damnis armorum minarum quoque ir- 1686  
 ritamenta. Siquidem obtruncata hostium capi-  
 ta lanceis affixa in conspectum urbis elata: si-  
 mul, remissis duobus captivis, significatum, ni  
 relipiscerent incolæ, instare extrema. Tunc,  
 quod armis invium, terrore victum est. E-  
 nimverò, fuso suorum exercitu, non ausi sunt  
 defensores ultra reluctari. Igitur, impetratis  
 albente vexillo induciis, adfuere caduceatores  
 ad paciscendam Naupliæ deditiōem. In me-  
 dium prolatis conditionibus, libenter permis-  
 sum ab Imperatore, ut Thraces, traditis capti-  
 vis, tutò urbe decederent. Græci verò (MM. CC.  
 erant) qui abire sedibus suis egrè paterentur, pa-  
 triam incoherent. De reliquis statutum est, ut,  
 quæ ad usum belli spectabant, in ditionem Vene-  
 tam statim transirent. XVII. Tormenta in arce  
 reperta, in urbe LXI. Duæ simul triremes, o-  
 mni armorum generæ instructæ, à victoribus  
 occupatæ. Acta præda, ad instaurandas loci  
 minutiones conversâ sunt studia. Intereâ, Præ-  
 fectura urbis Faustino Ripæ, ac Benedicto Bol-  
 lano, arcis autem Marco Priolo, eximiæ for-  
 titudinis, consiliiq; viris demandata, de cu-  
 stodiendis regionis finibus actum est.

Maurocenus eam primùm partem tutiorem  
 reddere exoptans, quæ discrimini propior vide-  
 batur, Argos oppugnare constituit, captumque  
 idoneo munire præsidio, ut prodeuntibus Tur-  
 cis à tergo esset. Prævenere tamen incolæ obsi-  
 dionis

Incolæ di-  
 sponuntur  
 ad dediti-  
 onem.

Occupat-  
 ur à Fi-  
 delibus  
 urbs,



1686 dionis conatum, ad famam acceptarum cladum  
Or. conti-  
nuo Ar.  
gor. spontè dilapsi. Idcirco missi cum copiarum par-  
 te centuriones, vecta arma, commeatusque, ut  
 non defendi tantum locus posset, sed etiam Tur-  
 cæ veluti aggere quodam coerceri, ne in occupa-  
 ta rursus irruerent. Magni olim momenti ur-  
 bem, immò totius Peloponnesi clarissimam Ar-  
 gos fuisse memoriæ proditum; unde Argivi no-  
 men habueret. Sita est haud procul à Mycenis,  
 viginti quinque millia passuum à Corintho Nau-  
 pliam versus distans. Modico ambitu validum  
 murorum nexum complectitur; & quamquam  
 Turcarum Præfecto, cum reliquiis exercitus  
 propius agenti, plurimum usui cum ad provin-  
 ciam tuendam, tum ad opem præsentis fortunæ  
 esset: non tamen inventi sunt ea in consterna-  
 tione animorum, qui locum propugnarent. Si-  
 militer & Thermis oppidum, haud multum di-  
 stans ab Argo, captum est, ac permunitum.  
 His perfectis, ne majori labore militem fatiga-  
 ret Imperator, navales socios, terrestresque co-  
 pias in hyberna dimisit. Ipse verò etiamnum in-  
 quies ad maritimas curas animum vertit; sta-  
 tuitque Ægæi Insulas, & portus perscrutari, ut,  
 si in Turcicæ classis Præfectum, annonam, at-  
 que armatos in Peloponnesi oppida comportan-  
 tem incidisset, navale quoque certamen conse-  
 reret. Ergo rebus suorum compositis, in altum  
 provehitur. Jamque Achajæ littora lustrabat,  
 cum adeò fæda tempestas miscere maria cœpit,  
 ut

*Ægeum  
percurrere  
cupientem  
Mauroce-  
num tem-  
pestas re-  
vocat.*



ut neque intra portum tuta penitus à turbine na- 1686  
vigia essent. Diù ea procellæ vis pelagum agi-  
tavit; incertisque motibus fluctus ita agebantur,  
ut nemo nautarum intra viginti dies à portu sol-  
vere ausus fuerit. Cùm interim appeteret hyems,  
omniumque corpora ob frigoris levitiam turba-  
ri cœpissent; relabente æstu, Imperator quoque  
diuturna maris jactatione eger, Classẽ ad hye-  
mandum Naupliam reduxit.

Anno his Turcarum cladibus illustrato, læ-  
tissima Reipub. facies fuit, cui bellum præter  
omnium expectationem prævalido hosti indi-  
ctum, non decoris tantum, sed etiam incremen-  
ti multum addiderat. Hinc in omnium ore Fran-  
cisci præconia, publicè edita lætitiæ signa non  
modò à Venetis, verum ab externis quoque na-  
tionibus. Præcipuè Senatus, in cujus ditionem  
ampla regio transierat, nunquam paria dignita-  
tum munera in Maurocenum conferri posse ar-  
bitratus est, ni ea in familiæ hæreditatem, cui  
tantum virum debebat, verterentur. Quapropter  
Petrus Maurocenus, Imperatoris Nepos, qui in  
obeunda his belli temporibus Legatione, ere-  
ctum ingenii robur, nec absimilem à virtute Pa-  
trui animum probarat, D. Marci Eques decla-  
ratus: decretumque, ut in posterum major e-  
jusdem familiæ natu hac dignitate, tanquam per-  
petuo patrimonio, frueretur. Hęc inter spem, læ-  
tiamque Venetiis acta. Verum alia omninò By-  
zantii rerum facies erat. Quippè, ob adversos e-

*Profici-  
sciur in  
hyberna.*

*Equestris  
dignitas  
in Petri  
Mauroce-  
ni colla-  
ta; dura-  
tura dein-  
ceps in  
majore  
huius fa-  
milie na-  
tu.*

R r xitus



1686 xitus pugnarum, exasperatis Turcarum mentibus, nuper oppressa seditio populi validiori tumultu rursus erupit. Sub idem ferme tempus præsentibus ærumnis expugnatae Budæ rumor accessit; quæ amplissima urbs est, inferioris Pan- noniæ metropolis, juxtaque Danubii ripam jacet. Hæc aliàs Cæsaris armis frustra tentata: verum hoc anno asperrimæ obsidionis conatu macerata, irrumpentibus demum copiis Germanorum multa Thracum strage concessit. Hinc eò altius urbis jactura Turcas commovit, quòd ad obsidii famam digressus Byzantio Regii Sigilli custos Solymanus cum sexaginta millibus armatorum, ad certam veluti victoriam properaverat. Non defuere tamen artes, quibus hic quoque motus nonnullorum cæde compressus postremò evanesceret. Continuò ventum est ad remedia, ut, si tolli penitus damna non possent, illud saltem cautum esset, ne vulnus ulterius ferperet. Omnibus pensitatis, nihil tutius eas inter angustias inventum, quàm ut, Repub. à bello avocata, quamprimùm pax perpetraretur. Multas Imperii provincias in lubrico esse; Peloponnesi custodem exercitum stragibus, ac terrore confectum; urbium præfides, nec pares animo, nec viribus instructos. Laborare interea sedem Regni rerum omnium indigentia; civium quamplurimos bona, fortunaque in tributum eges- sisse: vix remanere, quod crudelitas primorum exurgeret. Itaq; imminetia mala nonnisi quietis ope aver- ti posse Mahometes Rex, ac Solymanus cogno- scen-

Buda  
Cæsare  
expugna-  
ta.

Consilia  
pacis à  
Turcis  
prolata.



scientes, solidiora quietis consilia pertractare, in- 1686  
 concussa fœdera Venetis polliceri, suos spe pacis  
 ad lætiores mentem revocare. A quibus studiis *At inca-*  
 ubi penitus abhorrere Senatum, animadvertunt; *sum pro-*  
 necessitate armorum coacti, colligunt raptim 1687  
 milites, opes parant, instruunt classem, præfe- *Igitur u-*  
 ctorum alios præmiorum spe, alios minarum *ring, bel-*  
 terrore ad strenuè agendum acuunt. *lici ap-*  
*paratus*  
*infirmu-*  
*tur.*

Dùm hi motus in Regia barbarorum erant,  
 Senatus, cui major in dies armorum cupido,  
 ad ea paranda, quæ bello opportuna, sedulò in-  
 cumbebat. Eadem quoque in Græcia nostrorum  
 studia. Verùm inter has curas atrocior pesti- *Pestis vi*  
 lentiae vis Peloponnesum invasit. Hæc primò *Pelopon-*  
 paucorum interitu prodita, omne Mauroceni *nesius per-*  
 studium ad amputandas morborum radices, an- *turbatur.*  
 tequàm vis mali universum inficeret exerci-  
 tum, evocavit. At, dùm ad egerendos è fano-  
 rum numero ægrotos animum intendit, longè  
 major pestis sævitia animos omnium improvise  
 pavore corripuit. Evulgata labes in dies glisce-  
 bat: domus funeribus, viæ squalore, & luctu  
 complebantur; cùmque velocitas mali cuncta  
 populando multum anteiret remedia, vix ulla  
 Peloponnesi regio intacta à pestilentia videba-  
 tur. Igitur, cùm pleræque urbes ob luis latè de-  
 sævientis indicia notæ, reliquæ suspectæ Mau-  
 roceno essent, non civitatum modò, verùm et-  
 iam navigiorum commercia intercipi jussit. Col-  
 ligi præterea faucios, atque in aliam regionem

Rr 2 ab-



1687 abduci placuit; ut, si penitus evelli morbus non posset, provisum saltem esset, ne multitudo ægrotantium aeris inclementiam vehementius asperaret. Inter hæc Imperator cum aliquot navigiis Leucadem profectus, eò meliorem exercitus partem secum deduxit. Diù miseranda hominum clade universum terrestrium, maritimarumque copiarum robur elanguit; tandem eadem die, qua D. Antonii festum celebratur, congnitum, omnia circum in priorem sanitatis fiduciam repente restituta. Acceptum id in omen futuræ felicitatis; ac tæque, jussu Imperatoris, D. Antonio grates. Non multò post onustæ armis, ac milite naves convenere; concursuque finitimorum in dies exercitus auctus. Navales focii hoc anno suspicantes occultè adhuc serpere pestilentiam, non ausi sunt classem attingere. Reliquum verò copiarum tantum intra Julii mensem in unum redactum est.

*Tandem  
pestis ex-  
tinguitur.*

Maurocenus, ubi animos suorum erectos videt, cunctaque ad bellum præparata; quibusdam rostratis navibus properè commeatu, armisque oneratis, Naupliam proficiscitur. Exploratis ibi munimentis, quorum alia obsidione corrupta instaurari, alia, quæ utilia fore defensionis urbis expertus fuerat, de novo extrui jusserat, auctoque annona, ac cæteris necessariis præsidio; Coronem primum, mox Methonem contendit. Non ibi liberalitatis, non amoris officia prætermissa, ut populorum animos sibi

*Comitas  
Imperatoris  
erga  
suos.*



sibi firmaret. Una erga omnes animi magnitudo, ac comitas. Hinc permulti ex finitimis pagis civitate donati, concessa bona, remissa vectigalia, pensataque præmiis merita veteranorum. Neque ii modò, qui subactam regionem, & proximas arces incolebant, sed dissiti quoque à finibus, clementiæ fama commoti, oblatis præfidiis, in commilitium accepti sunt. Aucta his studiis suorum fides, hostium spes, atque insolentia repressa; adeò ut non minus armis, quàm pietate, in tuta loci possessione comparanda, cum profecisse constet. Hæc ubi perfecta Leucadem reversus est, ibique summi facinoris gloria permotus, Naupactum, ac Patras oppugnatum ire constituit. His oppidis ademptis, Turcis undique pulsis, nec ubi consisterent, nec quid tutum invenirent, habentibus, ne remorandi quidem causam in Peloponneso fore. At in tanto conatu sicuti non una victoria, ita plura discriminum genera sebeunda erant. Turcarum enim Præfectus, qui non procul à Patris hybernaverat, omne recenter conflati exercitus robur in ejusdem regionis custodiam detinebat. Loca verò ipsa non ob mœnia tantum, virosque sed multò magis ob situs asperitatem expugnatu difficillima. Qua etenim parte Peloponnesus in Septentrionem versa est, modicè Ætoliæ extremum versus porrigitur, labiisque invicem ductis, fretum effingit, quod Patras, Naupactumque interfuit. Hujus aditum utrinque aptè com-

*Mauroce-*  
*nus moli-*  
*tur oppu-*  
*gnatione*  
*Naupa-*  
*cti, & Pa-*  
*tratum.*

*Dardana*  
*oppida*  
*Pelopon-*  
*nesi, atq;*  
*Ætolia.*



1687 munitæ arces, quas vulgò Dardana appellant ; Anthyrrium hinc, illinc verò Rium custodiunt ; atque ita extremitate murorum , per ultimam littoris oram ducta, interjectum mare tuentur, ut ingredientibus navigiis apprimè immineant.

*Naupacti  
finis, de-  
scriptioq.*

Has inter arces Naupactæus sinus clauditur, sumpto ab oppido nomine, quod non procul ab Acheloo amne interiori sinus parte situm est. Spectabilis prorsus ejusdem structura. Quippè, latè ducto per prærupti collis margines quino murorum ambitu, ita naturæ loci aptarunt incolæ arcis munimenta, ut nihil aliud oppidum videatur, quàm collis munitissimus ; hic verò arx optimè instructa. Ex adverso, in Peloponnesi scilicet extremo, Patrarum urbs in conspectum venit, juxta Olenum, D. Andreae Apostoli passione celebris. Duplex huic murorum ordo, arxque crebris vallata turribus ; quarum ope facillimè subjectos viros oppidani tuentur. Reliqua collis, cui adhæret, portio fuis amœnis ædificiis ad voluptatem referta commoda humo, ac felicibus pascuis exuberat. Cæterùm uterque locus eò magis oppugnantibus arduus, quòd præter naturam situs, congestasque munitiones, ingenti copia militum, atque armorum nuper instructus fuerat, ac prætereà pro se quisque, quæ diuturnæ obsidioni tolerandæ sunt, ex agris convexerat ; haud ignaris Turcis, ea parte belli conatum futurum. In hoc rerum discrimen deductus Imperator, quamvis vali-



validum hostem, paratamque bello regionem 1687  
 comperisset, expertus nihilominus plura in bel-  
 lis consilio, atque auspiciis, quam armis, ac mani-  
 bus geri, animum à facinore in ea inclinatione  
 rerum continere non potuit. Igitur, vergente jam  
 Julii mense, Leucade solvens, Patras proficiscitur.  
 At vix in urbis sinum navigia redegerat, cum  
 necessarium statim praelium animadvertit. Si-  
 quidem Turcarum Praefectus expedito exer-  
 citu Patrarum fines obsidens, quò plus terro-  
 ris nostris objiceret, aciem instruxerat, dispo-  
 sitis ubique custodiis, aggeribusque, quibus op-  
 pugnandi loci spem demeret Imperatori. Nihilo-  
 minus hic, observato loci ingenio, antequàm  
 Quinqueremes, navesque littori propinquarent,  
 iussit ad Anthyrium triremes accedere, ne de-  
 prehenderet hostis, quam sibi prius tentandam  
 partem Veneti milites elegissent. Ubi verò al-  
 tera dies illuxit, Praefectus Castrorum Hiero-  
 nymus Delphinus, educto non procul à Patris  
 milite, instruendam aciem Comiti Konismar-  
 chio tradidit. Is, dum aptam explicandis ma-  
 nipulis planitiem occupat, trecentos equites ab  
 hostium aggeribus emissos sustinens, lætiora  
 conatus initia fecit. Quippè, fufis brevì barba-  
 ris ordinibus, tanto impetu persecutus est fu-  
 gientes, ut, qui evaserant, tumultu, ac terrore  
 vallum impleverint. Tunc à nostris posita ca-  
 stra; copiaeque per intervalla locatae, quibus e-  
 quitum turmae utrinque affundebantur.

Sed

Impera-  
 tor Pa-  
 tras con-  
 tendit.

Educitur  
 copie; ac  
 statim le-  
 vis con-  
 cursatio  
 à barba-  
 ris facta.



1687 Sed Maurocenus, quem debellandi hostis, obsidendarumque arcium desiderium urgebat, rebus ad certamen comparatis, statuit intra vallum barbaros invadere. At difficilis omnino femita videbatur, quæ ad ipsorum castra ferebat; diùque in ea laboratum fuisset, ni proditum à transfugis longius quidem, at tutius, plurimumque saltibus abditum iter Imperantis fiduciam erexisset. Itaque, adamato pugnandi consilio, ubi turmas, & manipulos invisit, ac

Aggressus hos-  
tes  
Mauroce-  
nus, suos  
alloquio  
erigit.  
certaminis munia in singulos duces partitus est. Ea tandem, inquit, dies, milites affulsit, qua daretur virtuti vestræ aditus ad victoriam, nusquam nobiliorem, quam dum totis cum viribus ruere in prælium Thraces statuunt. Una hæc contentio supererat, in qua de rerum summa decertaretur. Cecidit enim Turcica feritatis pervicacia, ubi hæc acies secunda vobis contigerit. Qui hostes adsint, quantumque iisdem robur, tot pagnarum eventus superioribus annis declaraverunt. Ii sunt, quos aut virtute vestra, aut fortitudinis fama perterrefactos agrè ad signa compulit crudelitas præfectorum. Dimidium victoriæ ante pugnam parvitas vobis turba concedit; nec sunt inter eos, quos timor magis agitet, quam qui aliàs manus vobiscum commiscuerunt. Reliqua tyronum multitudo, ubi prælium incaluerit, promptius formidinem suorum, quam pugna ordinem sequetur. Præfectus ipse profugus, postquam intus latebras sensit, nunc desperatione actus opem ab audacia querit. Vos tot præmiis aucti, tot rebus gestis clari, dum nec strenuæ gentes, neque ignota acies obver-



obversatur, decus vestrum, ignaviam hostium recense- 1687  
 te. Optanda erat pugna, si eam fata distulissent;  
 quæ cum adsit, nunquam peritura victoriæ gloria si-  
 gnanda est. Hactenus nobilissimam provinciam onusti  
 Turcarum spoliis, læti urbium oppugnatione, ingenti  
 cum laude percurristis: nunc hostilium copiarum sum-  
 mam, Peloponnesique ultimos fines obtinentes, explebitis  
 vota Christianorum, expectationem barbarorum supera-  
 bitis. Itaque memores pristinae virtutis, uti prudentes  
 cum imperitis, victores cum perterritis configite. Pa-  
 tent quatuor opulentæ arces: nec enim deerit mihi confi-  
 lii vis, qua earum Præfectos eludam. Magno igitur  
 animo hostium agmen perrumpite: præda sub oculis ve-  
 stris est. Suppetunt vobis gloriæ simul, præmiique inci-  
 tamenta; alterum laboris præmium erit, alterum forti-  
 tudinis. Dicentis fiduciam alacritas militum  
 ingens secuta, continuoque imperatum, ex-  
 pedirent arma, firmarent corpora cibo, ut, si  
 longior esset pugna, viribus sufficerent. Inter-  
 eà Maurocenus, ne, ubi certamen commissum  
 esset, subsidia ab Naupactæis ad barbarorum  
 castra mitterentur, quibusdam triremibus du-  
 ctis à Benedicto Sanuto, qui sinus Adriatici  
 Præfecturam gerebat, custodiam sinus deman-  
 davit.

*Ardorem  
copiarum  
excitat.*

*Venetus  
exercitus  
in hostem  
ducitur.*

Cunctis deinde summa diligentia, ut rei ma-  
 gnitudo postulabat, ordinatis, circa primam no-  
 ctis vigiliam motus per Konismarchium à ca-  
 stris exercitus indicatum iter exorsus est. Quo  
 sub tenebris confecto, cum ad ortum fermè lu-

S f      cis



1687 <sup>*Prælium  
committitur.*</sup> cis ad hostium vallum sine strepitu, ac tumultu perventum esset, statim signo dato à sclopetariis cœptum est prælium. Turcæ, eam tentari castrorum partem, quam tutiorem arbitrati fuerant, cernentes, ægrè primos nostrorum impetus sustinuerunt. At, ubi necessitate ferociores, totis agminibus descenderunt in certamen, in directum utrinque nitentes, assultantium cuneum à cætera prominentem acie tam validè impulerunt, ut non modò adversi agminis æquarent frontem, verùm etiam ulteriùs penetrando, sinum in mediò facerent. Tunc dexterum Venetorum cornu turbari maximè cœpit; & ni Brunsvicenses copias in eandem partem opportunè Konismarchius deduxisset, res eò jam devenerat, ut nutare passim illius alæ manipuli viderentur. Sed, accedentibus auxiliis, aliisque utrinque reductis, asperata illicò pugna est; continuòque, cede latius facta, conati dimicantes extendere cornua, ut & ab tergo hostem clauderent. At, cùm immotis ordinibus objectus staret peditatus, atq; intereà equites irruentem incautè in medium multitudinem dissiparent, diù æquo Marte prælium processit. Sub idem tempus clamor permixtus hortatione, gemitu, ictibus ingens sublatu, maximè verò fremitus equorum, immensique agminis murmur, è saltu quodam propiùs advolutum. Sylva enim dexteræ castrorum parti imminebat, crebris arboribus consita, extra quarum caliginem Turcarum



rum copiae veluti ad insidias erumpebant. Au- 1687  
 xit id discriminis momentum, cum non modò  
 ignorarent Veneti, quanto cum hoste res esset,  
 sed etiam fessi cum recentibus, ac vegetis diffi-  
 cillimè pugnarent. Verùm Maurocenus, ubi *Impera-*  
 in ancipiti exitum suorum versari deprehendit, *toris con-*  
 majoremque barbarorum exercitum, quàm an- *filium.*  
 teà conjectaverat, mille, & quingentos epibatas  
 effundi in adversum littus, imperavit; ut fallaci  
 agminis imagine aut averteret hostem, aut  
 decurrentis impetum frangeret. Juvit inceptum  
 fortuna. Quippè vix educta cohors, praelongis  
 hastis armata, latè occupaverat littus, cum Tur-  
 carum Præfectus, qui è quadam specula certam-  
 inis vices anxie prospectabat, adventantium  
 multitudine commotus, ultimam suorum aciem  
 moneri jubet, ne immodica cupidine obruendi  
 Venetos castra defererent. Novitas imperii si- *Subrepis*  
 cuti plurimos à recto pugnandi ordine retraxit; *inter*  
 ita insidiarum formidine multos adeò concussit, *Thraces*  
 ut, paulùm laxatis ordinibus, locus amplior Ve- *formido.*  
 netis ruendi in hostem pateret. Hoc barbaro-  
 rum pavore immutatus est brevè pugnae ordo,  
 isque in atrocissimam cædem conversus. Siqui-  
 dem, nostris validiùs instantibus, plerosque ho-  
 stium tumultus, terror, ac postremò vecordia  
 adeò occupavit, ut, fuis dexterè aq̃ manipulis,  
 paulò post reliqua acies pelleretur. Neque, ubi  
 usque ad vallum acti sunt Thraces, sequendi fi-  
 nis est factus. Enimverò, cum aucto impetu ob-

Sf 2 jectos



1687 jectos aggeres Venetus miles veluti cunco pervaderet, versi demum in preceps barbari terga assultantibus prebuere. Tunc spectaculum atrox in arvis patentibus: sequi, fugere, capi, caedi; equitatus una, peditatusque invicem tumultuosè permixtus. Christiani transversos, aut obvios incurfare; permulti hostium acceptis vulneribus semianimes non elabi, non consistere posse, demum ab ingruentium tumultu obrui: omnia contrata armis, laceris artubus, & sanguine. Non antè temperatum à cede, quàm ad inæqualia collium, ac sylvæ interiora, cujus aditus varè sectus agmina turbabat, perventum est. Tunc, signo receptui dato, conversus victor ad prædam. Castra, signa militaria, armaque capta: Inter quæ, Signum Regium, Caudæque Equinæ, atque octo tormenta majora inventa sunt. Porro ingens rerum omnium copia sub tentoriis reperta. M. CCC. hostium caesi; CCCL. tantum è Venetorum numero desiderati. Turcæ verò, qui evaserant, desertis signis, in sylvam, montesque, prout latebras fugientibus locus obtulit, aufugerunt.

Potitus castris Maurocenus, dum captaturus temporis opportunitatem Patras obsidione perstringere aggreditur; Præfectus urbis, Rique oppidi Custos, ob fœdum belli exordium, ab omni spe dejecti, antequàm penitus à nostrorum copiis circumvenirentur, emissis raptim præfidiis, fugientem suorum exercitum secuti.

Tunc

*Eorum su-  
ga, & cae-  
des.*

*Signis Re-  
gium, &  
Caudæ E-  
quinæ di-  
ripiuntur  
à Venetis.*

*Patras, &  
Rium oc-  
cupantur.*



Tunc ille utendum animis intelligens, dùm re- 1687  
centi adhuc praelio miles caleret, Naupactum  
extemplò oppugnare statuit. Utque auferret ho-  
stibus fiduciam subsidii, suorum verò terga tu-  
tiora redderet, satius visum Anthyrrium prius  
armis tentare, ac deindè, pervastata regione,  
Naupacti incolas fame, ferro, atque igne com-  
pellere ad deditionem. Anthyrrium sex Turca-  
rum millia tuebantur; qui, equitatu, peditatu-  
que instructo, pro custodia littoris constiterant.  
Itaque non dubitavit Imperator, quin accensos,  
pugnamque poscentes in aciem denuò duce-  
ret. Nec miles, dummodò certamen barbari non  
detrectassent, extremis cædibus hac die peper-  
cisset. Verùm, dùm propinquans littori suos de-  
gerendæ pugnae ordine admonet, ex insperato  
Turcæ vallum deseruere. Hos comitati, qui An-  
thyrrium incolebant. Quarè nihil temporis teren-  
dum ratus, ubi consternati hostes, ac duo exer-  
citus, ex quibus tota regionis defensio pendebat,  
pulsæ essent; Naupactum, qui vix X. M. pas-  
sum intervallo distat ab Anthyrrio, festinanter  
contendit. At acceptæ cladis, amissarumque  
arcium rumore fracti animi Naupactæorum  
quoque. Hi primò agitare inter se, qua arte bel-  
lum evitarent. Sed postquàm, audita suorum  
fuga, acto cursim agmine properare Venetos co-  
gnoverunt; asportatis opibus, aliorum exem-  
plum subsecuti.

Igitur eadem felicitate Naupactum quoque  
victor

*Anthyr-  
rium ex  
ercitus  
transmit-  
titur ea-  
dem die.*

*Sex mil.  
lia Tur-  
carum ad  
adventu  
Venetos  
diffugit.  
Anthyr-  
rium de-  
seritur à  
barbaris.*

*Mauroce-  
nus Nau-  
pacten de-  
stitit à  
suis capis.*



1687 victor Maurocenus ingressus est; qui valida, cum in eo, tum in reliquis oppidis munimenta invenit. CLX. tormenta in eorum praesidium servabantur: nec reliquo belli, atque annonae apparatu, utpote quae nullum obsidionis genus toleraverant, indigebant. Ad haec intra Naupactum sinum XIV. rostratae naves captae, quas Piratae finitimam Reip. regionem populates, eo commercii causa deduxerant. Caeterum nunquam breviori bello major victoria relata est. Uno praelio validissime Regni arces, arma, opes, & quaecunque longae pacis usus congesserat, in Reip. potestatem transiere. Miles pro concione a Mauroceno laudatus laeta voce, geminatisque plausibus Imperatorem salutavit. Dein, compositis in trophaei morem Turcarum manubiis, post actas Superis grates, ad praedam iterum licentius decurrit. Non distulit interea Franciscus pietatis officia; augustaeque formae aedem, quae intra Patrarum claustra erat, D. Andreae Apostolo dicavit, ut restitutum cultum ille de Caelo prosperis eventibus pensaret, nec minus armis, quam religione occupata regio tuta foret. His perfectis, Naupacti Praefecturam Thaddaeo Gradonico, Patrarum Hieronymo Priolo tradidit. Anthyrrio deinde, ac Rio Aloysium Sagredum, Marcumque Barbadicum (cunctos e Patritiorum ordine delegerat) imposuit.

*Relata de  
Thracibus  
victoria  
Senatui  
renunciatur.*

Sub idem tempus, cum per expeditos nuntios acta Venetiis innotuissent, ingens, ut in subitis  
ca-



casibus solet, animorum hæsitatio, an vera nunciarentur. Sed ubi, recitatis in Supremo Concilio literis, pugnasse Maurocenum, atque intra quatuor horas duos hostium exercitus debellatos, subactaque nulla virium jactura, maxima Græciæ oppida, ex iis Patres intellexere; adeo incitata in eundem sunt omnium præconia, ut & ii, qui bonum virum quondam invide negaverant, magnum modò spontè faterentur. Igitur, etsi tantæ victoriæ decus satis grande momentum cum ad præsentem laudem, tum ad æternam posterorum memoriam in se haberet, attamen, ne grati animi monumenta ab Senatu deessent, repositum in Decemvirorum Æde Vexillum barbarorum; æreaque Francisci effigies (insolitum honoris genus, nec unquam antea cuiquam inter vivos degenti tributum) ibidem locata; ac subtus eam Senatus Decreto ita scriptum est.

*Vexillum  
Turcarum  
in Decem-  
virorum Æ-  
de positum.*

*Ærea  
Mauroce-  
no effigies  
ibidem  
decreta.*

FRANCISCO MAUROCENO  
PELOPONNESIACO  
ADHUC VIVENTI  
SENATUS POSUIT.  
ANNO M. DC. LXXXVII.

Paucissimos ex Imperatoribus, victæ ab se gentis nomine antiquitus nobilitatos, legimus; immò inter rara monumentorum, Livio teste, habitum P. Cornelii Scipionis decus, qui omnium post urbem conditam primus, victa Carthagine, finitimisque regionibus, Africani nomen adeptus,

*Cognomē-  
tum Pe-  
loponne-  
saci Frā-  
ncisco  
Mauroce-  
no à Se-  
natu da-  
tum.*



1687 ptus, clarum cognomen familiæ fecit. Hujus exemplo alii etiam Imperatores id postea affecti. Quare fortia gesta Creticos, Dalmaticos, Numidicosque, atque alios quondam celebraverunt. Sed minus fortè admiranda hæc, cum vel popularis aura, vel favor militaris, interdum non sine assentatione, insignes titulos, imaginesque in duces conferret. Quod Franciscus Maurocenus nostris temporibus adeptus est, prætermissa tanti Imperatoris virtute, iisque omnibus, quæ in bello præclare gessit, hoc uno tantum nomine æstimandum crediderim, quod à Venetis Patribus dignus habitus sit, cui adhuc viventi unico exemplo tantum monumentum decerneretur; addito ex S.C. Peloponnesiaci cognomento. Eximia facta meritò ducem extollent, ducis honores immortalis præconio judicium Senatus commendabit. Sed non hic munerum terminus: versa quoque in Nepotes largitio, Petrusque, aliàs, ut tulit occasio, à me memoratus, Consiliarii dignitate decoratus est. Veruntamen, cum hic belli officiis optimè perfunctus, multum sibi gloriæ, plurimum verò utilitatis Reip. præcipue in administratione Legationis comparasset, statutum est, ut, eodem à bellicis curis non avvocato, Hieronymus ejusdem frater Consiliarii munus interea subiret. Haud impar in hoc quoque virtutum splendor, & summa ad omnes ordines gratia: nisi fortè majorem cæteris appellare fas sit, quem non decus laudum, non delibate dulcedo

*Petrus  
Mauroce-  
nus Consi-  
liarius de-  
claratus.*

*Hierony-  
mus inter-  
rim digni-  
tatem su-  
scipit.*

*Ejusdem  
elogium.*

cedo gloriæ, non dignitas ipsa, vicesimo primo 1687  
 ætatis anno ( quod nec antea, nec ad hanc us-  
 que diem contigit unquam ) suscepta continuit,  
 ne, contemptis honoribus, inter D. Benedicti  
 affeclas se divino cultui sacraret. Quod reli-  
 quum est, neque erga cæteros classis proceres,  
 qui strenuè operam superiori in prælio navave-  
 rant, omissa Patrum munificentia. Konismar-  
 chius, Brunsvicensis Princeps, ac permultifo-  
 ciorum ingentibus præmiis donati. Reliqui ad  
 majores militiæ gradus evecti.

*Premia  
in cæteros  
quoq; du-  
ces confe-  
runtur.*

Hæc Venetiis agebantur, cùm Imperator, *Motus  
Veneti ex-  
ercitus.*  
 firmata præsidiis, quam occupaverat, regione,  
 lætum ex præsentium proventu militem ad  
 subigendam penitus Peloponnesum jam compa-  
 rabat. Itaque Corinthum oppugnaturus, pro-  
 nunciato discessu, suos colligere vasa jubet: ac  
 primùm, quia fusi nuper exercitus reliquias in  
 loca saltuosa cedere constabat, incessit consi-  
 lium instandi perculsis, atq; universa Pelopon-  
 neso eosdem exturbandi. Sed Præfectus barba-  
 rorum, ut appropinquare Maurocenum audi-  
 vit, intra Corinthi arcem receptus, omnia ex-  
 trema in animo versare cepit. Mox vacuus con-  
 siliis, & rectoris indigus, cùm ora Fidelium  
 ferre non auderet, statuit non præliis, atque a-  
 cie, sed alio modo bellum gerere. Itaque ad  
 subiecta Corintho loca, quæ non procul ab I-  
 sthmo sunt, proficiscitur, agros vastat, ex ar-  
 ce ipsa præsidium aufert, pleraque incendi im-  
 perat.

T t

perat.



1687 perat. Per multis dein Corinthiorum, ne à se  
 deficerent, in vincula coniectis, Thebas con-  
 tendens, Peloponneso penitus excedit. Tunc  
 Maurocenus, qui cum classe ad Isthmi littora  
 appulerat, comperto, oppidum sine custodia ef-  
 fe, aliquot copias progredi propius muros jubet,  
 nè appositè instructis insidiis caperetur. Hæ  
 cum exiguam manum Turcarum, testæ loci  
 incendientium, in opere deprehendissent; factò  
 in eos impetu, ac quamplurimis cæsis, reliquos  
 in fugam compulere. Continuo celebrem cum  
 murorum structura, tum insigni vetustate Co-  
 rinthum Imperator intravit. Plura in ea tor-  
 mentorum genera inventa. Annonam, opes,  
 ædificia de incolarum industria ignis consum-  
 pserat. Auxit occupati loci momentum, nullo  
 sanguinis, aut laboris pretio comparata Isthmi  
 possessio; per quem universa Peloponnesus, ea  
 dumtaxat parte terrestribus copiis pervia, tu-  
 tiori spe obtinebatur. Quà enim Peloponnesus  
 undique cincta mari in Septentionem conver-  
 sa est, quendam ex se tramitem emittit, quem  
 Isthmum vocant, quo cum Archaja jungitur;  
 inde facile inter utramque provinciam commer-  
 cium. At quantò hæc pars liberiores com-  
 meandi, contrahendique facultatem terrestribus  
 copiis præbet, tantò difficiliorem, diuturni ci-  
 remque navigationem maritimis reddit, cum ex  
 Jonio in Ægeum proficiscentibus universam cir-  
 cuire Peloponnesum, ac periculosissimum Ma-  
 leæ

*Mauroce-  
 nus Corin-  
 thum oc-  
 cupat.*

*Corin-  
 thi,  
 arg; Isth-  
 mi  
 descriptio.*

leę promontorium superare opus sit. Hinc, Ne- 1687  
ronem Imperatorem Corinthiacum Isthmum  
perfodere conatum fuisse, memorant, atque ex  
Peloponneso insulam facere. Corinthum Isth-  
mus excipit. Imminet oppidum hinc Jonio ma-  
ri, illinc verò Aęeo; indē bimarem Corinthum  
poetę appellarunt. Murorum munimenta fir-  
mat situs ingenium. Quippē arx in iis angustiiis  
posita Peloponnesi fines claudit, ac veluti pro-  
pugnaculo tuetur. Attamen nemo Corinthum,  
quę nunc extat, cū aliquis illis Corinthi mē-  
nibus contulerit; unde tantum una in urbe mo-  
mentum. Quippē, quanta Corinthiorum res o-  
lim fuerit, vel hinc existimari potest, quod  
rerum dominos Romanos non modō contempse-  
rint, sed etiam horum Legatos oratione, ac  
manu violarint. Verū crescentem in dies po-  
tentiam Respub. non tulit. Hinc Metello consu-  
li mandata statim ultio est; mox per L. Mum-  
mum cum Corinthiis debellatum. Tunc dire-  
pta opulentissima urbs, deindē solo equata; quę  
verō prędę superfuerant, miles concremavit:  
cūque pręterea, perustis simulacris, eris, ar-  
genti, aurique venę simul miscerentur, Corin-  
thium ex indē conflatum non pauci crediderunt.  
At Gręci paulō post, ob loci opportunitatem,  
ausi denuō Corinthum instaurare. Nec deindē  
bella memoratu levia sub ipsis arcis mēnibus  
commissa sunt, donec in ditionem Turcarum  
transierit. Hinc vestigia illa veteris urbis vix

Tt 2 reli-



1687 reliqua, omnibus Turcica feritate penitus corruptis. Nihilominus multa vetustissima simulacra ibi reperta à Venetis, nec non innumera promodum monumenta vulgata carminibus poetarum, adhuc quandam antiquæ majestatis umbram inter ruinas retinentia.

Locatis in oppido, quæ magis opportuna ad defensionem visa sunt, munimentis, Angelo Michaeli Præfectura loci demandatur. Hinc Nautopactum clâssis deducitur; exceptisque non longè ab ejus sinu copiis, quæ sub idem tempus ab Italia adventarant, utendum recenti terrore ratus Imperator, ad occupanda reliqua provinciæ oppida procedere statuit: ut, iis excisis, metum barbarorum intenderet, vel si pepercisset, clementiæ famam apud incolas compararet. Igitur, dum se itineri Veneti accingunt, adfuere à Lacedæmoniis legati, qui Spartam, ac Thyream eisdem spontè obtulerunt. Sparta, urbs Laconicæ quondam celeberrima, ad dimidium usque cujusdam montis protenditur, qui juxta Eurotæ fluvii ripam confurgit. Hinc iterum asperitate, illinc munito collis cacumine custoditur, quamvis nunc nec urbis magnitudo, nec munimenta, quæ tantum nomen loco fecerunt, appareant. Oppidum dumtaxat cernitur, exigui ambitus, at pervetustæ, validæque structuræ; cui super extremum collis verticem arx imminet, à Lacedæmoniis in custodiam urbis antiquitus collocata. Thyream verò oppidum, & opibus, & nobi-

*Sparta, ac  
Thyrea  
veniunt  
in potestatem.  
Earum finis.*

nobilitate permultis Peloponnesi locis olim præ- 1687  
stitisse, memoriæ proditum. Jacet in Argivo-  
rum, Spartanorumque confinio; ejusque mœ-  
nia inaccessæ passim cautes tuentur. Imperator,  
receptis in ditionem oppidis, pactus est incolis  
incolumitatem, dummodò, positis armis, exce-  
ptoque Venetorum præsidio, fidem in omnibus  
Reip. pollicerentur. Interea, cum suspicio quæ-  
dam pestilentiae Lacedæmonios infestantis per-  
crebuisse; interdictum tandiù Spartanis, con-  
terminisque commercium, quoad suspecta labe  
elueretur. Veruntamen aut prædandi libidine, *Perdemi-  
si armis  
Lacedæ-  
mones.*  
aut consueto gentis crimine ducti Lacedæmones,  
cum quotidie incurfarent finitimos, & nuper  
datam fidem rapinis, ac cæde violarent, demum  
adeò patientiam Mauroceni lacefferunt, ut fer-  
re in eos arma, & belli terrore cohibere populi  
contumaciam decreverit. Quamobrem missi e-  
quites cum levis armaturæ manu; effractisque  
regionis claustris, octingenti Turcarum (jamque  
pestilentiae suspicio evanuerat) sub jugum mis-  
si. Reliqui, cum circumferentes arma Venetos  
audirent, sceleris conscientia victi, deferere vi-  
cos, & in avia digredi; alii preces offerre, in-  
corruptamq; fidem erga victores ostentare. Sed  
eadem clementia cum iis actum non est. Quip-  
pè, cum facilem nutatu gentem, cui nusquam fi-  
des, & amor, & ut segnem ad discrimina, ita  
infidam ad occasiones Venetus cognovisset, mi-  
sericordia quidem adversus supplices, celeritate  
adver-



1687 adversus fugientes usus est, maximè in eos im-  
 mitis, qui, ut licentiùs in posterum occupatam  
 regionem vexarent, speluncis, montibusve se ab-  
 diderant. Hinc ingens captivorum copia fuit;  
 qui deindè abducti in servitutem, quinque argen-  
 teorum pretio in singula capita vèniere. Hac  
 arte inquieta priùs gens, demùm composita est;  
 & quorum animos beneficia non mutaverant,  
 severitas, timorque brevì confregit. Cæterùm  
 Imperator, ubi omnia ad securitatem regionis  
 apta disposuit, Angelo de Nigris centurione cum  
 idonea manu ad Chelonatem Peloponnesi pro-  
 montorium in ora occidua contra Cephaleniam  
 misso, qui Chelonatem arcem, inter Cyllenem,  
 & Elidem sitam, obsideret (eamque metu, ac  
 factione brevì perdomuit) ipse circumire Pelopon-  
 nesum, ac tandem Athenas oppugnare statuit.  
 Itaque meditatum iter exorsus, postquàm Pello-  
 ponnese littora, urbium præsidia augendo, dili-  
 genter perlegit; perterrefactis navalium virium  
 ostentatione Epidauri incolis, ad Saronicum  
 sinum perductus, Piræum portum ingredi-  
 tur.

*Chelonates  
 subiguntur.*

Haud procul à portu, extremum super Achaje  
 littus posita arx Athenarum. Urbs hæc quon-  
 dam Græciæ totius nobilissima fuit, ingeniis ci-  
 vium quammaximè exculta, Regum sedes, tan-  
 tumque bonarum disciplinarum emporium, ut  
 literarum alitrix meruerit appellari. Divitem,  
 munitamque apprimè urbem extitisse scriptores  
 passim

*Athenarum  
 descriptio.*



passim memorant, diùque eruditissimorum vi- 1687  
 rorum sapientia, qui in ea præcipuè florere,  
 celebrem. At, ubi ob bellorum externorum, ci-  
 viliumque incommoda, literæ, per quas creve-  
 rat, obsolescere, cultu omnium gentium, quas  
 optimarum artium studia trahebant, priorisque  
 decoris honestate amissis, nihil speciosi amplius  
 præter nomen retinuit. Hisce præsertim tempo-  
 ribus tantæ urbis momenta nusquam deprehen-  
 duntur: dummodò superba quædam vestigia ve-  
 terum ædificiorum, semirutos arcus, imagines-  
 que pretioso ex marmore, & præsertim porphy-  
 retico constructas excipias, ac præter hæc ar-  
 cem, super exigui collis verticem locatam; quam  
 ob telluris, cæliq; indulgentiam confertim Thra-  
 ces incolebant, idoneisque munimentis tueban-  
 tur. Per multa extra arcem ad collis radices con-  
 gesta in unum, sparsaque ædificia confurgunt,  
 quæ tamen nullus murorum ambitus sepit: cum-  
 que hæc incolæ, cognito Venetæ classis adventu,  
 passim deseruissent, patuere nostris in prædam.  
 Ubi verò proximum oppido collem cum robo-  
 re exercitus Imperator infedit; omnia ad obsi-  
 dionem opportuna ab Hieronymo Delphino fe-  
 dulò comparata. Vallum aggeribus, ac fossa  
 communitum, extructi obsidionales accessus,  
 composita demùm super aggeres tormenta. Cæ-  
 ptæ exindè Athenæ duplici ex parte oppugnari.  
 Et præcipuè, quæ Delphinus octo muralibus  
 tormentis arcem petebat, ita primis diebus de-  
 cussa

Venetæ vi-  
 cos occu-  
 pant; arcem  
 obsident.



1687 cussa mœnia sunt, ut nec opplere ruinam, nec, oppositis ex aduerso tormentis, repellere perniciem barbari possent.

Hi motus Veneti exercitus erant, cùm Turcarum Præfectus, qui intra Thebas exercitum detinebat, de Christianorum molimine properè ab Atheniensibus commonefactus, omnem equitatum in arcis subsidium mittit; non ausus se se, ac reliquas copias in certaminis aleam dare. Ut consilium hostis Imperator deprehendit, statim lectos equites, qui eidem iter clauderent, extra septa educit; paratus ad pugnam, si barbari prælium, quàm fugam maluissent. Verùm hi, qui ex insperato adoriri Venetos constituerant, ubi in nostrorum turmas incidunt, re improvisa prorsus abjecti, statim terga dantes, equos in fugam vertunt. Pulsis subsidiis, veluti recentibus animis, viribusque, in dies magis fervebat obsidio. Interim Athenienses, qui se locorum asperitate satis tutos crediderant, nequaquam segnius rem gerentes omni armorum conatu mœnia tuentur, quassata, quoad possunt, ex ruinis disiecti muri reficiunt, aggeresque obsidentium summa vi perfringere adnituntur. Ad hæc tutiorem arcis locum in liberorum, fœminarum, ac primorum stationem eligentes, in antiquissimum Minervæ templum, medio fermè oppido situm, usui opportuna, ac præcipuè ingentem tormentarii pulveris apparatus redigunt; ut valida murorum mole cariora quæque ab incendiis,

*Subsidium  
Turcarum  
à Venetis  
in fugam  
agitur.*

*At Athe-  
nienses a-  
crius re-  
sistunt.*

diis, ruinaque vindicarent. Nihilominus cun- 1687  
ctantibus permulta deerant, absumptis alimen-  
tis, inter quæ etiam fœdiora in usum verterat  
necessitas. Plures dies protracta obsidione, cum  
animadverteret Maurocenus paratos ad extrema  
incolas, arcemque situs natura firmam tor-  
mentorum vim aut eludere, aut aggressionis  
impetum difficilem facere, ollarum incendiaria-  
rum jactu rem perficere aggressus est. Diù ta-  
men & his frustrâ laboratum. Namque muro-  
rum radices, quæ ex abruptis cautibus attollun-  
tur, bolidum impetum frustabant. Re sæpè  
tentata, demùm improvisus ictus toti obsidioni  
exitum dedit. Cùm enim in templum ipsum  
immissa bolis, fracta æris compage, magnam  
flammarum vim evomisset, illicò nitratus pul-  
vis communicato æstuans incendio, cuncta pas-  
sim adeò corruptit, ut non ii tantum, qui sese  
in templum receperant, sed etiam, qui proximas  
domos incolebant, eadem ruina involverentur.  
CCL. Turcarum eo casu occubuerunt; &  
cum iis absumptum est, quidquid in cursu tor-  
rens ignis offendit. Tunc obsessi, amissis, quæ  
propugnando oppido necessaria erant, undique  
circumstantis mortis imagine profligati, Mau-  
roceno locum dedit. Dimissis Turcis, non  
pauci Christianorum jamdiù captivi, restituti  
sunt libertati. XVIII. Tormenta, armorumque  
omne genus inventum. Multa præterea doctæ  
vetustatis monumenta collecta sunt, multæ

*Decidens  
olla incē-  
diarie  
fulmen.  
Minervæ  
templum  
disjicit.*

*Turce op-  
pidum  
Mauroce-  
no traditur.*

V u      gesta-



1687 gestarum rerum, aut clarorum virorum mar-  
moree creæque imagines: egregii prisce celatu-  
ræ labores. Inter cætera verò duo spectabilis  
*Leonum  
simulacra  
Fræcisus  
servat, ac  
Venetias  
mittit.* magnitudinis Leonis, ac Leænæ simulacra, ex  
marmore constructa, extremo in littore reper-  
ta; quorum alterum in Laænæ scorti memo-  
riam, imbecillitatem sexus virtute silentii supe-  
rantis, Athenienses quondam condidere. Hæc  
Veneti Imperii insignia, post redactas in pote-  
statem Reip. Athenas, servanda delegit Impe-  
rator, ut indè Græciæ Leones à se vi, armis-  
que subactos, Venetorum Leoni dominium ces-  
*Decreto  
Senatus  
ante na-  
valis ves-  
tibulum  
constitui-  
tur.* sisse, posteri intelligerent. Mittendos itaq; Ve-  
netias cum censuisset, Senatus, in Mauroceni  
trophæum, Reique pub. ornamentum, ante Na-  
valis fores utrinque eos superbo cum titulo  
composuit.

FRANCISCUS MAUROCENUS  
PELOPONNESIACUS,  
EXPUGNATIS ATHENIS,  
MARMOREA LEONUM SIMULACRA  
TRIUMPHALI MANU  
E' PIRÆO DIREPTA  
IN PATRIAM TRANSTULIT;  
FUTURA VENETI LEONIS,  
QUÆ FUERUNT  
MINERVÆ ATTICÆ, ORNAMENTA.  
hinc verò:  
ATHENIENSIA VENETÆ CLASSIS  
TROPHÆA,  
VENE-

VENETI SENATUS DECRETO  
IN NAVALIS VESTIBULO  
CONSTITUTA

1687

ANNO SALUTIS M. DC. LXXXVII.

Inter hæc, cum allatum esset, pestis vim acriter Thebis desævire, quæ Turcarum exercitum in dies magis conficiebat; cautum est, ut captivorum, transfugarumque commercia statim interciperentur, nè labes inter Christianos quoque vulgaretur. Porro, in Athenarum Præfectura Hieronymo Delphino, cujus prudentia in ejusdem loci oppugnatione prosperè Imperator usus fuerat, constituto, ipse quoque ob aeris clementiam detinere Athenis exercitum hyemali tempestate decrevit. Locatis intra vicos, arcemque militibus, universa classis in Piræum portum redacta. Missis deindè aliquot copiis ad cohibendos Turcarum motus, assiduis incursionibus conterminam regionem infestantium, provisum quidem fuit, ne Venetorum præsidia hostis turbaret; at, nè pestilentia ingrueret, effici non potuit. Infecit enim hæc non Peloponnesum modo, sed classem quoque, ac exercitum; diùque evellendis morbis insudatum. Quamobrem adversa fata, quoad posset, declinaturus Imperator, postquam, egererentur manipuli, quorum suspectior labes, edixit, nè in cæteros quoque serperet malum, placuit lustrari summa diligentia exercitum, ut deindè eundem sedulò custoditum Athenis servaret.

Hieronymus Delphinus  
Præfectus Athenarum.

Pestis Peloponnesum vexat.

Vu 2 Tot



1687

*Hieronymi  
Cornelii  
facinora  
in Illyri-  
co.*

*Castrum  
novum  
subactum  
à Venetis.*

*Cædes  
Turcarum  
ad Dravum  
flumen.*

Tot victoriis memorabilem annum alia Vene-  
torum, & Cæsaris præclara gesta nobilem, insi-  
gnemque fecerunt. Siquidem Hieronymus Cor-  
nelius D. Marci Eques, Dux notæ fortitudinis,  
qui Illyrici provinciam administrabat, exceptis  
navalium suorum copiis, quæ, ut dictum su-  
perius, ob pestis suspicionem ex Græcia disces-  
serant, post sustentatum barbarorum impetum,  
Castrum Novum, quod Ascrivii, Dalmatiæ ur-  
bis sinui imminet, obsidione circumfedit. Diu  
eventu incerto dimicatum, cum non modò pro  
defensione murorum omnem armorum appara-  
tum, sed ad arcendos procul hostes externas  
quoque munitiones incolæ objecissent. His ta-  
men victis, non incruenta cum subsidiis barba-  
rorum pugna secuta est: quibus mira Cornelii  
virtute dissipatis, anceps cum defensoribus præ-  
lium, & sæpè tentata aggressio. Tandem & de-  
fensorum cæde, & murorum ruinis fracta per-  
vicacia resistantium, qui sub Septembris exi-  
tum arcem Venetis dediderunt. Auçta indè  
Venetorum Patrum lætitia; qui, Procuratoria  
D. Marci dignitate in Cornelium collata, non  
dubitavere, quin non modò defendi in poste-  
rum universa regio facilè posset, sed finitimo-  
rum quoque præsidia veluti aggere quodam co-  
erceri. Hæc Turcarum vulnera asperavit prof-  
pera Cæsaris pugna ad Dravum flumen: in qua  
octo millia Ottomanorum (pene omnes è Præto-  
rianorum numero erant) cæsa, tentoria, signa,  
ac

ac Solymani opes, præter sexaginta muralia tormenta, ab Austriacis capta sunt. Nunquam  
 altiùs suas partes, quàm tunc Byzantii timor  
 egit. Jamque inceserat desperatio, ni proce-  
 res prospera ad fortunam Imperii, adversa ad  
 Ducum vecordiam referre soliti, obsecuti fuif-  
 sent vocibus populi, illorum necem efflagitantis,  
 quos, ut calamitatum auctores, oderat. Igitur Solyma-  
nus inter-  
ficiatur.  
 brevì non modò Regii Sigilli custos Solymanus  
 cervicem percussoribus obtulit, sed desiderio  
 novandarum rerum ulteriùs acta plebs, ita  
 animos adversus Mahometem Regem verte-  
 rat, ut, si inventus esset, qui se facinoris du-  
 cem præberet, in ipsius Principis domum fa-  
 ctura impetum videretur. Angebatur hac de  
 causa præsentium rerum angustiis Mahometes,  
 de eo potissimùm sollicitus, ne frater Solyma-  
 nus, in quem populi favor inclinabat, Imperio  
 potiretur. Itaque, dùm promiscua fratrum cæ-  
 de sibi, filiisq; sceptrum temerè servare sta-  
 tuit, post frustra tentatum scelus, mota acriùs Depulso  
Mahome-  
se, eve-  
hiur, ad  
solum  
Solyma-  
nus.  
 popularium ira, folio pulsus, Solymano fratri  
 invitus cessit Imperium.

Sed fata jam instabant, ad supremum glorię 1688  
 verticem Maurocenum vocantia: cùmque, fra-  
 ctâ hostium audacia, ac Reip. finibus prolatis,  
 æternam sibi nominis laudem comparasset, il-  
 lud Superûm decreto supererat, ut, qui opti-  
 ma gerendorum bellorum disciplina totius in  
 se Orbis contemplationem traxerat, è summo  
 etiam



1688 etiam dignitatum fastigio emereret. Iisdem ferme diebus, quibus novis munitionibus firmabantur Athenæ, supplementumque exercitus Patres comparabant, M. Antonius Justinianus, summus Venetiarum Dux, vita concessit. Tunc optimus quisque fato Principis ingemuit; quæ enim eum cum in gerendis magistratibus, tum in obeundis legationibus, optimum civem antea declaraverant, post adeptum quoque Principatum, usque ad vitæ exitum, insignem, magnanimumque virum comprobaverunt. Quamobrem ingenti civitatis mœrore funus institutum. Quo de more perfecto, cum convocatis Patritiorum ordinibus, dignior quæreretur, quem omnium vota optarent in Principem; tantus animorum, cuius rei nullum fortasse in hanc diem extat exemplum, consensus fuit, ut Aula præstantissimis viris passim affluens, multos ob præclare gestos magistratus dignitatem promeritos, neminem, qui eandem postularet, habuerit. Unus Franciscus Maurocenus, in quem omnia ea, quæ in Repub. eximia sunt, Patres antea contulerant, uno omnium voto vocatus ad Solium. Igitur, solutis comitiis, Franciscus Princeps pronunciat, ac duo ex Patritiorum ordine consilio, & vigilantia præcipui, Hieronymus Grimanus Eques, ac Laurentius Donatus, qui jam Illyricum administraverat, Consilarii Principis creati. Simul decretum, ut, cum ad eum insignia Principatus deferrentur, adderetur, communibus votis

M. Antonius Justinianus Dux obit.

Franciscus Maurocenus Princeps Venetiarum declaratur.

Grimanus, & Donatus Principis Consilarii.

votis eundem in Imperatorem exercitus adhuc 1688  
exposci; ita ut nunquam tutius vel parta retine-  
ri, vel nova in potestatem redigi posse, quàm  
sub unius Mauroceni disciplina, cives censerent.

Tunc, quæ inter se Patritiorum ordines con-  
stituerant, sparsa in vulgus, incredibili lætitia,  
ac spe animos omnium affecerunt. Quippè cum  
à plurimis multò antè dignitatis honor Impera-  
tori designatus esset, inque votis omnium eadem  
versarentur, ubi electum rumor vulgavit, cun-  
cta præconiis modò erga Rempublicam, modò  
erga Maurocenum assonuerunt. Hinc differere  
quisque, neminem eo digniorem Principatu, qui, late  
Imperii liminibus protentis, jam Reipub. columnen, ac Fi-  
dei Propugnator nuncupabatur. Magna quidem ab eo  
transactis annis, sed pro ingentibus meritis semper acce-  
pta præmia. Quis enim acta tanti Imperatoris sine ad-  
miracione recenseret? Neque enim toties de Turcarum e-  
xercitu quemquam antè triumphasse. Adjicienda his,  
quæ ab ineunte ætate terra, marique, & maximè pro-  
pugnanda Creta, navalibus præliis, subigendis demùm tot  
Peloponnesi urbibus gesserat. Utrumque mensuram imple-  
visse: Remp. nimirum tribuendo, quantum largiri optimo  
civi posset; Maurocenum, quantum civis, Imperatorque  
exercitus pro Rep. facere. At, si tanta ab copiarum duce  
peracta, quid expectandum, ubi, juncta dignitatum majesta-  
te, & Imperator, & Princeps exilisset in hostem? Con-  
cederent Superi annos Seni permultos; ceterum maximas  
in posterum Reipub. victorias portendi, è contrà Turca-  
rum latiore consternationem fore. Additi his popu-  
li

Populi  
voces de  
electione  
Principis.



1688 li plausus, festi ignes, piæque supplicationes; ut clementia Superûm vota Reipublicæ in posterum secundaret. Lætius interea terrestrium, *Apparatus ad bellum.* maritimarumque copiarum apparatus curabatur. Tria Germanorum militum millia mercede conducta: totidem ferme ex Svevia collecta sunt; advocatis ab Illyrico mille, & quingentis peditibus, in quorum supplementum novos rursus delectus ex Reip. provinciis Patres instituerunt. His sedulò preparatis, visum est, summam Peloponnesi Præfecturam strenuo Duci Jacobo *Jacobus Cornelius socius Peloponnesi Præfectus creatur.* Cornelio demandari. Hunc ab Corcyrae, Zacynthi, ac Cephalleniae Præfectura redeuntem superiore anno in Peloponnesum Maurocenus vocaverat, ut opera ejusdem in custodienda provincia, & præsertim in communienda Corone, ac mox Nauplia, uteretur.

*Classis laetitia.* Veruntamen longius gaudii vis emanavit, qua universa classis perfusa. Ubi namque, susceptis Principatus insignibus, quæ Patres honorifica legatione ad Maurocenum miserant, lætis militum, ac nautarum vocibus, vario tubarum concentu, jucundoque tormentorum fragore, solemnia peracta fuere; quatrimum inter alios duos exultationis motus universus exercitus insumpsit. Tunc duces præsertim Mauroceno gratulati, cui tantæ dignitatis momenta sua virtus peperisset. Quos cum ille, optima cujusque gesta commemorans, humaniter recepisset, ut modestiam augeret, *unam sibi occurrere defensionem,*  
cre-



crebrò injiciebat, quòd placito Patrum obniti non de- 1688  
buisset. Nihilominus infra magnitudinem animi  
ejus erant, quæ de illo prædicabantur. Itaque, <sup>Consulta-</sup>  
revocatis brevè ad bellum studiis, certatum est <sup>tur de ra-</sup>  
sententiis, cuinam facinori redactæ in unum vi- <sup>tione ge-</sup>  
res eo anno destinarentur. <sup>rendi bel-</sup>  
<sup>li.</sup>

Hæc dùm ancipiti deliberatione pertractantur, <sup>Cretæsum</sup>  
ingens improvisò Cretæ orta seditio aliò con- <sup>seditio.</sup>  
sultantium animos convertit. Quippè, cùm illius  
urbis populus sub immani tyrannidis mole ge-  
mens, crebris tumultibus perturbaretur, aliùs  
demùm concitatus in rabiem, Præfectum ur-  
bis, tresque alios ex primoribus capite multa-  
verat. Quæ cùm ab exploratoribus delata essent,  
affirmarentq; nondùm seditionis vim deferbuis-  
se, conjiciens Imperator nihil adversus hostes  
ausuram plebem, amotis principibus; visum est  
eidem, discordes animis, discretos viribus cives,  
antequàm reliquis ducibus auctoritas, obsequium  
militi redderetur, allicere, ut saltem spe evitan-  
di supplicii, quod ob imminutam majestatem  
meruerant, urbem desererent. Maleam ergo <sup>Eò Man-</sup>  
XXX. cum triremibus transvectus, secundante <sup>rocenus</sup>  
vento, celerrimè trajecit in Cretam. At vix ad <sup>profiscien-</sup>  
paucorum aures fama adventantium Venetorum <sup>tur.</sup>  
pervenerat, cùm bellum externum concordiam <sup>At, vi-</sup>  
peperit; exortaque inter cives odia in Venetos <sup>sis Vene-</sup>  
statim conversa sunt. Igitur animos ad bellum <sup>sis, Tur-</sup>  
parare, capere arma, concire finitimos, cuncta- <sup>carum in-</sup>  
que ad tuendam urbem opportuna sedulò con- <sup>mulus</sup>  
<sup>compe-</sup>  
<sup>nitur;</sup>  
<sup>atque ar-</sup>  
<sup>ma parā-</sup>  
<sup>tur.</sup>



1688 gerere. Quæ ubi Principi innotuerunt, frustra tentari intelligens compositas mentes Turcarum, nihil temporis terendum amplius ratus, ne interim apta bello tempestas efflueret, solutis ab Diatribemibus, in Peloponnesum remeavit. Rebus ibi sedulo ad bellum instructis, non deerant, qui terrestrium, maritimarumque virium conatu petendam Cretam, censerent. Verum Maurocenus, quo nemo perspectius noverat, quam arduum, quamque discrimine plenum illius urbis obsidium moliri, cuius oppugnatione centum, & viginti millium militum cæde barbaris steterat, variè itinerum difficultatem, munimenta urbis, præsidiumque causatus, facile animos ab huiusmodi consilio revocavit. Accedebat his rationibus, ut, traductis in Cretam copiis, destituerentur occupata, atque interea pateret hostium armis universa Peloponnesus. Neque Thracæ occasione defuissent. Cum enim tunc temporis Athenarum littora perturbarent, nemini incompertum erat, dempto pavore, quo ob nostri exercitus viciniam afficiebantur, effractisque Isthmi munimentis, facile ad interiora Peloponnesi penetrare posse. Igitur alia studia Venetorum; in eamque sententiam postremo itum est, ut in Eubœam arma verterentur. Non modò acquiri, aspirante inceptis fortuna, opulentissimum Regnum; sed tutiorem reddi Peloponnesum, Thracumque licentiam cohiberi. Facillimum fore, hoc perfecto, ut, quæ inter Ægeum,

Jo-

Incedis cō  
siliū ten-  
randi Eu-  
bœam.



Joniumque mare jacent, uno, eodemque imperio 1688  
 conjungerentur. His diligenter pensitatis, cum  
 jam navales focii adventassent, illud primò pru-  
 dentia Principis cautum est, ut armis, ac mili-  
 te Peloponnesi fines confirmarentur, ne furtim  
 hostis incustodita invaderet. At presentibus ne-  
 gotiis nihil magis conferre visum, quàm ut æ-  
 quarentur solo Athenæ, redactoque circa Co-  
 rinthum, atque Isthmi fauces earum præsidio,  
 major copiarum moles audentibus arcis oppu-  
 gnationem, aut quærentibus Turcis aditum in  
 Provinciam, objiceretur. Igitur, quæ constitu-  
 ta, extemplò Princeps maturavit: utque alliceret  
 incolas ad locorum custodiam, ostendens, quan-  
 tum ad quietem cujusque interesset, ut Turcæ  
 à finibus arcerentur, largitione demùm addi-  
 ta, non paucos præmiis profecutus est. Hinc  
 brevì omnes comitate, atque amore adeò devin-  
 xit, ut videretur potiùs singulorum cura, quàm  
 publicarum partium negotium esse. Jamque, o-  
 mnibus ad Peloponnesi securitatem dispositis,  
 iter in Eubœam parabatur.

*Everturn-  
tur Athe-  
næ.*

*Permu-  
nuntur  
fines Pe-  
loponnesi.*

Eubœa insula est à Bœotiâ tam angusto freto  
 intercisa, ut per quinquaginta passuum pontem  
 eidem jungatur. Undique alluitur Ægæo ma-  
 ri; longissimoque tractu ab Oriente, in Septen-  
 trionem traducta, tercentorum, ac sexaginta  
 quinque milliarium circuitu clauditur. Hanc,  
 qua parte Bœotiæ propior est, tangit Euripus,  
 aliàs Euboicus sinus appellatus; ubi mare septies

*Eubœa  
descri-  
ptio, &  
sinus.*



1688 in die, totidemque nocte alterno cursu conver-  
 sis invicem fluctibus, immodicè adeò excurrit,  
 ut, quamvis adversante vento, quàm cursu aqua-  
 rum, navigia rapidissimè trahantur. Præcipua  
 urbs, Chalcis dicta, Euripo imminet; eaque  
 penè undique mari præcincta est. Mœnium ro-  
 bur, omneque exteriorum munimentorum ge-  
 nus tutiorem locum reddit; inter quæ exigua  
 quædam arx, situ prævalida, quam Turcæ, re-  
 bellis cujusdam monitis instructi, contra urbem  
 in continenti paulò antè condiderant. Hujus o-  
 pe quodcunque subsidii genus intra muros ab  
 continenti convehi, nec modò interjectum ma-  
 re, sed & porrecta palus, undè urbs oppugna-  
 ri potest, facili negotio defendi queunt. A sex  
 millibus armatorum tunc temporis custodiri  
 Chalcidem exploratores detulerant; eosque ma-  
 gna ex parte è prætorianorum numero esse.  
 Omnem præterea cùm rei bellicæ, tum anno-  
 nariæ copiam ibidem asservari, quam barbari  
 elapso anno in urbis munimentum providè re-  
 degerant. Cæterùm septem Turcarum millia  
 finitimam regionem infederant, commune in  
 Achajam, Eubœamque præsidium. Addebantur  
 his assidui militum delectus, quos diligen-  
 tius haberi Regii sigilli custos Mustapha impe-  
 raverat. Et, licèt Thracum animos atrox suo-  
 rum cedes ea tempestate profligasset, cogendi  
 tamen exercitus curam nequaquam solverunt.  
 Occiso enim, ut memoravimus, Solymiano, ac  
 mox

*Arx, quæ  
 vulgus  
 carababâ  
 appellat.*

*Statius  
 Thracum.*



mox Schiausio, atque Hismahale, qui dignita- 1688  
tem vix affecuti fuerant, expulsis, evectus est  
ad gradum, post Regem, summum Mustaphà,  
qui motam plebem partim cohibuit terrore mi-  
narum, partim factione composuit. Exin, mi-  
lite ab longinquis regionibus convocato, quam-  
vis valido virium apparatu suffultum se videret,  
nihilominus belli detrimenta eò adversa quæque  
callidè occultantem perpulere, ut quoquo mo-  
do impetrandum à Venetis fœdus, declinandi  
exitii causa, censeret. Hanc supprimendi belli  
rationem Solymanus Rex apertè primùm aver-  
sabat; nam in eo verti summum Imperii de-  
decus jactabat, si post tot acceptas à Mauroce-  
no clades, ultrò supplices pacem petitem ire  
Thraces vellent. Cunctis nihilominus ad dili-  
gentius examen revocatis, imminentium malo-  
rum formido non tetigit modò, sed, ut Vene-  
tos, sociosque simul emolliret, eò tumidum  
Regis animum perduxit, ut fateretur palàm ab  
fratre sumpta arma, ortumque bellum: cæte-  
rùm malle se honesta concessione componi Im-  
perium, quàm spe victoriarum cuncta sangui-  
ne suorum, sociorumque inquinari. At serò  
hæc tentata sunt; jamque non solum Veneti,  
sed reliqui sociorum una cum Cæsare ab hyber-  
nis militem eduxerant.

*Mustaphà  
conatur  
bellum  
intercipere.*

*Idem ipse  
Rex molitur;  
sed frustra.*

Igitur Maurocenus post everfas funditus A-  
thenas, dum, Piræo portu cum classe relicto,  
Eubœam ire pergit; improvisa ventorum vis

COOR-

*Dñ Prin-  
ceps Eubœ-  
am profu-  
ciscitur,  
tempesta-  
te maris  
perturbatur.*



1688 coorta adeò turbare pelagum cepit, ut tristissima quæque navium rectores pertimescerent. Diù, quassatis navigiis, suspensum mare adversos fluctus extulit; neque ante quatrimum triremes, huc, illuc compulsæ, Euripi fauces subiere. Reliquæ naves fusæ latè per Ægæum, postquam sævitia tempestatis defecit, claudæ, laxatis lateribus, atque à validioribus remulco ductæ, in sinum cunctanter redactæ sunt. Ubi post longos errores prope Chalcidem Veneta classis convenit; consultatum est, quam ex parte oppugnari tutius locus posset. Neque enim Venetis id roboris, & copiarum, ut simul utrinque obsidium molirentur. Igitur alii alia in medium proferre. Et maximè ii, quibus consilium expugnandæ arcis, quæ commercium continentis urbi præstat, aptius videbatur, difficillimum fore, differebant, extenuari obsidione oppidum, quod propè liberi ab continenti commeatus alerent. Itaque antè adimenda subsidia, atque expugnanda munimenta; deindè urbem aggressionem tentandam. Neque aliena hæc à ratione, dummodò id, quod struendæ victoriæ causa parabatur, difficilius victoria ipsa non fuisset. Hinc non deerant, qui universam vim copiarum operi admovendam, ostenderent; dandumque temporis spatium, quo validissima arx, aut victa armis, aut arcta obsidione defatigata mora ipsa comminueretur. Interea potiorem virium partem, ac tempestatis excessuram; munition-

*Agitur à  
Venetis de  
ordine ge-  
vendæ ob-  
sidionis.*

*Causæ, ob  
quas exte-  
rior arx à  
Mauroce-  
no hand  
tentata  
fuerit.*



tioremq; urbem Thraces reddituros. Nec super- 1688  
esse ampliùs spem Chalcidis eo anno debellandæ, ubi invalida classis, imminutus exercitus : atque, hoc temerè intentato, certissimam cladem impendere. Cæterum ad utrumque facinus una perficiendum, nec vires suppetere, nec id naturam loci pati. Siquidem, divisis copiis, neutri par futurum exercitum. Eos verò, quibus obsidendę arcis munus demandatum, innumera propemodum discrimina subituros. Modò relabente æstu, modò impellente vento, impeditum navibus iter, ac fraudata subsidia. Quæ etiamsi convehi potuissent, arduam adhuc sex millium passuum semitam restare, qua homines portandis armis, ac commeatu fatigarentur. Adjicienda his barbarorum studia, crebris manipulis angustias locorum obsidentium, incerta itinerum, difficillima cautium, saltuumq; per quę vix evadere, nedum pugnare, ubi instaret hostis, milites possent. Hæc sæpiùs validis utrinque rationibus agitata in eam sententiam Maurocenum, ac cum eodem Classis Proceres penè omnes deduxerunt, ut, omissa arcis oppugnatione, universi exercitus vi urbs tentaretur. Utque spem defensorum insperatum obsidionis genus frangeret, ad extrema statim molimina procursum est. Quippe placuit munimenta exteriora primùm, mox muros urbis acerrima aggressione peti; ut, si intercipi subsidia non possent, aditus ad victoriam gladiis, ac virtute aperiretur.

Re-



1688

*Exercitus  
in urbis  
conspicuum  
deducitur.  
Fatum  
obsidionis  
initium.*

*Plurimi  
ex duci-  
bus agro-  
rant.*

*Obsidium  
inseditur.*

Rebus in hunc modum constitutis, applicitæ sunt littori naves, ac XIII. M. armatorum educta; quæ continuo Konismarchius bis mille passus à munitionibus barbarorum explicuit. Sed in ipso obsidii limine circumacta statim est fortuna Venetorum. Siquidem, dum vallo, ac fossa tentoria cingunt, referta paludibus loca, naturaque gravis aer ita ipsorum corpora infecit, ut intra paucissimos dies multi inopinata vi morbi corriperebantur. Neque primis ducibus labes pepercit. Nam, post nonnullos Chiliarchas è vivis ereptos, Hieronymus Delphinus, qui castrorum Præfecturam administrabat, corrupti aeris malignitate victus, ægrotare incipit. Konismarchius deinde, pluresque alii gerendæ rei impares prorsus redditi. Propterea major Principis labor fuit; qui, ut conatus voto responderent, ægrotantium supplebat officia, mediusque erat inter Imperatorem, & militem. Sed Thracæ novis armatorum copiis in dies confirmati, nihil quietum in Venetorum aggeribus relinquerebant, ne undique clauderentur. Hinc quotidie prælia inire, incursare finitimos, elatisque tormentariis suggestibus objectas moles petere. Neque posuere audaciam, nisi truculenta clade repulsi. Quippè cum, educta duorum milium peditum, & quadringentorum equitum manu, vallo propinquassent, non sustentati modo à Venetis sunt, verum ita infirmi acie in fugam versi, ut permulti eorum ceciderint.

Ere.



Erexit animos Christianorum exitus certa mi-  
 nis . Igitur , aucto statim fossorum numero ,  
 producti aggeres : quos ubi satis collatos Mau-  
 rocenus animadvertit , ne daret obsessis tempus ,  
 suos ad prælium fortiter hortatus est . Continuo ,  
 ducto extra vallum exercitu , tantum in Thra-  
 ces impetum fecit , ut statim prima obsectorum  
 aggerum frons occuparetur . Verùm ubi , colle-  
 ctis ex adverso quoque ordinibus , in aciem ca-  
 tervatim barbari descendere , æquo Marte pu-  
 gnari ceptum . Hi veluti cuneis factis instantes ,  
 assultantium agmen strenuè propellebant . Ve-  
 neti perfringentes quidquid obvium , neminem  
 pro munimentis consistere sine vulnere patie-  
 bantur . Tota fermè die ancipiti eventu dimica-  
 tum : terque nutans multitudo variis motibus  
 spem pugnantium fefellit . Tandem , verso in  
 Occidentem Sole , ad Venetos inclinavit victo-  
 ria . Tunc fusi hostes , ab aggeribus passim de-  
 pulsi : cuncta terrore , & sanguine completa .  
 Qui superfuerant properè ad urbem confugien-  
 tes , aptè adeò per Marchionem Corbonium , qui  
 cum equitatu eam partem infederat , intercepti  
 sunt , ut pars gladiis percussa interiret , pars in  
 præceps acta pelago hauriretur : paucis admo-  
 dum servatis , qui nando ad littus applicuere .  
 Cæsa eo die duo fermè Turcarum millia , inter  
 quos Turcarum Præfecti filius , qui cum vali-  
 da manu in obsessorum opem paulò antè pro-  
 peraverat . Ex nostris septingenti tantum par-

1688

Princeps  
 exteriora  
 hostium  
 munimen-  
 ta aggre-  
 diuntur .

Eadem  
 ingenti  
 strage  
 Turcarum  
 occupat.

Yy tim



1688 tim interfecti, partim fauciati; atque in his A-  
 loysius Benedictus Sylvaticus inter ductores or-  
 dinum vigilantia, & consilio præcipuus. Ve-  
 rum tristiorem omnino cædem fecit. Hiero-  
 nymi Garzonii, fortissimi viri, nuper Classis  
 Præfecti, obitus. Hic, cum apud principia a-  
 trocius pugnaretur, primis Venetorum mani-  
 pulis strenuè permixtus, tanta vi animi & su-  
 stinere suos, & propellere hostem annixus est,  
 ut, nudato demum aciei latere, multis sclope-  
 tatorum ictibus confossus exanimaretur. Non  
 defuere eo prælio alia quoque Venetæ virtutis  
 specimina. Atque inter multos Michael Mau-  
 rocenus Principis Nepos emicuit: qui, ob glo-  
 riæ studium, imperii Patruï fortasse oblitus,  
 tam prope periculum fuit, ut plumbeæ glan-  
 dis ictum, qui amictum perfodit, vix evase-  
 rit.

*Hieronymi  
Garzonii  
interitus.*

*Michaelis  
Mauroce-  
ni virtus.*

Captis hoc eventu exterioribus Chalcidis mu-  
 nimentis, XLIV. tormenta, quæ intra Turca-  
 rum vallum reperta sunt, in murorum exitium  
 composita. Tunc totis viribus cœpta urbs oppu-  
 gnari. Præcipua tamen obsidentium cura circa  
 id versabatur, ut propius mœnia subirent, ac  
 cuniculorum vim experirentur. Aggere ad la-  
 brum fossæ deducto, difficillimum fuit ad mu-  
 rum, ob interpositum stagnum, evadere. Quò  
 tamen ubi improbo labore perventum est, trans-  
 versis sepimentis ima locorum, jussu Principis,  
 obducta: & quia constructa in arcus mœnium  
 moles



moles cuniculorum laborem frustrabatur, pro- 1688  
 sternendis latius obsidionalium tormentorum vi <sup>Menia</sup>  
 muris insudatum. Interim Maurocenus sedulo <sup>tormentis</sup>  
 providere intentus, quæ aut submoveret obse- <sup>disjiciun-</sup>  
 sos à murorum custodia, aut suos ad aggressio- <sup>tur.</sup>  
 nis impetum incitaret, tandem per contractam  
 muri loricam levis armaturæ cohortem, ad ca-  
 piendam turrin, quæ ipsis hærebat mœnibus,  
 immittit. Tunc Valerius Uberus, notæ forti- <sup>Praclarus</sup>  
 tudinis Dux, locum occupare ante omnes ag- <sup>Valerius</sup>  
 gressus, pulsus hostibus, turrin infedit. Sed, <sup>Uberi fa-</sup>  
 cum eadem sclopetariorum ictibus exposita mu- <sup>cinus</sup>  
 nimento plurimum indigeret, constitutumque <sup>prosperum</sup>  
 antea fuisset, ut ad tuendos Venetos lectior cu- <sup>primò, at</sup>  
 niculariorum manus cum loricis vimineis pro- <sup>exitu in-</sup>  
 peraret: nimia rei conficiendæ cupido incepti <sup>felix.</sup>  
 fortunam turbavit. Nam, intemperanter ob re-  
 late victoriæ speciem quibusdam exultantibus,  
 dum ad muros quisque collato gradu accedere,  
 ac pro custodia ruine tumultuario agmine con-  
 sistere adnititur; cunicularii stipatis passim co-  
 hortibus detenti, destinato sibi munere fungi  
 haud potuerunt. Idcirco, qui locum infederant,  
 labore, & vulneribus fessi, ac postremo accen-  
 si fortè ignis pavore victi, dejecti sunt. Nec  
 arduum Turcis fuit reliquum agmen à mœni-  
 bus propellere; difficilis enim ascensus Venetis  
 erat, neque ullo munitionis genere tegebantur.  
 Contra Turcæ opportunitate loci tuti, facile in  
 subjectos saxa, faces, ac cætera, quæ fors obtu-

Yy 2 lit,



1688 lit, dirigebant. Prosperè cœptæ rei adversum  
*Princeps* exercitum cernens Maurocenus, ne major cla-  
*suos à pu-* des (quadringenti enim suorum ceciderant) se-  
*gna revo-* queretur; signum receptui cani jussit. Post quæ  
*cat.* parari omni studio cuniculum placuit, ut am-  
 plior cohortibus in urbem aditus foret.

*Co; Konis-* Is status obsidionis erat, cùm Comes Konis-  
*marchii* morbi sævitia confectus, ingenti ex-  
*mors.* exercitus luctu, cessit fatis. Nihil quidem in iis  
 rerum angustiis Principis animum ægrius af-  
 fecit. Nemo enim perspectiùs compererat, quæ  
 in erepto virtus, quantaque in posterum spes,  
*Ejusdem* si longiorem vitam duci fata dedissent. Summa  
*elogium.* in eo vis ingenii, admirandaque rerum bellica-  
 rum disciplina ubique enituit. Transacta enim  
 inter acerrima præliorum discrimina ætate, ea-  
 dem virtutis, ac fortitudinis fama in castris con-  
 senuerat. Neq; minùs spectabilis in moribus ani-  
 mi moderatio: nihil enim ob difficultatem recu-  
 sare, aut ob jactationem appetere didicerat. Par  
 in arduis, secundisque mens; mira æquitas,  
 prompta consilia. Has Konismarchii virtutes,  
 navatamque strenuè in Peloponnesiaco bello o-  
 peram Patres, decreto eidem è marmore simula-  
 cro, quod in Navalis vestibulo collocatum est,  
 compensarunt. Cæterum, præter assiduas mi-  
 litum cædes, qui hostium aperta vi, dolo, ac  
 multò magis loci iniquitate exhauriebantur; du-  
 ces quamplurimi aut occubuerunt, aut morborum  
 asperitate quotidie magis extenuati. Inter mul-  
 tos

tos præcipuè Aurelius Marcellus, accepto paulò 1688  
 antè vulnere insignis, Hieronymo Delphino in *Aurelii*  
 morbum deteriore iterum lapso, substitutus, *Marcelli*  
 vita concessit. Haud absimili fato quoq; ereptus *obitus:*  
 paulò post Matthæus Bonus notæ fidei, miran- *et Mat-*  
 daque vigilantia vir. Hic, cum amore erga *thæi Boni.*  
 Remp. & gloriæ studio in castris degeret, diur-  
 nosque, ac nocturnos labores strenuè perferens,  
 Principis studia, laudesque hac præsertim in  
 obsidione sæpius evocasset, demùm belli incom-  
 modis victus, quam in eam diem patriæ im-  
 penderat, vitam, eadem animi constantia inter  
 pericula armorum ultimò insumpsit. Jamque,  
 gliscente in dies calamitate, terrestis exercitus  
 duces penè omnes obsidionis ardor exhausterat.  
 Igitur Maurocenus ad obeunda extinctorum  
 munera Navarchos classis advocavit, & præser-  
 tim Petrum Quirinum Præfectum Quinquere-  
 mium; cuius opera aliàs optimo eventu usus  
 fuerat. Reliquorum jacturam quis singillatim  
 recenseat? cum præsertim è machinariorum nu-  
 mero vix ullus superstes evaserit. Secus obsessi;  
 qui subsidiis elati, non repellebant nostrorum  
 conatus tantum, verum etiam multiplici eru-  
 ptionum nixu oppugnantium machinamenta  
 subvertebant. Diù modò eminens tormentis, mo-  
 dò cominus obviis pectoribus pugnatum; immi-  
 nutoque exercitus robore, licet viribus exte-  
 nuatis, eandem tamen virtutem Veneti adhuc  
 præferebant. Princeps, ne in posterum fran-  
 gere-



1688 geretur constantia militis, donis, ac laude ute-  
*Francisci* batur : & quamvis sentiret adversa, tamen  
*studia, ut* spem vultu simulans, exemplo, ac manu u-  
*suos spe* numquemque ad strenuè agendum impellebat.  
*erigeret.* Hinc stationes singulorum invisens, produci ob-  
 sidionales accessus, ac maturari cuniculorum  
 exitum iussit; præterea nunquam intermissa  
 ferrearum glandium grandine percuti pontem,  
 per quem opportuna quæque tolerandæ obsidio-  
 ni in urbem immittebantur. Sed collatos brevì  
 muris aggeres, non intercepta subsidia vidit.  
 Quippè incolæ noctis ope milites, arma, & com-  
 meatus, prout exigebat necessitas, furtim exci-  
 piebant. Interea multo sanguine res gerebatur;  
 potissimum, ut quandam fossæ partem mœni-  
 bus adversam tuerentur Turcæ. Veneti, post  
 multiplicem pugnam, loco potiti sunt; cujus  
 tamen defensio insignis postea fuit Marchionis  
*Obitus* Corbonii Equitum Præfecti interitu. Hic, dum  
*Marchio-* in editiora provectus, tormentarium suggestum  
*nis Cor-* adversus hostium copias dirigit, ferrea majoris  
*bonii.* bombardæ glande contractus est.

*Navales*  
*socii disce-*  
*dunt.*

*Mauroce-*  
*nus urbē*  
*omni vi-*  
*rium co-*  
*natu ado-*  
*rivi fla-*  
*ruit.*

Jamque alter mensis excesserat, ex quo Chal-  
 cidem macerabat obsidium, cum navales Etru-  
 scorum copiae, sub exitum Septembris discesse-  
 re. Haud multò post Melitensibus quoque in  
 patriam redeuntibus, intelligens Princeps tem-  
 pus unà, viresque conteri, ad maturandum sum-  
 mæ rei discrimen animum vertit. Quippè, cum  
 urbis præsidium nova quotidie auxiliorum vis  
 firma-

firmaret, cò res devenerat, ut apertum esset, nisi 1688  
 cum totius exercitus jactura produci oppugna-  
 tionem non posse. Igitur incautos apprimè di-  
 sposito praelio invadere statuit; ut, quod diu-  
 turnæ obsidionis tædio perficere haud potuerat,  
 subitè impressionis conatu experiretur. Dùm i-  
 taq; aggressionis munia inter suos ex æquo par-  
 titur, militesque corpora curant, disjici latius  
 urbem imperat, ac duplici ex parte augere ho-  
 stium metum destinat. Levis armaturæ cohors  
 tes, quæ potissimum ex Ultramarinis constabant,  
 jussè eam fossè partem occupare, qua se se Thra-  
 ces lorice vimineis, transversisque sepimentis  
 communierant. Ex adverso mille, & sexcenti  
 milites, inter hos non pauci è remigum numero  
 erant, prælongas hastas, ac simul igneas fistu-  
 las gestantes, turrim in insulæ excessu sitam  
 aggredi. Sed neque fraudibus temperatum, ut  
 multiplicis conatus facies vires obsessorum tra-  
 heret in diversa. Quippè statutum est, ut sex  
 rostratæ naves, in ipso certaminis exordio, pro-  
 prius arcem accederent, motumque pugnae ibi-  
 dem simularent. Ceterum, eductis epibatis, com-  
 pleta sunt ad terrorem munimenta. Mauroce-  
 nus verò circumiens aciem, officii sui cunctos  
 admonuit; erectoque magis, quàm præsens cala-  
 mitas patiebatur, vultu, languidos erexit ad  
 pugnam.

His præparatis, XII. Octobris dies dicta cer-  
 tamini. Quæ ubi adfuit, cum instructo agmine,  
 mi-

*Ordo ag-  
 gressivus.*



1688

Princeps  
oratione  
suos eri-  
git.

miles signum expectaret, ita ferè exercitum Princeps allocutus fertur. *Nisi me suscepti negotii amor, aut existimatio vestri, milites, fallit, jam Chalcidis muri in nostra potestate sunt, si munus quisque suum, quemadmodum passim consuevit, fortiter impleat. Quæ nuper cepimus munimenta, testimonium fidei, virtutisque vestræ satis grande fuerunt: eadem documenta rerum in posterum agendarum, exitusque hodiernæ aggressionis fuisse, ut credo, satis intelligitis. Maximum in illis victoriæ momentum extitisse hinc deprehendendum est, quod Turcæ pro invalidis urbis mœnibus novos aggeres, nova propugnacula comparaverint; quibus adeptis, nec satis eos muris suis fidere, nec diu obsidionem perluros, equidem scio. Nihilominus, quia iniquitas loci, & jam vergens tempestas opperiri nos obfessorum inopiam minimè patiuntur, armorum compendia magis placent, cum ut omne discrimen evitemus, tum ut victoria illustrior, ac memorabilior fiat. Tentatum aliàs, quamvis exigua parte copiarum, impetum variè fortuna, uti meministis, elusit. Sed quid nunc congerere adversus vos omnes audeat fortuna, qui toties virtute eandem superastis? Satis jam patent murorum ruinæ, satisque iis omnibus, quæ ad eludendos hostes valent, provisum. Turcis diurno, nocturnoque labore fractis, in subito, validissimoque oppugnantium conatu, nec ad resistendum robur, nec ad excipiendâ subsidia tempus superpetet. Vos interea optimè consiliis, atque armis instructi, iusta acie evadentes in murum, ubi primos fuderitis, non ad pugnam, sed ad cædem itum existimabitis. Quippè cum hærent quamaximè mentibus hostium virtutis*

tis vestrae, & tot, quas retulimus, victoriarum memo- 1688  
 ria, ultimos conatus non expectabunt, sed ex primi mo-  
 tus eventu ponentes audaciam, in deteriores metus spon-  
 tē vertentur. Igitur, dūm tot, tantaque victoriæ pigno-  
 ra habetis, hanc quoque pugnam strenuē, milites, confici-  
 te. Penē pudet in brevissimi discriminis, ac laboris momen-  
 to tot præmia virtutis, & tantum terrarum esse. Ea-  
 dem die, qua Chalcide potiemur, non modò diuissimum  
 Eubææ Regnum, sed, quæ utrinque Jonio, Ægeoque mari  
 latè alluuntur, habebimus. Suis ita in spem erectis,  
 signum utrinq; tubæ cecinerunt; statimq; fossæ  
 pars menibus adversa, accenso cuniculo, magna  
 muri strage evolavit. Continuò miles ordine pro-  
 cessit extra vallum; inopinatusque armorum fo-  
 nitus elatus, sed præsertim clamor undiq; cum  
 ingenti tumultu, unde minimum periculi erat,  
 de industria ortus. Tunc Antonius Medinus, *Prelim*  
 Ultramarinorum ductor, mœnium ruinam au- *committi-*  
 dacter conscendit; &, licet una per cædes, & *tur à Me-*  
 sanguinem via pateret, in medios hostes illapsus, *dino.*  
 disjecti muri aditum strenuē cum aliquot suo-  
 rum infedit. Reliqui in testudinem conglobati  
 ultrà agmen impellere, cedere hostem, socios  
 ad victoriam læto clamore incitare: &, quam-  
 vis conferta passim multitudine barbari in a-  
 scendentes niterentur, fervebat nihilominus rui-  
 na manipulis Venetorum vicissim ad culmen  
 properantium. Sed, dūm ab eo sic certatur, cūm  
 Joannes Aloysius Magnaninus, qui post Medi-  
 num progredi jussus fuerat, subsidiariam cohor-  
 tem

Z z



1688 <sup>Sed ad-  
versum e-  
uentum  
habet.</sup> tem ad pugnae locum non perduxisset; ita Ul-  
tramarinorum robur ob adversos ictus fractum  
est, ut post sustentatam diu Thracum sevitiam  
ingenti clade recedere coacti fuerint, nemine ad  
ferendam opem succedente. Ita sive casu, sive  
incuria incepti felicitas ex insperato concidit;  
tantaque Venetos formido invasit, ut, amissa vi-  
ctorie opportunitate, congestos propugnantes ne-  
mo amplius propellere ausus sit.

<sup>Neque  
alia ex  
parte fe-  
licitas de-  
certatur.</sup> Neque secundum magis exitum altera ex par-  
te impressionis ordo nactus est. Etenim acce-  
dentibus Venetis saxorum moles muri ruinam  
obstruens adeo obfuit, ut, loci asperitate deten-  
tis manipulis, vix pauci ad culmen evaserint.  
Tunc ex ducum consilio, remisso conatu, ad-  
versus proximam muri loricam factus est im-  
petus. Cumque nihil hostile Venetis occurrisset,  
repente Christianorum signa e culmine ruinae  
fulsere; tenuique primum agmine, mox cum  
priorum audacia dubiis etiam animum faceret,  
conferto peditum robore nostri evaserunt in  
murum. Verum ubi Thraces, re cognita, ca-  
tervatim ad loci custodiam festinavere, altitu-  
dine loci adjuti, congestis apposite ignibus assul-  
tantium cohortem facile dissiparunt. Hunc mo-  
tum Venetorum fuga comitata est. Quippe, ne-  
glectis revocantium centurionum vocibus, uni-  
versi a muris recesserunt. Juvit nihilominus fu-  
gientes segnitie barbarorum; qui non ausi ter-  
ga abeuntium laceffere, opportunitate caedis usi  
non



non sunt. Percussus Maurocenus adverso certaminis fato, tempestate jam ad hyemem inclinante, lassatum militem in novum discrimen censuit non deducendum. Subibat eas inter angustias, obducto vallo, stationibusque copiarum raptim fabrefactis, urbem pertinaci obsidione perstringere. Neque inane hujusmodi consilium, cum materia ad opus apta suppeteret, & jam muri urbis partim cuniculis, partim tormentis decussi, vix satis propugnatores ipsos defenderent, dummodò focii in constituto facinore copias detinere minimè detrectassent. At, efflagitantibus missionem ducibus, postquam quinque millia Græcorum insulam incolentium in classem recepta sunt, exercitum Naupliam ad hybernandum perduxit.

*Obsidium  
soluitur.*

Dum ibi reficiendis copiis intentus, curandis faucibus studet; levi primum febre, mox seväiori morbo correptus, diu in ancipiti hæsit. Summa indè exercitus tristitia, & penè luctus erat; pro ægrotante publica vota, cum omnium animi à Principis fato penderent. Neque minùs ad nuntios adversos Senatus expavit; cujus mœror non antè recessit, quàm, vi morbi repressa, in tuto vita Francisci esset. At is ægritudine, quam ab æstuariis, diuturnisque belli incommodis traxerat, summè debilitatus, cum impar tanto subeundo muneri esset; Hieronymo Grimano Equiti, atque ætate provectiori Consiliario summam rerum, annuente Senatu, com-

*Princeps  
Naupliæ  
ægrota.*

*Reficitur.  
rus in va-  
lerudine,  
Hierony-  
mo Gri-  
mano ne-  
gotia de-  
mandat.*

ZZ 2 misit.



1688 misit. Inter hæc Patres nusquam magis solliciti, quàm ubi de incolumitate Principis ageretur; decrevere, ut penes eum gerendi belli potestas quidem in posterum esset; sed ne negotiorum mole fatigaretur, Hieronymus Cornelius Eques, ac D. Marci Procurator, qui Illyrici Provinciam, ut retulimus, administrabat, in Præfecturam classis constitutus. Aduere sub idem tempus, qui ad Senatum de gestis in Eubææ obsidione rebus vecordia nonnullorum, ingentiaque de Mauroceni virtute referrent. Cumque sedulo examine conquisitum esset, undè adversus pugnae eventus; ut, qui mandata Principis segniter executi fuerant, debitis penis afficerentur: inventum, aliquibus diligentiam, omnibus fortunam eo in molimine defuisse. Ita conati Patres Mauroceni mestitiam solari; & quamvis, adversantibus fatis, Eubææ obsidium incassum cecidisset, Ducis consilio fisci, nequaquam dejecti sunt. Affecit ea res modica lætitia animos barbarorum; cum quoddam aliàs Mauroceni indolem experti, ubi denuò Chalcidem tentasset, eundem voti compotem futurum, tum quia, post acre in Pannonia bellum, amissis Alba Regali, Bellogradoque urbibus, extremas cædes imminere sibi prospectabant. Quamobrem tuendi Imperii necessitate permoti, rursus conditiones pacis in medium attulerunt. Sed ubi à Venetis Eubæam, Antibarum, Olchinium, (urbes maritimæ sunt Provinciæ Illyrici, aliàs

*Hieronymus Cornelius Classis Præfectus eligitur.*

*Indictum iudicium de Eubææ obsidione.*

*Sensus Turcarum.*

*Tentantur conditiones pacis.*



liàs Venetæ ditioni subiectæ ) & littoralia quæ 1688  
que à Corintho usque ad Corcyram porrecta ,  
simulque à Cæsare, ac Polonis, multa alia in  
pacis pretium exposci intellexere, omnia ad ar-  
morum fortunam sunt revocata.

1689  
Maurocenus, inter varias corporis curas hye-  
me ægrè traducta, ubi vere inclinante refectus,  
novas ab Italia copias, atque una Melitenses fo-  
cios excepit; in Præfectum Turcarum, actur-  
batores Leuctri mentem convertit. Hi pellicere  
finitimorum præsidia, ac præmiis interdum ten-  
tare, ut improvisa defectione in Turcarum di-  
tionem regio rursus transfiret. Ille quotidianis  
excursibus Naupacti incolas infestabat; incer-  
tum, an bellandi cupidus, an verò Venetorum  
vires distrahendi. Sed utrumque malum, su-  
blatis arcium corruptoribus, ac valida prope  
Naupactum armatorum manu ostentata, op-  
pressum fuit. Quapropter illud potissimum cu-  
ratum à Principe, ut novo molimine omnem  
spem ex superiori eventu ab hostibus collectam  
demeret. Exorsus à suis, unumquemque alacri  
oratione erexit, ut, quæ conciderat, fidem resti-  
tueret, quæ verò nutabat, fiducia confirmaret.  
Continuò consultatum de rebus ea tempestate  
peragendis. Neque aberat cupido Eubæam rur-  
sus invadendi, dummodò imminutum copiarum  
robur, auctaque Insulæ munimenta consilio non  
obstitissent. Idcirco ad majorem opportunitatem  
hunc conatum reservans, Epidauro littorali  
Pelo-

Mauroce-  
nus Tur-  
carum mo-  
tus com-  
pescit.

Statim  
invadere  
Epidaurum.



1689 Peloponnesi urbe potiri constituit, cum ut postremam de nobilissima Provincia victoriam referret, tum ut, effugiis Turcarum ablatis, conterminas gentes à rapinis, cédibusque vindicaret. Naupliæ ergo rebus compositis, colligere vasa militem jubet, ac secundo flamine Epidaurum proficiscitur. Iter erat quadraginta ferme milliarius; quo confecto, contemplatus urbis situm, cum aggressionis impetu expugnari minime posse animadverteret, aliud obsidionis genus instruxit. Hæc urbs non unica vice, vigente Cretico bello, sed frustra tentata. Quippè & structura murorum, & inaccessis cautibus, importuosoque mari prævalida, facile obsidentium labores eluserat.

*Descriptio Epidauri.*

*Urbem ar-  
sta obsi-  
dione  
cingit  
Mauroce-  
nus.*

Sed Maurocenus loci difficultatem eluctatus, id sibi agendum proposuit, ut terrestrium, maritimarumque copiarum ope interceptis continentis, & pelagi subsidiis, incolas rerum omnium egestate conficeret. Ubi itaq; quandam navium manum ad eam partem misit, qua Peloponneso Epidaurum adhæret; ipse reliqua cum classe urbem veluti corona circumfedit. Hinc terrestris quoque oppugnatio comparata; obductoque vallo, quæ modica planities rupem exequat, ut super aggeres obsidionalia tormenta componerentur, imperatum est. Accessere & ollarum incendiariarum jactus, ne interiora loci tuta barbaris essent. Sed nihil æquè ac sollicitudo arcendi auxiliares copias militem fatigabat. Nihilomi-



minùs, cùm in eo victoriæ spes omnis sita elset, 1689  
 intentiùs nocte servabantur vigiliæ; &, ne quis  
 laborem averfaretur, Princeps ipse difficillima  
 adibat. Jamque multùm obsidio processerat,  
 cùm incessit consilium occupandi aliquot longas  
 naves, quæ paulò ante obsidionem, commercii  
 causa, eò convenerant. Delectus in hanc rem  
 Laurentius Venerius Navium Præfectus, qui  
 hoc in bello præclarum corporis, animique ro-  
 bur gestis egregiè rebus ubique comprobavit. At  
 primum adversati sunt facinori aquilones, qui  
 Venerii naves longiùs compulerunt: dein Vene-  
 rius ipse, dùm ad operam strenuè navandam suos  
 exemplo cohortatur, tormenti ictu in capite per-  
 cussus, religionis, patriæque victima cecidit.  
 Eodem conatu vulneratus quoque Franciscus  
 Grimanus, Antonii Equitis, ac D. Marci Pro-  
 curatoris filius; qui virtutem patruï Hieronymi  
 Cornelii Classis Præfecti imitatus, lubens ar-  
 morum discrimina adibat.

Lauren-  
tius Vene-  
rii Na-  
vium Præ-  
fecti mors.

At Princeps novi aliquid moliendi desiderio  
 flagrans, dùm, suo veluti pondere, pertinaci ob-  
 sidione lassatum Epidaurum concidebat, aliquot  
 cum navibus ad explorandum Ægeum, lacesen-  
 damque hostium classem procedit. At, vix so-  
 lutis ab littore navigiis, subita tempestas consi-  
 lium intervertit. Ubi verò procellæ vis triduum  
 classem diversè impulit, composito turbine, dùm  
 sparsas per æquor Cycladas invisit, repentina fe-  
 bre æstuans, aliis curis animum aperuit. Quip-  
 pè

Mauroce-  
nus in Æ-  
geum  
proficisci-  
tur.

Sed medio  
in itinere  
agrotat.



1689 pè cùm nondùm in sanitatem integrè restitutus, neglecta corporis valetudine, pristinis negotiis se tradidisset; ita inter omnes seſſioris morbi notitas laborare incœpit, ut variis symptomatibus peritos deterreret. Idcirco hortantibus ipsis, ut, antequàm eum infestior æstus conficeret, reſoſendarum virium curam amplecteretur; coactus Franciscus ab incœpto delistere, locare operam nautas jussit, ut se quamprimùm Peloponneso redderent. Ut perventum est ad Epidaurum, ac nonnihil immitem sanguinis motum quietis beneficio composuit; hortari duces, imperare, quæ in rem erant, toto denique animo in delassandos urbis incolas rursus incumbere. Quæ studia, adversus medicorum salutis Principis timentium sensum adhibita, cùm noxia plurimùm valetudinario essent, nimiumque infesto aere læderetur; ita dies, noctesque inter varias corporis egritudines ducebat, ut eum quotidie magis confici appareret. Exindè ætas ad septuagesimum primum vitæ annum perducta, corrupti aeris inclementia, augescensque morbi discrimen eò medentium consilia deduxere, ut reddendum statim patriis ædibus, salubriorique aura instaurandum Principem censerent. At quantò id Mauroceni consiliis magis adversum, tantò in majus morbi irritamentum, ut fieri solet, concessit. Siquidem, cùm solitis muneribus eodem ardore mentis inhiaret, nec tamen sufficere viribus posset, ipsa sui impotentia

Epidaurum re-  
vertitur.

tia vehementiùs angebatur. Hinc mœror animi 1689  
serpentem in sanguine labem fovebat; tantò se-  
gniore ad labores corpore, quantò laboris avi-  
dior animus erat. Victa nihilominùs aliquot  
dies virtute ægritudo; & fatiscentes spiritus ad  
munia obeuda coacti. Sed, postquàm nec satis  
potens sui erat, nec multum peioris notæ febris  
impendentis suspicio aberat, ne, viribus maxima  
ex parte consumptis, ultimum, quod supererat,  
vitæ momentum, in non necessariam aleam da-  
ret, tandem carissimorum consilia, quamquam  
ægrè, sequi decrevit.

Per eosdem fermè dies Hieronymus Corne-  
lius D. Marci Eques, ac Procurator Epidau-  
rum appulerat; cui postquàm momenta armo-  
rum, & cinctam arcta obsidione urbem, cujus  
vi deindè in nostrorum manus concessit, enixè  
commendavit, officii sui, gerendæque in poste-  
rum rei singulos duces admonuit. Exin, dele-  
ctis quatuor triremibus, quibus addita Meliten-  
sium navigia fuere, Zacynthum proficiscitur.  
Transvectus indè Cephaleniam, in Illyricum se  
contulit; ac Spalati (urbs est maritima inter  
Tragurium, & Almissam sita) quadraginta  
dies, ut à Græcia venientibus pestilentiae suspi-  
cionis causa imperatum multò antè fuerat, im-  
moratus est. Redeuntem à bello Principem quo  
plausu singulæ civitates exceperint, nemo satis  
explicaverit. Unusquisque ex conterminis po-  
pulis, ubi pristinae salutis redditus est, vota sol-

*Adve-  
niente,  
Cornelio,  
Princeps  
Venetias  
contendit.*

*Spalatū  
appellat.*

A a a vit



1689 vit pro ejusdem incolumitate. Suæ enim cuique  
*Studia*  
*populorū*  
*erga*  
*Principē.*  
 lætitiæ, atque amoris inerant causæ. Siquidem  
 alii restituta commercia, alii redditos libertati  
 genitos, parentesq; omnes auctiorem, tutioremq;  
 bonorum possessionem virtute Mauroceni par-  
 tam gratulabantur. Sed non minùs hominum  
*Mirè ab*  
*quodam*  
*casu Frä-*  
*ciscus ser-*  
*vatur.*  
 votis, quàm Superùm decreto, post tot bello-  
 rum discrimina, diuturnamque ægritudinem  
 servatum casus prodidit. Quippè, cum impro-  
 visò rueret tectum, ubi spatium sæpius in die  
 consueverat, factum est, ut eodem momento  
 aliò digressus ruinæ impetum evitarit.

Jamque, rebus ad discessum maturis, iter  
 in patriam parabatur; quod tamen ob rigores  
 hyemis, adversosque ventorum impulsus, haud  
 quietum penitus fuit. Princeps, commendata Il-  
 lyriorum erga se pietate, navim conscendit; va-  
*Ejusdem*  
*iter in pa-*  
*triam.*  
 rioque æstu Sicum, Jaderam, & Histriam,  
 mox Superum Mare transgressus, ad gemina  
 oppida in Methamauci sinus faucibus locata,  
 quibus urbis aditus ab alto clauditur, pervenit.

1690 Postera die, eaque XI. Januarii fuit, ultrò pro-  
*XII. Lega-*  
*ti obviā*  
*eunt.*  
 vectus est, nec procul ab urbe duodecim Lega-  
 ti, è Patritiorum ordine delecti, quos magnifico  
 ornatu ad eum Patres miserant, adfuere. In-  
*Paulò post*  
*Senatus.*  
 gens cum iis concursus populi, numerusque no-  
 bilium; studio revivendi Principem, tot, tantis-  
 que rebus gestis clarum. Interea Patres, quos  
 Quinqueremis Regia vehabat, convenerunt; ex-  
 ceptumque in eam in interiorem civitatis sinum  
 per-

perduxere. Ut verò ad D. Marci curiam per-<sup>1689</sup>  
 ventum fuit, ad insignia majestatis accipienda,  
 comitantibus Patribus, in Supremas Aedes pro-  
 cessit. Solemnibus ibi de more perfolutis; ubi  
 descendit in forum, ac circumstantium civium  
 vultus in se traxit, altiùs eorum præconiis cu-  
 ria personuit. Cuncti catervatim ora fortissimi  
 Principis perlegere, reducem ex Græcia gra-  
 tulari, at triumphales plausus extollere. Cum-  
 que, ut pugnasset, ut vicisset, singuli memo-  
 rarent, recentis lætitiæ motu ferventes animos  
 ipsa præsentia victoris magis, magisque accende-  
 bat. Hinc modò in Principem, modò in victa-  
 rum ab eo gentium titulos respicientes, non  
 gaudio, non festivis conclamationibus tempera-  
 bant. Interea magnum auri, argentique pon-  
 dus de more spargebatur in plebem; læto tor-  
 mentorum fragore immugiebat æquor; Publicæ  
 Aedes ditissimo fulgebant apparatu: omnibusq;  
 variè tympanorum, ac tubarum concentu stre-  
 pentibus, unà Maurocenus ostentabatur, &  
 Princeps, & triumphator. Post hæc, iis omni-  
 bus, quos sibi administrandæ Reip. ratio, aut  
 vetus necessitudo conjunxerat, benignè receptis,  
 fatigatum diuturnis curis animum in necessa-  
 riam quietem deduxit.

Intra idem tempus, quo hæc Venetiis age-  
 bantur, Innocentius XI. Pontifex Maximus,  
 qui summo Catholicæ Fidei decore, atq; emo-  
 lumento tredecim annos Romanam Ecclesiam

A a a 2 ad-

*Peragun-  
tur sole-  
mnia a-  
depi  
Princi-  
patus in-  
genti po-  
puli lati-  
tia.*

*Innocen-  
tius XI. o-  
bitus.*



1690 administraverat, è mortalium numero creptus est; ut immortalī vita frueretur, quam sibi innocentissimis moribus comparaverat. Novemdialibus sacris Innocentio persolutis, habita comitia; atque in extincti locum Alexander VIII. è Patricia Ottobonorum familia Venetiis ortus, à Purpuratis suffectus. Visa omnia, quę ad Venetam Remp. spectabant, ab novo Pontifice sedulò procurari. Cùm enim ad optimè gestum adversus Thraces à Repub. bellum statim respexisset; Principis Mauroceni virtutem inter reliqua demiratus, cuius opere, terra, mariq; confternatis barbaris, tantum terrarum imperio Christianorum accesserat, haud impari dignitate eundem insignire decrevit. Itaque Galeam, atque Ensem, quo Romanę Sedis Pontifices inclytos Catholicę Fidei Athletas decorare aliquandò consueverunt, ad Maurocenum misit; ut tanti Ducis disciplinam non Venetę Reipub. tantum, sed universo Fidelium Imperio utilem, salutareque fuisse posterī cognoscerent. Muneris decus omninò celebre, rarumq; cùm hoc ævo unus, præter Franciscum Maurocenum, Joannes III. Polonię Rex, ob vindicatam ab obsidione Turcarum Viennam, hujusmodi donum ab Innocentio XI. meruerit. Insignium mittendorum mos undè initium traxerit, haud satis compertum est. Quidam ab sacris literis rei originem repetunt, alii Pontificum Romanorum inventum malunt. De hoc affirmare quid-

Alexander VIII.  
summus Pontifex.

Decorat  
Mauroce-  
num En-  
se, Ga-  
leaque.

Genus  
Muneris,  
& digni-  
tas.



quidquam non ausim. Id tamen apertissimè li- 1690  
 quet, non, nisi clarissimis Principibus, qui Chri-  
 stianorum Imperium propugnarint, permissum;  
 reliqua in obscuro sunt. Ubi Venetias delata  
 sunt insignia à Michaelè Angelo de Comitibus,  
 Pontificis Cubiculario, ex Alexandri decreto  
 Joseph Archintus Archiepiscopus Thessaloni-  
 censis, Pontificiæ sedis Nuncius, iussus ea Prin-  
 cipi, utpotè strenuo Fidei Propugnatori, trade-  
 re. Peracta solemniter in D. Marci æde Ponti-  
 ficii muneris pompa; capitique, ac lateri Mau-  
 rocenì, plaudente Senatu, galea, atque ensis  
 aptatus.

Cæterum eorum, quæ in bello Franciscus e-  
 gerat, momentum ipsa quietis ocia lætiora red-  
 debat. Exercitu ad oppugnationem Epidauri re-  
 licto, diù ab incolis toleratum obsidium. Quip-  
 pè cum iis solita, inasuetaque alimenta deessent,  
 eam inopiæ vim sustinebant, ut internatas sa-  
 xis herbas, & fœdiora quæque in usum verte-  
 rent. Verum, ad extremum reductis omnibus,  
 cum nulla subsidii spes adversus arma oppu-  
 gnantium, ne levamentum quidem adversus fa-  
 mem esset, clausis omni ex parte à Mauroceno  
 itineribus, per quæ suppetiæ ferri ad eosdem  
 poterant; demum, jamque quatuordecim men-  
 ses excesserant, deditionis consilium amplexi  
 sunt. Addita læto huic eventui paulò post Au-  
 lonis, atque Elymæ expugnatio, Macedoniæ  
 loca sunt in ora Maris Jonii, per quæ à Turca-  
 rum

*Epidauri  
 deditio.*

*Aulonis,  
 & Elymæ.*



1690 rum insidiis tutius Illyricum. Hæc, cum Cornelius mira vi consilii, ac celeritate perfecisset, Dyrrachii quoque capiundi spe incitatus, (Sita est urbs inter Scodram, & Appolloniam) eò navales vires converterat. Attamen, adversante vento, inclinanteq; tempestate, à consilio dimotus, quamvis irritò incepto discessisset, animis nihilominus militum sui expectatione altius excitatis, non modicam prosperarum rerum spem Venetis fecerat. Verùm fortuna secundis adversa adeò permiscuit, ut in communi omnium gaudio, ob immaturum strenui Ducis obitum, lugendum fuerit. Concussus Senatus Cornelii jactura, postquàm publico dolori litatum fuit; *Dominicus Mocenicus Imperator Classis.* Dominicum Mocenicum, aliàs Illyrici Præfectura perfunctum, in extincti locum instituit.

*Hieronymus Delphinus navalis pugna cum Turcis.* Plurimum interea demulsit animos insperatum victoriæ genus, quod ingens Turcis vulnus inflixit. Post subactam etenim Epidaurum Hieronymus Delphinus supremam navium Præfecturam jam adeptus, dum ad explorandos Turcicæ classis motus, exigendaque de more ab Insulis Ægæi maris tributa proficiscitur, in hostes incidens, aliàs edita fortis animi, promptique consilii exempla egregio facinore comprobavit. Quippè cum XXXII. Turcarum naves, ac duo de triginta triremes, duodecim Navium manu penes Lesbion Insulam ad certamen provocasset, æquo Marte primum cum barbaris con-



congressus est. Mox solus quatuor horarum <sup>1690</sup>  
 spatio ex ventorum defectu, intra hostium na-  
 vigia strenuè laborans, ruentes in se Thra-  
 ces adeò disjecit, ut nulla ex iis prope lassa-  
 tam navim accedere ausa fuerit. Interim ipse <sup>Ejusdem</sup>  
 voce, atque exemplo suos hortatus ad victoriam, <sup>vulnus</sup>  
 læva adverso tormenti ictu perusta, atque attri- <sup>in manu</sup>  
 ta, non tamen animo deficiens, ita propellen- <sup>acceptu</sup>  
 dis hostibus institit; ut non prius vulnere, præ- <sup>& victo-</sup>  
 liove fatigaretur, quàm in præcipitem fugam <sup>ria.</sup>  
 universam barbarorum classem conjiceret. My-  
 tilene Turcis perfugium fuit: ipse prope insu-  
 lam naves deducens, veluti è proximo manum  
 commixturus, ad illud animum intendit, ut  
 hostem redigeret in aperta. Sed barbari tentan-  
 tes effugium, postera die non ausi sunt se præ-  
 lio committere: tandem, cùm præstarent navi-  
 bus, quæ remorum impulsu aguntur, raptim  
 reliquam classem à pugna, quam instaurari con-  
 cupiebat Delphinus, subduxere. Excepta in- <sup>Turce</sup>  
 genti Senatus, ac Mauroceni gaudio victoria: <sup>furim</sup>  
 crevitque ejusdem existimatio, quòd Thraces <sup>diffugiunt.</sup>  
 jam diù navali prælio non laceßiti, totque na-  
 vigiorum numero superiores, palmam victoriæ  
 virtuti Veneti ducis concessissent. Quamobrem <sup>Equestris</sup>  
 Equestris D. Marci dignitas in Delphinum <sup>dignitas</sup>  
 omnium ordinum votis collata: cùmque inci- <sup>in Delphi-</sup>  
 peret hyems, bellici apparatus instrui ceperunt. <sup>num con-</sup>  
 Habitis militum delectibus, arma, classis, tur- <sup>ferunt.</sup>  
 mæque, ineunte vere, in Græciam convenere.

Exin-



1691 Exindè erectus est summoperè Senatus, anxia  
 contemplatione perquirens, quinam belli ex-  
 itus eo anno futurus esset. At post Cornelii o-  
 bitum visa omnia priori fortuna destitui; im-  
 mò intra biennium, omnia aduersa fatis volventi-  
 bus, vix quidquam memorabile gestum fuit.  
 1692 Quapropter mēsta Respub. piis supplicationibus  
 pristinam armorum felicitatem precata est. Tan-  
 dem omen tacitè venerata, quòd tandiù bellum  
 prosperè à Mauroceno gestum fuisset; denuò ad  
 eundem, eas inter angustias, confugit.

Instauraverat Principis vires aeris indulgen-  
 tia, compositoque in meliorem valetudinem a-  
 nimo, nondùm penitùs in eo castrensem ardo-  
 rem deferbuissè, constabat. Exindè à quamplu-  
 rimis ad gerendum rursùs bellum oculis desi-  
 gnatus; diùque privatim agitata res fuit. Ve-  
 rùm, aucta in dies rei cupidine, coeuntibusque  
 Patrum studiis, aperiri demùm consilium pla-  
 cuit, ut, si suis viribus adhuc Franciscus fide-  
 ret, Imperatorio onere suscepto, intenderet de-  
 nuò aduersus Turcas bellum, veteremque mi-  
 litiaè disciplinam excitaret. Non unica indè vi-  
 ce preces Senatus versæ ad Maurocenum: o-  
 stensumque in ea temporum calamitate, singu-  
 lorum votis in Imperatorem exposci. Tandem  
 cum tertiò prolata palàm sententia, à Principis  
 vultu omnium animi, atque ora penderent:  
 Non video, inquit, Cirves optimi, cur ego ea in re  
 à vestris studiis dissentiam, in quibus vestrum omnium  
 vota

*Preces  
 Patrum;*

*quibus  
 Princeps  
 assensit.*



vota conveniunt. Ter jam Imperatorio munere perfun- 1692  
ctus, quartum hoc quoque, si ita constituitis, lubentissi-  
mè subeo. Parendum mihi patriæ, cedendum amori, re-  
ligionique litandum. Defendi Rempub. adolescens, senex  
non deseram; extremumque spiritum, qui fato quodam  
imbecilles artus etiamnum regit, strenuè Reip. impendam.  
Scitote, me nunquam longiorem optavisse vitam, quàm  
dum hæc patriæ sacrandæ est. Annuant Superi incæptis,  
ac lætiores eventus animum, quem aliàs in bellica admi-  
nistratone præstiti, fidissimum probent. Caterum, si i-  
ta de me fata constituerunt, ut inter bellorum pericula  
ultimum diem obeam; sint hæc in extremis votorum  
meorum, ut sit vobis maximè curæ Respub. eique opta-  
bilia quæque cælites in posterum largiantur. Hæc di-  
centem non modò majestas, ac fides, sed ta-  
cita quædam lætitia, ac penè subeuntes læ- Quartum  
declara-  
tus Im-  
perator.  
crymæ commendabant. Quamobrem latè  
exultantium Patrum murmur exortum; ma-  
gistratus invicem gratulari, Principis ani-  
mum, amorem, ac fortitudinem extollere, at-  
que adeò in lætiores vultus componi ceperunt,  
ut subita hilaritas, fiduciaque inopinanter inces-  
ferit. Multus indè sermo populi de Mauroce-  
no, cum quisque in senili corpore juvenile ro-  
bur, pietatem in Principe, fiduciam in bello-  
rum vices experto miraretur. Verum quid Dux Populi  
voces de  
electione  
eiusdem.  
qui sub tentoriis educatus, inter militares motus conse-  
nuerat, diutius fatigaretur? Servandam Patriæ sene-  
ctutem illius, qui omnem ætatem in castris transegerat.  
Sed assuevisse victoriis Rempub. pugnante Mauroceno.

Bbb

Vete-



1692 *Veteris hostis ora Thraces minimè laturus. Igitur irretit summus Princeps, & virtute sua uteretur: non ad incerta praeliorum, sed ad prosperrima hoc duce properari. Compositis in huiusmodi spem omnium mentibus, ornari classis, conscribi exercitus, cæteraque ad cultum Principis congeri intentius ceperunt.*

*Ingens  
Turcarum  
pavor.*

At nunquam altiùs pavore concussi sunt animi barbarorum. Cum enim paulò antè, expulso Mustaphà, Cuperlium Regii Sigilli Custodem creavissent; hic ita seu fortitudine animi, seu reverentia majorum, quorum acta memoravimus, favorem plebis sibi conciliaverat, ut non quieti modò Imperii fines, sed brevì in Pannonia prolati fuerint. Veruntamen incessit repentè ex summa lætitia acrior formido. Dùm enim se fregisse penitus robur hostium rebantur, nova discriminis moles ex insperato erupit. Nemo ex ordine Procerum, & popularium turba, evulgato Mauroceni adventu, non contremuit: quique virtutem ejus in bellis experti fuerant, vel ipsum nomen, & tot victoriarum, quas retulerat, memoriam reformidabant. At, instante bello, vix consiliis locus erat; cùmque brevì per acies absolvenda res videretur, veluti ad Regiam urbem instaret Franciscus, certatim primoribus demandabantur officia, fortunæque in tributum ad instruendam classem egerebantur. Ita, ineunte vere, navales copiae utrinque in promptu fuerunt. Ubi

1693

verò



verò Venetiis impetrata sunt publicis supplica- 1693  
tionibus secunda auspicia; die XIV. Maii Prin-  
ceps Imperatoria superindutus chlamyde, sce-  
ptrum manu gestans ( summi Imperii insigne )  
in D. Marci Aedem, comitante Senatu, descen-  
dit. Sacris solemni pompa peractis, cum densus  
imber quietum iter non daturus esset, ad Re-  
giam Quinqueremim, postera tantum die, pro-  
cessum est. Qui tunc vultus, qui oculi extite-  
re intuentium Principem nullo ætatis grave-  
scntis pondere, armorumve discrimine terri-  
tum! Quantus præterea tota in urbe motus,  
quæque fulgentissimorum apparatusum pompa!  
Videres referta undique, ac laborantia tecta,  
repletas passim vias, alacremque hinc inde po-  
pulum, uno laudum concentu strepentem. Por-  
rò in ipso Principe solidum corpus, arcanus lu-  
minum vigor, certa vestigia, cani ab oris ru-  
bore discrepantes ita omnium oculos trahebant,  
ut, ægrè remota turba, quæ undique limina in-  
federat, diù in proficiscentis contemplatione hæ-  
rere quisque adniteretur. Accessisse gentes ab  
multis Italiæ urbibus, externos quoque prin-  
cipes cupidine videndi Maurocenum convenis-  
se, testes fuimus: quinimmò adeò in augendo  
ornatu inter se certavere, ut, quæ eo die pe-  
racta sunt, fidem excedere videantur.

Exultantibus tubis, lætoque tormentorum  
fragore, ubi ad urbis littus deventum est,  
egregia Patribus humanitatis, atq; amoris officia

Bbb 2 Prin-

*Discessus  
Mauroce-  
ni.*

*Ornatus  
urbis, po-  
puli que  
cœtus.*



1693 Princeps perfolvit. Interea de novo constructa triremis aderat, elaboratis diu ornamentis spectabilis: ditissima remiges decorabat vestis; duces vero ad præcipua belli munia constituti (inter quos ejusdem Nepos, Michael Maurocenus, bellicæ virtutis studio ductus, qui Imperatoriæ triremi aliàs præfuerat, & denuò eidem muneri destinabatur) Principis latus stipantes, ipsius gradus latè veluti ducto agmine fulciebant. Exindè, ubi triremim scandit, octo aliarum triremium manu, atque innumera propemodum omnis generis navigiorum multitudine, quam non impar apparatus ornatus insignem fecerat, ex ordine Imperatoriam navim circumstante, ad extremum littus usque processit. Ibi, cunctis in lætiores plausus effusis, vela in altum nautæ dederunt. Visi sunt venti favere discedenti Principi; brevique Adriatico sinu trajecto, per lætas Illyrici oras, effusis non civitatibus tantum ad honores habendos, sed frequenti circumjacentium populorum concursu, Sasonem appulit. Ut verò transvectus Corcyram, pervenit Zacynthum, Peloponnesi oras diligentius perlegit. Demum, cum reliquam classem, quæ circa regionem detinebatur, in unum rede-gisset, continuòque res maritimi, ac terrestris exercitus explorasset, exhaustas copias ante omnia instaurare, disciplinam castrorum lapsam, ac penè extinctam refovere, militemque ex inertia, & dedignatione parendi ad  
vetus

*Prosperus  
Principis  
iter.*

*classem  
paravit.*



vetus institutum revocare mira sedulitate conatus est. 1693

Inter hæc Turcarum Præfectus, qui cum quindecim armatorum millibus Thebas advenerat, veritus, ne Princeps, sumptis armis, in interiora Thraciæ devolveretur; simulat se in Peloponnesum universo cum exercitus robore irrupturum. Non neglexit motum Maurocenus, quamvis astu hostium intellecto; præsertim, ne Græcorum præsidia rumore validi hostis permota à se deficere, quàm expectare bellum malent. Missi hac de causa Centuriones cum valida manu, qui Provinciæ terminos custodirent. Inde præsidia oppidorum aucta, convocatæ ex finitimis locis gentes, quæ arma ad tuendos fines caperent. Cætera ita ad bellum parata, ut brevî Thraces, remissis conatibus, Thebas reverterentur. Jamque multum ætas adoleverat, cum ab exploratoribus renunciatum, barbarorum naves magno cum com meatu Smyrnam, quæ Joniæ caput est, mox accessuras. Impulit eò Francisci animum intercipiendorum hostium cupido; cumque id sibi virium non esset, ut magni aliquid ea tempestate moliretur, statuit interea maritimis excursionibus commercia intervertere. Continuo igitur, in paratas triremes traducto milite, in Ægæum provehitur. Ut verò diversis motibus hostem, huc, illuc ad custodiam locorum accurrentem, traheret, Eubæam primum, ac deindè Pagasam proficiscitur. Non

*Thracum  
motus  
cohibet.*

*In Ægæo  
constat  
ad laces-  
sendas  
hostium  
naves.*



1693 defuere Thraces occasione, qui modò Eubœæ, modò finitimarum urbium obsidionem suspicati, divisis cohortibus, ad indicata loca tumultuario agmine confluxerunt. Sed, quod præcipua causa itineris, navigia hostium à discrimine exempta sunt; nam barbari aliò subterfugientes Venetorum triremes aptè declinavere.

*At barbari fugam arripuerunt.*

Id postquàm Principi innotuit, in Atticum finem properari imperat; ubi ad expugnationem Eubœæ, quam sequenti anno summa vi tentare decreverat, opera quæque idonea disponere aggressus est. Igitur Æginam insulam, haud multum à Peloponneso semotam, mille armatorum præsidio, recentibus munimentis, atque ubere annona sedulò instruit; ut tutum inde Eubœam obsidenti commercium, & rerum omnium copia præsto essent. Quibus ordinatis, in Ægæum denuò vectus, exigere de more ab insulis vectigalia, remiges conscribere, populisque pervicacioribus imponere tributa. Talia agenti Turcicam classẽ penes Chion insulam convenisse nunciatur. Erectus inde in pugnae spem: cumque omnia ad discrimen ordine præparata essent, ut occuparet hostis adventum, eò magnis itineribus contendit. At Thraces non ausi, Mauroceno Ægæum percurrente, aperto pelago se committere, intra tutiores portus detentis navigiis, tota ea tempestate delituerunt. Immò ipsius Præfecti classis tanta in posterum trepidatio fuit, ut nullis muneribus interesse ausus, gerendas du-

*Æginam communis.*

*Per Ægæum denuò hostes insequuntur.*

cibus



cibus res, & præsertim colligendi militis officia <sup>1693</sup>  
 mandaverit. Princeps intelligens, frustra tentari  
 ignaviam barbarorum, ad res suorum invisen-  
 das rursus conversus est. Interea, cum hyems  
 propinquaret, ut quiete firmarentur corpora  
 militum, ostentato tantum terrore, in Naupliæ  
 hyberna concessit. Præcipua ibi curarum ea ef-  
 se coepit, ut nova munimenta veteribus adjice-  
 ret, firmaret futuris præliis animos, milites co-  
 geret, ac majore præsidio Isthmi fauces, Corin-  
 thi arcem, & præter hæc suspectiora Provinciæ  
 loca communiret.

*Pelopon-  
nesum  
firmat.*

His constitutis, jam redierat omnibus spes ge- <sup>1694</sup>  
 rendi prosperè in barbaros belli, cum in voto-  
 rum fastigio Venetas res fortuna destituit. Si-  
 quidem, dum Princeps refovere quiete animum,  
 ac vires curat, inopinato morbo correptus om-  
 nium mentes subito pavore defixit. Nec salu-  
 tis recuperandæ spes diuturna fuit. Quippè post  
 aliquot dies, victo patientia, ac medicamentis  
 dolore, vix recreatum ingenti gaudio universa  
 classis exceperat, cum denuò in egritudinem in-  
 cidit. Sed adeò vehementer sub ipsum sævientis  
 mali exordium, quod à calculi vi asperabatur, <sup>*Ægrotat  
Naupliæ.*</sup>  
 vexari incepit; ut nemo peritorum de vita Prin-  
 cipis benè speraret. Aucta in singulos dies mor-  
 bi labes non modò elusit vim remediorum, sed  
 brevi ad extremum laborantem deduxit. Itaque <sup>*Littera i-  
psius ad  
Senatū.*</sup>  
 fatorum vim præsentens, actum de sua salute  
 cum non ignoraret; literas amoris, ac fidei ple-  
 nas



1694 nas Senatui scripsit, ex quibus, indicata ægritudine, qua se in horas confectum iri exposuit, commendataque Repub. nihil de morte conqueri constabat, nisi quòd, dùm Patriæ prodesse plurimùm poterat, ipsum præmaturo exitu fata raperent. Exindè, convocatis ducibus, placidus ore, atque intrepidus verbis, in hunc fermè modum eos allocutus est. *Quoniam mihi, commilitones, natura vivendi finem facit, classem, exercitumque trado vobis, prout tempora ferunt, instauratum, ac firmum. Nec diu me orare patitur instans malum; nec virtus vestra indiget stimulis, ut excitetur. Crebrò, uti meministis, hisce in campis triumphavimus; tantumque hostium sanguinis fustum est, ut nostris armis parere jam didicerint. Haud dissimiles eventus in posterum per vos ego Reipub. polliceor, quibus non aliud pretium laboris, quàm fides, famaue. Quapropter postremas has preces vobis relinquo, ut magno, quemadmodum soletis, animo suscipiatis momenta armorum, inchoatamque nominis vestri gloriam perficiatis: mihi verò piis supplicationibus placetis Numina, ut, si qua in parte lubricum vitæ meæ declinavit, crimina remittant, immortalemque, cui nascimur gloriam, largiantur. Conterantur intereà barbari virtute vestra: Respub. verò, me extincto, suorum robur non defecisse intelligat. Tunc totus ad divina conversus, & semel, atque iterùm noxas Sacerdoti confessus, Christianis Sacris animam expiavit. Mox, cùm reliqua omnia Sacramenta Ecclesiæ piissimè suscepisset, nullum nisi de divinis rebus sermonem admisit, haud dubiis verè, sin-*

*Sermo extremus ad Classis Procures.*

sinceraeque religionis indiciis. Jamque, exaspe- 1694  
 ratis intra biduum symptomatibus, modicus ca-  
 lor tepebat in pectore; jam vires, jam corpus,  
 nondum tamen animus Principem deserebat. *Paulò  
 post ex-  
 ingui-  
 tur.*  
 Quare, ubi finis aderat, flentes circa se Duces  
 in modum coercentis ad constantiam iterum re-  
 vocans, fesso demum penitus corpore, obrutaque  
 vi morbi natura, VI. Januarii die, majori Reip.  
 detrimento; quam suo, extremum spiritum ef-  
 flavit. Idque sub idem contigit tempus, quo sex;  
 & septuaginta vitæ, sex verò Principatus annos  
 impleverat.

Tunc tristissimo squalore depressa civitas plo- *Moror  
 inges po-  
 pulorum.*  
 ratu undiq; ac gemitibus exsonuit. Nec muris ur-  
 bis luctus continebatur. Quippè momento vul-  
 gatus per universam Peloponnesum adversi fati  
 rumor, non secus atq; in domestico luctu, omnia  
 pavore, & lacrymis circumjacentium populorum  
 turbavit. Fortitudo extincti Principis, ejusdem  
 fiducia educantis in prælium milites, urbes in-  
 vadentis, vultus denique hortantis exercitum ad  
 victorias, ob omnium oculos versabantur. Ine-  
 rat tamen altiùs animis tristitia, diversisque in  
 frontibus una mœroris imago. Inter communes  
 hosce questus, id Duces præcipuè curavere, ut  
 dignum tanto Imperatore funus conficeretur.  
 Composito cadaveris simulacro, Latini, Græci *Ordo fu-  
 nerum*  
 que Sacerdotes, præmissis quatuor cohortibus, *Nauplie  
 solitoris.*  
 de more urbem ambiere. Hos signiferi, incom-  
 ptis vexillis, versis armis, ac in terram negli-  
 gen-

Ccc

gen-



1694 genter pendentibus, anteibant. Feretrum tribunorum, ac centurionum humeris portabatur. Præcedebant stemmata domus, insignia dignitatum, ac Principatus; Galea demum, Ensisque, nuper à Pontifice Maximo missa, à chiliarchis militaribus gestabantur. Sequebantur longo ordine Classis Proceres, trabeati equites, atratus miles, cæteræque cohortes; ac deinde tormenta, quæ de more in funebrem pompam vehabantur. Reliqua verò omnia ita lugubrem aspectum induerant, ut multò magis, quàm apparatu funerum, gemitu, ac lacrymis dolorem universi testarentur. Ubi in D. Antonii Ædem deventum, justis persolutis, atq; epicedio illi solemniter dicto, funeris honor per laudes, ac memoriam virtutum ejus peractus. Ibidem quoque conditum cor: nec enim æquiùs visum est, alibi præcipuam corporis illius partem relinqui, quàm, ubi ab ineunte ætate vixerat, totoque animo administrandis præliis incubuerat. His peractis, post aliquot dies, nonnihil remisso civitatis luctu, exculpta marmore Principis simulacra, eaque in patentioribus urbis locis posita fuerunt; ut, cum perpetuus, omnisque memoriæ, ac nomini honor esset, tum ad tanti Imperatoris recordationem robur militum excitaretur.

*Conditum  
cor in Æ-  
de D. An-  
tonii.*

*Marmo-  
rea simu-  
lacro ex-  
culpta.*

*Corpus  
magno  
placitu Ve-  
netis ex-  
pietur.*

Quæ dum Naupliæ agebantur, delato Venetias Mauroceni corpore, tristis omnino, ac penè miserrimus Reipub. aspectus fuit. Passim si-  
len-

lentium, atque horror: claudebantur undiq; do-<sup>1694</sup>  
 mus, fora deserebantur; optimus quisque Reip.  
 cura merebat. Sed, sicuti ingentes in ore omnium  
 doloris notæ, ita illud præcipuè mœstissimi Patres  
 curavere, ut in quem, dum vixerat, omnia di-  
 gnitatum, gratique animi munera contulerant,  
 non parcius eidem extincto duratura per omnes  
 ætates monumenta largirentur. Civitas, cun-  
 ctis ad tristitiam compositis, triduum (tunc for-  
 tē extremum bacchanalium tempus erat) lugu-  
 bri ornatu squalida. Mœrens verò Senatus nuf-  
 quam postremis erga Maurocenum officiis de-  
 fuit. Institutum in DD. Joannis, & Pauli Æde  
 funus; inque templi medio sublimis moles con-  
 structa, quam pendentia undiq; in trophæi mo-  
 dum arma mirificè ornabant. Super eam Mau-  
 rocenī effigies induta chlamyde, ac cæteris Prin-  
 cipatus insignibus decorata eminebat. Neque in-  
 dē procul proluxa victoriarum series, simulacra  
 fluminum, urbium, ac regionum, cum inscri-  
 ptionibus rerum gestarum, captaque Turcarum  
 insignia videbantur. Peractus interea supremus  
 epicedii honor. Indē, composito in D. Stephani  
 Templo cadavere, augustum mole, atque orna-  
 tu sepulchrum optimo Patruo merentissimi Ne-  
 potes parare aggressi; quod æternum fidei, ac  
 pietatis monumentum extaret.

*Funera  
insigni  
pompa in  
bidem ce-  
lebrantur.*

*In Æde  
D. Ste-  
phani cor-  
pus repo-  
nitur.*

Verū, sicuti externæ quoque nationes, tanto  
 Duce extincto, indoluere; ita contrā exultave-  
 re Thraces, sublato hoste, cujus indolem hæste-

*Plausus  
Turcarū.*



1694 nūs pertimuerant . Et quidem major per idem  
tempus Byzantio terror erat , cū circumfe-  
rentem arma Maurocenum , & maritima quæ-  
que firmantem præfidiis , in Ottomanici Regni  
interiora impetum brevī facturum crederent .  
Jamque urbium muri reficiebantur , propugna-  
culisque armabantur ; & pro se quisque ingen-  
tem bellicæ rei copiam , annonamque ex agris  
comportabat . Igitur , ubi Principis interitus per-  
crebuit , placuit læto cantu , ac festis epulis mor-  
tem ejusdem prosequi . Illusit quoque popula-  
rium turba fortunæ Christianorum , quod tan-  
dem cecidisset Propugnator ille Reip. cujus fi-  
ducia tamdiū Imperii Turcarum vim Veneti  
contempserant . Interea Senatus mœrentis fami-  
liæ luctum solaturus , duos Mauroceni Nepo-  
tes , Franciscum , & Michaellem , juvenili ætate  
maximam de se expectationem exhibentes , Se-  
natoria dignitate decoravit . Ubi verò , Rogato-  
rum Concilio convocato , recens extincti Prin-  
cipis recordatio omnium denuò lacrymas exci-  
tavit , augustum , ac per antea cta sæcula insoli-  
tum monumentum Francisco Patres decrevere .  
Ad ipsum enim Supremarum Ædium vestibul-  
lum , picturis , ac peregrino marmore variè in-  
tersectum ostium extrui placuit ; quo dignita-  
tes , atq; egregia , quæ Princeps obierat munera  
armorum , edideratq; facinora , idoneis imaginibus  
exprimerentur . Hæc verò , decreto iterum ex S.  
C. Peloponnesiaci cognomento , desuper exarata .  
FRAN-

*Nepotes  
Mauroce-  
ni Sena-  
tores de-  
clarantur.*

*Monumē-  
tum insi-  
gne Frā-  
cisco de-  
cernitur  
ab Sena-  
tu .*

FRANCISCO MAUROCENO 1694  
PELOPONNESIACO  
SENATUS. ANNO M. DC. VIC.

Hinc post longam Venetorum Principum feri-  
riem de more ejusdem imago collocata, quæ  
cùm perennè posteris vigeat ad nominis glo-  
riam, tùm optimis civibus ad imitandum.  
Numismata quoque aurea, argenteaque percuf-  
sa; in quibus facta, atque honores eleganter de-  
clarantur.

Ceterùm hic Francisci Mauroceni exitus fuit; *Elogium.*  
qui, post actam inter castrensia munia juveni-  
lem ætatem, prosperè gestas Navales omnes  
Præfecturas, Urbem Cretam triennio defensam,  
perdomitam Peloponnesum, atque illustratum  
victoriis Orientem, quater summus exercituum  
Imperator, bis simul Imperator exercituum;  
ac Reipub. Princeps, inter ipsos armorum mo-  
tus penè octogenarius occubuit: Proindè credide-  
rim tanto Duci optimè consulvisse naturam;  
ut tunc demùm eriperetur, cùm, quidquid ferè  
humanitas capiebat, rerum egregiè gestarum  
gloria complevisset.

FINIS LIBRI QUARTI.

*Laus Deo, ac B. V. Mariæ.*

INDEX



## I N D E X.

## A



Bæa urbs Peloponnesi ,  
70. Abeatæ erumpunt  
in Venetos , ibid. fu-  
giunt , 71. urbs à Mau-  
roceno occupatur , ibid.  
denuò in Peloponne-  
siaco bello subacta , 275. 276.  
Abarinus , vide Pylus .  
Ægina , 37. ejusdem descriptio , & si-  
tus , ibid. tentatur à Mauroceno ,  
ibid. in Venetorum ditionem transiit ,  
38.  
Ægyptiæ naves ab Lazaro Mocenico  
subiguntur . 56.  
Acarnanes in Venetam ditionem trans-  
eunt . 231.  
Achmetes Mahometis Cuperlii filius  
Regii Sigilli custos creatur , 100. in  
Cæsarem arma convertit , 108. ad  
Arrabonem funditur , 109. pacem  
sancit cum Cæsare , 110. in Cretam  
jussu Regis proficiscitur , 118. urbem  
obsidet , 119. & seq. Propugnaculum  
Panigrà aggreditur , 122. subterra-  
neos calles parat , 123. iterum ad Pa-  
nigrà , 127. 128. spe pacis suorum  
animos in se firmat , 129. inducias  
petit , ibid. ejusdem crudelitas , &  
fraus , 130. 131. externas munitiones  
occupat , 137. ejusdem astus ad fir-  
mandum in se animum Regis , 140.  
Sabulonariæ , ac S. Andreæ propu-  
gnacula aggreditur , 142. 143. 144.  
Diam occupare statuit , 147. ejusdem  
opus adversus maritimam urbis par-  
tem , 155. 156. S. Andreæ propugna-  
culum aggreditur , 158. offert Ūva-  
lachiz , & Moldaviæ Principatus  
Mauroceno , 161. ejus curæ ob Regis

minas , 165. post discessum Gallorum  
urbem aggredi statuit , 182. milites  
accendit , 183. 184. muros adoritur ,  
ibid. & sequentibus. interioris muri  
partem occupat , 185. sed à Venetis  
demum repellitur , 186. 187. consiliis  
deditionis , & pacis assentit . 195.  
196. ejus sensus , dum urbem ingre-  
ditur , 197. extinguitur . 215.  
Alba Regalis à Cæsare capta . 364.  
Alexander Alceniacus Eques cum Tur-  
carum copiis pugnat , 263. aggressio-  
ni Coronas destinatur , 266. ad Ab-  
zæm pugnat , 273. ad Gomenitias co-  
pias instruit , 278. Pylum oppugnat ,  
288. moritur in Naupliæ obsidione .  
308.  
Alexander Contarenus D. Marci Pro-  
curator , Legatione functus , Venetias  
revertitur . 241.  
Alexander Marchio Borrius , Præfectus  
copiarum , aciem ante Æginæ mu-  
ros instruit , 37. idem præstat in ob-  
sidione Epidauri . 46.  
Alexander Marchio S. Andreæ Mom-  
brunius copiarum Præfectus Cretam  
ingreditur , 155. ejus virtus , ibid. e-  
jusdem sententia de Cretæ obsidione ,  
158. resistit hostibus , ibid. 159. vul-  
neratur , 165. ejus virtus in postre-  
ma Turcarum aggressione . 183.  
Alexander Molinus Præfectus navium  
creatur , 220. cum navibus in Illyri-  
cum proficiscitur , ibid. Ægeum per-  
currit , 224. in Ægeum rursus pro-  
dit , 244. ejus facinora . 278.  
Alexander VIII. Pontif. Max. 372. de-  
corat Maurocenum Ense , & Galea .  
ibid.  
Alexander Picus Mirandulæ Dux cum  
subsidiis Cretam attingit , 187. sta-  
tim

- tim discedit. ibid.  
 Almericus ab Atheſte, Mutinæ Prin-  
 cept, Gallorum ductor, Cytheram ap-  
 pellit, 88. Paron inſulam adveſtus,  
 ibid. moritur. 100.  
 Aloyſius Benedictus Sylvaticus in Pa-  
 rentis locum ſufficitur, 241. in Pyli  
 obſidione primum aciei locum tenet,  
 288. in Eubœæ obſidione vulneratur,  
 354.  
 Aloyſius Contarenus Dux Venetiarum  
 obit. 218.  
 Aloyſius Leonardus Mocenicus D. M.  
 Procurator, atque Imperator Claf-  
 ſis, Maurocenum laudibus efferit, 17.  
 apud Cytheram inſulam cum claſſe  
 detinetur, 21. in hoſtes incidit, 22.  
 eoidem provocat ad prælium, ibid.  
 victor ex ea pugna ingenti cum ho-  
 ſtium cæde evadit, 26. agrotat, 35.  
 moritur. 36.  
 Aloyſius Magnus Adriatici ſinus Præ-  
 fectus ſtrenuè in navali prælio no-  
 cturno ſe gerit. 152.  
 Aloyſius Marcellus tria militum millia  
 Mauroceno tradit. 272.  
 Aloyſius Minius navali nocturno præ-  
 lio intereſt, 152. muros Cretæ urbis  
 ſtrenuè tuetur. 187.  
 Aloyſius Molinus Eques ad Turcas mit-  
 titur pacis conſciendæ gratia, 167.  
 168. Byzantium proficiſcitur ad pa-  
 cem juramento Regis confirmandam.  
 200.  
 Aloyſius Paſchalicus intercipiendis ho-  
 ſtium ſubſidiis deſtinatur. 120.  
 Aloyſius Priolus ſtrenuè nocte in Tur-  
 cas pugnat. 152.  
 Aloyſius Sagredus Anthyrrii oppidi Præ-  
 fectus. 326.  
 Aloyſius Thomas Mocenicus, Præfe-  
 ctus Quinquereimis, ſtrenuè pugnans  
 cum Turcarum navibus, interficitur.  
 22. & 23.  
 Ambracius Sinus. 239.
- Ambroſius Bembus ſubſidia ad exercitum  
 ducit. 245.  
 Amurathes IV. Turcarum Rex adver-  
 ſus Perſas proficiſcitur, 6. Babylone  
 expugnata, Byzantium revertitur,  
 ſœdusque cum Venetis denuò firmat,  
 10. extinguitur. ibid.  
 Anaſtorium oppidum à Venetis exci-  
 ſum. 238. 239.  
 Andreas Navagerius in Græciam mit-  
 titur. 243.  
 Andros inſula. 44.  
 Angelus Michaelius ad exercitum per-  
 venit, 308. Corinthi Præfeſturam,  
 ſuſcipit. 332.  
 Angelus de Nigris Chelonatem ſubigit.  
 334.  
 Anthyrrium oppidum ad Naupactum  
 ſinum, 318. occupatur à Venetis. 325.  
 Antonius Barbarus Clafſis Præfectus  
 quandam hoſtium triremim capit.  
 73. ejus virtus in propugnanda Cre-  
 ta. 126. 127.  
 Antonius Corrarus 202. ejus oratio in  
 Maurocenum, ibid. 203. 204. 205.  
 206.  
 Antonius Medinus Eubœam aggreditur.  
 361.  
 Apicornus à Mauroceno captus. 93.  
 Argos, 312. ejusdem deſcriptio, ibid.  
 occupatur à Venetis. ibid.  
 Arx S. Venerandæ à Mauroceno expu-  
 gnatur. 89.  
 Athenæ, 334. earum deſcriptio, ibid.  
 335. oppugnantur à Venetis, 336.  
 337. ſubiguntur. ibid.  
 Aulonis deſcriptio, 7. ab Hieronymo  
 Cornelio expugnatur. 373. 374.  
 Aurelius Marcellus extinguitur in Eu-  
 bœæ obſidione. 357.

## B

**B**aptiſta Nanius Eques, ac D. Marci  
 Procur. in Illyricum mittitur. 201.  
 Bar-



Barbarus Baduarius Præfecturam clas-  
sis suscipit. 48.  
Barbonus Bragadenus moritur. 308.  
Comes Barnabò Vicecomes in obsidio-  
ne Pyli ad pugnam paratur. 288.  
289. moritur. 308.  
Bartholomæus Varisanus Grimaldus,  
127. ejus in obsidione Cretæ virtus,  
ibid. hostium impetum sustinet. 158.  
vulneratur. 169.  
Bellogradum à Cæsare captum. 364.  
Benedictus Bollanius Naupliæ Præfe-  
ctus, 311.  
Benedictus Sanutus, Adriatici Sinus  
Præfectus subsidia Coronæorum in-  
tercipit, 251. & Naupactæorum. 321.  
Bernardus Nanius Præfectus Quinque-  
remium ad Chiam arcem, 77. Cretæ  
Præfectus, 142. cum subsidiis urbem  
obsessam intrat, ibid. occiditur. 164.  
Brunsvicensium copiæ aliquot ad Ve-  
netorum exercitum accedunt, 246.  
Corones muros aggrediuntur, 265.  
ad Abæam pugnant, 273. ad Pylum,  
288. cum Turcis in Patrarum littore  
congregiuntur. 322.  
Buda à Cæsare expugnatur. 314.

## C

Cæsaris Victoria ad Dravum flu-  
men, 340. 341.  
Calamos à Venetis captum, 91.  
Calippus Natoliæ Præses ad navale cer-  
tamen conficiendum delectus, 147.  
148. fugit. 152.  
Calojerus subigitur à Mauroceno, 91.  
Carababà Eubææ arx, 348. cur à Mau-  
roceno non tentata, 350. 351.  
Carpathus insula, 60.  
Castrum novum à Cornelio subigitur,  
340.  
Catherinus Cornelius Classis cum sum-  
ma potestate Præfectus Cretam in-  
greditur, 155. Eques D. Marci de-

claratur, 158. impetum hostium su-  
stinet, ibid. vulneratur, 169. obit  
magno omnium mœrore, 170.  
Caudæ equinæ, & vexillum regium  
sub Corone captum, in D. Cajeta-  
ni templo reponuntur, 270. iterum  
in Pugna Patrarum, 324.  
Celidromis incolæ vectigalibus se obs-  
tringunt, 93.  
Chalcia insula, 60. subigitur à Mau-  
roceno, ibid.  
Chalcis urbs, vide Eubœa.  
Chelidonæ Mediæ descriptio, & situs  
81. obsidetur à Venetis, ibid. expu-  
gnatur, 82. 83. evertitur, ibid.  
Chelonates subigitur à Venetis, 334.  
Chiaæ arcis, seu Cismi descriptio, 75.  
obsidetur à Venetis, & subigitur,  
76. 77. 78. evertitur, ibid.  
Chielepha arx, 276. occupatur à Ve-  
netis, 277.  
Cicalariæ vicus, 93.  
Claros insula, 66. capta à Venetis,  
67.  
Classis Venetæ ingens discrimen, 61.  
Clemens IX. Sum. Pontifex diploma-  
te quodam ornat Maurocenum, 181.  
moritur, 202.  
Comes Carolus Konismarchius obit,  
307.  
Comes Claudius S. Pauli copiarum  
Præfectus eligitur, 243. Methonem  
inspicit, 249. Coronæorum subsidia  
repellit, 254.  
Comes S. Pauli strenuè in Turcas di-  
micat. 163.  
Corinthus, 330. ejusdem descriptio,  
ibid. 331. 332. occupatur à Venetis,  
ibid.  
Corones descriptio, & situs, 249. ob-  
sidetur à Venetis, 350. & sequen-  
tibus. Coronæi erumpunt in Vene-  
tos, 257. pelluntur, 258. eorum  
cædes, & urbis expugnatio, 268.  
269.

Cre-

Cretæ insulæ descriptio, & situs, 115.  
 Creta urbs obsidione à Turcis cincta  
 strenuè à nostris propugnatur, 17.  
 ejusdem descriptio, 115. oppugna-  
 tur ab Achmete, 119. & sequenti-  
 bus. Obsidionis annus secundus, 142.  
 & sequentibus, annus tertius, 168.  
 & sequentibus, Cretenses deditionis  
 consilio assentiunt, 192. urbis dedi-  
 tio, 195. 196.  
 Creticum bellum ab Hybraimo Tur-  
 carum Rege excitatur, 10.  
 Cydon urbs à Turcis expugnatur,  
 12.

## D

Daniel Justinianus Ærarii Præfe-  
 ctus in navali prælio nocturno  
 interficitur, 152.  
 Daniel Maurocenus ad Sabulonariæ  
 propugnaculum, 183.  
 Dia Insula Ægæi maris, 147.  
 Dominicus Contarenus Venetiarum  
 Princeps pacem divinitus redditam  
 Reip. suspenso voto, profitetur, 200.  
 Dominicus Mocenicus in Hieronymi  
 Cornelii locum sufficitur, 374.  
 Durachus Archipirata missus ab Ach-  
 mete cum triremibus ad invaden-  
 dos Venetos, 148. pugnatur, 150.  
 151. occiditur, 152.  
 Dux Bellifortii cum subsidiis Cretam  
 ingreditur, 171. statuit erumpere  
 in hostes, ibid. milites accendit, 172.  
 facta eruptione pugnatur, 174. 175.  
 occiditur, ibid. 176.  
 Dux Novalex cum auxiliariis copiis  
 Cretam intrat, 171. in hostes sta-  
 tuit erumpere, ibid. eruptione ten-  
 tata, fortiter pugnatur, 174. 175. e-  
 jusdem virtus, 176. statuit cum suis  
 Creta decedere, 177. nec obsessio-  
 rum precibus flectitur, 178. ab Dia  
 solvit, 194.  
 Dux Roannesius strenuè pugnatur ad-

versus Turcas,

293.

## E

E Chinades insulæ, 233.  
 Elyma ab Hieronymo Cornelio  
 expugnatur, 373-374.  
 Enandia arx contra Cretam, 96. obli-  
 detur, 97. ejus incolæ erumpunt in  
 Venetos, 98.  
 Epidauri situs, & descriptio, 35. ob-  
 sidetur à Mauroceno, 45. 46. anno  
 1689 denuò à Mauroceno obside-  
 tur, 366. & sequentibus, à Venetis  
 occupatur, 373.  
 Eques à Turri, Melitenisium Dux,  
 paratur ad aggressionem Coronæ,  
 259. occiditur, 261.  
 Eubœa, 347. ejus descriptio, & Chal-  
 cidis, ibid. 348. obsidetur, 352. &  
 sequentibus, à Turcis strenuè propu-  
 gnatur, ibid. ab obsidione vindica-  
 tur, 363.

## F

F Austinus Ripa Naupliæ Præfectus.  
 311.  
 Franciscus Battalea Cretæ Dux occidi-  
 tur, 164.  
 Franciscus Eritius Quæstor ad res in  
 Cretæ obsidione peractas, 206.  
 Franciscus Grimanus in Eubœæ obli-  
 dione vulneratur, 367.  
 Franciscus Marchio de Villa Nova,  
 65.  
 Franciscus Maurocenus Peloponnesia-  
 cus nascitur, 3. ejusdem pueritia,  
 adolescentia, & studia rei militaris,  
 4. In Græciam proficiscitur, 5. na-  
 valis disciplinæ elementa suscipit,  
 ibid. pugnatur adversus Piratas, 8. ab  
 Marino Capellio laudibus exorna-  
 tur, 9. legatur ad Innocentii X.  
 Pont. M. triremes 11. Turcarum  
 navim apud Melon disjicit, 13. præ-  
 conia

Ddd



conia in eundem Francisci Molini, ibid. Nonaginta hostium naves prope Chium fugat, 15. aliquot alias triremes intra Chiæ arcis portum dissipat, ibid. Totam Turcarum classem intra Naupliæ portum tormentis vexat, 16. Præfetti Navium vicem obit, ibid. hostium triremes ad Hellepontum fugat, ibid. in Cretam revertitur, 11. apud Melon cum hostium navibus pugnat, 12. & 13. ab Francisco Molino, mox à Patribus laudibus decoratur, 14. iterum apud Rithymnam pugnat, ibid. nonaginta annonarias Turcarum prope Chium fugat, 15. intra Chiæ arcis sinum aliam navium manum dissipat, ibid. intra Naupliæ portum hostium navigia turbat, 16. sustinet vicem Præfetti Navium, ibid. Naupliæ incolas tormentis vexat, ibid. sexdecim triremes ad Hellepontum fugat, ibid. in Cretam revertitur, 17. repellit hostes à mœnibus urbis, ibid. ab Aloysio Leonardo Mocenico D. M. Procuratore, dein ab Senatu, laudibus extollitur, 17. & 18. Præfecturam Sinus Adriatici suscipit, 19. à finibus Italiæ, atque Illyrici hostes submovet, ibid. Turcas bis fugat in Ægæo, 20. Præfectus Quinqueremium eligitur, ibid. prope Cytheram immoratur cum Aloysio Mocenico Imperatore, 21. Prope Paron cum barbaris congregitur, 22. Aloysii Thomæ Mocenici Quinqueremium tuetur, 23. Nicolai Archipirata navim aggreditur, eaque potitur, 24. & 25. Rebellem ipsum vivum capit, ibid. Cædem hostium ingentem agit, ibid. Tribuni Ærarii vicem gerit, 27. Præfectus Classis declaratur, ibid. Crebrò in Ægæo cum hoste congressus, onerariam Turcarum navim, & Cypriam triremim

capit, 28. Corcyreorum seditionem componit, ibid. & 29. Aliquot Turcarum turmas, navesque apud Nicopolim subigit, ibid. In Cretam revertitur, 30. sequenti anno hostilem classem prope Rhodum bis fugat, ibid. sociis navibus jungitur, 31. Æginam, ac Tenon populatur, 32. vicem Imperatoriæ dignitatis sustinet, 35. oppidum Epidaurum conterminum capit, 36. extincto Mocenico denuò vicem Imperatoris sustinet, 36. Æginam obsidet, 37. eadem potitur, 38. Pagasam tentat, 39. 40. aggreditur urbem, & capit, 41. sequenti die arce quoque potitur, 42. auxiliares hostium copias fundit, ibid. Sciathi incolas prælio cohibet, 43. ac paulò post Scopeli, ac Cellidromis, ibid. classem invist, 44. subsidia Turcarum intercipit, ibid. Epidaurum obsidet, 45. ob difficultates loci, & proximam hyeniem obsidium solvit. 47. Megaram expugnat, ibid. Crete Præfectus eligitur, 48. firmat urbem, ibid. conatur pacem cum Turcis componere, ibid. & 49. nocte barbaros ab aggeribus pellit, 50. suadet oppugnationem Cydonis, 52. 53. Imperator creatur, 58. vires classis reparat, 59. Chalciam insulam subigit, 60. vix naufragium evadit, 61. 62. classis reliquias colligit, ibid. Insulas Venetæ ditionis tuetur, & vires maritimas reparat, 63. apud Paron hostes fugat, 63. quandam Turcarum manum capit, 64. statuit Cydonem adoriri, ibid. sed frustra ob discordiam ducum, 65. hostilem classem insequitur, 66. Claron insulam capit, ibid. 67. hostium copias populatur, ibid. 68. Tegenariorum legatos excipit, 69. 70. Abzæam obsidet, & capit, 71. classem Turcarum persequitur, 72. duas triremes subigit, 73. classem ad Hellepontum



spontum invisit, *ibid.* Toronaicum in sinum provehitur, *ibid.* Toronem capit, 74. Chiam arcem, seu Cistum obsidere statuit, 75. oratione ducum animos firmat, *ibid.* 76. incolas fundit, 77. arcem expugnat, 78. certat cum Turcis ad Hellepontum, 79. ejus triremis malus confringitur, 80. barbaros in fugam agit, *ibid.* Rhodum proficiscitur, *ibid.* Chelidoniam mediam obsidet, 81. 82. & vi capit, 83. Mahometem Navalis Turcarum Præfectum vinctum Venetias mittit, 85. statuit Eubœam invadere, *ibid.* sed ventorum vi turbatur inceptum, 86. Sciathi incolas vocat ad deditionem, *ibid.* arcem obsidet, 87. eandem per deditionem recipit, 88. quatuor millia Gallorum excipit, *ibid.* S. Venerandæ arcem expugnat, 89. Turcarum copias fundit, 90. Calojerum subigit, 91. & Calamon, *ibid.* sub Apicorno hostes prælio superat, 92. 93. Apicornum capit, *ibid.* in Cicalariæ vico consistit, *ibid.* Pugnat cum Turcis, 94. suos oratione erigit, 95. Turcas fundit, 96. Enandiam proficiscitur, *ibid.* sæpè cum barbaris dimicat, *ibid.* 97. 98. suos à fuga retinere conatur. 99. Cretam pergit, *ibid.* Alexandrinæ naves invadit, 101. unamque ex iis capit, 102. Venetias revertitur, *ibid.* accusatur, absolviturque omnium votis, 106. 107. accusatores illatæ injuriæ postulantur, *ibid.* In Forum-Julii mittitur, 109. Classis Præfectus eligitur, 112. secundo creatur Imperator, 114. in Cretam proficiscitur, & Villam reducit, 119. 120. Cretam urbem intrat, 121. animos militum componit, *ibid.* urbem aggere firmat, *ibid.* subterraneas calles à Turcis paratos subvertit, 124. vulneratur, 126. induciarum consilio non assentit, 130.

ejusdem studia ad accendendos milites, 136. urbem reficit, 141. animos firmat, 142. nocturnos hostium conatus repellit, 145. cum triremibus in hostilem classem erumpit, 148. 149. strenuè pugnat, 150. 151. piceas faces in hostes jaculatur, *ibid.* victor evadit, 152. Eques D. Marci declaratur, 153. Laudatur à Principe cum Senatu, *ibid.* varia in hostes molitur, *ibid.* 154. 155. urbem obsesam ingreditur, *ibid.* multa in hostium perniciem, & suorum subsidium molitur, 157. 158. illudit Achmeti Uvalachiæ, & Moldaviæ Principatus offerenti, 161. vulneratur, 169. ejusdem studia, 170. & seq. eruptioni Gallorum non assentit, 172. conatur fugientes Gallos retinere, 175. discedendi consilio obistere adnititur, 177. ante discessum sociorum hortatur omnes ad postremum prælium, 178. suos, ob Gallorum discessum, formidine penè victos elata oratione erigit, 179. 180. Clementis IX. diplomate decoratur, 181. Procurator D. Marci extra ordinem, & supra numerum declaratur, *ibid.* suos ad postremam Turcarum aggressionem sustentandam accendit, 185. post diù protractum prælium, Turcas repellit, 186. extrema ejus consilia, 187. advocata concione, de statu urbis, & rebus in posterum agendis disserit, 188. 189. 190. 191. 192. assentientibus cunctis deditioni, adhuc obsidionem sustinet, & varia molitur, 193. denuò socios in opem vocat, *ibid.* caduceatores ad Achmetem mittit, 194. facta pace, Venetias proficiscitur, 199. varia erga eundem civitatis studia, *ibid.* 200. sed cuncta approbantur à Patribus, 200. accusatur, 201. 203. 204. 205. 206. custodiæ submittitur, *ibid.* defenditur

Ddd 2 *ibid.* ,



ibid. 207. 208. 209. 210. 211. absolvi-  
tur, ibid. 212. in Forum-Julii mitti-  
tur, 216. tertio creatur Imperator,  
219. in Græciam proficiscitur, 222.  
223. ejus studia, ibid. Leucadem op-  
pugnare statuit, 225. eandem obsi-  
det, 227. & seq. arcem occupat, 230.  
231. & Nicopolim, 236. 237. eandem  
capit, 238. Anactorium evertit, 239.  
Turcas fundit, ibid. 240. dissipat eos,  
qui Acarnaniam turbabant, 244. sta-  
tuit ferre arma in Peloponnesum.  
247. Coronem obsidet, 250. & seq.  
nutantes suorum animos spe confir-  
mat, 255. exercitum hostium adori-  
tur, 262. 263. eosdem superat, 264.  
muros urbis aggreditur, 265. urbem  
expugnat, 269. vocat Tænarios in  
commilitium, 270. 271. Turcas re-  
pellit, ibid. 272. Zarnatam capit,  
ibid. ad Abæam cum Turcis congre-  
ditur, 273. 274. 275. Abæa potitur,  
276. Chielespham occupat, 277. Ge-  
reniam ingreditur, ibid. Gomenitias e-  
vertit, 278. Corcyram advehitur,  
ibique in hyberna militem mittit, 281.  
Turcas obsidentes Chielespham fundit,  
282. Pylum utramque tentat, 284.  
veterem capit, 285. novam obsidet,  
286. & seq. subsidia hostium fundit,  
290. Pylum occupat, 291. Metho-  
nem oppugnat, 292. & seq. eandem  
capit, 297. frustra hostes ad prælium  
expectat, 302. Naupliam invadere  
statuit, 303. mari, terraque urbem  
oppugnat, 304. & seq. Præfectum Tur-  
carum lacescit, & fugat, 305. 306.  
denuò cum eodem congreditur, 309.  
eumq; fundit, 310. urbe potitur, 311.  
Argos, & Thermim occupat, 312.  
in hyberna proficiscitur, 313. ejus  
comitas, & clementia in victos, 316.  
317. Naupactum, & Patras obsidere  
statuit, ibid. ad Patrarum oras profe-  
ctus incitat suos ad pugnam, 320.

cum hoste congreditur, 322. 323.  
Patras, Riumque, Turcis pulsus,  
capit, 324. 325. Anthyrium occu-  
pat, 325. Naupactum ingreditur, 326.  
Ærea effigie decoratur à Patribus.  
327. Peloponnesiaci cognomentum  
adipiscitur, ibid. 328. Turcas Pelopon-  
neso exturbat, 329. Corinthum oc-  
cupat, 330. atq; Isthmum, ibid. Spar-  
tam, & Tyrheam occupat, 332. 333.  
Lacedæmones subigit, ibid. 334. Che-  
lonate potitur, ibid. Athenas obsidet,  
335. 336. 337. locum occupat, ibid.  
338. Princeps Venetiarum declara-  
tur, 342. ingenti læticia classis in-  
signia suscipit, 344. Eubæam inva-  
dere decernit, 346. æquat solo Athe-  
nas, 347. Corinthum munit, & Isth-  
mum, ibid. dùm ad Eubæam proficisci-  
tur, tempestate maris turbatur, 349.  
350. urbem obsidet, ejus virtus, ibid.  
externas munitiones aggreditur, &  
capit, 353. urbem sæpè tentat, sed e-  
ventu adverso, 354. 355. 356. 357. 358.  
359. 360. hortatur suos ad aggressio-  
nem, ibid. 361. urbem adoritur, ibid.  
at seu casu, seu incuria Veneti pel-  
luntur, 362. 363. obsidium, instante  
hyeme, solvit, ibid. ægrotat, ibid. E-  
pidaurum obsidet, 366. in Ægæum  
proficiscitur, 367. medio in itinere  
ægrotat, ibid. Epidaurum revertitur,  
368. sed denuò in morbum incidit,  
ibid. adveniente Hieronymo Corne-  
lio, asperatoque morbo, Venetias con-  
tendit, 369. Spalati immoratur, ibid.  
mirè ab quodam casu servatur, 370.  
ab duodecim Legatis excipitur, ibid.  
insignia majestatis suscipit, 371. in  
forum populo plaudente descendit,  
ibid. Ense, & Galea ab Alexandro  
VIII. Pontif. Max. decoratur, 373.  
Quartum Classis Imperium suscipit,  
376. 377. ejusdem ab urbe discessus,  
378. 379. 380. classem invisit, ibid.  
381. Tur-

381. Turcarum motus cohibet, ibid.  
in Ægæo hostes insequitur, ibid. 382.  
Æginam communit, ibid. in Nau-  
pliæ hyberna se recipit, 383. ægro-  
tat, ibid. scriptis ad Senatum literis,  
Duces alloquitur, 384. auctis demum  
morbi cruciatibus, ingenti luctu suo-  
rum exanimatur, 385. funera Nau-  
pliæ primum, mox Venetiis solvun-  
tur, 385. & seq. ejusdem elogium, ,  
389.

Franciscus Maurocenus Principis ne-  
pos Senator creatur, 388.  
Franciscus Maurocenus Adriatici Sinus  
Præfectus congregitur cum Turcis  
prope Paron Insulam, 23. strenue  
pugnat, 26. denuò in Hellesponti  
ficto certamen init, & plumbeæ  
glandis ictu interficitur. 35.  
Franciscus Molinus, D. M. Procura-  
tor, extollit laudibus Franciscum  
Maurocenum, 13.  
Comes Franciscus Sylvaticus aciem sub  
Leucade instruit, 227. obit. 241.

## G

**G** Allorum copię aliquot Cretam  
intranant, 161. eorundem virtus,  
& eruptio, 162. sex eorundem mil-  
lia tertio obsidionis anno accedunt.  
171. erumpunt in Turcas, 173. prof-  
perè prælium committunt, 174. de-  
indè dissipantur, ibid. 175. 176. di-  
scedere statuunt, 177. naves con-  
scendunt, 179. ab Dia insula sol-  
vunt. 194.  
Garennius Equitatus Gallici Præfectus  
92. ejus virtus, ibid. occiditur, 93.  
Gaspar Bragadenus Naupliam appellit,  
308.  
Georgius Benzonius in Græciam mit-  
titur, 243. castrorum Præfectus in  
Corones obsidione, 250. urbis expu-  
gnatæ Præfectura eidem demanda-

tur, 269. Georgius Cornelius Eques  
fundit Abæatas, 70.  
Georgius Fuscarenus in navali prælio  
nocturno moritur, 152.  
Georgius Maurocenus in Francisci  
Mauroceni locum sufficitur. 102.  
Gerania arx 277. occupatur à Venetis,  
ibid.  
Gomenitiarum arx à Venetis evertitur,  
278.

## H

**H** ieronymus Battalea Cretæ insu-  
læ Præfectus Sabulonariæ pro-  
pugnaculum tuetur, 183.  
Hieronymus Contarenus Navium Præ-  
fectus ad Hellespontum, 60. denuò  
ad Hellespontum, 72. pugnat cum  
Turcis, 78. 79. Rhodum appellit,  
80.  
Hieronymus Cornelius D. Marci Eques  
Leucadem invadere tentat, 224. 225.  
Castrum Novum capit. 340. D. Mar-  
ci Procurator creatur, ibid. Præfe-  
ctus Classis eligitur. 364. ad Claf-  
sem accedit, 369. Aulonem, Ely-  
mamque expugnat, 373. 374. mo-  
ritur, ibid.  
Hieronymus Delphinus Navium Præ-  
fectus Ægæum percurrit, 224. ite-  
rùm in Ægæum prodit, 244. ejus  
facinora, 278. Præfectus castrorum  
ad Pylum, 286. Turcis eadem in-  
fert, 289. Naupliam oppugnat, 305.  
306. ad oppugnationem Patrarum  
copias educit, 319. Athenas oppu-  
gnat, 335. 336. Præfecturam loci  
inscipit, 339. ægrotat, 352. vix re-  
fectus iterùm in morbum incidit, 357.  
navale ejus prælium cum Turcis,  
374. 375. D. Marci Eques declara-  
tur, ibid.  
Hieronymus Fuscarenus, D. M. Pro-  
curator, & Imperator exercitus mo-  
ritur, 44.

Hiç.



Hieronymus Garzonius in Eubœæ ob-  
sidione occiditur, 354.  
Hieronymus Grimanus Eques, & Na-  
vium Præfectus, aliquot onerarias  
hostium capit, 112. Consiliarius Prin-  
cipis creatur, 342. Ægrotantis Prin-  
cipis Munus obit, 363.  
Hieronymus Javarina à Secretis Sena-  
tus agendæ pacis causa ad Achme-  
tem missus, 129. moritur, 140.  
Hieronymus Maurocenus Francisci  
Mauroceni Nepos Consilarii mu-  
nus obit, 328. ejus virtus, ibidem,  
329.  
Hieronymus Pisaurus Adriatici Sinus  
Præfectus quandam hostium trire-  
mim subigit, 73.  
Hieronymus Priolus Naupliam appel-  
lit, 308. Patrum Præfectus eligi-  
tur, 326.  
Hybraimus Regii Sigilli custos conatur  
bellum à Venetis indictum reprime-  
re, 221. 222.  
Hybraimus Rex Turcarum, 10. Cre-  
tam armis invadere statuit, ibid. bel-  
li libidinem tegit, ibid. ob immanem  
luxum supplicio laquei afficitur, 18.

## I

**J**acobi Capellii Quinqueremis nau-  
fragium patitur, 61. 62.  
Jacobus Contareus Cretæ Præfex ad-  
nititur Gallos retinere, 178.  
Jacobus Cornelius universæ Pelopon-  
nesi Præfectus creatur, 344.  
Jacobus Eques Gremovillius, 65. a-  
ciem instruit adversus Abæam, 70.  
servandam Chelidoniæ Mediam  
cenfet, 83. in Cicalariæ vico exer-  
citum explicat, 93.  
Innocentius X. Pont. M. mittit aliquot  
triremes in opem Reip. 11. moritur,  
371. 372.  
Joannes Aloysius Magnaninus cum a-

liquot copiis adversus subsidia Coro-  
næorum procedit, 263. suos, ut im-  
peratum fuerat, ad Eubœæ muros  
non ducit, 361. 362.  
Jo: Baptista Ballarinus à Secretis Se-  
natus conatur Turcas à bello revo-  
care, 68. denuò pacis condiciones  
proponit, 110. haud procul à Thebis  
moritur, 118.  
Joannes Baptista Grimanus, D. Marci  
Procurator, Imperatorio munere  
fungitur, 16.  
Joannes Bassignanus Machinarius cu-  
niculos ad evertendam Coronem  
parat, 264. aureo torque decoratur,  
269.  
Joannes Capellius D. Marci Procura-  
tor conatur pacem cum Turcis com-  
ponere, 68.  
Joannes Capellius à Decemvirosum  
Secretis furtim Byzantio decedit,  
221.  
Joannes Franciscus Cornelius in prælio  
navali nocturno occiditur, 152.  
Joannes Rudolphus Uvertmellerius Præ-  
fectus armamentarii, 126. ejusdem  
virtus in Cretæ obsidione, 127.  
Joannes Sagredus Eques, & D. Mar-  
ci Procurator orationi Corarii re-  
spondet, 206. 207. 208. 209. 210. 211.  
Joannes III. Poloniæ Rex fœdus init  
cum Venetis, 218.  
Josephus Delphinus Navium Præfe-  
ctus prope Paron cum Turcis con-  
greditur, 23. victor evadit, 26. in  
Hellesponti freto strenuè cum bar-  
baris pugnat, 33. 34.  
Jovius ordinum ductor adversus Coro-  
næorum subsidia pugnat, 263. mu-  
ros aggreditur, 265.  
Isthmus Peloponnesi, 330. ejus descri-  
ptio, ibid. 331. occupatur à Vene-  
tis, ibid.  
Justinus Ripa Coronæ Præfectus eli-  
gitur, 269.  
Laco-

## L

**L** Accedæmones armis subiguntur .  
333. 334.

Laurentius Cornelius Classis Præfe-  
ctus, 148.

Laurentius Donatus Consiliarius Prin-  
cipis creatur, 342.

Laurentius Marcellus Imperator ad  
Hellepontum, 51. ejusdem pugna-  
cum Turcis, & victoria, ibid. mo-  
ritur, 52.

Laurentius Maurocenus Francisci Mau-  
rozeni Frater, 4. Eques D. Marci  
declaratur, 270.

Laurentius Venerius Præfectus Leu-  
cadis, 231. Castrorum Præfectus in  
obsidione Coronæ, 250. Coronæ ca-  
pta, oppidisque finitimis, universæ  
provinciae præficitur, 277. ejusdem  
in obsidione Epidauri virtus, & in-  
teritus, 367.

Lazarus Mocenicus prope Paron cum  
Turcis strenuè dimicat, 22. & 23.  
Navium præfecturam adeptus in  
Helleponti angustiis hostium classem  
opperitur, 44. fortiter cum Turca-  
rum navigiis concreditur, 45. victor  
evadit, ibid. Eques D. Marci; Im-  
perator eligitur, 56. Ægyptias na-  
ves subigit, ac Piratas, ibid. Pro-  
curator D. Marci declaratur. ibid.  
pugnat strenuè ad Hellepontum,  
ibid. dùm extremam manum victo-  
riæ imponit, occiditur, 57.

Lemnos à Venetis subigitur, 54. de-  
nuò occupatur à Turcis, 57.

Leonardus Morus Classis Præfectus for-  
titer rem agit in navali prælio noctur-  
no, 152.

Leones marmorei in Athenarum litto-  
re inventi, ac Venetias missi, ante  
navalis vestibulum cum inscriptione  
collocantur, 338. 339.

Leopoldus Cæsar fœdus init cum Vene-  
tis, 218.

Leucadia insula, 225.

Leucas, 225. ejus descriptio, & situs,  
ibid. 226. incolæ deditionem detre-  
ctant, 227. strenuè resistunt, 228.  
deditionis consilium amplectuntur,  
230. arx occupatur à Venetis, ibid.  
231.

Ludovicus Gratianus Præfecturæ ar-  
morum Leucadis destinatur. 231. ca-  
ptam Methonem cum præsidio in-  
greditur, 297. Venetias mittitur,  
ibid.

Ludovicus XIV. Galliarum Rex qua-  
tuor millia militum in subsidium  
Reip. mittit, 88. partem copiarum,  
qua obsessæ Cretæ subveniatur, con-  
cedit, 168.

## M

**M** Ahometes Cuperlius Regii sigil-  
li custos creatur. 54. ejusdem  
studia, & ingenium, ibid. Topalium  
classi præficit. 55. cum XLM. ar-  
matorum Helleponti littora obfi-  
det, ibid. Tenedon, Lemnonque  
denuò occupat, 57. consiliis pacis  
non assentit, 68. 69. paulò post  
moritur, 100.

Mahometes Hybraimi filius Rex Tur-  
carum declaratur, 18. execratus  
suorum segnitiam, Præfectum clas-  
sis ad strenuè agendum juramento  
obstringit, 32. expeditionem in Cre-  
tam Achmeti mandat, 114. ejus-  
dem indignatio, & minè in Achme-  
tem, 139. 140. penè in Cretam pro-  
ficiscitur, 165. 166. minis militem  
coercet, ibid. lætatur ad nuntios  
Cretæ subactæ, 198. condiciones pa-  
cis tentat, 314. Regnum fratri so-  
lymano invitus cedit, 341.

Mahometes Navalis Turcarum Præfe-  
ctus per prodicionem in Mauroceni  
pote-



- potestatem transit, 84. Venetias mit-  
titur, 85. in M. Antonii Delphini vi-  
cem frustra proponitur. *ibid.*  
Marchio Chiro Franciscus Villa Præ-  
fectus copiarum in Cretam reverti-  
tur, 119. 120. ejusdem virtus, 126.  
in Sabaudiam revertitur. 155.  
Marchio Corbonius aggressioni Coronæ  
accingitur, 259. vulneratur, 268. ad  
Abæam pugnat, 273. strenuè cum  
barbaris in Pyli obsidione congredi-  
tur, 289. intrantes Eubæam Turcas  
ingenti afficit clade, 353. occiditur.  
358.  
M. Antonius Delphinus à Turcis ca-  
ptus, 85. ejus redemptio tentatur,  
*ibid.* sed inter carceris cruciatus mo-  
ritur. *ibid.*  
Marcus Antonius Justinianus Eques  
Dux Venetiarum declaratur, 218. o-  
bit. 342.  
M. Antonius Maurocenus Senator,  
Francisci Mauroceni frater. 4.  
Marcus Barbadicus Rii oppidi Præfe-  
ctus. 326.  
M. Molinus Præfectus Classis fortiter  
cum Turcis pugnat prope Insulam  
Paron. 23. & 26.  
Marcus Priolus arcis Naupliæ Præfe-  
ctus. 311.  
Maria Maurocena Francisci Mauroce-  
ni Mater. 3.  
Marinus Capellius classis Præfectus Pi-  
ratas subigit. 7. 8. 9.  
Marinus Gritius in Græciam mittitur.  
242.  
Maurocenæ gentis antiquitas, nobilitas-  
que, 3. Equestris D. Marci dignitate  
in perpetuum duratura decoratur. 313.  
Megara, 47. expugnatur à Mauroce-  
no. *ibid.*  
Methones, 291. ejus descriptio, *ibid.*  
292. obsidetur, *ibid.* & seq. subigitur  
à Venetis. 297.  
Michael Fuscarenus Corrarii orationi  
respondet, 206. 207. 208. 209. 210.  
211.  
Michael Maurocenus Eques, Frater  
Francisci Mauroceni. 4.  
Michael Maurocenus Francisci Mauro-  
ceni Nepos in Eubææ obsidione vul-  
neratur, 354. cum Patruo quartum de-  
clarato Imperatore discedit, 380. Se-  
nator creatur. 388.  
Matthæus Bonus in Eubææ obsidione  
extinguitur. 357.  
Matthæus Gratianus navali cuidam præ-  
lio interest. 34.  
Maximilianus Vulielmus Princeps Brun-  
svicensis cum aliquot militum co-  
piis ad nostrorum classem pervenit,  
246. ad Abæam strenuè pugnat. 274.  
Mustapha Regii Sigilli custos Viennam  
obsidet, 215. ingenti clade repellitur,  
*ibid.* 216. occisus. 221.  
Mustapha Regii Sigilli custos exercitum  
auget, 348. 349. conatur pacem com-  
parare. *ibid.*

## N

- Nauplia, 303. ejus descriptio, & si-  
tus, *ibid.* 304. obsidetur à Vene-  
tis, *ibid.* & seq. incolæ erumpunt,  
304. à Venetis occupatur, 311. fune-  
ra Mauroceni ibi solvuntur, 385. 386.  
Navarinum, vide Pylus.  
Naupacti situs, & descriptio, 318. oc-  
cupatur à Venetis. 325. 326.  
Nicolaus Archipirata rebellis, Natalis  
Foro-Julienfis filius, accendit Thra-  
ces in Venetos, 20. Turcicarum Na-  
vium Præfectus eligitur, *ibid.* colli-  
git classem, & media hyeme Cre-  
tenses deprehendere statuit, 21. in  
Venetos incidit, 22. Pugnat cum  
Francisco Mauroceno, 24. demùm  
vividus in ejusdem potestatem transit,  
25. Venetias missus miserè in carce-  
re emoritur. 27.  
Nicolaus Delphinus Cretæ Præfectus,  
85. fi-

35. filium in quadam eruptione amittit. *ibid.*  
 Nicolaus Leonius Nicopolis Præfectus, 238.  
 Comes Nicolaus Strafoldus terrestribus Reip. copiis præficitur, 220. aciem sub Leucade instruit, 227. Halyzeam, Antigoniam, & finitima loca capit, 232. 233. ægrotat, 241. demum moritur. *ibid.*  
 Nicolaus Polanius, 150. ejus triremis penè à Turcis subigitur. *ibid.* à Mauroceno defenditur, *ibid.*  
 Nicopolis situs, & descriptio, 234. 235. obsidetur à Venetis, *ibid.* 236. 237. expugnatur. 238.

## O

Comes Otho Vulielmus Konismarchius terrestribus copiis præficitur, 279. mittitur in auxiliares copias Turcarum, 287. 289. Palamedem montem occupat, 303. urbem inde oppugnat, 304. strenuè in Turcarum subsidia dimicat, 310. aciem instruit, ut Patras oppugnet, 319. hostium turmas sustinet, *ibid.* exercitum in Turcas ducit. 321. 322. præmio eundem prosequitur Senatus, 329. exercitum ad oppugnandam Eubœam explicat, 352. ægrotat, *ibid.* obit, 356. ejusdem elogium, *ibid.*

## P

Pagazæ descriptio, & situs, 38. 39. obsidetur à Venetis, 40. expugnatur, 41. 42.  
 Passava, vide Gerenia,  
 Patrarum descriptio, 318. occupantur à Venetis, 324.  
 Pax à Turcis post bellum Creticum Venetis data, 195. 196.  
 Pelasgicus sinus, 39.

Peloponnesi descriptio, & situs, 248. 249.  
 Petrus Baduarius Cretæ portum tucatur, 5.  
 Petrus Basadonna Pyli Præfectus, 291.  
 Petrus Gabriellus armorum Leucadis Præfecturæ destinatus, 238.  
 Petrus Maurocenus Francisci Mauroceni Pater, 3. D. Marci Procurator creatur, 58.  
 Petrus Maurocenus Francisci Mauroceni Nepos Legatus eligitur, 241. ad certamen exit, 309. Eques D. Marci declaratur, 313. Consiliarius creatur, 328.  
 Petrus Quirinus ad oppugnandam Eubœam delectus, 357.  
 Petrus Zagurius Nicopolis Præfectus, 238.  
 Piratæ infesti Reip. 6. vocantur ad pugnam, 7. intra Aulonis portum fugiunt, *ibid.* ab Veneta classe dissipantur, 8. à Lazaro Mocenico confternantur. 56.  
 Pestis exercitum Venetorum inficit, 240. 241. Peloponnesum anno 1687 turbat, 315. extinguitur, 316. rursum invalescit, 339.  
 Philippus Paruta Leucadis Præfectus, 231. 264. Methones Præfectus, 297.  
 Philippus Princeps Sabaudia ad Venetorum classem accedit, 246. ejus virtus, 266.  
 Pugna navalis Venetorum adversus Piratas, 7. 8. 9.  
 Pugna navalis Venetorum adversus Turcas prope Paron, 22. 23. 24. 25. 26.  
 Pugna navalis Josephi Delphini ad Hellespontum, 33. 34. 35.  
 Pugna navalis Lazari Mocenici ad Hellespontum, 45.  
 Pugna navalis Laurentii Marcelli ad Hellespontum. 51. 52.  
 Pugna navalis Lazari Mocenici ad Hellespontum. *Ecc* *lef.*



Ilespontum, 56. 57.  
 Pugna navalis Francisci Mauroceni ad  
 Hellepontum, 79. 80.  
 Pugna navalis Francisci Mauroceni  
 nocturna cum Turcis, 149. 150. 151.  
 152. 153.  
 Pugna navalis Hieronymi Delphini  
 cum Turcis, 374. 375.  
 Pugna terrestris Venetorum, & Thra-  
 cum in Cicalariæ vico. 94. 95. 96.  
 Pugna terrestris prope Enandiam no-  
 stris adversa, 97. 98. 99.  
 Pugna terrestris Venetorum cum Tur-  
 carum subsidiariis copiis prope Coro-  
 nem, 262. 263. 264.  
 Pugna terrestris Venetorum, & Thra-  
 cum ad Abæam, 272. 273. 274. 275.  
 Pugna terrestris ad Pylum, 288. 289.  
 290.  
 Pugna terrestris Venetorum adversus  
 Turcarum Præfectum in Patrarum  
 littore. 320. 321. 322. 323. 324.  
 Pylus, seu Abarinum, & Navarinum,  
 283. utriusque loci descriptio, 284.  
 285. à Mauroceno antiqua Pylus  
 occupatur, 285. nova obsidetur, 286.  
 287. 288. 289. 290. occupatur à Ve-  
 netis, 291.

## R

**R**ithymna urbs à barbaris expugna-  
 tur, 14.  
 Rium oppidum ad Naupactæum Sinum  
 318. occupatur à Venetis. 324.

## S

**S**Amothracia à Venetis occupatur,  
 54.  
 Saxonum copiarum aliquot ad Mauroceni  
 exercitum accedunt, 272. ad Abæam  
 pugnant, 273. eorundem virtus, 274.  
 in obsidione Pyli pugnarum parantur,  
 288.  
 Sciathi incolæ à Mauroceno subigun-

tur, 43. arcis descriptio, 86. à Mau-  
 roceno obsidetur, ibid. 87. vi cogni-  
 tur incolæ ad deditionem, 88. locus  
 evertitur, ibid.  
 Scopeli incolæ vectigalibus se obstrin-  
 gunt.  
 Sinanus classis Turcarum Præfectus  
 cum Laurentio Marcello pugnat, 51.  
 cum paucis triribus fugit. 52.  
 Solymanus, pulso fratre, Rex Turca-  
 rum declaratur, 341. pacem cum  
 Venetis firmare conatur, 349.  
 Solymanus Regii Sigilli Custos creatur,  
 280. ad oppugnandam Budam profe-  
 ctus ab Cæsare funditur, 314. pacis  
 consilia proponit, ibid. 315. occidi-  
 tur. 341.  
 Sparta urbs Peloponnesi, 332. occupa-  
 ta à Venetis, 333.  
 Stephanus Lippamianus Pyli Præfectus.  
 291.  
 Stephanus Magnus Quæstor creatus,  
 107.

## T

**T**Empeestas maris ingens. 61.  
 Tenarii populi quinam sint, 69.  
 legatos ad Maurocenum mittunt, 69.  
 capta Abæa, recedunt, 71. 72. in-  
 commilitum vocantur, 270. 271.  
 Zarnatam obsident, ibid. ad Abæam  
 pugnant, 273. 274. ad Chielepham  
 mittuntur. 276.  
 Tenedos insula, 53. tentatur à Vene-  
 tis, 54. subigitur, ibid. denuò à Tur-  
 cis occupatur. 57.  
 Thaddæus Gradonicus Naupacti Præfe-  
 ctus. 326.  
 Thaddæus Maurocenus Navium Præ-  
 fectus, 171. mittitur ad excipiendos  
 Gallos. ibid.  
 Theodorus Lascarus, 288. paratur ad  
 pugnam. ibid.  
 Thermis oppidum, 312. occupatur à  
 Ve-



Venetis. <sup>ibid.</sup>  
 Thyrea, 332. capta à Venetis. 333.  
 Topalius Classis Turcarum Præfectus,  
 55. in Æggum erumpit. <sup>ibid.</sup>  
 Toronaicus linus. 73.  
 Torone arx, 74. ejus descriptio, <sup>ibid.</sup>  
 occupatur à Venetis, <sup>ibid.</sup> everti-  
 tur. <sup>ibid.</sup>  
 Turcæ ob Piratarum cædem Reip. in-  
 festi, 9. denud componuntur, 10. A-  
 perto bello Remp. invadunt, 11. ad  
 Creticum bellum omni studio ani-  
 mum intendunt, 18. Urbem Cretam  
 aggredi statuunt, 20. prope Paron  
 in Venetos incidunt, & adverso even-  
 tu pugnant, 22. 23. 24. 25. & 26. Tur-  
 carum pavor ob amissam classem, 26.  
 & 27. bis prope Rhodum à Francisco  
 Mauroceno in fugam aguntur, 30.  
 cum Josepho Delphico Navium Præfe-  
 cto pugnant, sed magna suorum cæ-  
 de, 33. 34. Sinanum classis præfectum  
 eligunt, 51. pugnant ad Hellespon-  
 tum cum Laurentio Marcello, <sup>ibid.</sup>  
 sed penitus dissipantur, 52. Turcæ,  
 post victoriam ex Tenedo, ac Lemno,  
 ob Imperatoriam dignitatem in Mau-  
 rocenum collatam, quiescunt, 59. no-  
 vis munitionibus confirmant arces  
 Hellespontii, 84. Illyricum turbant,  
 112. ad conficiendum bellum Creti-  
 cum accenduntur, 113. 114. eorum  
 questus ob conditiones pacis ab Achme-  
 te Venetis datas, 197. 198. Nu-  
 merus cæsorum in Cretæ obsidione,  
 198. arma in Pannoniam vertunt,  
 215. Viennam obsident, <sup>ibid.</sup> pellun-  
 tur, <sup>ibid.</sup> 216. eorundem pavor ob in-  
 dictum à Venetis bellum, 220. arma,  
 militesque congerunt, 242. ob crebras  
 clades Byzantium variè turbatur, 280.  
 conditiones pacis frustra proponunt,  
 314. ingenti tumultu turbantur, 341.  
 Regem pellunt, <sup>ibid.</sup> non assentiunt  
 conditionibus pacis à Venetis prola-

tis, 364. 365. eorum pavor ob Mauro-  
 cenum quartum Imperatorem declara-  
 tum, 378. lætantur ob Mauroceni in-  
 teritum, 388.

## V

**V**alerius Uberus Eubææ muros ad-  
 oritur, 355.  
 Veneti bellum Piratis inferunt, 6. eor-  
 dem dissipant, 8. Detecto bello, quod  
 ab Hybraimo illatum est, se ad ar-  
 ma comparant, 11. Lætantur ob in-  
 flictam Turcis cladem prope Paron  
 insulam, 27. regium vexillum Tur-  
 carum in eadem pugna captum in  
 Decemvirovum Adibus reponunt, <sup>ib.</sup>  
 Tenedo, ac Lemno redimere Cy-  
 donem, & Rithymnam statuunt,  
 54. eorundem meror ob Lazari Mo-  
 cenici interitum, 57. Imperatorem  
 eligunt Franciscum Maurocenum,  
 58. student paci comparandæ, 68.  
 69. ut Cretam retineant, magis ac-  
 cenduntur ad bellum, <sup>ibid.</sup> Forum-  
 Julii muniunt, 109. agunt de pace  
 firmanda, sed frustra, 111. ob co-  
 gnitam Achmetis expeditionem in  
 Cretam, parantur ad bellum, 114.  
 altero Cretæ obsidionis anno arma,  
 militesque congerunt, 139. Aloy-  
 sium Molinum Equitem pacis confi-  
 ciendæ causa ad Turcas mittunt,  
 167. sed frustra, <sup>ibid.</sup> 168. lætan-  
 tur ob navalem victoriam de Tur-  
 cis à Mauroceno relatam, 153. po-  
 stea ob pacem ab eodem cum  
 Turcis firmatam 200. Imperii fines  
 novis præsiidiis muniunt, 201. Mauro-  
 cenum denud accusatum absolvunt,  
 211. 212. Forum-Julii muniunt, 216.  
 bellum Turcis inferre statuunt, <sup>ibid.</sup>  
 217. fœdus cum Cæsare, & Polonia  
 Rege ineunt, <sup>ibid.</sup> 218. arma parant,  
<sup>ibid.</sup> eorundem lætitia ob captam Leu-  
 cadem, 233. exercitum augent, 243.

Ecc 2 eri-



eriguntur ob Coronæ expugnationem, 269. 270. intentius arma parant, 279. non patiuntur Maurocenum ab exercitu discedere, 279. 280. eorum præconia in Maurocenum, 298. sensus ob expugnatam Naupliam, 313. lætitia ingens ob Patrarum, Naupactique victoriam, 326. 327. æreo simulacro, & Peloponnesiaci cognomento Maurocenum ornant, ibid. 228. eundem Principem eligunt, 342. condiciones pacis in medium afferunt; quibus Turcæ non assentiunt, 364. 365. de Mauroceno quartum Imperatorem eligendo conveniunt, 376.

eorundem mæror ingens ob interitum Mauroceni, 387. multa in extincti memoriam decernunt, 388. 389.

Vienna urbs, 215. obsidetur à Turcis, ibid. ab obsidione vindicatur, ibid.

Vincentius Rospiliosius, Pontificiarum tiremium Dux, Cretam deferere statuit, 177. Cretensium precibus non assentit, 194. ab Dia insula solvit ibid.

## Z

Z Arnata arx Peloponnesi, 271. obsidetur à Ténariis, ibid. expugnatur, 272.

## F I N I S.



NOI

405

# NOI REFFORMATORI

## Dello Studio di Padova.

**H**Avendo veduto per la fede di revisione ;  
& approbatione del P. F. Ambrosio Li-  
sotti Inquisitore, nel Libro intitolato *Francisci*  
*Mauroceni Peloponnesiaci, Venetiarum Principis ge-*  
*sta, Scriptore Joanne Gratiano*, non esservi cos'  
alcuna contro la Santa Fede Cattolica, &, pa-  
rimente per attestato del Secretario nostro, nien-  
te contro Principi, & buoni costumi, conce-  
demo licenza, che possi esser Stampato, offer-  
vando gl'ordini in materia di Stampe, e pre-  
sentando le solite copie alle Publiche Librarie  
di Venetia, & di Padova.

Data li 8. Marzo 1698.

(*Sebastiano Foscarini K. Procurator Refform.*

(*Girolamo Venier K. Refform.*

(*Francesco Cornaro Procurator Refform.*

Agostino Gadaldini Segretario.

Adi 21. Maggio 1698.

Registrata nel Magist. Eccel. degl' Esecutori contro la Bestemmia.

Antonio Canal Nodarò.



# Errata sic Corrige


406


	Pagin.	32.	Linea	21.	
onerarias		40.		26.	onerarias.
ob		41.		15.	ab
agrestium		49.		17.	agrestium
urbem		80.		22.	urbe
træcturas		96.		23.	træcturas
armique		112.		14.	armisque
Illyricum		124.		26.	Illyricum
aperavi		125.		14.	aperta vi
fogniùs		138.		4.	segniùs
strictis		139.		2.	strictius
admiratione		154.		24.	admiratione
sub, duci		158.		16.	subduci
ob		165.		8.	ab
questibus		139.		6.	questibus
ultrò		172.		28.	ultrà
præ propera		192.		18.	præopera
consensu		228.		1.	consensu
incommilitium		241.		14.	in commilitium
vestigia		253.		20.	vestigis
tumultur		259.		26.	tumultu
eluisset		283.		15.	eluisset
Rhium		295.		10.	Rhium
imperaverant		299.		26.	imperaverant
majorem		299.		29.	maiore
haud à Patris		299.		30.	haud procul à Patris
Rhium		299.		30.	Rhium
Antyrhium		301.		1.	Antyrhium
quartò		303.		12.	quartum
Palamidis		312.		21.	Palamedis
munimenta		318.		9.	munimento
habueret		321.		19.	habuere
viros		327.		5.	vicos
oppugnatione		329.		18.	expugnatione
ac subter eam		330.		25.	subter eam
consiliis		330.		21.	consilii
Septentionem		330.		23.	Septentrionem
Archaja		330.		27.	Achaja
diurni ciremqùe		331.		11.	diuturnioremque
cum aliquis		333.		23.	cum antiquis
visi		333.		27.	ducti
mutatu		348.		3.	mutatu
cursu		356.		2.	cursus
exercitum					exitum




603
























005644959



LB